



- MAG. 4190

BIBLIOTHECA MANUALIS ECCLESIAE PATRUM

COMPLECTENS

Illorum vitæ, & gestorum breviarium: Operum Synopsim: Illustriora
testimonia Dogmata, Mores, Disciplinam spectantia, & selecta
Vitæ spiritualis documenta.

O P U S

GALLICE EDITUM

A D. PETRO JOSEPHO TRICALETIO


PRESBYTERO, ET DOCTORE IN UNIVERSITATE VESONTIENSI,

LATIO DONATUM

NOTISQUE BREVIORIBUS ILLUSTRATUM

AB EUDOXIO PHILENIO S.T. PROFESSORE.


TOMUS SEPTIMUS.



BASSANI, MDCCLXXXIII.

SED PROSTANT
VENETIIS APUD REMONDINI.

Superiorum Permissu, ac Privilegio.



IN HOC
SEPTIMO TOMO
SEQUENTES CONTINENTUR
ECCLESIAE PATRES

S. GREGORIUS MAGNUS.

pag. 1

S. JOANNES DAMASCENUS.

303



T A B U L A

CAPITUM, ARTICULORUM, ET SUMMARIORUM

HUIUS SEPTIMI VOLUMINIS.

C A P U T XXVII.

S. Gregorius Magnus Papa, & Ecclesiæ Doctor.

A R T I C U L U S I.

Vita S. Gregorii Magni Papæ Breviarium.

pag. 1.

<i>S. Gregorii ortus.</i>	ibid.
<i>Prætor Romæ constituitur.</i>	2
<i>Monasticam vitam amplectitur.</i>	ibid.
<i>Anglorum conversionem sollicitat.</i>	3
<i>Diaconus eligitur.</i>	ibid.
<i>Constantinopolim Nuntius mittitur.</i>	4
<i>Abbas eligitur.</i>	ibid.
<i>Pelagii adiutor in scribendis epistolis.</i>	ibid.
<i>Pontifex eligitur anno 590.</i>	5
<i>Ejus sollicitudo erga alias Ecclesias.</i>	6
<i>Cura S. Pontificis.</i>	7
<i>Secessum querit.</i>	ibid.
<i>Joannis Patriarchæ Constantinopolitani iassum arguit.</i>	ibid.
<i>Missionarios in Angliam mittit.</i>	8
<i>S. Gregorius agrotat.</i>	10
<i>De instaurandis Basilicis cogitat.</i>	ibid.
<i>Moritur.</i>	ibid.

A R T I C U L U S II.

Præcipuorum S. Gregorii Operum Analysis.

13

<i>Præfatio generalis.</i>	14
<i>Liber 2. Edit. Venet. p. 40. Edit. Paris. p. 37.</i>	15
<i>Pars Secunda. Liber sextus.</i>	19
<i>Liber septimus.</i>	21

Li-

<u>Liber octavus.</u>	23
<u>Liber nonus.</u>	25
<u>Liber decimus.</u>	29
<u>pars Tertia Moraliū.</u>	31
<u>Liber undecimus.</u>	32
<u>Liber duodecimus.</u>	34
<u>Liber decimus tertius.</u>	36
<u>Liber decimus quartus.</u>	38
<u>Liber decimus quintus.</u>	41
<u>Liber decimus sextus.</u>	43
<u>Liber decimus septimus.</u>	46
<u>Liber decimus octavus.</u>	47
<u>Liber decimus nonus.</u>	50
<u>Liber vigesimus.</u>	52
<u>Liber vigesimus primus.</u>	55
<u>Liber vigesimus secundus.</u>	57
<u>Pars quarta Moraliū.</u>	59
<u>Liber vigesimus quartus.</u>	60
<u>Liber vigesimus quintus.</u>	61
<u>Liber vigesimus sextus.</u>	63
<u>Liber vigesimus septimus.</u>	65
<u>Moraliū Pars sexta & ultima. Liber vigesimus octavus.</u>	67
<u>Liber vigesimus nonus.</u>	69
<u>Liber trigesimus.</u>	71
<u>Liber trigesimus primus.</u>	73
<u>Liber trigesimus secundus.</u>	76
<u>Liber trigesimus tertius.</u>	78
<u>Liber trigesimus quartus.</u>	81
<u>Liber trigesimus quintus.</u>	84
<u>Regula Pastoralis Opus exaratum quanto in pretio habitum.</u>	86
<u>Prima partis analysis.</u>	87
<u>Analysis secunda partis.</u>	91
<u>Tertia partis Analysis.</u>	94
<u>Quomodo admonendi viri & famina, iuvenes & senes.</u>	95
<u>Quomodo inopes, & divites.</u>	ibid.
<u>Lati & tristes.</u>	ibid.
<u>Subditi & Praefules.</u>	ibid.
<u>Servi & Domini.</u>	96
<u>Sapientes & hebetes.</u>	ibid.
<u>Impudentes & veracundi.</u>	ibid.
<u>Protervi & pusillanimes.</u>	ibid.
<u>Impatientes & patientes.</u>	ibid.
<u>Benevoli & irvidi.</u>	97
<u>Simplices & versipelles.</u>	ibid.
<u>Incolumes & agri.</u>	ibid.
<u>Flagella metuentes, & contemnentes.</u>	98
<u>Taciturni & verbosi.</u>	ibid.
<u>Tricalet. Tom. VII.</u>	Pi-

<i>Pigri & precipites.</i>	99
<i>Manfueri & iracundi.</i>	100
<i>Humiles & elati.</i>	ibid.
<i>Perlinaces & inconstantes.</i>	101
<i>Intemperantes & abstinentes.</i>	ibid.
<i>Liberales & avari.</i>	ibid.
<i>Tenaces & sures.</i>	102
<i>Discordes & pacati.</i>	ibid.
<i>Iurgantes & pacifici.</i>	ibid.
<i>Rudes & docti.</i>	103
<i>Qui officium predicationis detrectant & qui occupant.</i>	ibid.
<i>Prosperari & infelices.</i>	ibid.
<i>Conjugati & caelibes.</i>	104
<i>Carnis confecti, & ignari.</i>	105
<i>Qui opere peccarunt & qui sola cogitatione.</i>	ibid.
<i>Qui a peccatis qua deflent, non abstinent, & qui abstinent, sed non deflent.</i>	106
<i>Qui illicita que faciunt, laudant.</i>	ibid.
<i>Qui peccata fatentur, nec tamen cavent.</i>	ibid.
<i>Qui subito motu & qui consulto peccant.</i>	ibid.
<i>Qui minimis, sed crebris noxis indulgent.</i>	107
<i>Qui minima caventes aliquando graviora committunt.</i>	ibid.
<i>Qui bona nec inchoant.</i>	ibid.
<i>Qui bona inchoata non complent.</i>	ibid.
<i>Qui mala clam, & bona palam faciunt, & vice versa.</i>	108
<i>Exhortatio 1.</i>	ibid.
<i>Exhortatio 2.</i>	ibid.
<i>Exhortatio 3.</i>	109
<i>Exhortatio 4.</i>	ibid.
<i>Exhortatio 5.</i>	ibid.
<i>Quarta partis Analysis.</i>	110
<i>Homilia in Ezechielem.</i>	ibid.
<i>Prioris homilia Analysis.</i>	111
<i>Homilia 2.</i>	112
<i>Homilia 3.</i>	113
<i>Homilia 4.</i>	ibid.
<i>Homilia 5.</i>	114
<i>Homilia 6.</i>	ibid.
<i>Homilia 7.</i>	115
<i>Homilia 8.</i>	116
<i>Homilia 9.</i>	117
<i>Homilia 10.</i>	119
<i>Homilia 11.</i>	120
<i>Homilia 12.</i>	122
<i>Part altera Homiliarum in Ezechielem.</i>	ibid.
<i>Homilia 1.</i>	123
<i>Homilia 2.</i>	124

<i>Homilia</i> 3.	125
<i>Homilia</i> 4.	ibid.
<i>Homilia</i> 5.	126
<i>Homilia</i> 6.	127
<i>Homilia</i> 7.	128
<i>Homilia</i> 8.	129
<i>Homilia</i> 9.	131
<i>Homilia</i> 10.	132
<i>Homilia S. Gregorii in Evangelia.</i>	133
<i>Libri primi Homilia</i> 1.	134
<i>Homilia</i> 2.	ibid.
<i>Homilia</i> 3.	135
<i>Homilia</i> 4.	ibid.
<i>Homilia</i> 5.	136
<i>Homilia</i> 6.	ibid.
<i>Homilia</i> 7.	ibid.
<i>Homilia</i> 8.	137
<i>Homilia</i> 9.	ibid.
<i>Homilia</i> 10.	138
<i>Homilia</i> 11.	ibid.
<i>Homilia</i> 12.	ibid.
<i>Homilia</i> 13.	139
<i>Homilia</i> 14.	140
<i>Homilia</i> 15.	ibid.
<i>Homilia</i> 16.	ibid.
<i>Homilia</i> 17.	141
<i>Homilia</i> 18.	142
<i>Homilia</i> 19.	143
<i>Homilia</i> 20.	ibid.
<i>Liber 2. Homiliarum Homilia</i> 21.	144
<i>Homilia</i> 22.	145
<i>Homilia</i> 23.	ibid.
<i>Homilia</i> 24.	146
<i>Homilia</i> 25.	147
<i>Homilia</i> 26.	ibid.
<i>Homilia</i> 27.	148
<i>Homilia</i> 28.	149
<i>Homilia</i> 29.	150
<i>Homilia</i> 30.	151
<i>Homilia</i> 31.	152
<i>Homilia</i> 32.	153
<i>Homilia</i> 33.	154
<i>Homilia</i> 34.	155
<i>Homilia</i> 35.	157
<i>Homilia</i> 36.	158
<i>Homilia</i> 37.	160
<i>Homilia</i> 38.	161

VIII

<i>Homilia 39.</i>	163
<i>Homilia 40.</i>	164
<i>Dialogorum libri.</i>	166
<i>Dialogorum Liber primus.</i>	169
<i>Dialogorum Liber secundus.</i>	173
<i>Dialogorum Liber tertius.</i>	175
<i>Dialogorum Liber quartus.</i>	179
<i>De epistolis S. Gregorii generales animadversiones.</i>	183
<i>Primi Libri epistola.</i>	184
<i>Liber secundus.</i>	193
<i>Liber tertius.</i>	196
<i>Liber quartus Indictione duodecima.</i>	197
<i>Liber quintus.</i>	199
<i>Liber tertius Epistolarum.</i>	204
<i>Liber quartus.</i>	207
<i>Liber quintus.</i>	210
<i>Liber sextus.</i>	213
<i>Liber septimus.</i>	217
<i>Liber octavus.</i>	222
<i>Liber nonus.</i>	224
<i>Liber decimus.</i>	231
<i>Liber undecimus.</i>	234
<i>Liber duodecimus.</i>	244
<i>Liber decimus tertius.</i>	245
<i>Liber decimus quartus.</i>	249
<i>De Sacramentario S. Gregorii.</i>	252
<i>Sacramentarii Gregoriani distributio.</i>	ibid.
<i>Missa Pontificalis.</i>	ibid.
<i>Lectiones, & Oblationes.</i>	254
<i>Canon Missæ & Communio.</i>	255
<i>Missa finis.</i>	257
<i>Alia Opera D. Gregorii dubia.</i>	260
<i>Expositio in lib. 1. Regum.</i>	ibid.
<i>Expositio Cantici Canticorum.</i>	261
<i>Expositio in septem Psalmos Pœnitentiales.</i>	262
<i>Concordia Testimoniorum S. Scripturæ.</i>	ibid.
<i>Editoris Veneti sententia exponitur.</i>	ibid.
<i>S. Paterii Opera.</i>	263

ARTICULUS III.

Præcipua D. Gregorii documenta, dogmata, mores & disciplinam spectantia. 264

<i>De Sacra Scriptura, ejusque divina inspiratione.</i>	ibid.
<i>De Prophetarum inspiratione.</i>	ibid.
<i>De libris Canonicis.</i>	ibid.
<i>De</i>	

<i>De Sacra Scriptura lectione.</i>	266
<i>De Conciliis.</i>	ibid.
<i>De Ecclesia.</i>	267
<i>De Primatu S. Petri.</i>	268
<i>De Sedis Apostolica auctoritate.</i>	269
<i>De Divinarum Personarum Missione & Sp. S. processione.</i>	270
<i>De duabus in Christo naturis & una Persona.</i>	ibid.
<i>De Gratia necessitate.</i>	271
<i>Semper timendum de aeterna salute.</i>	272
<i>De Angelis bonis & malis.</i>	274
<i>De primo homine.</i>	275
<i>De peccato originali.</i>	ibid.
<i>De baptismo Joannis & Christi.</i>	276
<i>De Ministro & tempore baptismi.</i>	277
<i>De Sacramento confirmationis.</i>	278
<i>De Eucharistie transubstantiatione.</i>	279
<i>De Oratoriis.</i>	280
<i>De Missarum celebratione, & communione.</i>	ibid.
<i>De Pœnitentia, Confessione, & potestate clavium.</i>	281
<i>De vera Pœnitentia.</i>	282
<i>De Censuris.</i>	ibid.
<i>De sacris Ordinationibus, & Clericorum residentia.</i>	283
<i>De vita & conversatione Episcoporum.</i>	284
<i>De Clericorum continentia & cœlibatu.</i>	285
<i>Pœna in Clericos incontinentes.</i>	ibid.
<i>De Matrimonio.</i>	286
<i>De cultu Sanctorum eorumque miraculis.</i>	287
<i>De Sanctorum Reliquiis.</i>	288
<i>De Purgatorio.</i>	ibid.
<i>De locis Inferni.</i>	289
<i>De pœnarum aeternitate.</i>	290
<i>De prædestinatione & reprobatione.</i>	291
<i>De concordia gratia & liberi arbitrii.</i>	292
<i>De Simonia.</i>	293

ARTICULUS IV.

Selectiora S. Gregorii M. Papæ Ascetica Vita documenta. 294

<i>Flagella utilia.</i>	ibid.
<i>Leſio ſpiritualis.</i>	ibid.
<i>Conſcientia portus quietis.</i>	ibid.
<i>Patientia in tribulatione.</i>	ibid.
<i>Judicii dies timendus.</i>	ibid.
<i>Piorum juſta judicia.</i>	ibid.
<i>Peccata ſemper deſtenda.</i>	ibid.
<i>Tenebre mentis quantæ.</i>	295

<u>Ira divina potestas.</u>	ibid.
<u>Interna gratia locutiones.</u>	ibid.
<u>Timor iustorum.</u>	ibid.
<u>Dei flagella iusta.</u>	ibid.
<u>Nullus plene iustus.</u>	ibid.
<u>Tempus redimendum.</u>	296
<u>Patientia necessaria.</u>	ibid.
<u>Modus servanda mansuetudinis.</u>	ibid.
<u>Ira alia recta, alia prava.</u>	ibid.
<u>Adversitates utiles.</u>	ibid.
<u>Fidei mira credenda, non scrutanda.</u>	ibid.
<u>Conformes divina voluntatis sumus.</u>	ibid.
<u>Correctio licet aspera utilis.</u>	297
<u>Cordis infirmitates.</u>	ibid.
<u>Operatio cum contemplatione.</u>	ibid.
<u>Contemplatio aliquibus noxia.</u>	ibid.
<u>Intercursus in Deum dirigenda.</u>	298
<u>Electorum timor.</u>	ibid.
<u>Non declinandum a recta via.</u>	ibid.
<u>Parum est quod finem habet.</u>	ibid.
<u>Vita hominis tentatio.</u>	ibid.
<u>Electis leves sunt pœna.</u>	ibid.
<u>De iustitie amissione timendum.</u>	299
<u>Divina misericordia necessaria.</u>	ibid.
<u>Timor iudiciorum Dei salutaris.</u>	ibid.
<u>Gratis accessus & recessus.</u>	ibid.
<u>Ægrotudo spiritualis nunquam deest.</u>	300
<u>Contra hypocritas.</u>	ibid.
<u>Laud Dei, non propria querenda in bono opere.</u>	ibid.
<u>Iusti peregrini in mundo.</u>	301
<u>Deus silendo laudatur melius quam loquendo.</u>	ibid.
<u>Timor salutaris.</u>	ibid.
<u>Avaritiæ dolus.</u>	ibid.
<u>Munera non querenda.</u>	302
<u>Judicia Dei.</u>	ibid.
<u>Dei deferentis, & misereantis effectus.</u>	ibid.
<u>Custodia cordis necessaria.</u>	ibid.
<u>Lex Christi caritas.</u>	ibid.
<u>Temporalia spernenda, aterna desideranda.</u>	303
<u>Caritas voluptatibus mortuos nos efficit.</u>	ibid.
<u>Carnis & spiritus fomenta.</u>	ibid.
<u>Sapientia Mundi fallax, Iustorum vera.</u>	ibid.
<u>Non sensus, sed affectus pensandus.</u>	ibid.
<u>Juvenes non pradicent.</u>	ibid.
<u>Ignorantia perniciosa.</u>	ibid.
<u>Flora mortua cur inserta.</u>	304

C A P U T XXVIII.

S. Joannes Damascenus Monachus, & Presbyter

Hierosolymitanus.

A R T I C U L U S I.

Vita S. Joannis Damasceni Breviarium.

305

Nativitas, & educatio S. Jo. Damasceni.

ibid.

Ejus apud Saracenos officia, & infortunium.

ibid.

In Monasterium secedit.

306

Obitus post ann. 754.

307

Ejus Opera, & Editiones.

ibid.

A R T I C U L U S II.

Opus S. Joannis Damasceni Analysis.

308

Dialectica Damasceni.

ibid.

Tractatus de Hæresibus.

ibid.

Mohamedanorum Secta.

309

De Iconoclastis.

ibid.

Fidei Professio.

310

De Fide Orthodoxa.

ibid.

Operis Analysis 1. & 2. libri.

311

Liber tertius.

312

Liber quartus.

314

Ejusdem libri continuatio.

315

Sermones Apologetici tres de Imaginibus.

316

Analysis primi Sermonis.

317

Sermonis secundi & tertii analysis.

321

Libri de recta sententia analysis.

323

Analysis Tractatus adversus Jacobitas.

324

Dialogus adversus Manichæos.

325

Disceptationes cum Sarraceno.

326

De Draconibus.

ibid.

De Sancta Trinitate.

ibid.

Epistola ad Jordanem de Trisagio.

ibid.

Epistola de Sanctis Jejunis.

329

Epistola de octo vitiis.

330

Tractatus de Virtutibus, & vitiis.

ibid.

De Institutione elementari.

331

Dissertatio contra Acephalos.

ibid.

Tractatus adversus Monothelitas.

332

Tractatus adversus Nestorianos.

ibid.

Com-

<i>Commentaria in epistolas D. Pauli.</i>	333
<i>Parallela.</i>	ibid.
<i>Homilia S. Joannis Damasceni.</i>	ibid.
<i>Homilia de Transfigurati.</i>	ibid.
<i>Homilia de Resurrectione Domini.</i>	334
<i>Sermo in Sancta Parasceve.</i>	ibid.
<i>Sermo in Sabbatum Sanctum.</i>	ibid.
<i>Homilia de Beata Virgine.</i>	ibid.

ARTICULUS III.

<i>Præstantiora Damasceni testimonia, Dogmata, Mores, & Fidem spectantia.</i>	336
---	-----

<i>De Sacra Scriptura.</i>	ibid.
<i>De Traditione.</i>	ibid.
<i>De Conciliis.</i>	337
<i>De Trinitate & Incarnatione.</i>	ibid.
<i>De Sacramentis.</i>	ibid.
<i>De Angelis.</i>	340
<i>De Gratia, & libero arbitrio.</i>	341
<i>De voluntate Dei salvandi omnes.</i>	ibid.
<i>De cultu Sanctorum Imaginis, & Crucis.</i>	342
<i>De duplici potestate spirituali, & temporalis.</i>	ibid.

ARTICULUS IV.

<i>Selecta Vita spiritualis documenta.</i>	343
--	-----

<i>Caritas virtutum apex.</i>	ibid.
<i>Eucharistia salutare effectus.</i>	ibid.
<i>Præsentia realis J. C. in Eucharistia.</i>	ibid.
<i>Crux adoranda.</i>	ibid.
<i>Imaginum cultus.</i>	ibid.
<i>Duplex potestas temporalis & spiritualis.</i>	ibid.
<i>Ecclesia immobilis.</i>	ibid.
<i>Oratio solitaria.</i>	ibid.
<i>Virgo Deipara.</i>	344
<i>Laus Deipara.</i>	ibid.
<i>Assumptio Deipara in Cælum.</i>	ibid.

I

BIBLIOTHECA
MANUALIS
PATRUM ECCLESIAE.

CAPUT XXXVII.

S. GREGORIUS MAGNUS

Papa, & Ecclesiae Doctor.



ARTICULUS PRIMUS.

Vita S. Gregorii Magni Papa Breviarium.



OMÆ ortum duxit D. Gregorius parentibus Gordiano, & Sylvia, genere præclarissimis & nobilissimis, & vitæ sanctitate conspicuis. Gordianus Senatorii ordinis ac ditissimus, Senatoria abdicata dignitate, & Clericalem amplexatus statum Regionarius fuit, ut conjectat Baronius (a) ex Joannis Diaconi narratione (b), idest unus ex Septem Diaconis Cardinalibus, qui dicti sunt Regionarii, quod certis urbis Regionibus præficerentur, & curam gerebant pauperum & hospitalium, quæ Diaconix dicebantur. Sylvia vero mater in Albo Sanctorum descripta, secessum sibi delegit juxta portam Basilicæ S. Pauli, quo in loco vulgo dicto *Cella nova* conditum est Oratorium ejus nomini dicatum. Utriusque parentis imagines pio animo penicillo exprimi curavit, servanturque usque in hodiernum diem in Monasterio S. Andreae. Quo anno lucem aspexerit S. Gregorius, potius conjecturis assequi potest, quam rationibus & monumentis certo statui; proinde in

Tricalet. Tom. VII. A annum

S. GREG. M.
S. Gregorii
ortus.

(a) *Ad annum 540.*
(b) *Lib. 4. n. 83.*

S. GRÆG. M.

annum 540. refertur. De ejus ingenio & studiis sic scribit Paulus Diaconus: „Disciplinis liberalibus, hoc est grammatica, rhetorica, dialectica ita a puero est institutus, ut quamvis eo tempore florescerent adhuc Romæ studia literarum, tamen nullus in Urbe iple secundus esse putaretur. Inerat ei in parva adhuc ætate maturum jam studium (a)“. Fatetur Gregorius iple, se græcum ignorasse idioma (b). At juris peritissimum, & consultissimum fuisse constat ex ejus epistolis, sed præsertim ex epistola 45. libri 13.

Prætor Romæ consultius.

Longobardi rapinis, incendiis, cædibus miseram repleverant Italiam. Urbes, ut iple scribit Gregorius (c), „depopulatæ ab ipsis, eversa castra; concrematae Ecclesiæ, destructa sunt Monasteria virorum ac sceminarum, desolata ab hominibus prædia“. Inter tot bellorum calamitates & clades Gregorius Prætoris boni officio functus est, & eodem tempore cum aliis nobilissimis viris subscripsit cautioni, seu promissioni, quam Laurentius Mediolanensis Episcopus de tribus famolis Capitulis ad Sedem Apostolicam miserat. Hoc contigit circa annum 574.

Monasticam vitam amplectitur.

Ob Patris obitum amplissimas consecutus jure hereditario opes sex in Sicilia monasteria construxit; septimum vero Romæ in propriis ædibus, hisque tantam delegavit terrarum copiam, quanta ad victum quotidianum præbendum sufficeret (d). Romæ vero constructum monasterium celebre, dictum S. Andrea ad Clivum Scauri, primo acceperunt Monachi Benedictini, sed tempore Joannis Diaconi Monachi Græci illud obtinuerunt, fortassis beneficio Stephani III. Modò Camaldulenses obtinent. In hoc monasterio primum in monasticis institutis patrem & doctorem habuit Hilarionem, postmodum Maximianum, qui ad Syracusanas insulas postea fuit assumptus. Monasticam vitam S. Gregorium amplexatum fuisse egregie & invictè probat adversus Baronium Mabillonius in vita S. Gregorii lib. 1. cap. 3. In Monasterio itaque constitutus „tanta (scribit Paulus Diaconus) perfectionis gratia cœpit conversari, ut jam tunc in ipsis initiis perfectorum posset numero deputari“. Abstinentiæ, jejuniis, aliisque poenitentiae operibus ita deditus erat, ut debilitato stomacho, & afflicta valetudine, brevi moriturus videretur (e). Inde contraxit „assiduas infirmitates, & maxime ea pulsatus, batur molestia, quam græco eloquio medici syncopem vocant, cuius incommodis ita dolore vitalium cruciabatur, ut crebris intercepturn angustias per singula pene horarum momenta ad exitum propinquaret (f)“; & tamen de intermissione jejunii magis quam de gravi dolebat infirmitate. Maxime vero moleste tulit, quod ipso sacratissimo Sabbato Paschæ pervigilio, in quo omnes etiam

(a) In vita Pauli Diacon. (b) Lib. 7. cap. 32.

(c) Lib. 3. Dial. cap. 38.

(d) In Vita Pauli Diacon. n. 4.

(e) Ibid. n. 5. (f) Ibidem.

etiam parvuli jejunarent, ipse a cibo abstinere non posse videtur. At suis assiduis precibus, & Eleutherii S. Andreæ monachi impetravit non solum ut eo die jejunare posset, sed, ut ipse scribit (a), „virtutem tantam ejus stomachus accepit, ut mihi fun- „ditus a memoria tolleretur & cibus & agritudo“. Cibus ejus legumina erant, quæ Sylvia mater eodem cibo victitans suppedita- bat & parabat, illique in scutella argentea mittebat, quam ipse, cum non aliud haberet quod pauperi petenti daret, illi largi- tus est.

„Dum die quadam advenientibus nuper mercatoribus (b) multa „venalia in forum Romæ collata fuissent, contigit & Gregorium „per forum transitum facere, ac vidisse inter alia pueros venales „positos lactei corporis, ac venusti vultus, capillos quoque præci- „pui candoris habentes. Quos cum aspiceret interrogavit, ex qua „gente essent, & num christiani; responsum, non esse christia- „nos, & ex Britannia insulis, unde Angli dicti sunt. At ille: „Bene, inquit, nam & angelicam habent faciem, & tales Ange- „lorum in Cælis decet esse cohæres: & cum rursus audisset eos esse ex provincia Deiri sita in Ducatu Eboracensi: „Bene, „subdit, de ira eruti, & ad misericordiam Christi vocati“. Nec mora; accedens ad Summum Pontificem Benedictum, rogavit ut geni- ri Anglorum aliquos verbi ministros, per quos ad Christum conver- terentur, mitteret; „asserens & seipsum in hoc opus Domino coope- „rante perficiendum paratum esse, si tamen ejusdem, hoc ut fieret, „complaceret (c). Annuit Papa ejus infatigabilibus precibus vi- „ctus“. At hoc ubi ad notitiam populi venit, Romani Summum Pontificem magno numero adeunt, & terribili voce conclamant (d): „Eja Apostolice, quid fecisti? S. Petrum offendisti. Romam de- „struxisti. Gregorium non tam dimisisti, quam expulisti“. His clamoribus motus Papa post eum summa cum festinatione, & obli- gationis, ut quantocius Romam rediret, interdictione direxit. „Itaque trium dierum confecto itinere sodales post brevem quie- tem, ut alacriter ceptam persequerentur viam hortabatur, cum „ecce adveniunt sudantibus equis a Summo Pontifice missi, offe- runtque epistolam, qua Gregorio præcipiebatur vestigia relegere, & „aclusum urbem revisere (e).

Romæ reversus summa omnium ordinum gratulatione receptus est, & in monasterium regressus novo fervore ad intermissos mona- stici instituti labores sese accingit. Verum cito a sua quiete ab- tractus a Summo Pontifice Diaconus septimus creatus est, tum ut ad altare ministraret, tum ut in partem pontificalis sollicitudinis suc- cederet: mos enim tunc temporis obrinebat, ut in Ecclesiæ guber- natione Diaconi Episcopo suum ministerium præstarent.

A 2

Non

(a) *Dialog. lib. 3. cap. 33.*(b) *In Vita Pauli n. 17.* (c) *Ibid. n. 18.*(d) *Ibid. n. 19.* (e) *In Vita lib. 1. cap. 4. n. 5.*

S. GREG. M.

Constantinopolim Nuntius mittitur.

Non multo post vero a Pelagio II. qui Benedicto vita functo tertio Kalend. Augusti anno 571. in Pontificatu successerat, Constantinopolim mittitur, ut inibi Aprocrisarii, sive Nuntii Sedis Apostolicæ munere fungeretur, quod contigisse creditur anno 578. vel sequente, quando Tiberius post Iustini obitum cœpit solus imperium moderari: „Mos enim erat Romanæ Ecclesiæ penes Imperatores habere negotiorum curatorem (hoc enim Aprocrisarii nomen denotat), cujus præsentia adeo ipsis grata erat, ut si forte missio differebatur, Imperatores, ut testatur Beda, de cunctatione conquererentur (a) “. Proficiscentem vero S. Gregorium secuti sunt multi ex monasterio fratres, „germana (ut inquit Jo. Diaconus (b)) caritate devincti, quod divina factum dispensatione conspicitur, ut eorum exemplo ad orationis placidum litus quasi anchoræ fune stringeretur, & dum casuarum secularium continuatis vertiginibus fluctuaret, ad illorum confortium, velut ad tutissimi portus sinum refugeret “.

Cum vero Constantinopoli S. Gregorius frequentius ratione sui muneris cum Eutychio Patriarcha regis urbis concertaret, eum illo detineri errore comperiit, ut crederet, & doceret, corpus nostrum in futura gloriosa resurrectione impalpabile ventis aëreque subtilius esse futurum, quem errorem & libro de resurrectione mortuorum conscripto evulgaverat. Hoc perversum dogma confundendum sibi assumpsit D. Gregorius, ne in regia urbe natum facilius in exterarum regiones propagaretur. Plures itaque habuit cum ipso Patriarcha collationes, quibus cum aliquando interfuisset Imperator, Gregorii doctrinam ita suo calculo comprobavit, ut librum Eutychii flammis abolendum decreverit. Patriarcha vero ita a suo errore respuit, ut paulo post „validissimis febribus æstuans, & cum morte conflixens pellem suam teneret, coram omnibus dicens: Confiteor, quia omnes in hac carne resurgemus “ (c). Obiit vero Eutychius mense Augusto anno 582.

Abbas eligitur.

Romam reversus S. Gregorius in monasterii sui portum iterum se recepit, ubi Abbatis officium, rogantibus, imo cogentibus fratribus, exercuit, succedens S. Maximiano ad Syracusanum Episcopatum assumpto. Sed otio & pace monasterii diu frui nequaquam concessum fuit Sanctissimo Abbati. Nam ut olim S. Hieronymus S. Damasus Papæ, sic ille Pelagio II. in scribendis epistolis adjutor fuit. Proinde trium epistolarum ad Eliam, & ad alios Iſtriæ Ecclesiæ Episcopos & filios pro trium Capitulorum causa tumultuantes scriptor ab omnibus habetur, cum unum sit illarum argumentum, unus scopus, stylusque plane non absimilis.

Pelagii adjutor in scribendis epistolis.

At pestilentia sublato Pelagio II. anno 590. sexto Idus Februarii, postquam Ecclesiam duodecim annis, & tribus fere mensibus rexerat, „Gregorium (d) licet totis viribus renitentem Clerus, „Sena-

{a} Lib. 11. hist. cap. 1. {b} Lib. 2. n. 26.
{c} Ibid. n. 30. {d} Ibid. n. 39.

Senatus, Populusque Romanus sibi concorditer Pontificem delegerunt. Quem ille apicem totis viribus evitare decernens, sese indignum tali honore clamitabat, videlicet metuens, ne mundi gloria, quam prius abiecerat, ei sub ecclesiastici colore regiminis aliquo modo subrepere potuisset: "Cum vero a Regum Gothorum Italiam obtinentium saltem temporibus usurpatum esset, ut electus Papa non federet, nisi accedente prius Principis confirmatione, licet Pontificis electio nonnisi ad Clerum, Senatum, Populumque Romanum spectaret, ea tamen non stabat, nec firma habebatur citra Imperatoris auctoritatem, & confirmationem. Quamobrem S. Gregorius Pontificatus onus detestans, Imperatori Mauritio, cujus filium ex lavacro sancto susceperat (a), latenter literas destinavit adjurans, & multa prece deposcens, ne unquam assensum populis præberet, ut se hujus honoris gloria sublimaret. Sed Præfectus urbis Germanus ejus nuntium anticipavit, comprehensumque, ac diruptis epistolis, consensum, quem populus fecerat, Imperatori direxit. At ille gratias agens Deo pro amicitia Diaconi, eo quod locum deferendi ei honoris, ut coplerat, reperisset, data præceptione, ipsum ordinari præcepit (b). Ut vero accepit interceptam fuisse suam ad Augustum epistolam, & aliam delatam, qua Præfectus Urbis eum de electione unanimi consensu facta, & de incredibili populi totius erga electum studio certior faciebat, sibi maxime timendum ratus de fuga quamprimum cogitavit: & cum ad portas Urbis sollicite excubaretur, ne evaderet, a negotiatoribus impetravit, ut in cratera occultatus educeretur extra Urbem (c). Sylvarum saltus expetiit, cavernarum latibula requisivit. In quibus dum ab omnibus summa sollicitudine quæreretur, indicio columnæ fulgidæ super se jugiter a cælo dependentis agnoscitur, capitur, trahitur, & apud B. Petri Apostolorum Principis Templum summus Pontifex consecratur (d). Servatur adhuc & legitur in Joanne Diacono fidei professio, quam in sua emisit consecratione. Et quidam Diaconus S. Gregorii Turonensis, qui Romæ aderat, quando mortuus est Pelagius, eique successor datus est S. Gregorius, ejus interfuerat ordinationi, omnia quæ narravimus in Gallias reversus annuntiavit.

Pontifex itaque assumptus & consecratus Aulæ faciem statim immutavit, & remotis a suo cubiculo (e) Secularibus, Clericorum sibi prudentissimos consiliarios, familiaresque delegit, inter quos Petrum Diaconum cœtaneum suum, cum quo postea disputans, quatuor Dialogorum libros composuit... Paterium æque Notarium, qui ex libris ipsius aliqua utilissima defloravit, & Joannem defen-

A 3

form,

S. GREG. N.

Pontifex elegitur anno 590.

(a) *Ibid.* n. 40.(b) *In Vita lib. 1. cap. 7. n. 1.*(c) *Ibid. lib. 1. cap. 7. n. 8.* (d) *Jo. Dian. lib. 1. n. 44.*(e) *Joan. lib. 2. n. 12.*

S. GREG. M.

„ forem, qui ejus jussu in Hispanias cognitor destinatus Janu-
 „ rium Episcopum Malacitanum Sedi propriæ restituit; Augustinum
 „ Monasterii sui Præpositum, & Mellitum, per quos Angelorum
 „ gentes ad Christianismi gratiam convocavit, Marinianum ejus-
 „ dem Monasterii sui Monachum, quem in Ravennati Metropoli
 „ Episcopum consecravit, & Probum, cujus probitas & sapientia
 „ sibi maxime erat comperta “. Cum his D. Gregorius diu no-
 „ ctuque versatus, nihil monasticæ perfectionis in palatio, nihil
 „ Pontificalis institutionis in Ecclesia dereliquit. Peregrinos & pau-
 „ peres hospitio excipiebat, & ut majori sollicitudine pauperum ne-
 „ cessitatibus & commodis prospiceret, omnia Ecclesiæ patrimonia
 „ solis Clericis procuranda & administranda commendavit. Cum enim
 „ sine liberis essent, futurum sperabat, ut pauperes in filios adopta-
 „ rent, ac susciperent. De spiritali cibo non minus quam de corpora-
 „ li filiis suis ministrando sollicitus, quamdiu per vires corporis li-
 „ cuit, Evangelia, & selectos quosdam Sacræ Scripturæ libros in
 „ publico cœtu exposuit. „ Gelasianum Codicem de Missarum so-
 „ lemnis, multa subtrahens, pauca convertens, nonnulla vero su-
 „ peradjiciens, pro exponendis evangelicis lectionibus in unius libri
 „ volumine coarctavit (a). Stationes per basilicas secundum quod
 „ hætenus plebs Romana quasi eo vivente certatim discurret, solli-
 „ cite ordinavit (b) “. Ecclesiasticum cantum expolivit, & can-
 „ tus scholam instituit, in uno collegit Antiphonario omnia, quæ de-
 „ cantari solent in Missis, luminaria adauxit, & Ministrorum nume-
 „ rum, & Subdiaconis lineas tunicas concessit in servitio Altaris :
 „ nihil denique omisit, quod ad Sacrificii celebrationem necessarium &
 „ decorum videri poterat.

Ejus sollici-
 tudo erga al-
 lias Eccle-
 sias.

„ Parum fuit Gregorio seipsum, domumque suam recte regere,
 „ vel etiam Romanæ Ecclesiæ singulariter spectatæ invigilare, nisi
 „ simul Christi gregi, cui auctoritate præerat, paterna caritate,
 „ ac sollicitudine providisset (c) “. præsertim Siciliæ Ecclesiis.
 „ Sicilia enim una erat ex suburbicariis provinciis, quæ Romano Epi-
 „ scopo immediate subdicebantur juxta canonem sextum Nicænæ Syn-
 „ nodi. Africanis quoque Ecclesiis a reliquiis Manichæorum, &
 „ Donatistarum turbatis suppetias tulit. Gennadium Patricium, &
 „ Exarchum Africæ rogavit, ut hæreticorum contra Ecclesiam catho-
 „ licam colla erigentium conatus comprimeret, ac superbas eorum
 „ cervices inflecteret, omnemque adimeret nocendi licentiam. Cum
 „ dissidentibus tamen in causa trium Capitulorum moderatione usus
 „ est, & indulgentia, quam & erga Judæos ostendit, scribens Termini-
 „ nensi Episcopo, „ qui illos de loco, in quem ad celebrandum festi-
 „ vitates suas convenire consueverant, expulerat, ut alium illis as-
 „ signaret locum, ubi libere possent religionis causa congre-
 „ , gari

(a) *Ibid.* n. 17.(b) *Ibid.* c. 18.(c) *In Vit. lib. 2. cap. 4. n. 1.*

„gari (a)“. Hæc omnia gessit Gregorius primo sui Pontificatus anno.

S. Greg. M.

Coræ G.
Pontificis.

In altero autem anno auctæ sunt S. Pontificis curæ & sollicitudines, Longobardis bellum, & cladem in Italiam inferentibus. Horum inimicorum strages, ruinas, devastationes graphice Romano Populo pingit in postrema sua super Ezechielem homilia, & in epistola ad Mauricium Imperatorem data. Romam tamen minime obtinere Longobardi, sed accepta magna vi auri, & argenti ab ea recessere.

Sub finem anni 593. vel insequentis initio S. Pontifex, ut quietem aliquam a tot laboribus & sollicitudinibus nancisceretur, in solitudinem secessit, quam sibi delegit in Monasterio S. Andreæ, non expedire arbitrans recessum ejus ab Urbe, ubi ea turbulenta tempestate erat quam maxime necessaria Pastoris præsentia. In eo vero recessu Dialogorum librum inter ipsum & Petrum Diaconum discipulum, & a secretis composuit. Plures etiam conscripsit epistolas pro variis Ecclesiæ negotiis componendis.

Secesum
quarrit.

Anno 589. Mense Junio Joannes Patriarcha Constantinopolitæus Œcumenici, sive Universalis Patriarchæ titulum sibi assumpsit in Concilio eodem anno habito, quod mox ut Pelagius Papa agnovit, directis epistolis auctoritate S. Petri Apostoli (b) ejusdem Synodi acta cassavit (c). Oblatum Romano Pontifici, nimirum S. Leoni Magno pro Beati Petri Apostolorum Principis honore Œcumenici titulum per venerandam Chalcedonensem Synodum testatur S. Gregorius (d). „Sed nullus, inquit, eorum unquam hoc singularitatis nomen assumpsit, nec uti consensit“. In Chalcedonensi sane Concilio lecti sunt nonnulli libelli supplices Pape oblati, in quibus hoc honorifico vocabulo insignitur, & in Act. „sexta Paschasius Episcopus unus ex S. Leonis Legatis habita coram Sancta Synodo oratione Summum Pontificem Œcumenicum appellavit“. Verum nec S. Leo, nec alii ante ipsum Pontifices usi hoc sunt honoris vocabulo, tum quod novum esset, tum quia vanitatem suadere videtur, cum ceteros Episcopos sua dignitate spoliaret, & unum tantum facere videatur Episcopum in tota Ecclesia. At non ita sentiebat Joannes Constantinopolitanus, qui D. Gregorio scribens, & acta ab ipso mittens contra Presbyterum de hæresi accusatum pluries, & fere tertio quoque verbo se Œcumenicum Episcopum appellavit. Ut vero fraternæ dilectionis ordinem teneret S. Gregorius, prius ipsum bis per Sabinianum Diaconum, & suum in Regia Apocrisariam admonuit, deinde & Marciano Imperatori, & Constantina Imperatrici scripsit, ut illius audaciam compescerent: cum vero in sua audaci usurpatione persisteret.

Joan. Patriarchæ
Constantinopolitani
factum arguit.

A 4

- (a) *Epistol. lib. 1. epist. 35.*
(b) *Joan. Diac. lib. 3. n. 52.*
(c) *In Vita lib. 3. c. 1. n. 1.*
(d) *Lib. 5. epist. 20.*

steret Joannes, præfato Sabiniano Diacono in mandatis dedit, ut
 S. GREG. M. ab ejus communione abstineret. Præterea ut cæteros Orientis
 Patriarchas ad ejus compescendam audaciam excitaret, epistolam om-
 nibus communem illis misit. Irrita tamen fuere S. Pontificis stu-
 dia; nam usque ad obitum in usurpatione nominis universalis Ep-
 iscopi perduravit.

Missionarios
 in Angliam
 mittit.

Anno vero 596. consilium, quod jamdiu in suo Monachatu con-
 ceperat de Anglorum conversione procuranda, perficere constituit.
 Augustinum itaque (a) cum aliis domus suæ Monasterii Monachis
 in Britanniam evangelizandi gratia destinavit. Quibus etiam in
 itinere constitutis, & de reditu ad Urbem cogitantibus sic scripsit:
 „ Quia melius fuerat bona non incipere, quam ab his, quæ cæpta
 „ sunt, cogitatione retrorsum redire: summo studio, dilectissimi fi-
 „ lii, oportet, ut opus bonum quod cæpistis, auxiliante Domino
 „ compleatis. . . . Remeanti autem Augustino Præposito vestro,
 „ quem & Abbatem vobiscum statuimus, in omnibus humiliter
 „ obedite “. Jussit autem multo ante Sanctissimus Pontifex
 Candido Gallicani patrimonii Rectori ex Anglorum gente compa-
 rari adolescentes ab annis decem & septem, vel decem & octo,
 & in monasteriis de fide, ritibusque Christianis edoceri ac erudiri,
 quorum postea ministerio ad gentis totius conversionem uteretur.
 Roma vero discesserat Augustinus, & Monachi, ut scribit Beda,
 mense Augusti anno 596. muniti commendatitiis epistolis datis Gal-
 liarum Episcopis (per Galliam enim erant iter habituri) & Bruni-
 childæ Reginæ, nec non Regibus Theodorico, & Theodeberto;
 erant autem omnes missi quadraginta. Horum aliquos præcipuis
 Augustinus cum Interpretibus ad Regem præmisit sui itineris, ad-
 ventusque causam exposituros (b). Eos perhumaniter excipiens Rex
 jussit, ut in eo quo appulsi erant loco aliquamdiu morarentur, do-
 nec quid factu opus esset decerneret, suppeditatis interea cunctis
 necessariis. Regnabat tunc Eribertus, cujus uxor erat Bertha
 Chorberty Francorum Regis filia, & Clotharii primi neptis, An-
 glo hac lege in matrimonium data, ut fidem Christianam retine-
 ret, ac libere profiteretur, a qua proinde aliqua de Christiana fide
 jam audierat. Post dies aliquot venit ad Insulam Rex, & sub dio
 residens, Augustinum ac socios ad colloquium accersivit. „ Caverat
 „ (c) autem (inquit Beda) ne in aliquam domum ad se introi-
 „ rent, ne superventu suo si quid maleficæ artis habuissent eum su-
 „ perando deciperent. At illi non dæmoniaca, sed divina virtute
 „ præditi veniebant Crucem pro vexillo ferentes argenteam, &
 „ imaginem Domini Salvatoris in tabula depictam, litaniasque
 „ cantantes“, a Deo salutem Regis, & Gentis, ad quos venerant,
 postulantes. Eos itaque Rex confedere fecit, & Augustinus impe-
 trata

(a) *Joan. Diac. lib. 2. n. 33.*

(b) *In Vit. lib. 3. cap. 4. n. 9.*

(c) *Beda lib. hist. 1. c. 20.*

trata loquendi licentia, Regi aperuit, se sociosque suos eo consilio advenisse, ut ipsum docerent, qua ratione post mortem gloriosus regnaret, immortalitatisque coronam consequeretur. Hujus primi colloquii fructus fuit potestas illi a Rege data, „ ut quæ vera, „ & optima eis viderentur, sibi & populis communicarent, & „ facultas concessa, ut quicumque Christo nomen dare vellent, „ ab illis susciperentur, & in fide instruerentur. Præterea locum „ assignavit in Dorrobernia, postea Cantuaria dicta, totius Regni Metropoli, ubi commode manerent, & quæ ad vitam necessaria forent, abunde suppeditari jussit (a). In concessa sibi sede „ Augustinus, ejusque commilitones Apostolicam nascentis Ecclesiæ „ vitam imitari cœperunt, cuncta mundi hujus velut aliena spernendo, & ea tantum quæ victui necessaria forent, ab eis, quos docebant, accipiendo, ut exemplis potius, quam verbis legis Christianæ sanctitatem commendarent. His innoxii illecebris illecti „ ad veritatis retia non pauci fidem in Christum amplexi sunt, „ quibus in antiqua S. Martini juxta Urbem Ecclesia, ubi Regina pro data sibi facultate sacra celebrari jubebat, Synaxes agere „ concessum est. At postquam Rex ipse credidit, & baptismum „ initiatus est, miraculorum, quibus Deus Servorum suorum doctri- „ nam, sanctitatemque confirmabat, invicto testimonio ultra reluctari non ferens, vetera Tempia diruta restaurare, ac nova ex- „ truere mira alacritate cœperunt Neophyti. Nimirum tanta tunc „ Ecclesiæ nascenti facta est accessio, Anglis Regis exemplum certatim sequentibus (licet ad Religionem neminem cogeret) ut „ eos prior Ecclesia minime caperet. Permisit præterea ut diruta Ecclesiæ restaurarentur. Fides enim Christiana jam Angliam pervaserat, licet Romanis semper fuerit impervia. Præterea in sua Metropoli Cantuariensi Episcopalem Sedem sibi concessit, assignatis ad hoc sufficientibus redditibus, & proventibus (b). Datam sibi a Gregorio provinciam tam feliciter auspiciatus Augustinus in Galliam trajecit, ubi a Germaniarum Episcopis consecratus est Episcopus, idest a S. Vigilio Arelateni Episcopo juxta facultatem a S. Gregorio illi datam, qui idcirco etiam illum inter Germanos recenset Episcopos, quia Burgundionibus præerat origine Germanis (c). Ad sua autem post acceptam episcopalem consecrationem reversus ipso Natalis die pluriusquam decem Anglorum millia lustralibus aquis tinxit. Mox duos ex Sodalibus, Laurentium & Petrum Romam misit, ut de omnibus, quæ gesta fuerant, certiores facerent Sanctum Pontificem, eumque de nonnullis questionibus interrogarent. Et quia in Anglorum Ecclesia Augustinus solus tunc erat Episcopus, licet canonibus indictum esset, ut Episcopo

S. GREG. M.

- (a) In Vit. lib. 3. cap. 4. n. 12.
 (b) In Vit. lib. 3. cap. 5. n. 1.
 (c) Ibid. n. 2.

scopo alterum consecranti duo alii adessent Episcopi, annuit Papa, ut ab illo solo Episcopi possent ordinari.

S. GREG. M.

S. Gregorius
agrorat.

Anno 598. gravata est adversa D. Gregorii valetudo, cœpitque pedibus ita laborare (a), ut (scribit ipse) vix in diebus festis usque ad horarum trium spatium surgere valeam, ac Missarum solemniam celebrare. Mox autem cum gravi pectoris dolore decumbere, ut cruciatum meum possim interrompente gemitu rolerare. Qui dolor interdum mihi lentus est, ut recedat, nec ita nimis ut interficiat. Unde fit, ut qui quotidie in morte sum, quotidie repellar a morte. Inter quos dolores (subdit) quid aliud (b) debemus, nisi semper delicta nostra ad memoriam revocare, atque Omnipotenti Deo gratias agere? Quoniam qui ex carnis blandimento multa peccavimus, ex carnis afflictione purgemur. Sciendum quoque est nobis, quia poena præfens, si animum afflicti convertit, finis est culpæ præcedentis. Si autem ad timorem Domini minime convertit, initium est poenæ sequentis. Curandum igitur nobis est, & summopere in fletibus tota mentis conversione vigilandum, ne de tormento ad tormenta transeamus. Considerandum quoque est, quanta erga nos dispensatione pietatis agat Conditor noster, quod morte dignos assidue percutit, & tamen adhuc minime occidit. Minatur enim quod facturus est, nec tamen facit, ut dolores nos percurrentes terreant, & conversos ad timorem districti iudicis ab ejus nos animadversione in vitæ termino abscondant. Quis enim dicit, quis enumerat, quanti in sua luxuria dimissi. . . usque ad diem obitus sui ita in hoc sæculo vixerunt, ut nunquam dolorem vel capitis paterentur, sed subito percussi ignibus inferni sunt traditi (c).

De instaurandis Basilicis cogitat.

Licet ob assiduas & ingravescentes infirmitates se diutius vivere non posse probe cognosceret S. Gregorius, conceptum tamen consilium (c) de instaurandis SS. Apostolorum Petri & Pauli Basilicis non abiecit, sed non ultra differendum iudicavit. Scripsit itaque Sabino Subdiacono res Ecclesiæ in Lucania & Brutiis curanti, ut his in provinciis trabes ad id operis necessarias pararet, atque ad mare advehendas curaret. Scripsit etiam ad Arogen Beneventanum Ducem constitutum a Rege Longobardorum, ut Sabino Diacono in hujus materiæ vestitura opem ferreret. Præterea multa prædia assignavit Basilicæ S. Pauli pro luminaribus. Extant in præfatis SS. Apostolorum Basilicis tabulæ marmoreæ, in quibus leguntur donationes de olivetis, & aliis fundis a S. Gregorio ipsis concessis. Tabula donationis factæ Basilicæ S. Pauli data est 9. Kalend. Februarii anni 604. Ipse vero obiit die 12. Martii gravibus oppressus infir-

Moritur.

(a) Lib. 10. epist. 35.

(b) Lib. 11. epist. 36.

(c) In Vit. Lib. 4. cap. 6. n. 1.

infirmatibus, & sollicitudinibus innumeris omnium Ecclesiarum, sepulchrumque est absque ulla pompa, ut iusserat, in extrema (a) porticu Basilicæ B. Petri Apostoli ante vetus Secretarium, quo videlicet Leo, Simplicius, Gelasius, atque Symmachus Apostolicæ Sedis Episcopi cum nonnullis aliis tumulati sunt. Servatur ipsius Palium, & Phylacteria (idest Crux pectoralis Reliquiis referta) tenui argento fabricata, & baltheus: Voluit (inquit Jo. Diaconus) (b) suam similitudinem depingi in suo venerabili Monasterio S. Andreae una cum imaginibus suorum parentum, in qua posset a suis Monachis, non pro elationis gloria, sed pro cognitiæ districtiōnis cautela frequentius intueri. Sic autem ejus corporis habitum describit: „Statura justa & bene formata erat, facie de paternæ
 „faciei longitudine, & maternæ rotunditate medie temperata...
 „barba paterno more subfulva, & modica: ita calvaster, ut in
 „medio frontis gemellos cincinnos variusculos habeat, & dextror-
 „sum reflexos: corona rotunda, & spatiosa... fronte speciosa,
 „elaris & longis, sed exilibus superciliis; oculis pupilla furvis,
 „non quidem magnis sed patulis, ... ore rubeo, crassis & sub-
 „dividuis labiis, genis compositis, mento a confinio maxillarum
 „decibiliter prominente, colore aquilino & vivido, vultu mitis,
 „manibus pulcris, teretibus digitis, & habilibus ad scribendum.
 „Præterea planetam super dalmaticam castaneam gestabat in sua
 „effigie, evangelium in sinistra, modum crucis in dextra“. Ita,
 „inquam, illud, ut in imagine viderat, nobis depingit Gregorium
 „Joannes Diaconus, at non ita facile ejus virtutes valuisset exprimere
 „æquanimitem tum in prosperis, tum in adversis, ardens studium
 „divinæ gloriæ, caritatem teneram & ardentem erga suas oves, pro-
 „fundam humilitatem, eximiam modestiam, temperantiam, pruden-
 „tiam, cæteraque eximia animi ornamenta. De illo sic scribit S. Il-
 „dephonsus (c): Vicit sanctitate Antonium, eloquentia Cyprianum,
 „sapientia Augustinum, adeo ut omnes antiquiores clarissimos viros
 „ita superaverit, ut nullus illi par possit reperiri. Magni titulus
 „illi communiter in Ecclesia concessus ejus meritis omnino re-
 „spondet.

Opera ab ipso exarata hic enumerantur: Libri triginta duo in Job: bini in Ezechielem; totidem in Evangelia, Liber Pastoralis inscriptus, quatuor dialogorum libri. His accedunt quamplurimæ epistolæ numero 840. in libris quatuordecim collectæ. Commentaria in priores Regum libros, in Cantica Canticorum, & in septem Psalmos Pœnitentiales, prout modo extant, non prorsus genuina esse videntur. Sacramentarii quoque solus auctor dici non potest, cum Gelasianum Sacramentarium solum auxerit, & emendaverit. Plures habentur hujus S. Pontificis Operum editiones, quas

(a) Joan. Diac. lib. 4. n. 68.

(b) Ibid. lib. 4. n. 84.

(c) Lib. de Viris illustr. cap. 1.

S. GREG. XI.

quas recensent Maurini, & Fabricius; præcipue vero illa a Petro Guffanvillaro Presbytero Parisiensi edita anno 1675., cui alia accessit Editio Parisina quatuor in folio voluminibus edita a PP. Benedictinis Congregationis S. Mauri, procurante summo studio Dionysio a S. Martha, qui & ejus vitam præmisit, sicut & aliam a Paulo Diacono a Secretis Desiderii Longobardorum Regis, & postea Monachi in monte Cassino scriptam sub finem sæculi octavi, & aliam a Joanne Diacono conscriptam sæculo nono. Præter has recentiores Editiones, alia novissima in lucem prodiit Venetiis Tomis decem & septem in quarto, opera & studio Clarissimi Viri Jo. Baptistæ Gallicciolli Veneti Presbyteri, qui impulsus adhortationibus, & adjutus consiliis sapientissimis, & saluberrimis Illustrissimi, ac Reverendissimi Hieronymi Gradonici Archiepiscopi Urinensis, hanc novam adornavit Editionem, in qua plura præstitit opportuna, & utillima: nimirum contulit iterum S. Gregorii Opera cum MM. SS. Codicibus Cardinalis Bessarionis in Marciana Bibliotheca servatis, edita ab aliis viris Opuscula in subsidium adhibens. In Liturgiis plurima in melius mutavit, præfationem addidit ad rem Liturgicam illustrandam. Responsoriale a Thomasio editum, & Muratorianum Sacramentarium iterum edidit. Epistolas eodem ordine, sed castigatiores exhibet. Denique Sanctum Paternum dedit non mutilum, ut hucusque prodierat, sed majori sui parte auctum, ac pene integrum. Hac ego utar Editione: ad commodum tamen Lectorum in margine etiam Sammarthanæ Editionem indicabo. In Veneta Editione addita sunt etiam 1. Vindicie S. Gregorii Papæ adversus criminationes Casimiri Oudini. 2. Dissertatio de nova S. Gregorii Magni Editione procuranda a præfato Clarissimo Archiepiscopo Gradonico elucubrata.

S. Gregorii Magni Opera in italicum translata sermonem hæc circumferuntur. I. *Libri Moralium*, partim a Zenobio Strata, partim ab aliis versi prodierunt Florentiæ per Nicolaum Laurenti de Alemania 1486. Iterum Romæ distinctis annis in quatuor Tomos distributi. Primus Tomus prodiit 1714. Secundus 1721. Tertius 1725. Quartus 1730. Item Neapoli apud Joannem de Simone 1745. & 1746. II. *Dialogorum Libri* in italicam linguam translati a Magistro Leonardo de Utino prodire Venetiis 1475. Iterum Mantuæ per Dominicum Rhochocera 1481. Iterum Venetiis per Andream Torsani 1487. Iterum Cajetæ per Magistrum Justum 1488. Iterum Florentiæ per Jo. Stephanum Caroli Papiensem 1515. Iterum Venetiis per Cæsarem Arivabene 1518. Iterum ibidem per Dominicum Zio & Fratres 1528. Iterum, sed versi per Torrellum Fola Canonicum Fesulanum. Venetiis per Christophorum Zanetti 1575. Iterum versi a Joanne M. Tarfia Florentino ibidem 1582. Iterum ibidem apud heredes Petri Dauchini 1586. Iterum per Jo. Bonfadium 1599. Iterum per eundem 1606. III. *Homiliæ italicæ* ab Anonymo versæ prodire Venetiis per Franciscum Bondoni, & Mapheum Pasini 1543. Sunt & nonnullæ in Collectione Florimontana, de qua in Vita S. Augustini. IV. *Vita S. Benedicti* scri-

scripta a S. Gregorio primum gallice versa a D. Iosepho Mige Monacho Cassinensi, deinde latine ab alio Cassinensi prodiit Ve-
 neris apud Christophorum Zane 1733. Legitur etiam in Vitis tre-
 decim Confessorum italice editis a P. Joanne Petro Maffei. Bri-
 xie apud Vincentium Sabbio 1595. V. Desiderabatur italica versio
Pastoralis, quam frustra quaesieris ante annum 1766. Licet enim ab
 Argelato Tom. 2. pag. 223. laudetur quaedam itala versio sæculi
 quintidecimi, hæc tamen typis impressa nunquam apparuit, sed in
 Bibliothecis manuscripta delitescit. Ab præfato anno R. P. Le-
 ctor Joannes Petrus Zeviani Veronensis Concellita meus, quem
 licet duobus ab hinc annis fato functum (hæc scribo anno 1777.)
 adhuc iugeo, italiam hujus eximii Operis versionem, suo tamen reticito
 nomine, edidit & Joanni Bragadeno tunc Venetiarum Patriarchæ
 dedicavit. Typis prodiit Veronæ apud Moronum 1766. Versio ele-
 gans & fidelis tum Auctoris tum Interpretis digna. Hocce erga
 Concellitam suavissimum amoris mei pignus & argumentum poste-
 ritati lubens relinquo.

ARTICULUS SECUNDUS.

Præcipuorum S. Gregorii Operum Analysis.

INTER S. Gregorii Opera ratione temporis locum obtinent
 Moralia, sive libri Job Moralia Commentaria. Hoc opus,
 ut ipse scribit, S. Gregorius non sponte suscepit, sed precibus mo-
 tus suorum Concellitarum, quos secum Constantinopolim munus
 Apocryphæ Sedis Apostolicæ gesturus adduxerat, „ad quorum con-
 „sortium (scribit) veluti (a) ad tutissimi portus sinum terreni
 „actus volumina fluctusque fugiebam: ... & inter eos per studiose
 „lectionis alloquium, quotidianæ me adspiratio compunctionis a-
 „nimabat... Idem autem placuit, ut librum Beati Job exponere
 „importuna me petitione compellerent; & prout veritas vires in-
 „funderet, eis mysteria tantæ profunditatis aperirem. Qui hoc
 „quoque mihi in onere suæ petitionis addiderunt, ut non solum
 „verba historiarum per allegiarum sensus excuterem, sed allegoria-
 „rum sensus protinus in exercitium moralitatis inclinarem; adhuc
 „aliquid gravius adjungentes, ut intellecta quæque testimoniis cin-
 „gerem; & prolata testimonia si implicata fortasse viderentur, in-
 „terpositione superadditæ expositionis enodarem“. Difficillimum
 cognovit tantum laborem suscipere: quamobrem subdit: „Mox
 „vero

(a) In Epistola Operi præmissa cap. 1.

S. GREG. M.

„ vero (a) ut in obscuro hoc opere, atque ante nos hæcenus in-
 „ disquisito, ad tanta me pertrahi ac talia cognovi, solo auditus
 „ pondere victus, fateor, lassatusque succubui. Sed repente inter
 „ formidinem, devotionemque deprehensus, cum in largitorem mu-
 „ nerum oculos mentis attollerem, cunctatione postposita, illico
 „ certus attendi, quia impossibile esse non poterat, quod de frater-
 „ nis mihi cordibus caritas imperabat . . . Coram itaque positis
 „ fratribus, priora libri sub oculis dixi: & quia tempus paulo
 „ vacantiùs reperi, posteriora tractando dictavi. Cumque mihi
 „ spacia largiora suppeterent, multa augens, pauca subtrahens,
 „ atque ita ut inventa sunt nonnulla derelinquens „ integrum
 „ Commentarium in libros trigintaquinque divisum in sex volumini-
 „ bus explevit.

In Præfat.
 generali Ed.
 V. Tom. I.
 par. 7. Edit.
 Paris. ann.
 1705. pag. 7.

In præfatione itaque generali Commentario præfixa expositis di-
 verforum Auctorum sensibus de libri Job Scriptore, quem nonnulli
 Moysen, alii unumquemlibet ex Prophetis fuisse arbitrantur, sub-
 dit: „ Sed quis (b) hæc scripserit, valde supervacue quaeritur:
 „ cum tamen auctor libri Spiritus Sanctus fideliter credatur. Ipse
 „ igitur hæc scripsit, qui scribenda dictavit. Ipse scripsit, qui &
 „ in illius opere inspirator extitit, & per scribentis vocem imitan-
 „ da ad nos ejus facta transmisit. Arbitratur tamen verius,
 „ quod idem Beatus (c) Job, qui certamina spiritualis pugnae sus-
 „ tinuit, etiam consummatae suae victoriae gesta narravit. Nec
 „ (subdit) movere debet quod in eodem libro dicitur, *Dixit*
 „ *Job: vel, hæc atque illa pertulit Job*. Moris enim Sacrae Scri-
 „ pturae est, ut ipsi qui scribunt, sic de se in illa quasi de aliis
 „ loquantur. Hinc est enim quod Moyses ait: *Erat Moyses vir*
 „ *mitissimus super omnes homines, qui morabantur in terra* (d).
 „ Hinc Joannes dicit: *Discipulus ille, quem diligebat Jesus* (e).
 Animadvertit deinde, Deum S. Job exemplum posuisse, ad confu-
 „ tandam (f) impudentiam nostram, dum gentilis homo ad ex-
 „ emplum deducitur; ut quia obedire homo legi sub lege positus
 „ despicit, ejus saltem comparatione evigilet, qui sine lege legali-
 „ ter vixit . . . Homo gentilis (g), homo sine lege, ad medium
 „ adducitur, ut eorum qui sub lege sunt, pravitas confundatur.
 „ Ostendit deinde, Job virtutem suam supra modum perfecisse, dum
 „ devotus Deo inter flagella permansit (h); & cum illum expe-
 „ tisset hostis, ut consumeret, tentando egit, ut ejus merita auge-
 „ ret. Cum autem scriptum sit: *In omnibus his non peccavit*
 „ *Job labiis suis*, falluntur, dum quaedam verba responsum il-
 „ lius imperitis lectoribus aspera resonant . . . & credunt (i)
 „ B. Job

- (a) Cap. 2. (b) *Ibid.* c. 1. n. 2.
 (c) *Ibid.* n. 3. (d) Num. 12. 3.
 (e) Joan. 21. 7. (f) Cap. 2. n. 4.
 (g) Num. 5. (h) Cap. 3. n. 7.
 (i) *Ibid.* n. 8.

„ B. Job in suis sermonibus deliquisse : minus caute intuentes ,
 „ quia si Beati Job responsa redarguunt , falsam etiam de eo Domini . S. GREG. M.
 „ ni sententiam fuisse testantur “ .

His præmissis progreditur D. Gregorius ad textum Job explicandum , & quidem secundum triplicem sensum litteralem , moralem , & allegoricum . Et primo verba illa , *Vir erat in terra Hus nomine Job* , explicans scribit : „ Idcirco (a) sanctus vir ubi habitavit dicitur , ut ejus meritum virtutis exprimatur . Hus namque quis nesciat quod sit terra Gentilium ? . . . Dicatur itaque ubi habitavit , ut hoc ejus laudibus proficiat , quod bonus inter malos fuit . Neque enim valde laudabile est bonum esse cum bonis , sed bonum esse cum malis “ . Nati quoque ejus septem filii & tres filiae enumerantur , quia „ sæpe (b) ad avaritiam cor parentis illicitæ secunditas prolis . Eo enim ad ambitum congregandæ hereditatis accenditur , quo multis hæredibus succundatur . Ut ergo beati Job quam sancta mens fuerit , ostendatur : & justus dicitur , & multæ prolis pater fuisse perhibetur . Qui in libri sui exordio devotus in sacrificiis offerendis asseritur : promptus autem largitibus etiam post a semetipso memoratur . Pensamus ergo quanta fortitudine præditus extitit , quemadmodum hereditatis tenaciam nec tot hæredum affectus inclinavit “ . Dicitur S. Job de filiorum salute sollicitus , quotiescumque pertransibant dies convivii , quod fratres simul & sorores habebant , mittere consuevisse , ut eos sanctificaret offerens holocausta pro singulis . Holocaustum autem moraliter explicans S. Gregorius scribit : „ Holocaustum (c) totum incensum dicitur . Holocaustum igitur dare , est totam mentem igne compunctionis incendere , ut in ara amoris cor ardeat , & quasi delicta propriæ sololis , inquinamenta cogitationis exurat “ .

In præfatione vero secundi libri (d) observat 1. quod “ Sacra Scriptura non solum nobis Sanctorum virtutes asserit , sed etiam casus innotescit , ut & in victoria fortium , quod imitando arripere , & rursum videamus in lapsibus , quod debeamus timere “ : 2. De Sanctis Angelis loquens , inquit , cur de illis dicatur , *Cum venissent , ut assisterent coram Domino* : „ Si enim (scribit) semper vident (e) , & semper assunt , vigilantia cura querendum est , unde veniunt , qui nunquam recedunt “ . Respondet vero : „ Cum de illis per Paulum dicitur : *Nonne omnes (f) sunt administratorii spiritus in ministerium missi propter eos , qui hereditatem capiunt salutis* ? per hoc , quod missos cognoscimus , unde veniant invenimus “ . Ac subdit : „ Quomodo semper assistere , aut videre semper faciem Dei possunt , si ad ministerium exterius pro nostra salute mittuntur “ ? Quætionem vero solvit statim

Liber 2. Edit. Venet. pag. 40. Edit. Paris. pag. 37.

(a) Lib. 1. c. 1. n. 1. (b) Ibid. c. 4. n. 5.
 (c) Ibid. c. 35. n. 49. (d) Lib. 2. cap. 1. n. 1.
 (e) Ibid. c. 3. n. 3. (f) Hebr. 1. 14.

S. GREG. M.

statim dicens: „ In hoc est natura angelica a naturæ nostræ conditione distincta, quod nos & loco circumscribimur, & cæcitate ignorantia coarctamur: angelorum vero spiritus loco quidem circumscripi sunt, sed tamen eorum scientiæ longe super nos incomparabiliter dilatantur . . . Quid enim de his quæ scienda sunt, nesciunt, qui scientem omnia sciunt? . . . Et mittuntur igitur, & assunt: quia & per hoc quod circumscripti sunt, exeunt; & per hoc quod intus quoque præsentem sunt, nunquam recedunt. Et faciem ergo Patris semper vident, & tamen ad nos veniunt; quia & ad nos spiritali præsentia foras exeunt, & tamen ibi se, unde recesserant, per internam contemplationem servant. Dicatur ergo: *Venerunt filii Dei, ut assisterent coram Domino*. Quia illuc spiritus conversione redeunt, unde nulla mentis aversione discedant “.

Inquit deinde „ quomodo (a), inter electos Angelos Satan adesse potuerit . . . Scriptum est: *Beati mundo corde, quoniam ipsi Deum videbunt* (b). Satan vero, qui mundo corde esse non potest, quomodo ad videndum Deum adfuisse potest “? Respondet: „ Intuendum est (c), quia adfuisse coram Domino, non autem Dominum vidisse perhibetur. Venit quippe, ut videretur, non ut videret. Ipse in conspectu Domini, non autem in conspectu ejus Dominus fuit: sicut cæcus cum in sole consiluit, ipse quidem radiis solis perfunditur, sed tamen lumen non videt, quo illustratur “.

Observat vero, Satan nocere nobis non posse, nisi quantum illi a Domino conceditur; quamobrem scribit (d): „ Satanæ voluntas semper iniqua est, sed nunquam potestas injusta: quia a semetipso voluntatem habet, sed a Domino potestatem. Quod enim ipse facere inique appetit, hoc Deus fieri non nisi iuste permittit. Unde bene in libris Regum dicitur: *Spiritus (e) Domini malus irruerat in Saul*. Ecce unus idemque spiritus, & Domini appellatur, & malus: Domini videlicet per licentiam potestatis iustæ: malus autem per desiderium voluntatis injustæ “.

Explicans illa verba: *Egressusque est Satan a facie Domini*, inquit: „ Quo enim (f) exitur ab eo qui ubique est “? Respondet vero: „ Quamdiu Satan pressus maiestatis potentia, appetitum suæ malitiæ exercere non valuit, quasi ante faciem Domini stetit. A facie autem Domini exiit; quia relaxatus divinitus ab internæ retentionis angustia, ad sui desiderii effectum venit “.

Exponens vero illa verba: *Cum quadam die filii, & filia ejus comederent, & biberent vinum in domo fratris sui primogeniti*, observat, esse quædam tempora tentationibus congrua, scribens:

„ Tunc

(a) *Ibid.* c. 4. n. 4. (b) *Matth.* 5. 8.
(c) *Ibid.* n. 5. (d) *Ibid.* c. 10. n. 17.
(e) 1. *Reg.* 18. 10. (f) *Ibid.* c. 12. n. 21.

„ Tunc (a) quippe diabolus tentandi tempus elegit, quando beati
 „ Job filios in convivio invenit. Neque enim solummodo intue- S. GREG. M.
 „ tur hostis, quid faciat, sed etiam quando faciat. Nam quam-
 „ vis potestatem acceperit, aptum tamen ad subversionem tempus
 „ exquisivit: ut videlicet nobis Deo dispensante proderetur, quia
 „ prænuntia tribulationis est lætitia satietatis “.

Ad verba autem illa: *Tunc surrexit Job, & scidit vestimenta sua*, sic scribit (b): „ Nonnulli magnæ constantiæ philosophiam
 „ putant, si disciplinæ asperitate correpti, ictus verberum, dolores-
 „ que non sentiant. Nonnulli vero tam nimis percussionum flagella
 „ sentiunt, ut immoderato dolore commoti, etiam in excessum
 „ linguæ dilabantur. Sed quisquis veram tenere philosophiam ni-
 „ titur, necesse est ut inter utraque gradiatur. Non est enim pon-
 „ dus veræ virtutis, insensibilitas cordis . . . Rursus virtutis cu-
 „ stodiam deserit, qui dolorem verberum ultra quam necesse est
 „ sentit. . . Beatus itaque Job (c), quia veræ philosophiæ regu-
 „ lam tenuit, contra utraque mira se æquitatis arte servavit: ut
 „ nec dolorem non sentiens, flagella sperneret: nec rursus ultra
 „ modum dolorem sentiens, contra iudicium flagellantis insaniret.
 „ Cunctis enim rebus perditis, cunctis liberis amissis, surrexit,
 „ scidit vestimenta sua, & tonso capite corruens in terram adora-
 „ vit. Quod vestimenta scidit, quod tonso capite in terram cor-
 „ruit, monstrat nimirum, quia flagelli dolorem sensit. Quod vero
 „ posito adjicitur, *Adoravit*, aperte ostenditur, quia & in dolore po-
 „ situs contra flagellantis iudicium non excessit “.

Verba vero: *Nudus egressus sum de utero matris meæ, & nu-
 dus revertar illuc*, sic ad litteram interpretatur (d): „ Quia ju-
 „ dicante Domino, cuncta amiserat, pro servanda patientia illud
 „ tempus ad memoriam reduxit, quo necdum ista, quæ perdidit,
 „ habebat: ut dum intueretur quod aliquando illa non habuit, do-
 „ lorem temperet quod amisit. Magna enim consolatio est in re-
 „ rum amissione, illa tempora ad mentem reducere, quibus nos
 „ contigit res, quas perdidimus, non habuisse “.

Quam bene autem dixerat S. Job: *Dominus dedit, Dominus ab-
 stulit*, ostendit S. Gregorius subdens (e): Sanctus vir, tentante
 „ adversario, cuncta perdiderat; sed tamen sciens, quia contra se
 „ Satan tentandi vires, nisi permittente Domino, non habebat,
 „ non ait: Dominus dedit, diabolus abstulit; sed *Dominus dedit,
 „ Dominus abstulit* . . . Beatus itaque Job (f) percussus damno
 „ rerum, percussus morte filiorum, quia vim doloris vertit in lau-
 „ dem conditoris dicens: *Dominus dedit, Dominus abstulit, sit no-
 „ men Domini benedictum*, superbum hostem humiliavit, crudellem
 „ patientia stravit “.

Tricalet. Tom. VII.

B

Quan-

(a) Ibid. cap. 13. n. 22. (b) Ibid. cap. 16. n. 28.

(c) Num. 20. (d) Cap. 17. n. 30.

(e) Cap. 18. n. 31. (f) Num. 32.

S. GREG. M.

Quando vero Job maledixit diei, in qua natus est, non esse ejus verba litteraliter accipienda docet (a): „ quomodo enim maledictioni „ subesse potest, quod nullo modo existit? modus quippe temporis „ est, ut illatum non habeat mansionis ... Quia igitur verba hæc in „ superficie a ratione discordant, ipsa jam littera indicat, quod in „ eis Sanctus vir juxta litteram nihil dicat “. Quomodo vero sint intelligenda, exponit subdens: Quid debet (b) per diem nativita- „ tis, nisi omne hoc tempus nostræ mortalitatis intelligi? Quod „ quamdiu nos in hac nostræ mutabilitatis corruptione retinet, „ æternitatis nobis incommutabilitas non apparet. Qui igitur „ diem jam æternitatis videt, ægre diem suæ mortalitatis sustinet. „ Et notandum quia non ait: *Pereat dies, in qua conditus*, sed „ *Pereat dies, in qua natus sum*. In die quippe iustitiæ homo est „ conditus, sed jam in tempore culpæ natus. Adam enim condi- „ tus, sed Cain primus natus est. Quid est ergo diei nativitatis „ maledicere, nisi aperte dicere: dies mutabilitatis pereat, & lu- „ men æternitatis erumpat “? Hinc ostendit (c) „ quod Jobi „ maledictio non est ex malitia delinquentis, sed ex rectitudine ju- „ diciali: non est ira commoti, sed doctrina tranquilli. Qui enim „ tam recta maledicens intulit, non perturbationis vitio succubuit, „ sed doctrinæ magisterium impendit. Vidit quippe amicos cum „ clamore flere, vidit vestes scindere, vidit pulvere capita conper- „ sisse, vidit consideratione suæ percussione obmutescere; & vir „ sanctus inspexit, quia hi, qui prospera temporalia requirebant, „ ex comparatione mentis propriæ eum temporali fractum adversi- „ tate crediderant. Perspexit quod transitoria afflictione percussum „ desperare non flerent, nisi ipsi desperatam mentem ab spe inco- „ lumnitatis internæ subtraherent; & dum erumpit foras in vocem „ doloris, vulneratis intus ostendit virtutem medicaminis, dicens: „ *Pereat dies, in qua natus sum* . . . quasi diceret, dies mutabi- „ litatis pereat, & lumen æternitatis erumpat Nam quasi „ (d) dies quædam est, cum mundi hujus prosperitas arridet. Sed „ dies iste in noctem definit, quia sæpe temporalis prosperitas ad „ tribulationis tenebras perducit “. Quamobrem merito observat „ (e), quod „ sancti viri cum sibi suppetere prospera hujus mundi „ conspiciunt; pavida suspitione turbantur. Timent enim, ne hic „ laborum suorum fructus recipiant, ne quod divina iustitia latens „ in eis vulnus aspiciat, & exterioribus eos muneribus cumulans „ ab intimis repellat... Sciunt etiam, quia mens dum blanda oc- „ cupatione premitur, aliquando libens ad exteriora derivatur “. „ Econtra vero „ per adversitatem nonnunquam homo cum exterius „ premitur, ad concupiscenda quæ intus sunt, liberius relaxa- „ tur “.

Incipit

(a) Lib. 4. in prefat. c. 2. & 3.

(b) Lib. 4. c. 1. n. 4. (c) Ibid. n. 3.

(d) Ibid. c. 13. n. 24. (e) Lib. 5. c. 1. n. 1.

Incipit in hac secunda parte D. Gregorius ab explicatione versu-
culi tertii capitis quinti, & allegorice exponit dicens, per Job
Christum & Ecclesiam, & per ejus amicos hæreticos designari. S. CÆSAR.
Pars Secun-
da. Liber 6.

Scribit quidem: „ Beatus Job (a) latino eloquio *Dolens* dicitur,
„ ut per ejus & nomen & vulnera, Redemptoris nostri passio de-
„ signetur, de quo Propheta ait: *Vere languores nostros ipse tulit*,
„ & *dolores nostros ipse portavit* (b). Cui tentator, ablatis o-
„ mnibus, & servos, & filios occidit: quia non solum Judaicum
„ populum ex timore servientem, sed ipsos quoque Apostolos in
„ suo amore regeneratos, passionis ejus tempore telo perfidiæ per-
„ culit. Præfiguratur etiam Ecclesia, „ quæ Christi corpus est,
„ & quæ non solum per extrema & ultima, sed usque ad summa
„ membra persecutione sæviens tentator affligit . . . Cui suadere
„ uxor ad maledicendum nititur: quia carnales quique intra san-
„ ctam Ecclesiam adjutores callidi tentatoris existunt . . . Amici
„ vero illius, qui quasi ad consolandum veniunt, sed ad verba as-
„ peræ invectionis excedunt, hæreticorum speciem tenent, qui cum
„ contra bonos Deum defendere nituntur, offendunt.”

Bonum vero adversitatis, & tribulationis ostendit ad illa verba:
Homo ad laborem nascitur, & avis ad volatum, scribens: „ Ad
„ laborem (c) quippe nascitur homo; quia valde impossibile est,
„ ut hæc peregrinationis suæ tempora sine gemitu evadat . . . Sed
„ in eo quod caro flagellis afficitur, mens ad appetenda altiora
„ sublevarur . . . Homo ergo ad laborem nascitur, & avis ad vo-
„ latum: quia inde mens ad summa evolat, unde caro in infirmis
„ durius laborat.”

Quomodo autem miracula sint accipienda, ostendit explicans Jobi
verba: *Qui facit magna & inscrutabilia, & mirabilia*, scribens:
„ Sciendum est (d), quia divina miracula & semper debent consi-
„ derari per studium, & nunquam discuti per intellectum. Sæpe
„ namque humanus sensus dum quarundam rerum rationem quæ-
„rens non invenit, in dubitationis se voraginem mergit . . .
„ Mira igitur ex fide credenda sunt, perscrutanda per rationem
„ non sunt; quia si hæc nostris oculis ratio expanderet, mira non
„ essent.”

In humilitatis laudem excurrit scribens (e): „ In sublimi hu-
„ miles ponuntur, quia cum se ex humilitate subternunt, altæ
„ mentis judicio cuncta temporalia transeunt: cumque se indignos
„ in omnibus æstimant, rectæ cogitationis examine hujus mundi
„ gloriam transcendentem calcant . . . Sancti viri foris despecti
„ sunt, & velut indigni omnia tolerant: sed dignos se supernis
„ sedibus confidentes, æternitatis gloriam cum certitudine expe-

B 2

„stant:

(a) *Ibid.* cap. 1. n. 1.(b) *Isaj.* 53. 4. (c) *Cap.* 13. n. 15.(d) *Ibid.* cap. 15. n. 19.(e) *Ibid.* cap. 16. n. 24.

S. GREG. M.

„stant: cumque laborant foris adversitate persecutionis, ad muni-
 „tam recurrunt intrinsecus arcem mentis; & inde cuncta sub se
 „ire despiciunt, inter quæ & transire corporaliter etiam semeri-
 „psos cernunt; minas non metuunt, quia & tormenta patiendi
 „contemnunt“.

Veram lætitiā dicit solis bonis convenire: iniquorum autem
 lætitiā ex infania prodire, scribens: „Sæpe in hoc mundo (a) et-
 „iam læti quilibet erecti sunt, dum de ipsa gloria suæ prosperi-
 „tatis intumescunt. Sed mœrentes Dominus sospitate erigit:
 „quia afflictos suos ad gloriam veræ lætitiæ soliditate sustollit.
 „Sospitate quippe, non infania erecti sunt, qui in bonis actibus
 „positi, spe in Deum firma gratulantur. Nonnulli enim, sicut
 „diximus, & iniquitates perpetrant, & gaudere non cessant...
 „Hi nimirum non sospitate eriguntur, sed infania, qui superbiunt
 „cum affligi debuerant; & inde miseri in exultatione defluunt,
 „unde a bonis flentur“.

Dei vero voluntatem semper etiam a malis impleri ostendit, di-
 cens: „Justus & misericors Deus (b) mortalium acta disponens,
 „alia concedit propitius, alia permittit iratus; atque ea, quæ per-
 „mittit, sic tolerat, ut hæc in sui consilii usum vertat. Unde
 „miro modo fit, ut & quod sine voluntate Dei agitur, voluntati
 „contrarium non sit: quia dum in bonum usum mala facta ver-
 „tuntur, ejus consilio militant etiam quæ ejus consilio repu-
 „gnant... Sic quippe ejus opera magna sunt, ut per omne
 „quod ab hominibus agitur, ejus voluntas exquiratur“.

In explicatione verborum Job: *Beatus homo, qui corripitur a Do-
 mino*, utilitatem ostendit tribulationum, scribens: „Plerumque
 „(c) culpas non solum imminentes minime vitamus, verum et-
 „iam nec commissas agnoscimus. Et peccatorum mens tanto al-
 „tius tenebrescit, quanto nec damnum suæ cæcitatē intelligit.
 „Unde fit plerumque divini muneris largitate, ut culpam poena
 „subsequatur; & flagella oculos delinquentis aperiant, quos inter
 „vitia securitas cæcabat. Hinc itaque ipsa asperitas correptionis,
 „origo fit luminis“.

Quomodo vero sint doctrinæ verba aptanda, ostendit explicans
 illa verba: *Quod auditum, mente pertracta*, unde scribit: „Quan-
 „talibet (d) doctrina mens polleat, gravis ejus imperitia est,
 „veille docere meliorem. Unde & ea quæ ab amicis recte pro-
 „lata sunt, ab interno arbitro non recta judicantur. In eo nam-
 „que vim suæ rectitudinis amittunt, quod auditori non con-
 „gruunt: quia & medicamina vires perdunt, cum sanis membris
 „apponuntur. In omni ergo quod dicitur, necesse est ut causa,
 „tem-

(a) *Ibid.* num. 26.(b) *Ibid.* c. 18. n. 33.(c) *Ibid.* cap. 23. n. 40.(d) *Ibid.* cap. 39. n. 64.

„tempus, & persona pensetur; si verba sententiæ veritas robo-
 „rat, si hanc tempus congruum postulat, si & veritatem senten- S. GREG. M.
 „tiæ, & congruentiam temporis personæ qualitas non impugnat.
 „Ille enim laudabiliter spicula emittit, qui prius hostem quem
 „feriat, conspiciat. Male namque arcus validi cornua subigit;
 „qui sagittam fortiter dirigens civem ferit“.

In hoc septimo libro totum caput sextum, postremis tribus ver- Liber Septi-
mus.
 „siculis exceptis, explicat S. Gregorius: & primo quidem Jobi pa-
 „tientiam invictam exornat, scribens (a): „Quorundam mentes
 „plus flagella, quam convicia cruciant: quorundam vero plus
 „convicia, quam flagella castigant... Unde beato Job ne deesse
 „tentatio ulla potuisset, non solum hunc flagella desuper feriunt,
 „sed graviora plagis amicorum colloquia affligunt... Sed tactus
 „plagis gratias retulit, laceratus verbis recta respondit: & percus-
 „sus innotescit, quam pro minimo salutem carnis habuerit. Lo-
 „quens quoque indicat, quam sapiens tacebat“. Ostendit deinde,
 „quomodo, quædam ejus verba, quæ apud humana judicia patien-
 „tiæ limitem transire videantur, talia tamen non sint, si superni
 „sententiam judicis in eorum examinatione pensamus. Ipse quip-
 „pe B. Job & prius contra adversarium prætulit dicens: *Vidi-
 „sti Servum meum Job, quod non ei similis est super terram, vir
 „simplex & rectus...* Ipse post probationem amicos ejus re-
 „darguit dicens: *Non estis loquuti coram me rectum, sicut servus
 „meus Job.* Restat ergo, ut cum mens in Beati Job sermonibus
 „fluctuat, eorum pondus ex ejusdem historiæ initio ac fine per-
 „pendat. Ab æterno enim judice nec casurus laudari potuit, nec
 „lapsus præferri.

Ostendit vero, quomodo iustis poenæ ad emendationem profint,
 „scribens super illa verba: *Indignatio ebibit spiritum meum:* „Sagit-
 „tæ (b) autem Domini spiritum hominis ebibunt, cum supernæ
 „animadversionis sententiæ afflictam animam ab elatione compe-
 „scent. Sagittæ Domini spiritum hominis ebibunt, quia inten-
 „tum exterioribus introrsus trahunt. Epotatus namque David spi-
 „ritus fuerat, cum dicebat: *In deficiendo in me Spiritum meum;*
 „& *tu cognovisti semitas meas* (c)... Sagittarum ergo indi-
 „gnatio iusti spiritum ebibit: quia supernæ sententiæ electos, quos
 „in peccatis inveniunt, dum vulnerant, immutant, ut duritiam
 „suam transfixa mens deferat, atque ex salutifero vulnere sanguis
 „confessionis currat“.

Explicans illa verba: *Aut poterit comedi insulsum, quod non est
 „sale conditum?* ostendit electis & iustis perquam gravia esse ver-
 „ba & mores carnalium, scribens: „Verba quippe (d) morefque
 „carnalium, quasi cibum se nostris mentibus ingerunt, ut in de-
 „lectationis ventre rapiantur. Sed electus quisque insulsum non

B 3

„come-

(a) Cap. 1. n. 1. (b) Ibid. cap. 5. n. 5.
 (c) Psal. 141. v. 4. (d) Ibid. cap. 13. n. 15.



S. GRÆG. M.

„ comedit : quia pravorum dicta , factaque dijudicans ab ore cordis repellit . . . Sæpe autem verba carnalium , dum se importune nostris auribus ingerunt , in corde bellum tentationis gignunt : & quamvis hæc & ratio respuat , & lingua reprehendat ; cum labore tamen intus vincitur , quod foris cum auctoritate judicatur . Unde necesse est , ut nec ad aures veniat , quod mens „ a cogitationis aditu vigilans repellat “ .

Quomodo Dei judicia timenda sint , docet in explicatione verborum Job : *Solvat manum suam , & succidat me* , scribens : „ Cum nos (a) extolli Conditor conspicit , sed amorem suum erga nos „ per verbera non exereet , quasi ad ferienda nostra vitia manum „ ligatam tenet . Annon affectus sui manum ligaverat , cum peccanti populo dicebat : *Jam non irascar tibi (b)* : Et : *Zelus meus recessit a te (c)* ? *Solvat ergo manum* dicitur , exerceat affectum . Recte autem subjungitur : *Et succidat me* . Cum enim „ securos nos ac de virtutum affluentia elatos , repentinus vel flagelli „ dolor , vel infirmitatis tentatio percutit , protinus ab status sui vertice mentis nostræ elatio succida cadit ; ut de semetipsa nihil audeat , sed infirmitatis suæ ictu prostrata , manum levantis quærat “ .

Discrimen assignat inter fortitudinem iustorum , & reproborum ad illa Jobi verba : *Quæ est fortitudo mea , ut sustineam* ? scribens : „ Iustorum (d) fortitudo est carnem vincere , propriis vocationibus contraire , delectationem vitæ præsentis extinguere , „ hujus mundi aspera pro æternis præmiis amare , prosperitatis „ blandimenta contemnere , adversitatis metum in corde superare . Reproborum vero fortitudo , est transitoria sine cessatione diligere , contra flagella conditoris insensibiliter perdurare , ab amore rerum temporalium nec ex adversitate quiescere , ad inanem gloriam etiam cum vitæ detrimento pervenire , malitiæ augmenta exquirere , bonorum vitam non solum verbis , ac moribus , sed etiam gladiis impugnare , in semetipsis spem ponere , iniquitatem „ quoridie sine ullo desiderii defectu perpetrare “ .

Quid sibi invicem præsent amor Dei , & proximi , declarat ad illa Jobi verba : *Qui tollit ab amico suo misericordiam , timorem Domini derelinquit* , scribens : „ Quia (e) duo sunt præcepta caritatis , Dei videlicet amor & proximi : per amorem Dei amor „ proximi gignitur , & per amorem proximi amor Dei nutritur . Nam qui amare Deum negligit , profecto diligere proximum nescit ; & tunc plenius in Dei dilectione proficimus , si in ejusdem dilectionis gremio prius proximi caritate lactamur . Quia enim „ amor Dei amorem proximi generat , dicturus per legem Dominus , *Diliges proximum tuum* ; præmisit dicens : *Diliges Dominum Deum tuum* : ut scilicet in terra pectoris nostri , prius „ amo-

(a) *Ibid.* cap. 18. n. 21.(b) *Isaï.* 54. 9. (c) *Ezech.* 16. 42.(d) *Ibid.* cap. 21. n. 24. (e) *Ibid.* cap. 24. n. 18.

„ amoris sui radicem figeret, quatenus per ramos postmodum dilectio fraterna germinaret “.

Ostendit quomodo aliquando peccandi consuetudo a mentis cecitate praeveniat: aliquando vero ipsa cecitas consuetudinem praecedat, scribens: „ Sciendum est (a), quod aliquando prius oculus intellectus obtunditur, & postmodum captus animus per exteriora desideria vagatur: ut caeca mens quo ducitur nesciat, & carnis suae illecebris sese libenter subdat. Aliquando vero prius desideria carnis ebulliunt, & post longum usum illiciti operis, oculum cordis claudunt. Nam saepe mens recta cernit, nec tamen audenter contra perversa se erigit: & renitens vincitur, dum hoc ipsum quod agit dijudicans, carnis suae delectatione superatur “.

Librum claudit, ostendens, quomodo ita lingua regenda sit, ut per disciplinam retineatur, & ex necessitate laxetur, scribens: „ Studiose lingua (b) sub magni moderaminis libratione praecedat, non insolubiliter obliganda: ne aut laxata in vitium defluat, aut restricta etiam ab utilitate torpescat. Hinc namque per quemdam dicitur: *Sapiens tacebit usque ad tempus* (c): ut nimirum cum oppositum considerat, postposita censura silentii, loquendo quae congruunt, in usum se utilitatis impendat “.

In octavo libro reliquam partem capitis sexti, & totum septimum, ac octavum exponit. Praecipue vero a versiculo undecimo capitis octavi usque ad finem, hypocrisis vitium late perstringit. Explicans vero illa Jobi verba: *Militia est vita hominis super terram*, i. ex veteri translatione legit *tentatio est* &c. Deinde ostendit, quoad sensum (d) unum eundemque intellectum efformare, subdens: „ Quid enim nisi pugna contra malignos spiritus nomine tentationis exprimitur? Et quid appellatione militiae, nisi contra hostes exercitium designatur? Tentatio itaque ipsa militia est; quia dum contra malignorum spirituum insidias vigilat, in bellorum procinctu proculdubio exsudat. . . Sponte quippe ab statu conditionis lapsa, & corruptionis suae putredini subdita, dum sibi ex semetipsa molestias gignit, hoc est iam facta quod tolerat. Quia enim statum mentis inclinata deseruit, quid in se nisi motum varietatis invenit? Unde nunc etsi ad summa appetenda se erigit, mutabilitatis lubricae impulsu protinus ad semetipsam cadit. Vult in contemplatione stare, sed non valet. Cogitationis gressum figere nititur, sed infirmitatis suae lapsibus enervatur. . . Ipsa ergo hominis vita tentatio est, cui ex semetipsa nascitur unde perimatur. Quae etsi semper ex virtute succidit, quod ex infirmitate generat: semper tamen ex

Liber Octavus.

B 4

„ infir-

(a) *Ibid. cap. 28. n. 37.*

(b) *Ibid. cap. 37. n. 61.*

(c) *Eccli. 20. 7.* (d) *Ibid. cap. 6. n. 8.*

S. GREG. M.

„ infirmitate generat, quod ex virtute succidat... Sic itaque (a)
 „ humana vita tentatio est: ut etsi jam ab iniquitatis perpetra-
 „ tione compescitur, in ipsis tamen bonis operibus modo malorum
 „ memoria, modo seductionis caligine, modo intentionis suæ inter-
 „ ruptione fulcetur “.

„ Justos autem in hac vita peregrinantes mercenariis similes, o-
 „ stendit, dum explicans illa verba Jobi: *Et sicut mercenarii dies*
ejus, scribit: „ Dies hominis (b) vera & æterna sapientis, recte
 „ mercenarii diebus comparantur: quia præsentem vitam, viam non
 „ patriam, militiam non palmam deputat: & eo se abesse lon-
 „ gius a præmio conspicit, quo tardius ad finem venit... Mer-
 „ cenarius sollicitus curat inspicere, ne unquam dies vacuus labatur
 „ ab opere. Nam cum opus crescit, præmii fiducia proficit: cum
 „ vero opus torpuerit, spes a remuneratione lassescit. Unde &
 „ electus quisque vitam suam quasi mercenarii dies pensans, tanto
 „ fidentius spe tendit ad præmium, quanto nunc robustius perdurat
 „ ad laboris incrementum: qui sit decursus præsentis temporis pen-
 „ sat, dies cum operibus numerat; ne a labore vacua transeant
 „ vitæ momenta, formidat “.

„ Amore præsentium non teneri docet illos, qui vitæ hujus reco-
 „ gitant breviter, dicens: „ Pensandum est (c) quod carnales
 „ mentes idcirco præsentia diligunt, quia vita carnis quam fugiti-
 „ va sit, minime perpendunt. Nam si velocitatem transitus ejus
 „ aspicerent, hanc etiam prosperantem minime amarent “.

„ Stultitiam reproborum ostendit, qui ne instante quidem vitæ ter-
 „ mino de morte non cogitant, scribens: „ Reproborum mens (d)
 „ erga dies vitæ præsentis tanto amore constringitur, ut sic semper
 „ hic appetant vivere, quatenus, si valeant, vivendi cursum desi-
 „ derent nunquam finire. Cogitare quippe ventura despiciunt, spem
 „ totam in rebus transeuntibus ponunt: habere nulla, nisi quæ
 „ prætereunt, concupiscunt... & sic cæcitate insensibili cordis
 „ oculus clauditur, ut æternæ luci nullatenus intendatur. Unde
 „ fit, ut sæpe jam corpus molestia quatiat, & vicina mors virtu-
 „ tem vitalis spiritus incidat: nec tamen curare quæ mundi sunt
 „ desinant. Jamque eos ultor ad judicium pertrahit: & tamen
 „ ipsa ordinatione sollicita rebus transeuntibus occupati, nihil aliud
 „ cogitant, nisi in hoc mundo adhuc qualiter vivant. Relinquendo
 „ omnia quasi possidendo disponunt: quia spes vivendi non frangi-
 „ tur, etiam cum vita terminatur “.

„ Ad peccatorum apertam confessionem urget, explicans Jobi verba:
 „ *Ego non parcam ori meo*, scribens: Ori suo (e) parcat, qui confiteri
 „ malum quod fecit, erubescit. In laborem quippe os mittere est
 „ hoc ad confessionem perpetratæ iniquitatis occupare. Sed justus
 „ , ori

(a) *Ibid.* n. 9. (b) *Ibid.* cap. 7. n. 12.(c) *Ibid.* cap. 10. n. 25. (d) *Ibid.* cap. 12 n. 27.(e) *Ibid.* cap. 20. n. 36.

ori suo non parcit; quia iram iudicis districti præveniens, ver-
bis contra se propriæ confessionis sævit . . . Hinc scriptum est: *Justus in principio accusator est sui* (a). Sed nequaquam ad
confessionem os panditur, nisi cum consideratione districti iudicii
per pavorem spiritus angustatur.

S. GREG. XL.

Ostendit, quomodo ex iustis alii terrena retineant, alii abjiciant,
& semper recte, scribens: „Sunt (b) nonnulli iustorum, qui sic
cælestia appetunt, ut tamen a terrenorum spe minime frangan-
tur. Largita divinitus patrimonialia ad necessitatis subsidium possi-
dent, honores sibi temporaliter impenso tenent: aliena non
ambiunt, suis licite utuntur. Qui tamen ab eisdem rebus, quas
habent, alieni sunt; quia ad hæc ipsa, quæ possident, ex deside-
rio non tenentur. Et sunt nonnulli iustorum, qui ad comprehen-
dendum culmen perfectionis accincti, dum altiora interius appe-
tunt, exterius cuncta derelinquunt: qui rebus se habitis nudant,
gloria honoris expoliant, qui interiorum desiderio per assidui-
tatem se amici mœoris afficiunt, habere de exterioribus conso-
lationem nolunt: qui internis gaudiis dum mente appropriant,
vitam in se funditus corporeæ delectationis necant.”

Quomodo sint bona opera occultanda docet: „Bona nostra (c)
& intempestive manifestata depereunt, & diutius occultata soli-
dantur: quia humanæ occupationis manus cum incipientem con-
versationis nostræ vitam contigerit, quasi recentem parietem im-
pellit, eamque facile destruit, qui adhuc honorem infirmitatis
propriæ non amisit. Cum vero in longa quietis tuæ abjectione
ne se animus comprimit, quasi more exsiccati parietis contra
ictus obdurefcit, & contractum protinus resilit omne, quod soli-
dum ferit . . . Sape autem novæ conversationis primordia (d)
adhuc ex carnali sunt vita commixta: & idcirco innotescere ci-
tius non debent, ne cum laudantur bona quæ placent, deceptus
laude sua animus deprehendere in eis nequeat mala quæ la-
tent.”

In hoc libro D. Gregorius caput nonum & decimum Jobi ex-
planat. Et 1. quidem Dei sapientiam & fortitudinem exaltat in-
dicatas in verbis Jobi: *Sapiens corde est, & fortis robore*, scri-
bens: „Sapiens Deus dicitur (e), quia occulta nostra subtiliter
agnoscit: & esse fortis adjungitur, quia valenter cognita percu-
tit. Nec falli ergo a nobis, quia sapiens; nec vitari, quia
fortis est, valet. Nunc ut sapiens omnia invisibilis aspicit:
tunc ut fortis sine ullo obstaculo, quos reprobos punit. Qui hoc
quoque hic forti sapientia ordinat, ut humana mens cum contra
auctorem se elevat, ipsa se sua elatione confundat.”

Liber No-
vus.

Cur in Sacra Scriptura profanorum auctorum dicta referantur,
ratio-

(a) Prov. 18. 17. (b) Ibid. cap. 26. n. 43.
(c) Ibid. cap. 47. n. 78. (d) Ibid. n. 79.
(e) Ibid. cap. 4. n. 4.

rationem reddit ad illa verba Jobi: *Qui facit Arcturum, & Orionas, & Hyades*, scribens: „ Nequaquam (a) sermo veritatis vana-
 „ nas Hesiodi, Arati, & Callimachi fabulas sequitur, ut Arctu-
 „ rum nominans extremam stellarum septem caudam Uræ suspi-
 „ ceretur, & quasi Orion gladium teneat amator infans. Hæc quip-
 „ pe aulorum nomina, a cultoribus sapientiæ carnalis inventa sunt:
 „ sed Scriptura Sacra idcirco eisdem vocabulis nititur, ut res, quas
 „ insinuare appetit, notitia usitatæ appellationis exprimantur. Nam
 „ si astra quæ veller, per ignota nobis nomina diceret; homo, pro
 „ quo hæc eadem Scriptura facta est, nesciret proculdubio quid audiret.
 „ Sic igitur in sacro eloquio sapientes Dei sermonem trahunt a
 „ sapientibus sæculi, sicut in eo pro utilitate hominis vocem in se
 „ humanæ passionis ipse conditor hominum sumit Deus, ut videli-
 „ cet dicat: *Pœnitet me fecisse hominem super terram* (b): cum
 „ profecto contlet, quia is, qui cuncta prius quam veniant, con-
 „ spicit, nequaquam postquam aliquid fecerit, pœnitendo resi-
 „ piscat “.

Ostendit deinde, quinam illis nominibus designentur, & *Arctu-
 rum*, „ qui in cæli axe septem stellarum radiis fulget (c), Eccle-
 „ siam significare universalem dicit, quæ in Joannis Apocalypsi
 „ per septem Ecclesias, septemque candelabra figuratur. Oriones
 „ vero, qui hiemali tempore oriuntur, & tempestates excitant (d),
 „ & maria terrasque perturbant, Martyres dicit denotari, qui pon-
 „ dus persequentium molestiasque passuri ad cæli faciem quasi in
 „ hieme venerunt “. Hyadas vero (e) juvenescente verno pro-
 „ deunt, & quæ cum jam sol caloris vires exerit, ostenduntur, de-
 „ signari dicit Ecclesiæ Doctores, „ qui subductis Martyribus, eo
 „ jam tempore ad mundi notitiam venerunt, quo fides clarius elu-
 „ cet . . . qui remota tempestate persecutionis, expletis noctibus
 „ longæ infidelitatis, tunc sanctæ Ecclesiæ exorti sunt, cum ei jam
 „ per credulitatis vernum lucidior annus aperitur “.

Quanta sit humanæ mentis ab originali peccato cæcitas inducta,
 ostendit, scribens: „ Seclulum quippe (f) ab internis gaudiis ge-
 „ nus humanum, exigente culpa, mentis oculos perdidit: & quo
 „ meritorum suorum passibus graditur, nescit. Sæpe enim donum
 „ gratiæ est, quod iram deputat: & sæpe divinæ distictionis ira
 „ est, quod gratiam putat. Nam plerumque gratiam æstimat do-
 „ na virtutum: & tamen eisdem donis elatus corrui. Plerum-
 „ que velut iram metu it adversa tentationum: & tamen eisdem
 „ tentationibus pressus ad virtutum custodiam cautior exsurgit.

Qua ratione Dei iræ nemo resistere valeat, ostendit ad illa ver-
 ba Jobi: *Deus, cujus resistere ira nemo potest*, scribens: „ Mirum
 „ val-

(a) *Ibid.* cap. 11. n. 12.

(b) *Gen.* 6. 7. (c) *Ibid.* n. 13.

(d) *Ibid.* n. 14. (e) *Ibid.* n. 15.

(f) *Ibid.* cap. 13. n. 20.

„valde est (a), quod iræ Dei nullum posse resistere dicitur, cum
 „multos indignationi supernæ animadversionis obviassent, eloquia di-
 „vina testentur. An non iræ Dei Moyses resistit, qui pro cadente
 „populo erectus, ipsum supernæ persecutionis impetum mortis
 „suz oblatione retrinxit? . . . An non iræ Dei Aaron resistit? . . .
 „An non Phinees? . . . An non David, qui Angelo ferienti se
 „offerens, placationis gratiam & ante tempus propositum exegit?
 „An non Elias iræ Dei resistit, qui longo jam tempore terra
 „arente, subductas de cælo pluvias verbo revocavit? . . . Iræ igitur
 „& resisti valet, quando ipse qui irascitur, opitulatur; &
 „resisti omnino non valet, quando se & ad ulciscendum excitat;
 „& ipse precem quæ ei funditur, non aspirat. Hinc ad Jere-
 „miam dicitur: *Tu ergo noli orare pro populo hoc, & ne assumes*
 „*pro eis laudem & orationem: quia non exaudiam in tempore*
 „*clamoribus eorum ad me* (b) “.

Ignorantiæ nostræ utilitates & incommoda exponit dicens: „Ple-
 „rumque si scimus bona (c) quæ agimus, ad elationem ducimur;
 „si nescimus, minime servamus. Quis enim aut de virtutis suæ
 „conscientia non quantulumcumque superbiat? Aut quis rursus
 „bonum in se custodiat quod ignorat? Sed contra utraque quid su-
 „perest, nisi ut recta quæ agimus, sciendo nesciamus: ut hæc &
 „recta æstimemus, & minima: quatenus & ad custodiam sancti-
 „ficet animum scientia rectitudinis, & in tumorem non elevet æ-
 „stimatio minorationis “?

Explicans verba Jobi: *Et innocentem, & impium ipse consumit*,
 scribit: „Innocens a creatore (d) consumitur, quia quantalibet ejus
 „simplicitas fuerit, divinæ magnitudinis simplicitate devoratur.
 „Quamvis enim simplicitatem studiose servemus, ex consideratione
 „tamen intimæ puritatis ostenditur, quod hæc ipsa, quam agimus,
 „simplicitas non sit. Impius quoque a conditore consumitur, quia
 „Deo cuncta mirabiliter ordinante, ipsis suis versutiis ejus im-
 „pietas ligatur. Nam inde se suppliciis & nesciens implicat,
 „unde se aliquid facere scienter exultat . . . Igitur Omnipotens
 „Deus & bonorum innocentiam simplicitate superat, & malorum
 „astutiam penetrans damnat “.

Quomodo & de ipsis bonis operibus timendum sit, nos instruit
 S. Gregorius ad illa Jobi verba: *Verebar omnia opera mea*, scri-
 bens: „Quid (e) vir sanctus sua opera verebatur, qui illa ser-
 „per exhibuit, ex quibus placari Deus erga iniquitates solet?
 „Quid est quod mira opera faciens, hæc ipsa etiam veretur pavens,
 „cum dicit *Verebar, &c.*? nisi quod in sancti viri actibus verbisque
 „colligimus, ut si placere Deo veraciter cupimus, postquam per-
 „versa subigimus, ipsa in nobis etiam bene gesta timeamus “.

Pec-

(a) *Ibid. cap. 16. n. 23.*

(b) *Jer. 7. 16.*

(c) *Ibid. cap. 25. n. 37.*

(d) *Ibid. cap. 26. n. 40.*

(e) *Ibid. cap. 34. n. 52.*

S. GREG. M.

Peccatis Deum nunquam parcere declarat, explicans Jobi verba: *Sciens quod non parceres delinquenti*: quare scribit: „ Si delinquenti non parcor (a), quis ab æterna morte eripitur, cum a delicto mundus nemo reperitur? . . . Delinquenti Dominus nequaquam parcor, quia delictum sine ultione non deserit. Aut enim ipse hoc homo in se poenitens punit, aut hoc Deus cum homine vindicans, percutit. Nequaquam igitur peccato parcor, quia nullatenus sine vindicta laxatur. Sic David audire post confessionem meruit: *Dominus transulit peccatum tuum a te* (b). Et tamen multis post cruciatibus afflictus ac fugiens, reatum culpæ quam perpetraverat, exsolvit. Sic nos salutis unda a culpa primi parentis absolvimur: sed tamen reatus ejusdem culpæ diluentes, absoluti quoque adhuc carnaliter obimus “.

Timorem perfectam non inducere cordis conversionem ostendit, dum explicans illa verba Jobi: *Neque enim possum metuens respondere*, scribit: Respondere homo (c) divinis beneficiis debet; „ sed tamen respondere metuens non valet, quia humani generis conditorem qui adhuc serviliter formidat, proculdubio non amat. Nam tunc solum Deo vera obsequia reddimus, cum eum propter amoris fiduciam non timemus; cum nos ad bona opera, affectus non metus dirigit; cum malum nostræ menti jam non placet, etiam si licet. Nam qui a perversitatis opere ex timore restringitur, perversa libenter ageret, si liceret. Nequaquam ergo veraciter rectus est, qui adhuc a pravitatis desiderio liber non est. Bene itaque dicitur: *Neque enim possum metuens respondere*, quia vera obsequia Deo non reddimus, si ex timore mandatis illius, & non potius ex amore serviamus “.

Discrimen iusti & impii describit dicens: „ Impius vix habet, iustus miseriam (d): quia & æterna damnatio reprobum sequitur, & electus quisque doloribus transitorie adversitatis expiatur. Impius caput levat, sed elatus evadere vix quod sequitur, non valet. Iustus laboribus sui certaminis afflictus, caput levare non sinitur: sed pressus a perpetua afflictione liberatur. Ille se in voluptatibus erigit: sed suppliciis sequentibus mergit. Ille se in dolore deprimat: sed tamen a pondere æternæ animæ adversionis abscondit. Consideret ergo vir sanctus, quod aut renitens homo vitiis, præfenti labore afficitur; aut succumbens, perpetuæ afflictioni mancipatur, & dicat cum Job: *Et si impius fuero, vix mihi est: & si iustus, non levabo caput, saturatus afflictione & miseria* “.

Librum denique claudit ostendens, quomodo sit carnis habenda cura. Scribit siquidem: „ Mortali (e) adhuc in carne viventi-
bus

(a) *Ibid.* n. 54. (b) 2. *Reg.* 12. 13.(c) *Ibid.* cap. 41. n. 63. (d) *Ibid.* cap. 56. n. 85.(e) *Ibid.* cap. 66. n. 106.

„bus funditus cura carnis absciditur: sed ut discrete animo seruiat, S.GREG. XL.
 „temperatur. Nam quia sollicitos nos esse veritas in crastinum pro-
 „hibet, habere utcumque curam in presentibus non negat, quam
 „tendi ad tempus quod sequitur, vetat. Et nimirum Paulus cum
 „carnis curam fieri in concupiscentiis non sinit, proculdubio in
 „necessitate concedit. Discretionem ergo magni moderaminis carnis
 „cura frenanda est, ut seruiat, & minime principetur: ne quasi
 „domina animum vincat, sed subacta mentis dominio, quasi an-
 „cilla famuletur: ut iussa adsit, atque ad nutum cordis repulsa
 „diffiliat: ut vix a tergo sanctæ cogitationis appareat, & nun-
 „quam contra faciem rectæ cogitantis obsistat“.

In decimo libro secundam sui Operis partem claudit D. Grego- Liber Deci-
mus.
 rius expositis capite undecimo, & prioribus quinque versiculis ca-
 pituli duodecimi. Primo itaque Sancti Job fortitudinem extollit,
 scribens: „In hominum (a), angelorumque spectaculo beatus Job
 „fortis athleta prodijt, quantumque contra mutationes aduersan-
 „tium valeat, continuatione indefessi roboris ostendit. Cui primus
 „se Eliphaz, secundus autem Baldad objicit, atque ad extremum
 „se Sophar in ejus expugnatione supponit: qui ad inferendos ictus
 „totis se conatibus erigunt, sed tamen ad feriendam altitudinem
 „robusti pectoris non pertingunt“. Deinde ostendit, quomodo
 varie ad correptionem sint dispositi pravi & recti, scribens:
 „Sicut recti (b) de quibusdam, quæ ab eis non recte gesta sunt,
 „correctionis vocem, ministerium caritatis æstimant; sic perversi
 „conrumeliam derisionis putant. Illi se protinus ad obedientiam
 „sternunt, isti ad insaniam suæ defensionis eriguntur. Illi corre-
 „ptionis adjutorium, vitæ suæ patrocinium deputant, per quod
 „dum præsentis vitæ culpa corrigitur, venturi iudicis ira tempe-
 „ratur. Isti cum se imperi redargutione conspiciunt, gladium per-
 „cussionis credunt; quia dum per correptionis vocem culpa dete-
 „gitur, præsentis gloriæ opinio sceleratur.“

Caritatis deinde præconia celebrat ostendens, quod licet a duo-
 bus præceptis incipiat, ad plurima tamen officia se extendit (c).
 Multiformem esse, adductis pluribus Sanctorum exemplis, evin-
 cit (d). Explicat ejus officia a D. Paulo enumerata, cum scri-
 bit: *Caritas patiens est, benigna est: non amulatur, non infla-
 tur, non agit perperam, non est ambitiosa, non quarit quæ suæ
 sunt, non irritatur, non cogitat malum, non gaudet super iniqui-
 tate, congaudet autem veritati* (e): & singula verba exponit (f).
 Iusti zeli limites indicat (g).

Quomodo vero sint intelligenda verba: *Deus excelsior est ca-
 lo, profundior inferno, longior terra, latior mari*, sic explicat: „Est

(a) *Ibid. cap. 1. n. 1.*

(b) *Ibid. cap. 3. n. 3.* (c) *Ibid. cap. 6. n. 8.*

(d) *Ibid. n. 9.* (e) *1. Corinth. 13. 4.*

(f) *Ibid. n. 10.* (g) *Ibid. cap. 7. n. 12.*

S. GREG. M.

„ Est (a) cælo excelsior, quia incircumscriptione sui spiritus cuncta
 „ transcendit: inferno profundior, quia transcendendo subvehit:
 „ terra longior, quia creaturæ modum perennitate suæ æternitatis
 „ excedit: mari latior, quia rerum temporalium fluctus sic regens
 „ possidet, ut hos sub omnimoda potentia suæ præsentia coangu-
 „ stando circumdet “. Explicat vero etiam, quomodo dimensiones
 a S. Paulo Deo tribuæ dicente: *Ut possitis (b) comprehendere...
 quæ sit latitudo, longitudo, sublimitas, & profundum*, ipsi con-
 venire possint, dicens: „ Habet Deus latitudinem (c), quia dile-
 „ ctionem suam usque ad collectionem persequentium tendit. Ha-
 „ bet longitudinem, quia ad vitæ patriam nos longanimitèr tole-
 „ rando perducit. Habet sublimitatem, quia ipsorum quoque iq-
 „ telligentiam, qui recepti in supernam fuerint congregationem,
 „ transcendit. Habet profundum, quia damnatis inferius, distri-
 „ ctionis suæ iudicium incomprehensibiliter exercet. Quæ scilicet
 „ quatuor nobis in hac vita positæ singulis exercet: quia & lati-
 „ tudinem amando, & longitudinem tolerando, & celsitudinem, non
 „ solum nostram intelligentiam, sed etiam vota superando, & pro-
 „ funditatem suam exhibet, occultos & illicitos cogitationum mo-
 „ tus districte iudicando “.

In adversis animum erigendum consideratione bonorum æterno-
 rum, docet, dum scribit: „ Mala vitæ præsentis (d) tanto durius
 „ animus sentit, quanto pensare bonum quod sequitur, negligit:
 „ & quo non vult præmia considerare quæ restant, gravia æsti-
 „ mat esse quæ tolerat. Unde & contra flagelli ictum cogitatio
 „ cæca conqueritur, & quasi infinita calamitas creditur, quæ die-
 „ bus cursu labentibus quotidie finitur. At si semel quisque ad
 „ æterna se erigat, atque in his, quæ incommutabiliter permanent,
 „ oculum cordis figat, prope nihil esse hic conspiciat, quidquid ad
 „ finem currit. Præsentis vitæ adversa tolerat; sed quasi nihil
 „ esse omne quod labitur, pensat. Quo enim se internis gaudiis
 „ robustius inserit, eo minus exterius dolores sentit “.

Mundi spernere oblectamenta dicit illum qui æterna concupiscit,
 scribens: „ Quisquis præsentem (e) gloriam quærit, profecto durius
 „ spectum metuit. Qui semper ad lucra inhiat, semper videlicet
 „ damna formidat. . . . At contra quisquis in solo æternitatis de-
 „ siderio figitur, nec prosperitate attollitur, nec adversitate quas-
 „ satus: dum nil habet in mundo quod appetat, nihil est quod
 „ de mundo pertimescat. . . . Bene itaque dicitur: *Requiesces, &
 non erit qui exterreat*: quia tanto quisque a se plenius pavorem
 „ qui ex mundo est, abjicit, quanto in semetipso verius mundi
 „ concupiscentiam vincit “.

Sic vero exponit illa Jobi verba: „ *Spes illorum abominatio a-*
 „ *nima.* “

(a) *Ibid. cap. 9. n. 14.*(b) *Ephef. 3. 18.*(c) *Ibid. cap. 9. n. 15.*(d) *Ibid. cap. 16. n. 32.*(e) *Ibid. cap. 21. n. 39.*

„ *nima*. Quid hic peccator (a) totis cogitationibus sperat, nisi
 „ ut potestate ceteros transeat, cunctos rerum multiplicitate tran-
 „ scendat, adversantes dominando subjiciat, obsequentibus miran-
 „ dus innotescat, iræ ad votum satisfaciatur, benignum se, cum
 „ laudatur, ostendat; quidquid gula appetit, offerat; ad hoc
 „ quod voluptas imperat, operis expletionem concurret? Bene er-
 „ go spes illorum abominatio animæ dicitur: quia & ea, quæ
 „ carnales ambiunt, spiritales quique iudicio rectitudinis aver-
 „ santur “.

Hujus mundi sapientiam sic describit: „ Hujus mundi (b) sa-
 „ pientia est, cor machinationibus tegere, sensum verbis velare,
 „ quæ falsa sunt vera ostendere; quæ vera sunt, fallacia demon-
 „ strare. Hæc nimirum prudentia usu a juvenibus scitur, hæc a
 „ pueris pretio dicitur: hanc qui sciunt, ceteros despiciendo su-
 „ perbiunt; hanc qui nesciunt, subjecti & timidi in aliis miran-
 „ tur: quia ab eis hæc eadem duplicitas iniquitatis, nomine pal-
 „ liata, diligitur, dum mentis perversitas, urbanitas vocatur “.

Huic autem mundi sapientiæ iustorum opponit veram sapien-
 „ tiam, subdens: „ Contra sapientia iustorum est, nihil per osten-
 „ sionem fingere, sensum verbis aperire; vera ut sunt diligere, fal-
 „ sa devitare, bona gratis exhibere, mala libentius tolerare quam
 „ facere; nullam injuriæ ulsionem querere, pro veritate contu-
 „ meliam lucrum reputare. Sed hæc iustorum simplicitas deride-
 „ tur; quia ab hujus mundi sapientibus puritatis virtus fatuitas
 „ creditur “.

Iustorum gloriam in die iudicii, in fine libri sic describit (c):
 „ Statutum quippe contemptæ lampadis tempus, est extremi iudi-
 „ cii prædestinatus dies, quo iustus quisque, qui nunc despicitur,
 „ quanta potestate fulgeat, demonstratur. Tunc enim cum Deo
 „ iudices veniunt, qui nunc pro Deo injuste iudicantur. Tunc
 „ eorum lux tanto latius emicat, quanto eos nunc manus perse-
 „ quentium durius angustat. Tunc reproborum oculis patefecit
 „ quod cælesti potestate subnixi sunt, qui terrena omnia relique-
 „ runt . . . quia quisquis stimulo divini amoris excitatus, hic
 „ possessa reliquerit, illic proculdubio culmen iudiciariæ potestatis
 „ obtinebit; ut simul tunc iudex cum iudice veniat, qui nunc con-
 „ sideratione iudicii, sese spontanea paupertate castigat “.

Tertia Moralium pars sex complectitur libros, in quibus expli-
 „ cationem prosequitur capitis duodecimi a versiculo sexto usque ad
 „ vigesimum primum capitis vigesimi quarti. In libro tamen primo,
 „ in ordine undecimo, non nisi reliquos duodecimi capitis ver-
 „ sículos exponit, & totum caput decimum tertium; decimi quarti
 „ vero solum quatuor priores versus, mutato tantisper stylo, inter-
 „ pretatur.

Pars Tertia
Moralium.

Inci-

(a) *Ibid.* cap. 24. n. 42.

(b) *Ibid.* cap. 29. n. 48.

(c) *Ibid.* cap. 31. n. 52.

S. GREG. M.
Liber undecimus.

Incipit itaque hunc undecimum librum, & priorem tertiæ partis ab excusatione mutati styli, scribens: „ Quamvis (a) in prolixo opere esse culpabilis styli mutabilitas non debeat; ne quis tamen me ex locutionis meæ immutatione reprehendat, in epistola libris præmissa (idest ad Leandrum data) causam reddidi, cur tertiæ huius operis partem ad aliarum usque similitudinem minime emendando perduxim. Quibus causis, & aliam subdit rationem: „ Quæ, nimirum dicenda, tam multa sunt, ut in uno corpore comprehendi non possent, nisi sub magna brevitate dicerentur. Qui ergo ab aliis actibus vacat, legat cætera multiplicitè dicta. Cui vero ad studiosè legendum non vacat, huius partis ei brevis placeat, in qua non tam quæ sentimus, dicimus, quam ea quæ sunt dicenda signamus. . . Præterea immutationem styli lector meus æquanimiter accipe, quia & sæpe eodem cibos edentibus diversitas placet coctionis “.

Interioris vero gratiæ necessitatem ostendit illa explicando Jobi verba: *Si destruxerit, nemo est qui ædificet*, scribens: „ Omnipotens Deus humanum (b) cor destruit, cum relinquit ædificat, dum replet. Neque enim humanam mentem debellando destruit, sed recedendo: quia ad perditionem suam sufficit sibi dimissa. Unde plerumque fit, ut cum audientis cor exigentibus culpis omnipotentis Dei gratia non repletur, incassum exterius a prædicatore moneatur: quia mutum est os omne quod loquitur, si ille interius in corde non clamet, qui aspirat verba quæ audiuntur. Hinc Propheta ait: *Nisi Dominus ædificaverit domum, in vanum laborant qui ædificant eam* (c). . . . Nec mirum si a corde reprobo prædicator minime auditur, dum nunquam ipse quoque Dominus in his quæ loquitur, resistentium moribus impugnat “.

Eiusdem vero gratiæ efficientiam in corde etiam pertinaci mutando deprædicat, scribens: „ Manet terra immobilis (d), cum præceptis dominicis peccator obedire contemnit; cum cervicem superbiæ erigit, atque a veritatis lumine oculos mentis claudit. . . . Sed quia cum veritas in corde figitur, mentis immobilitas agitur; si Sancti Spiritus gratia superno munere juxta vocem prædicantis infunditur, statim terra subvertitur: quia peccatricis mentis duritia ab immobilitatis suæ obstinatione permittitur, ut tantum se postmodum præceptis dominicis stendo subiciat, quantum superbiendo prius contra Dominum cervicem cordis erigebat “.

Quod & confirmat exemplo D. Pauli, „ qui cum Damascum pergeret (e) Sancti Spiritus gratia in itinere infusus, ab illa sua protinus crudelitate mutatus est, & postmodum

(a) Cap. 1. n. 1. (b) *Ibid.* cap. 9. n. 12.

(c) Psalm. 126. 1.

(d) *Ibid.* cap. 10. n. 15.

(e) *Ibid.* n. 16.

„modum plagas pro Christo accepit, quas veniebat inferre Christianis “.

S. GREG. M.

„Quomodo vero Deus iniquos & sciat simul & nesciat, exponit dicens: „Scire Dei (a), aliquando cognoscere dicitur, aliquando approbare; & scit iniquum, quia cognoscendo iudicat . . . & tamen iniquum nescit, quia ejus facta non approbat. Et novit ergo, quia deprehendit: & non novit, quia hunc in suae sapientiae specie non recognoscit: sicut de veraci quolibet viro dicitur, quia falsitatem nesciat: non quia cum vel ab aliis falsum dicitur, hoc reprehendere ignorat; sed eandem ipsam fallaciam. & scit in examine, & nescit in amore, ut videlicet ipse hanc non agat, quam actam ab aliis damnat “.

„Cur occulta Deus velit in mundo sua consilia, declarat scribens: „Magna (b) omnipotentis Dei dispensatione agitur, ut videlicet in hac vita omnia habeantur incerta, & nullus ex habita castitate superbiat . . . Nullus ex vitiorum suorum deprecatione desperet: quia eos, qui oppressi fuerant, revelat. Et quoniam cum haec aguntur, ex occultis Dei consiliis super unumquemque sententia aperta producit, recte subiungitur: *Et revelat profunda de tenebris* “.

„Stulti dicit esse aliena facta judicare, sapientis vero etiam reprehendendo misereri, scribens: „Stulti (c) cum prudentium facta conspiciunt, haec eis omnia reprehensibilia esse videntur: qui suae imperitiae atque infirmitatis obliti, tanto intentius de alienis judicant, quanto sua profundius ignorant. At contra iusti cum pravorum facta redarguunt, semper suae infirmitatis conscii, eos etsi exterius saeviendo, tamen interius compatiendo reprehendunt “.

„In hac vita peccatis non esse parcendum, monet, ut Deus ipsa condonet, scribens: „Cum (d) Paulus dicat: *Si nosmetipsos dijudicaremus, non utique iudicaremur* (e): eo tunc Dominus, salvator invenitur, quo nunc pro timore Dei, peccatum nostrum a nobismetipsis redarguitur. Unde electi quique culpis suis nunquam sciunt parcere, ut possint culparum iudicem placatum invenire. Et vere eum postmodum invenire salvatorem credunt, quem districte modo iudicem metuunt. Nam qui sibi nunc in culpa parcat, ei postmodum in poena non parcat “.

„Denique nostrae originis immunditiam expendens ad illa verba Jobi: *Qui potest facere mundum de immunda conceptione semine*, scribit: „Homo (f) in corruptibili carne vivens, habet tentationum immunditias impressas in semetipso: quia nimirum eas traxit ab origine. Ipsa quippe propter delectationem carnis ejus con-

Tricale. Tom. VII.

C

„ceptio;

(a) Ibid. cap. 12. n. 18.

(b) Ibid. cap. 17. n. 27.

(c) Ibid. cap. 27. n. 38.

(e) 1. Corint. 12. 31.

(d) Ibid. cap. 35. n. 48.

(f) Ibid. cap. 52. n. 70.

S. GREG. M.

Liber duo-
decimus.

ceptio, immunditia est . . . Hinc est ergo quod plerumque tentatur & nolens. Hinc est, quod immunda quædam in mente patitur, quamvis ex iudicio reluctetur: quia conceptus de immunditia, dum ad munditiam tendit, hoc conatur vincere quod est. Quisquis autem occultæ tentationis motus, atque immunditiam cogitationis evicerit, nequaquam sibi suam munditiam tribuat: quia de immundo conceptum semine nullus facere mundum potest, nisi is, qui mundus per semetipsum solus est.

In hoc libro reliquos capituli 14. versiculos exponit: deinde integrum caput 15. moraliter interpretatur. Et primo quidem ostendit, nulla fieri hominibus sine Dei consilio licet occulto, scribens: Nulla, quæ (a) in hoc mundo hominibus sunt, absque omnipotentis Dei occulto consilio veniunt. Nam cuncta Deus securatur præciens, ante sæcula decrevit qualiter per sæcula disponantur. Statutum quippe jam homini est, vel quantum hunc mundi prosperitas sequatur, vel quantum adversitas feriat: ne electos ejus vel immoderata prosperitas eleve, aut nimia adversitas gravet. Statutum quoque est, quantum in ipsa vita mortali temporaliter vivat. Nam etsi annos quindecim Ezechiae regi ad vitam addidit omnipotens Deus; cum eum mori permit, sit, tunc eum præcivit esse morituum . . . Nec tamen Propheta Dei fallax, qui ei dixerat: *Morieris tu, & non vives*, quia tempus mortis innotuit, quo vir ille mori merebatur: nec Dominica statuta convulsa sunt: quia ut ex largitate Dei anni vitæ crescerent, hoc quoque ante sæcula præfixum fuit: atque spatium vitæ, quod inopinate foris est additum, sine augmento præscientiæ fuit intus statutum. Bene ergo dicitur: *Constituisi terminos ejus, qui præteriri non poterunt*.

In descensu ad inferos Christum non omnes liberasse ostendit ibi detentos, sed solos justos, scribens: Non ab inferno (b) rediens, Dominus electos simul & reprobos traxit, sed illa exinde omnia sustulit, quæ sibi inhæsisse præcivit. Unde etiam per Osee prophetam dicit: *Ero mors tua, o mors: ero morsus tuus, inferne* (c). Quod enim occidimus, agimus ut penitus non sit. Ex eo enim quod mordemus, partem abstrahimus, partemque relinquimus. Quia ergo in electis suis funditus Dominus occidit mortem, mors mortis extitit. Quia vero ex inferno partem abstulit, partemque reliquit, non occidit funditus, sed momordit infernum.

Peccata docet diluenda per pœnitentiam, ne in die iudicii veluti de sacculo prodeant: explicans illa Jobi verba: *Signasti quasi in sacculo delicta mea*, scribit: Signantur (d) quasi in sacculo delicta nostra, quia hoc quod nos exterius agimus, nisi pœnitentia interveniente diluamus, in secreto iudiciorum Dei sub qua-

(a) *Ibid.* cap. 2. n. 2. (b) *Ibid.* cap. 11. n. 15.
(c) *Osee* 13. 14. (d) *Ibid.* cap. 17. n. 21.

„dam occultatione servatur, ut quandoque etiam de sacculo se-
 „creti exeat ad publicum iudicii . . . Cum vero pro malis, quæ
 „fecimus, disciplinæ flagello atterimur, & hæc per poenitentiam
 „dessemus, iniquitatem nostram signat, & curat: quia nec inulta
 „hic deferit, nec in iudicio punienda reservat. Signat igitur de-
 „lecta: quia ea hic subtiliter attendit, ut feriat: curat vero, quia
 „hæc per flagellum funditus relaxat“.

Qui voluptatibus carnalibus indulgent, majores ex carne tribula-
 tiones experiri ostendit ex D. Paulo, scribens: „De conjugibus
 „(a) Paulus dicit: *Tribulationem tamen carnis habebunt hujus-*
 „*modi* (b). Sed tribulationem carnis hic pati possunt, etiam
 „qui spiritualiter vivunt. Cur ergo inesse conjugibus carnis tri-
 „bulatio, quasi specialiter dicitur, quæ etiam a vita spiritualiter
 „longe non est, nisi quod hi frequenter majores tribulationes ex
 „carne suscipiunt, qui carnis voluptatibus delectantur“?

Iustorum & malorum aliquando similia sunt verba, sed dissimi-
 lis cordis affectus ostendit ex D. Paulo, scribens: „De conjugibus:
 „Plerumque (c) iusti aliquibus necessitatibus afflicti, sua opera
 „coguntur fateri . . . sed cum eorum dicta iniusti audiunt, hæc per
 „elationem potius quam per veritatem existimant prolata. Ex
 „suis enim cordibus verba iustorum pensant, & dici humiliter
 „posse verba bona non existimant. Sicut enim gravis culpa est,
 „sibi hoc hominem arrogare, quod non est: sic plerumque culpa
 „nulla est, si humiliter bonum dicat, quod est. Unde saepe con-
 „tingit, ut iusti, & iniusti habeant verba similia, sed tamen
 „semper cor longe dissimile: & ex quibus dictis Dominus ab in-
 „iustis offenditur, in eisdem quoque a iustis placatur“.

Electos in humilitate, reprobos vero in superbia vitam finire
 ostendit scribens: „Solent etiam (d) electi in quibusdam suis co-
 „gitationibus atque actibus superbire. Sed quia electi sunt, cun-
 „ctis diebus suis superbire non possunt, quia priusquam vitam fi-
 „niant, ad humilitatis metum ab elatione corda commutant. Im-
 „pius vero diebus suis omnibus superbit: quia sic vitam terminat,
 „ut ab elatione minime recedat. Circumspicit quod temporaliter
 „floret, & pensare negligit quo in æternum ducitur. In vita car-
 „nis fiduciam ponit, eaque diu permanere existimat, quæ ad præ-
 „sens tenet. Solidatur in elatione animus“.

Ostendit, Deum aliquando pravorum voluntati obistere, aliquan-
 do sinere impleri, scribens: „Sunt nonnulli (e), qui & si qua ali-
 „quando agere contra omnipotentis Dei iudicium nituntur, ipsa
 „impossibilitate explendæ suæ voluntatis fracti, ad semetipsos re-
 „spiciunt, atque ad eum, quem contemnere voluerant, convertun-
 „tur: & qui discedere longe potuerant, si quod vellent implere

(a) Ibid. c. 22. n. 27.

(b) 2. Corinth. 7. 28.

(d) Ibid. c. 37. n. 42.

(c) Ibid. c. 31. n. 36.

(e) Ibid. c. 43. n. 48.

S. GREG. M.

valuissent, per hoc aliquando salvantur, quia quod nequiter voluerunt, implere nequiverunt . . . Et sunt nonnulli, qui hoc quod perverſe contra Deum appetunt, iusto Dei iudicio implere nequius permittuntur. Et cum eos malitia accendit, potentia roborat, tanto jam ſemetipſos in errore cognoscere nequeunt, quanto in rebus affluentibus extra ſe ſemper per potentiam trahuntur . . . & tunc Deus magis irascitur, quando permittit impleri, quod ſaltem concipi in cogitatione non debuit “.

Quam periculofum ſit poſt converſionem iterum ad peccata rede- re, declarat ſcribens; „ Sunt nonnulli (a), qui poſt vitam perdi- tam ad ſemetipſos redeunt, & accuſante ſe conſcientia, perva- ſa itinera relinquunt, commutant opera, antiquæ ſuæ pravitati contradicunt, terrenas actiones fugiunt, deſideria ſuperna ſectan- tur: ſed priuſquam in eiſdem ſanctis deſideriis ſolidentur, per torporem mentis ad ea, quæ dijudicare coeperant, redeunt: atque ad mala, quæ fugere diſpoſuerant, recurrunt . . . & cum ad ex- teriora agenda refunduntur, ab omni ſtatu boni operis eradicantur. Unde recte quoque de hiſ iniquis dicitur: *Antequam dies ejus impleantur, peribit* “.

Denique liberum claudit explicans illa verba: *Concepit dolorem, & peperit iniquitatem*, dicendo: „ Dolorem concipit (b), cum per- verſa cogitat. Iniquitatem parit, cum explere coeperit quod co- gitavit. Invidendo dolorem concipit, derogando iniquitatem pa- rit. Gravis quippe eſt iniquitas, quando is, qui perverſus eſt, oſtendere alios perverſos molitur, ut inde ipſe quaſi ſanctus ap- pareat, quod alios ſanctos non eſſe docuerit “.

Liber Deci- mus certius.

Liber tertiuſdecimus moralem continet explicationem capitum 16. & 17. libri Job. Et primo quidem plane contrariam juſtorum & perverſorum affectionem exponit ſcribens: „ Eſſe hoc (c) perva- ſorum proprium ſolet, quod ſua mala per convicium bonis in- gerant, priuſquam de eiſ ipſi veraciter accuſentur: & dum me- tuunt increpari de hiſ, quæ faciunt, adverſantes ſuis pravitatibus juſtos hæc facere teſtantur. Sancti autem viri patienter audiunt etiam quæ ſe nunquam ſeciſſe meminerunt; quamvis ea mala quæ ſibi ingeri conſpiciunt, ab ipſiſ ſuis criminatoſibus noverint perpetrata: & cum eos prædicando corrigere non poſſunt, pa- tiendo tolerant; quatenus ſi fructum converſionis eorum non va- lent, ex ipſiſ tamen præmium longanimitatiſ acquirant “.

Verba etiam bona aliquando per ſuperbiam prolata ventofa eſſe dicit: „ Ventofa (d) verba ſunt, quæ inflationi temporali potius quam rectitudini ſerviunt. Sæpe autem mali etiam bona dicunt: ſed quia bene non dicunt, ventofa verba proferunt. Nam diſta „ eorum

(a) *Ibid.* c. 52. n. 59.(b) *Ibid.* c. 55. n. 64.(c) *Ibid.* c. 1. n. 1.(d) *Ibid.* c. 3. n. 3.

eorum & si quando sana sunt per sententiam, inflata tamen sunt
per elationem.” S. GREG. M.

Licere aliquando docet malis flagella aptare, ut corrigantur, scribens: „ Aliquando (a) necesse est, ut pravis mentibus, quæ humana prædicatione corrigi nequeunt, divina flagella aptari benigne debeant. Quod cum magno sit amoris studio: videlicet non trantis poena, sed correptio quæritur, & oratio potius quam maledictio esse monstratur.”

Quomodo sint peccatores corrigendi, pulcre ostendit scribens: „ Magna (b) prædicationis arte agendum est, ut qui ex aperta correptione deteriores sunt, quodam temperamento correptionis ad salutem redeant. . . Sicut enim inhonesta membra in corpore, ita quidam sunt intra sanctam Ecclesiam potentes & protervi; qui dum aperta invectione feriri nequeunt, quasi honore regiminis vallantur. Sed hæc de occultis potentium delictis loquimur. Nam quando & aliis cognoscentibus peccant, aliis etiam cognoscentibus increpandi sunt: ne si prædicator taceat, culpam adprobasse videatur; atque hæc crescens in exemplum veniat, quam pastoris lingua non secatur.”

Explicans illa verba: *Ecce in celo testis meus*, scribit: „ Omnis, qui ex eo (c) quod agit, humanas laudes appetit, testem in terra quærit. Qui autem de actibus suis omnipotenti Deo placere festinat, testem se in celo habere considerat. Et sæpe contingit, ut ipsa quoque in nobis bona opera ab incautis hominibus reprehendantur. Sed qui testem in celo habet, reprehensiones hominum metuere non debet.”

Deum quandoque permittere, ut perverſi nec per flagella emendantur, ostendit scribens: „ Sunt nonnulli (d), qui & flagella tolerant, & tamen mentem ad flagellantis metum minime reformant. Unde recte nunc dicitur: *Cor eorum longe fecisti a disciplina*. Quia etsi corpus sub disciplina est, cor sub disciplina non est: dum & flagellatur quisque, & tamen ad humilitatem mentis non reducit. Neque ita hoc dicitur, ac si omnipotens & misericors Deus longe cor hominis a disciplina faciat, sed quod sponte delapsum, ibi remanere ubi cecidit, iudicando permittat.”

Quam facile errent, qui de divinis flagellis iudicare audent, ostendit scribens: „ Omnis (e) qui flagello percutitur, quasi in proverbium ponitur vulgi: quia stultus quisque dum cuiquam maledicere appetit, ex illius similitudine maledictionem sumit, quem percussum temporaliter videt; eamque poenam suo optat adversario, quam evenisse conspicit iusto. Sicque fit, ut non recte sapientibus in exemplum deducatur rectus, dum & poena

C 3

„ iusti

(a) *Ibid.* c. 5. n. 5. (b) *Ibid.* n. 7.
(c) *Ibid.* c. 24. n. 28. (d) *Ibid.* c. 32. n. 36.
(e) *Ibid.* c. 35. n. 45.

S. GREG. M.

„ iusti esse damnatio creditur , & quæ illi maneat gloria , nulla
„ spe fidei prævideatur “ .

Sanctos veteris Testamenti in Limbo detentos Deum non vidisse docet , scribens : „ Priores Sancti (a) & sustinere adversa poterant , & tamen e corporibus educti , adhuc ab inferni locis liberari non poterant : quia necdum venerat , qui illuc sine culpa descenderet , ut eos , qui ibi tenebantur ex culpa , liberaret . . . Et quia in ipsis quoque inferni locis iustorum animæ sine tormento tenebantur , ut & pro originali culpa adhuc illuc descenderent , & tamen ex propriis actibus supplicium non haberent , quasi in tenebris lectulum stravisse , est in inferno sibi requiem præparasse . Grave etenim tedium electis fuit , post solutionem carnis , adhuc speciem non videre creatoris . Quod tedium non immerito beatus Job tenebras vocat “ .

Quisque de sua salute sollicitus semper timere debet , cum & sancti viri timerint , ut ex S. Job ostendit D. Gregorius , scribens : „ Qua in re (b) cum magno nobis timore pensandum est , quis nostrum jam de requie æterna securus sit , si de ea adhuc & Job trepidat , cuius virtutis præconia & ipse iudex qui percutit , clamat : *Si enim iustus vix salvabitur , impius & peccator ubi peribunt* (c) ? Beatus etenim Job ad requiem se post flagella perventurum noverat : sed ut nostra timore corda concuteret , ipse visus est de æternæ quietis retributione dubitare “ .

Libri decimas quartus ,

Capitulum 18. & 19. Libri Job sensum historicum , allegoricum , & moralem exponit D. Gregorius in libro decimoquarto . Et primo quidem omnium , quæ in præcedentibus libris dixit , velut epilogum & anacephalæosim exhibet . Deinde ex verbis Baldad Suhites anam arripit hæreticos redarguendi , ostendens (d) , illos inique Ecclesiam superbiæ & ignorantie insimulare , eorumque falsas in eandem suspiciones & contumelias repellit (e) , cuius zelum immerito furorem vocant & insaniam (f) . A vero aberrare dicit , dum putant , extra Ecclesiam se posse salutem consequi , scribens : „ Sancta (g) universalis Ecclesia prædicat , Deum veraciter nisi intra se coli non posse , asserens quod omnes qui extra ipsam sunt , minime salvabuntur . At contra hæretici , qui etiam extra ipsam salvari se posse confidunt , in quolibet loco sibi divinum adiutorium adesse profitentur “ .

Explicans Jobi verba : *Lucerna , quæ super eum est , extinguetur* , ostendit , tam iustos , quam malos suas lucernas habere , sed istos supra , illos vero infra se , scribens : „ Lucerna lumen in testa est “ (h) : lumen vero in testa , est gaudium in carne . Lucerna ergo , quæ super eum est , extinguitur , quia cum malorum suorum

- (a) *Ibid.* c. 44. n. 42. (b) *Ibid.* c. 49. n. 55.
(c) *1. Petr.* 4. 18. (d) *Ibid.* c. 2. n. 2.
(e) *Ibid.* c. 3. n. 3. (f) *Ibid.* c. 4. n. 4.
(g) *Ibid.* c. 5. n. 5. (h) *Ibid.* c. 8. n. 10.

„rum retributio impium sequitur, in ejus mente gaudium carnale
 „dissipatur . . . Justi autem etiam cum prosperitate vitæ præ-
 „sentes habent, eam sub semetipsis premere noverunt, ut hoc
 „quod apud se in bonis hilarescunt, gravitatis consilio transeant,
 „& virtutis regimine excedant. Lucerna ergo impii, quæ supra
 „eum est, extinguatur, quia citius ejus gaudium deficit, quod
 „eum totum in hac vita possedit“.

A superbia vix cavere divites posse docet, dum scribit: „Ini-
 „qui (a) gloriam vel operationem superbia plantat. Potuit enim
 „etiam in hac vita sine culpa gloriosus existeret, si superbus mi-
 „nime fuisset: potuit auctoris sui iudicio quibuldam suis operibus
 „commendari, nisi hæc ipsa opera ante ejus oculos elatio sup-
 „plantaret. Sæpe enim quosdam divites videmus, qui opes &
 „gloriam habere sine culpa potuissent, si hæc habere cum humili-
 „tate voluissent. Sed extolluntur rebus, instantur honoribus,
 „dedignantur cæteros, omnemque vitæ suæ fiduciam in ipsa a-
 „bundantia rerum ponunt. Unde & quidam dives dicebat:
 „*Anima, habes multa bona reposita in annos plurimos, requiesce,*
 „*comede, bibe, epulare* (b). Quas earum cogitationes dum su-
 „pernus iudex aspicit, de hac ipsa eos sua fiducia evellit“.

Carnalia peccata sulphuri foetenti, & ardenti comparat, scri-
 „bens: „In sulphure (c) peccatum carnis accipitur. Quod dum
 „perverfis cogitationibus quasi quibuldam foetoribus mentem re-
 „plet, æterna ei incendia preparat . . . Sulphur quippe foetorem
 „habet, ignis ardorem. Quia itaque ad perversa desideria ex
 „carnis foetore ardeant (Sodomæ habitatores) dignum fuit, ut si-
 „mul igne & sulphure perirent: quatenus ex iusta pœna disce-
 „rent, ex injusto desiderio quid fecissent. Hoc ergo in taberna-
 „culo iniqui sulphur aspergitur, quoties perversa carnis delectatio
 „in ejus mente dominatur“.

Prius contra propria peccata insurgendum, deinde contra aliena,
 „monet dicens: „Ordo (d) erectionis in bono iste est, ut primum
 „contra nos, & postmodum contra malos erigamur . . . Contra
 „nosmetipsos enim erigimur, quando mala propria recognoscen-
 „tes, districta nosmetipsos pœnitentiæ ultione ferimus; quando
 „nequaquam nobis in peccatis parcimus, & nullis erga nos cogi-
 „tationum blandimentis inclinamur. Qui si districtè prius no-
 „stra in nobis mala insequimur, iustum quoque est, ut etiam
 „contra aliena mala utiliter erigamur; & ea quæ in nobis puni-
 „mus, etiam in aliis redarguendo superemus“.

Quomodo Deus corporea membra habere dicatur, exponit scri-
 „bens: „In Deo (e), qui corporis forma non circumscribitur,
 „membra corporis, id est manus, oculus, uterus ita nominantur,

C 4

„ ut

(a) *Ibid.* c. 16. n. 19.(b) *Luc.* 12. 19.(c) *Ibid.* c. 19. n. 23.(d) *Ibid.* c. 29. n. 33.(e) *Ibid.* c. 45. n. 53.

S. GREG. M.

„ ut ex membrorum vocabulis, effectus ejus potentie designentur. Oculos quippe habere dicitur, quia cuncta videt; manus habere describitur, quia cuncta operatur; in utero autem proles concipitur, quæ in hac vita profertur. Quid ergo uterum Dei, nisi ejus consilium debemus accipere, in quo ante sæcula per prædestinationem concepti sumus, ut creati per sæcula producamur? ”

Piorum mentes ad preces, non ad iram moveri, dum injuste vexantur, ostendit, scribens: „ Hoc habere (a) solet proprium mens piorum, quod cum injusta ab adversariis patitur, non tam ad iram, quam ad preces moveatur: ut si moderari eorum pravitas placide valeat, plus deprecari eligant, quam irasci... & a quibus semper contumeliis se affligi considerat, amicos vocat: quia bonis mentibus etiam ipsa fiunt prospera, quæ videntur adversa ”.

Detractores insectatur S. Pontifex, explicans illa verba: *Et carnibus meis saturamini*, scribens: „ Hi qui (b) alienæ vitæ detractio pascuntur, alienis proculdubio carnibus satiantur. Unde per Salomonem dicitur: *Noli esse in convivio potatorum, neque comedas cum eis, qui carnes ad vescendum conferunt* (c). Carnes quippe ad vescendum conferre, est in colloquutione derogationis vicissim proximorum vitia dicere. De quorum illic poena mox subditur: *Quia vacantes potibus, & dantes symbolum consumentur* (d). Potibus vacant, qui de opprobrio alienæ vitæ se inebriant. Symbolum vero dare, est, sicut unusquisque solet pro parte sua cibos ad vescendum, ita in confabulatione detractiois verba conferre. Sed vacantes potibus, & dantes symbolum consumentur, quia sicut scriptum est: *Omnis detractor eradicabitur* (e). ”

Christum vero Redemptorem prænuntiasse S. Jobum ostendit scribens: „ Qui non ait (f) Conditor, sed Redemptor: aperte eum denuntiat, qui postquam omnia creavit, ut nos de captivitate redimeret, inter nos incarnatus apparuit, suaque passione nos a perpetua morte liberavit. Et notandum, quantā fide se in virtute ejus divinitatis adstringat... Ait: *Scio quod Redemptor meus vivit*: ac si apertis vocibus dicat: Infidelis quisque illum flagellatum, derisum palmis cæsum, corona spinea coronatum, spitis illitum, crucifixum, mortuum noverit; ego illum post mortem vivere certa fide credo, libera voce profiteor, quia Redemptor meus vivit, qui inter impiorum manus occubuit. Sequitur: *Et in novissimo die de terra surrecturus sum*. Quia (g) videlicet resurrectionem, quam in se ostendit, in nobis etiam quandoque „ factu-

(a) Ibid. c. 51. n. 59. (b) Ibid. c. 52. n. 61.

(c) Prov. 23. 20. (d) Ibid. 21.

(e) Ibid. 15. 5. (f) Cap. 54. n. 67.

(g) Ibid. c. 55. n. 68.

„ facturus est. Resurrectionem quippe, quam in se ostendit, nobis
 „ promisit: quia sui capitis gloriam sequuntur membra “. S. GREG. 16.
 Veram quoque agnovisse S. Job corporum resurrectionem in illis
 verbis: *Et rursum circumdabor pelle mea*, testatur subdicens; „ Dum
 „ aperre (a) pellis dicitur, omnis dubitatio veræ resurrectionis
 „ aufertur “. Et hic S. Gregorius quasi occasionem nactus suam
 cum Eurychio Patriarcha Constantinopolitano controversiam nar-
 rat; & quomodo illum a suo errore, quo putabat corpus nostrum
 post resurrectionem futurum impalpabile, aereque subtilius, revo-
 caverit, & ad veritatem agnoscendam adduxerit, ut diximus in
 ejus vitæ Synopsi.

Explicat deinde, quomodo caro nostra post resurrectionem &
 eadem futura sit, & plane diversa, scribens: „ Nos beati Job
 „ (b) fidem sequentes, & Redemptoris nostri post resurrectionem
 „ corpus palpabile veraciter credentes, fatemur carnem nostram
 „ post resurrectionem futuram & eandem, & diversam: eandem
 „ per naturam, diversam per gloriam: eandem per veritatem,
 „ diversam per potentiam. Erit itaque subtilis, quia & incorru-
 „ ptibilis: erit palpabilis, quia non amittet essentiam veracis na-
 „ turæ “. Denique librum claudit, ad poenitentiam peccatores
 alliciendo, & urgendo memoria, & consideratione postremi judicii
 ultimam resurrectionem subsequenti.

In hoc quinto decimo libro explicanda sibi sumit capita 20. &
 21. Et primo quidem se putare declarat S. Jobi amicos non per-
 verfos fuisse, quod ex verbis Naamathitis ostendit. Deinde consi-
 derandam proponit vitæ nostræ brevitatem, scribens: „ Si ab ipso
 „ (c) humani generis exordio, usque ad hoc tempus in quo su-
 „ mus, mentis oculos ducimus, omne quod finiri potuit, quam
 „ breve fuerit videmus. Ponamus enim quemlibet hominem a
 „ primo die mundi conditi usque ad hodiernum diem vitam du-
 „ cere, hodie tamen eandem vitam, quam sic longam ducere vi-
 „ debatur, finire: ecce, finis adest, præterita jam nulla sunt, quia
 „ cuncta transierunt. Futurum in hoc mundo nihil est, quia nul-
 „ lum ad vitam vel brevissimum restat momentum. Ubi est er-
 „ go longum tempus, quod inter initium finemque deprehensum
 „ ita consumitur, ac si nec breve unquam fuisset “?

Contra hypocritas vero declamat, ostendens (d) eorum hypocrisim
 tandem in vitæ fine detegi (e), cum eorum vita sit phantasmata
 similis, quæ hoc ostendit in imagine, quod non habet in veritate
 (f). Nihil profuturas illis in judicio linguas adulantium (g).
 Exterius multiplicatos, interius inanes fieri (h). Damnationem
 in suæ hypocrisis poenam recepturos (i). A vitiis nunquam de-
 seren-

(a) Ibid. c. 56. n. 71.

(b) Ibid. c. 57. n. 77. (c) Ibid. c. 3. n. 3.

(d) Cap. 5. n. 6. (e) Cap. 6. n. 7.

(f) Cap. 7. n. 8. (g) Cap. 8. n. 9.

(h) Cap. 9. n. 10. (i) Cap. 10. n. 11.

S. GREG. M.

ferendos (a). Sermonibus dulcia prætere, cogitationibus per-
versa moliri (b). Denique gloriam & laudem, quibus delectantur
hypocritæ, tandem in fel. aspidum convertendas.

Diaboli tentationes & aspidi, & viperæ moribus assimilât scri-
bens: „ Quid per (c) aspides parvos, nisi latentes suggestiones
„ immundorum spirituum figurantur, qui cordibus hominum parva
„ prius persuasionibus surripiunt? Quid vero per linguam viperæ,
„ nisi violenta diaboli tentatio designatur? Prius enim leniter surri-
„ pit, postmodum vero etiam violenter trahit. Caput itaque aspidum
„ fugit: quia initium suggestionis occultæ parvum prius in corde
„ nascitur, sed occidit eum lingua viperæ: quia postmodum capta
„ mens veneno violentæ tentationis necatur “.

Æternitatem pœnarum in inferno oculis peccatorum exhibet, ex-
„ plicans Jobi verba: „ *Luet quæ fecit omnia, nec tamen consu-*
metur, sic scribit: „ Perfolvit (d) in tormento ea quæ hic illi-
„ cite servavit desideria: & flammis ultricibus traditus, semper
„ moritur, quia semper in morte servatur. Non enim in morte
„ consumitur: quia si consumeretur vita morientis, cum vita et-
„ iam pœna finiretur. Sed ut sine fine crucietur, vivere sine fine
„ in pœna compellitur: ut cujus vita hic mortua fuit in culpa,
„ illic ejus mors vivat in pœna . . . & sic cruciatur, & non
„ extinguitur: moritur, & vivit: deficit, & subsistit: finitur sem-
„ per, & sine fine est. Hæc solo auditu valde sunt terribilia, quan-
„ to magis passione “?

Avaritiam damnat, ostendens nunquam satietate expleri, scri-
bens: „ Prius anhelat (e) per avaritiam concupita congregare:
„ & cum quasi in quodam ventre avaritiæ multa congerierit, fa-
„ tiatus arctatur: quia dum anxius qualiter acquisita custodiat,
„ ipsa eum sua satietas angustat. Divitis enim cujusdam uberes
„ fructus ager attulerat, sed quia ubi eos tantos reponeret non
„ habebat, dixit: *Quid faciam, quia non habeo quo congregem*
fructus meos (f)? . . . Qui ergo ex abundantia coangustatus
„ dicebat: *Quid faciam?* quasi multo cibo pressus æstuabat. Pen-
„ semus quot votis appetiit, ut uberes fructus ager illius afferret.
„ Ecce autem vota completa sunt, quia fructus uberes ager attu-
„ lerat. Sed quia ad recondendum loca non sufficiunt, multipli-
„ catus dives, quid faciat ignorat. O angustia ex satietate nata!
„ De ubertate agri angustiat anima “.

Gehennæ ignis quomodo foveatur, & servetur, explicat dicens:
„ Miro valde modo paucis verbis (g) expressus est ignis Gehe-
„ næ. Ignis namque corporeus, ut esse ignis valeat, corporeis
„ indiget fomentis. Qui cum necesse est ut servetur, per congesta
„ ligna

(a) Cap. 11. n. 13.

(b) Cap. 13. n. 15.

(c) Ibid. c. 15. n. 10.

(d) Ibid. c. 17. n. 21.

(e) Ibid. c. 22. n. 26.

(f) Luc. 12. 17. & 18.

(g) Ibid. c. 29. n. 35.

„ligna proculdubio nutritur; nec valet nisi succensus, esse, & nisi
 „refotus subsistere. At contra Gehennæ ignis, cum sit corporeus, S. GREG. M.
 „& in se missos reprobos corporaliter exurat, nec studio huma-
 „no succenditur, nec lignis nutritur: sed creatus semel durat
 „inextinguibilis, & succensione non indiget, & ardore non ca-
 „ret. . . quia omnipotentis iustitia futurorum præscia, ab ipsa
 „mundi origine Gehennæ ignem creavit, qui in pœna reprobo-
 „rum esse semel inciperet, sed ardorem suum etiam sine lignis
 „nunquam finiret “?

„Paucos quidem verbis dicere Deo, *Recede a nobis*, plurimos ve-
 „ro factis ingeminare ostendit, dum scribit: „Verbis dicere (a),
 „*Recede a nobis*, vel stulti minime præsumunt: sed tamen per-
 „versi omnes Deo, *Recede*, non verbis, sed moribus dicunt.
 „Qui enim illa agunt quæ Deus omnipotens prohibet, quid aliud
 „faciunt, quam suum animum contra Omnipotentem claudunt?
 „Sicut enim ejus præcepta cogitare, eum ad se introducere est:
 „ita ejus mandatis obistere, eum a cordis inhabitatione repel-
 „lere est. Dicunt ergo: *Recede a nobis*, qui ei ad se aditum
 „præbere recusant, eumque pravis actibus impugnant, etiam si
 „verbis laudare videantur “.

„Impiorum oculos culpam claudere, sed pœnam aperire declarat
 „scribens: „Impiorum oculos (b) culpa claudit, sed in extremum
 „pœna aperit. . . Nescit enim impius mala quæ fecit, nisi cum pro
 „iisdem malis puniri jam cœperit. Unde & per Prophetam dicitur:
 „*Et tantummodo sola vexatio dabit intellectum auditui (c)*.
 „Tunc namque intelligit quod audivit, cum se jam pro contem-
 „ptu vexari doluerit. . . Qui si (d) in hac vita positus culpam
 „suam videre voluisset, de Omnipotentis postmodum furore non
 „biberet. Sed qui hic avertit oculos a conspectu criminis, illic
 „declinare non valet sententiam damnationis “.

„Librum denique claudit dicens, sanctis, & piis omnibus odiosum
 „esse mendacium. „Sanctorum mentes (e), quia veritatem diligunt,
 „etiam culpa fallaciæ torquet alienæ. Quanto enim grave men-
 „daciū esse crimen aspiciunt, tanto hoc non solum in se, sed et-
 „iam in aliis oderunt “.

„In hoc decimo sexto libro, quo tertiam partem suorum Mora-
 „lium claudit D. Gregorius, explicanda sumit capita 22. 23. & 24.
 „usque ad medium vigesimum versiculum. Et primo quidem obser-
 „vat, quod (f) „qui contra veritatis verba in allegatione defi-
 „ciunt, sæpe etiam nota replicant, ne tacendo victi videantur “.
 „Deinde Deum nostra non indigere iustitia ostendit scribens: „In
 „omni (g) quod bene agimus, nosmetipsos, non autem Deum
 „juva-

Liber Deci-
 mus sextus.

(a) *Ibid.* c. 44. n. 50.

(b) *Ibid.* c. 51. n. 58.

(d) *Ibid.* c. 52. 59.

(f) *Ibid.* ante n. 1.

(c) *Isaj.* 28. 19.

(e) *Ibid.* c. 62. n. 73.

(g) *Ibid.* c. 2. n. 2.

juvamus. Unde & per Psalmistam dicitur: *Dixi Dominus, Deus meus es tu, quoniam bonorum meorum non indiges* (a). Ipse enim vere nobis Dominus, quia & utique Deus est, qui bono non indiget servientis, sed bonitatem confert, quam recipit: ut oblata bonitas non ipsi, sed prius accipientibus, & post redditibus proficit. Nam etsi in iudicium Dominus veniens, dicit: *Quamdiu fecistis uni de his fratribus meis minimis, mihi fecistis* (b): mira hoc pietate loquitur ex suorum compassione membrorum. Et ipse nos per hoc quod caput nostrum est adjuvat, qui per nostra bona opera in suis membris adjuvatur. Hæreticos insectatur, qui Ecclesiam inscitæ arguunt (c), qui ejus magnitudini, & universalitati invident (d), illi detrahunt, quia respicientes benigne, clementerque excipit (e), verba irrisoria contra catholicos proferunt, atque ab eis illum non timeri suspicantur, quem videre corporaliter nequeunt (f).

Et hic quasi occasionem nactus, divinam immensitatem & providentiam eximie describit dicens: „Cum sit (g) semper Omnipotens, sic intendit omnibus, ut adsit singulis: sic adest singulis, ut simul omnibus nunquam desit. Nam etsi quosdam peccantes deserit, eisdem tamen ipsis adest per iudicium, quibus desesse cernitur per adjumentum. Sic itaque exteriora circumdat, ut interiora impleat: sic interiora implet, ut exteriora circumdet: sic summa regit, ut ima non deserat: sic imis præsens est, ut a superioribus non recedat: sic latet in sua specie, ut tamen cognoscatur in operatione: sic cognoscitur in suo opere, ut tamen comprehendi non valeat a cognoscentis æstimatione: sic adest, ut videri nequeat: sic videri non valet, ut tamen ejus præsentiam ipsa sua iudicia testentur: sic se nobis intelligendum præbet, ut tamen ipsum nobis radium sui intellectus obnubilet: & rursus sic caligine nos ignorantie reprimat, ut tamen menti nostræ radiis suæ claritatis intermicet“.

Cur Deus etiam malis bona rependat, rationem reddit dicens: „Malorum (h) domos Dominus bonis implet, quia etiam ingratis sua dona non denegat: ut aut benignitatem conditoris erubescant, & ad bonitatem redeant: aut redire omnimodo contemnentes, inde illic gravius puniantur, unde hic & bonis Dei largioribus mala reddiderunt: ut duriora eos tunc supplicia puniant, quorum hic malitiam nec dona vicerunt“.

Superbiæ damna, & humilitatis emolumenta describit per hæc verba: „Quantalibet sit (i) iustitia operis, apud internum iudicem nulla est, si hanc elevat tumor mentis Oculos incli-

„ dare

(a) Psal. 115. 2. (b) Matth. 25. 40.

(c) Ibid. c. 5. n. 8. (d) Ibid. n. 9.

(e) Ibid. c. 6. n. 10. (f) Ibid. c. 8. n. 18.

(g) Ibidem. (h) Ibid. c. 12. n. 17.

(i) Ibid. c. 23. n. 28.

„nare (a), est nullum respiciendo despiciere, sed se minorem at-
 „que imparem cunctis quos aspicit, aestimare. Salvabitur itaque S. GREG. M.
 „qui oculos inclinat: quia qui falsum superbix verticem deserit,
 „veritatis altitudinem ascendit “.

Gratix necessitatem inculcat, scribens: „ Illum in (b) extremo
 „examine iustitia æterni iudicis salvat, quem hic ejus pietas ab
 „immundis operibus liberat. . . . Superna ergo pietas prius agit
 „in nobis aliquid sine nobis, ut subsequente quoque nostro libero
 „arbitrio, bonum quod jam appetimus, agar nobiscum: quod
 „tamen per impensam gratiam in extremo iudicio ita remunerat
 „in nobis, ac si solis processisset ex nobis “.

Iustorum sollicitudinem in via veritatis retinenda describit dicens:
 „ Hæc est sollicitudo iustorum (c), ut actus suos quoridie juxta
 „vias veritatis examinent, & eas sibi in regulam proponentes, a
 „rectitudinis earum tramite non declinent. Super semetipsos
 „quippe quotidie ire contendunt, & quo in virtutum verticem
 „provehuntur, cauta reprehensione dijudicant, quidquid de eis ex
 „semetipsis remanet infra semetipsos, & totos se illo festinant tra-
 „here, ubi se inveniunt ex parte pervenisse “.

Neminem in pravis cogitationibus immunem dicit, scribens:
 „ Sæpe etiam (d) corda iustorum subortæ cogitationes polluunt,
 „terrenarum rerum delectationibus tangunt; sed dum citius manu
 „sanctæ discretionis abiguntur, festine agitur, ne cordis faciem
 „caligo operiat, quæ hanc jam ex illicita delectatione tangebatur.
 „Nam sæpe in ipso orationis sacrificio importunæ se cogitationes
 „ingerunt, quæ hoc rapere vel maculare valeant, quod in nobis
 „Deo flentes impolamus “.

Hæreticorum fraudes detegit, ostendens infirmos & indoctos qua
 vi, qua blandimentis seducere (e); Sanctorum Patrum doctrinam
 otiosis & incautis auferre (f): Fideles persecutionibus insectantur,
 quas tamen fidelibus utiles dicit (g): Ecclesiæ unitatem solvere
 nituntur (h): Deum tamen eorum scelera impunita minime relin-
 quere (i): sed eos reprobo sensui tradere (k).

Quod non sit peccatum irremissibile, explicat dicens: „ Peccatum
 „ulque ad inferos (l) ducitur, quod ante finem vitæ præsentis
 „per correctionem ad prænitentiam non emendatur. De quo vi-
 „delicet peccato per Joannem dicitur: *Est peccatum ad mortem*,
 „non pro illo dico ut roget quis (m). Peccatum namque ad mor-
 „tem, est peccatum ulque ad mortem: quia scilicet peccatum
 „quod hic non corrigitur, ejus venia frustra postulatur “.

Quar-

- | | |
|--------------------------------|--------------------------------|
| (a) <i>Ibid.</i> c. 14. n. 29. | (b) <i>Ibid.</i> c. 25. n. 30. |
| (c) <i>Ibid.</i> c. 34. n. 42. | (d) <i>Ibid.</i> c. 42. n. 53. |
| (e) <i>Ibid.</i> c. 52. n. 65. | (f) <i>Ibid.</i> c. 53. n. 66. |
| (g) <i>Ibid.</i> c. 54. n. 67. | (h) <i>Ibid.</i> c. 55. n. 68. |
| (i) <i>Ibid.</i> c. 56. n. 69. | (k) <i>Ibid.</i> c. 58. n. 71. |
| (l) <i>Ibid.</i> c. 68. n. 82. | (m) 1. Joan. 5. 16. |

S. GREG. M.

Liber Decimus septimus.

Quarta Moralium pars libros sex complectitur. In quorum primo reliqua capituli 24. a versu 20. dimidiato, & integra capita 25. 26. morali sensu exponit. In libro itaque decimo septimo, primo S. Jobi nomen & passionis typica expositione enodat, ostendens, in ipso Christum ejusque passionem designari; quare scribit: Crebro (a) dixisse me memini, quoniam beatus Job passiones Redemptoris nostri, ejusque corporis, idest sanctæ Ecclesiæ, & passione sua signavit & nomine. Job quippe interpretatur Dolens. Et quis alius in hoc dolente figuratur, nisi is de quo scriptum est: Vere languores nostros ipse tulit, & dolores nostros ipse portavit (b) ? . . . Amici vero ejus hæreticorum speciem tenent, qui, ut sæpe jam diximus, Deum dum defendere nituntur, offendunt. Eorum autem labores steriles ostendit (c). Deinde ostendit, quomodo misericordia Dei a peccantibus neglecta in eorum poenam vertitur, scribens: „Quisquis (d) delinquit, & vivit, hunc divina dispensatio in iniquitate tolerat, ut ab iniquitate compescat. Sed qui diutius toleratur, nec tamen ab iniquitate compescitur, munus quidem supernæ patientiæ percipit, sed reatus sui vinculis, ex ipso se munere arctius adstringit. Nam quia accepta poenitentiae tempora divertit ad culpam, districtius in ultimis iudex impenitentia argumenta misericordiae convertit ad poenam.“

Plane diversam justorum & impiorum conditionem in paleis & granis adumbratam agnoscit scribens: „Aristæ (e) ad alta profiliunt, grana latent: quia & reproborum potentia eminet, & electorum gloria non apparet. Illi se bonorum fastibus ostendunt, isti in humilitate se depriment. Sed triturae tempus adveniet, quod & aristarum rigiditatem frangat, & solida grana non conterat. Tunc quippe superbia iniquorum comminuitur, tunc electorum vita quanta integritate fulgeat, declaratur: quia cum iniusti deficiunt, ex hac ipsa aristarum contritione agitur, ut grana appareant quæ latebant. Cumque aristæ franguntur, granorum candor ostenditur: quia iniquis in supplicia aeterna cadentibus, Sanctorum iustitia quanta veritate candeat, demonstratur.“

De Angelis vero disputans, dicit, eorum numerum (f) & infinitum, & definitum exprimi in Scripturis, „ut qui Deo est numerabilis, esse innumerabilis hominibus demonstretur.“ Dicit etiam milites Dei, quia (g) decertant contra aereas potestates: ordinari ad Regnorum, populorumque custodiam, & gubernationem (h). Quomodo vero, cum quamaxime sint inter se concordantes, tamen inter se confligere dicantur, explicat dicens: „dici-

(a) Ibid. c. 1. n. 1.

(b) Isaj. 53. 4.

(c) Ibid. c. 3. n. 4.

(d) Ibid. cap. 6. n. 8.

(e) Ibid. c. 10. n. 13.

(f) Ibid. c. 13. n. 18.

(g) Ibid. n. 19.

(h) Ibid. c. 12. n. 17.

„ dicitur, quod contra se (a) Angeli veniunt; quia subjectarum
 „ sibi gentium vicissim merita contradicunt. Nam sublimes spiri-
 „ tus iisdem gentibus principantes nequaquam pro iniuste agentibus
 „ decernant, sed eorum facta iuste iudicantes examinant. Cumque
 „ uniuscuiusque gentis vel culpa vel iustitia ad supernæ curiæ con-
 „ siliū ducitur, ejusdem gentis præpositus vel obtinuisse in cer-
 „ tamine, vel non obtinuisse perhibetur. Quorum tamen omnium
 „ una victoria est sui super se opificis voluntas summa; quam
 „ dum semper aspiciunt, quod obtinere non valent, nunquam vo-
 „ lunt. Angelis etiam adaptat verba Jobi, *Columnæ Cæli con-*
 „ tremiscunt. Columnas cæli sanctos Angelos appellat, „ quia ipsæ
 „ (b) quoque virtutes cælestium, quæ Deum sine cessatione respi-
 „ ciunt, in ipsa sua contemplatione contremiscunt. Sed isdem
 „ tremor ne eis pœnalis sit, non timoris est, sed admirationi-
 „ nis “.

Librum denique claudit terribili Dei judicantis descriptione, cu-
 „ jus formidabilem Majestatem ex eo colligit, quod adhuc in carne
 „ positus (c), vocem solummodo mitissimæ responsionis proferens;
 „ armatos persecutores suos protinus in terram stravit. Quam-
 „ obrem subdit: „ Quid ergo facturus est cum judicaturus venerit,
 „ qui una voce hostes suos perculit, etiam cum judicandus venit?
 „ Quod est illud iudicium quod immortalis exerit, qui in una vo-
 „ ce non potuit ferri moriturus? Quis ejus iram toleret, cujus &
 „ ipsa non potuit mansuetudo tolerari “?

In hoc decimo octavo libro totum caput 27. & partem 28. us-
 „ que ad versiculum 21. dimidiatum multiplici sensu sumit explican-
 „ dum. Et primo quidem ostendit, Sacræ Scripturæ obscuritatem ad
 „ altiorē ejus sensum investigandum provocare. Deinde obser-
 „ vat (d), Jobi loquendi genus parabolicum esse ac mysticum.

Explicat vero quomodo diabolus iustos obligandi habeat potesta-
 „ tem, scribens: „ Diabolus (e) licet afflictionem iustorum sem-
 „ per appetat; tamen si ab auctore nostro potestatem non accipit,
 „ ad tentationis articulum nullatenus convalescit. Unde & omnis
 „ voluntas Diaboli iniusta est, & tamen permittente Deo omnis
 „ potestas iusta est. Ex se enim tentare quoslibet iniuste appetit,
 „ sed eos qui tentandi sunt, prout tentandi sunt, non nisi tentari
 „ Deus iuste permittit “.

Mendacium nunquam licitum, nec ad vitam hominis salvandam
 „ licere docet, scribens: „ Summopere (f) cavendum est omne men-
 „ dacium, quamvis nonnunquam sit aliquod mendacii genus culpæ
 „ levioris, si quisquam præstando mentitur... Hoc quoque men-
 „ dacii genus perfecti viri summopere fugiunt, ut nec vita cuius-
 „ libet per eorum fallaciam defendatur, ne suæ animæ noceant,
 „ dum

(a) *Ibidem.* (b) *Ibid.* c. 30. n. 44.

(c) *Ibid.* c. 33. n. 54. (d) *Ibid.* c. 1. n. 2.

(e) *Ibid.* c. 2. n. 4. (f) *Ibid.* c. 3. n. 5.

¶
S. GRAS. M.

„dum præstare vitam carni nituntur alienæ . . . Et licet (a) in
„Testamento veteri nonnulla possint talia reperiri, pene nun-
„quam tamen hoc, vel tale genus mendacii a perfectis admissum,
„studiosus ibi lector inveniet “.

„Aliqua peccata nec a iustis vitari posse ostendit scribens: „Scien-
„dum (b) est, quod sunt peccata quæ a iustis vitari possunt, &
„sunt nonnulla quæ etiam a iustis vitari non possunt. Cujus
„enim cor in hac corruptibili carne consistens, in sinistra cogita-
„tione non labitur, vel si usque ad consensus foveam non merga-
„tur? Et ramen hæc ipsa prava cogitare, peccare est. Sed dum
„cogitationi resistitur, a confusione sua animus liberatur. Mens
„ergo iustorum etsi libera est a perverso opere, aliquando tamen
„corruit in perversa cogitatione. Et in peccatum ergo labitur,
„quia saltem in cogitatione declinatur: & tamen unde semeti-
„psam postmodum fiendo reprehendat, non habet, quia ante se re-
„parat, antequam per consensum cadat “.

„Amorem Dei & Mundi in uno corde coniungi non posse ostendit
„scribens: „Joannes (c) Apostolus sciens inter spinas amorum se-
„cularium, supernæ caritatis messem germinare non posse, prius-
„quam æterni amoris semina proferat, de audientium cordibus
„sancta verbi manu, amorum sæcularium spinas eradicat, dicens:
„*Nolite diligere mundum, neque ea quæ in mundo sunt* . . . Ac
„si aperte dicat: Utrique se amores in uno corde non capiunt;
„nec in eo seges supernæ caritatis pullulat, in quo illam spinæ
„inimæ delectationis necant “.

„Venti urentis nomine Diabolus quomodo designetur, ostendit scri-
„bens: „Quis hoc loco (d) ventus urens, nisi malignus spiritus
„vocatur, qui desideriorum flammæ in corde excitat, ut ad æter-
„nitatem suppliciorum trahat? Perversum ergo quemlibet ventus
„urens tollere dicitur, quia insidiator malignus spiritus, qui vi-
„ventem quemque accendit ad vitia, morientem trahit ad tor-
„menta “.

„Quid in aliena pœna timendum sit, explicat, interpretans illa
„Jobi verba: *Stringet super eum manus suas*. Manus (e) „strin-
„gere, est vitæ suæ opera in rectitudine confirmare . . . Dum
„itaque alienum interitum conspiciunt, revocantur ad cor, ut re-
„cogitent suum: & unde alius ad tormenta ducitur, a tormento
„alius inde liberatur. Stringit ergo super eum manus suas, quia
„conspicit in aliena pœna quid timeat: & dum delinquentem sic
„percutsum conspicit, dissoluta sua opera iustitiæ vigore constri-
„git. Sicque fit, ut qui iniquus vivens multos ad culpam tra-
„xerat delectatione peccati, quosdam moriens a culpa revocet
„terrore tormenti “.

Ele-

(a) *Ibid.* n. 7. (b) *Ibid.* c. 5. n. 11.
(c) *Ibid.* c. 9. n. 16. (d) *Ibid.* c. 20. n. 32.
(e) *Ibid.* c. 24. n. 37.

Electos omnes in hoc mundo peregrinari dicit, scribens: „Quis autem (a) in hoc mundo peregrinatur populus, nisi qui ad sortem electorum currens, habere se patriam novit in caelestibus: & tanto magis se illic sperat invenire propria, quanto hic cuncta quæ prætereunt, esse a se deputat aliena? Peregrinus itaque est populus, omnium numerus electorum, qui hanc vitam quoddam sibi exilium deputantes, ad supernam patriam tota cordis intentione suspirant “.

Humilitatem commendat scribens: „Sciendum (b) magnopere est, quia tanto unaquæque anima fit pretiosior ante oculos Dei, quanto præ amore veritatis despectior fuerit ante oculos suos. Hinc ad Saul dicitur: *Nonne cum parvulus esses in oculis tuis, caput te constitui in tribubus Israel* (c)? Ac si aperte diceret: Magnus mihi fuisti, quia despectus tibi; sed nunc quia magnus tibi es, factus es despectus mihi Tanto ergo fit quilibet vilior Deo, quanto pretiosior sibi: tanto pretiosior Deo, quanto propter eum vilior sibi “.

Gratuitæ prædestinationis exemplum agnoscit in bono Latrone, scribens: „Libet (d) . . . mentis oculos ad illum Latronem reducere, qui de faucibus diaboli ascendit crucem, de cruce Paradisum. Intueamur qualis ad patibulum venerit, & a patibulo qualis abscessit. Venit reus fraterno sanguine, venit cruentus, sed interna gratia est mutatus in cruce: & ille qui mortem fratri intulit, morientis Domini vitam prædicavit In cruce clavi manus ejus pedesque ligaverant, nihilque in eo a præniis liberum, nisi cor & lingua remanserant: Inspirante Deo totum illi obtulit, quod in se liberum invenit, In corde autem fidelium tres summopere manere virtutes testatur Apostolus, dicens: *Nunc autem manent fides, spes, caritas* (e). Quas cunctas subita repletus gratia & accepit latro, & servavit in cruce. Fidem namque habuit, qui regnaturum Dominum credidit, quem secum pariter morientem vidit; spem habuit qui regni ejus aditum postulavit Caritatem quoque in morte sua vivaciter tenuit, qui fratrem & collatronem pro simili scelere morientem, & de iniquitate sua arguit, & ei vitam, quam cognoverat, prædicavit, Ille qui talis ad crucem venit ex culpa, ecce qualis a cruce recedit ex gratia. Confitebatur Dominum, quem videbat secum humana infirmitate morientem, quando negabant Apostoli eum, quem miracula viderent divina virtute facientem “.

Quomodo beati Spiritus sibi invicem animi sensus pandant, exponit scribens: „Beatorum claritas (f) vicissim sibi in alternis, cordibus patet, & cum uniuscujusque vultus attenditur, simul & Triclaet. Tom. VII. D „ con-

(a) Ibid. c. 30. n. 48.

(b) Ibid. c. 38. n. 59.

(c) 2. Reg. 25. 17.

(d) Ibid. c. 40. n. 64.

(e) 1. Corinths. 13. 15.

(f) Ibid. c. 48. n. 78.

S. GREG. M.

„ conscientia penetratur; hoc ipsum aurum vitro mundo simile est,
 „ se memoratur. Ibi quippe uniuscujusque mentem ab alterius
 „ oculis, membrorum corpulentia non abscondet, sed patebit ani-
 „ mus: patebit corporalibus oculis ipsa etiam corporis harmo-
 „ nia, licque unusquisque tunc erit conspicabilis alteri, sicut nunc
 „ esse non potest conspicabilis sibi “.

Nestorianam hæresim confutat scribens: „ Quamvis (a) Chri-
 „ stus aliud ex Patre, aliud ex Matre, non tamen alius ex Pa-
 „ tre, alius ex Virgine: sed ipse est æternus ex Patre, ipse tem-
 „ poralis ex Matre; ipse qui fecit, ipse qui factus est; ipse spe-
 „ ciosus forma præ filiis hominum per divinitatem, & ipse de
 „ quo dictum est: *Vidimus eum, & non erat aspectus, & non*
 „ *est species ei neque decor* (b), per humanitatem. Ipse ante
 „ sæcula de patre sine matre, ipse in fine sæculorum de matre sine
 „ patre. Ipse templum, ipse conditor templi; ipse auctor operis,
 „ ipse opus auctoris: manens unus ex utraque & in utraque na-
 „ tura, nec naturarum copulatione confusus, nec naturarum distin-
 „ ctione geminatus “.

Duplicem alium refellit errorem: primum illorum, qui „ Deum
 „ (c) dicebant in illa regione beatitudinis, in claritate quidem
 „ sua conspici, sed in natura minime videri . . . Neque enim illi
 „ simplici & incommutabili essentiae aliud est claritas, & aliud
 „ natura: sed ipsa ei natura sua claritas, ipsa claritas natura
 „ est “. Alterum illorum, qui Angelos divina visione expertes
 „ arbitrabantur, quia de illis scriptum est: *In quem desiderant an-*
 „ *geli prospicere* (d), cum tamen dictum per veritatis sententiam
 „ sciamus: *Angeli eorum in cælis semper vident faciem Patris mei*
 „ *qui in cælis est* (e).

Denique librum claudit, ostendens, & declarans, quomodo in
 „ beatitudine constituti Deum conspiciamus, scribens: „ Non ita con-
 „ spiciemus Deum, sicut ipse conspiciit se: sicut non ita requiesci-
 „ mus in Deo, quemadmodum ipse requiescit in se. Nam visio no-
 „ stra, vel requies erit utcumque similis visioni, & requiei illius:
 „ sed æqualis non erit.

Liber deci-
mus bonus.

Reliquos capitis 28. versiculos exponit D. Gregorius, & sequen-
 „ ris capitis versiculos usque ad 21. multa pulchre docens de Christo,
 „ & Ecclesia. Primo itaque animadvertit, mirum non esse (f), si
 „ æterna Dei sapientia conspici non valet, quando ipsa quoque invisibi-
 „ lia, quæ per eam condita sunt, humanis oculis comprehendendi non
 „ possunt.

Quomodo Dei sapientia & viam, & locum habeat, pulchre ex-
 „ ponit scribens: „ Coæterna (g) Deo sapientia aliter viam habet,
 „ „ atque

(a) *Ibid.* c. 52. n. 85.(b) *Isaj.* 53. 2.(c) *Ibid.* c. 52. n. 90.(d) *1. Petr.* 1. 12.(e) *Matth.* 18. 10.(f) *Ibid.* n. 1.(g) *Ibid.* c. 3. n. 5.

arque aliter locum. Locum vero si quis intelligat, non localem. Nam teneri corporaliter non potest Deus . . . Locus sapientiae Pater est, locus Patris sapientia . . . Aliter ergo ipsa sapientia habet viam, atque aliter locum. Viam per humanitatis transitum, locum vero per statum divinitatis. Inde enim non transit, unde aeterna est: sed inde transit, unde propter nos apparuit temporalis.

Quid aquae nomine designetur in Scripturis, ostendit dicens: „Aqua in Scriptura Sacra (a) aliquando Spiritum Sanctum, aliquando scientiam sacram, aliquando scientiam pravam, aliquando tribulationem, aliquando defluentes populos, aliquando mentes fidem sequentium designare solent“. Primum designatur in illis verbis: „*Qui credit in me, sicut dicit Scriptura, flumina de ventre eius fluent aqua viva*. Ubi Evangelista secutus adjunxit: *Hoc autem dixit de Spiritu, quem accepturi erant credentes in eum* (b)“. Secundum ostendunt verba illa: „*Aqua sapientiae salutaris potabit eos* (c)“. Tertium in illis verbis designatur: „*Aqua furitior dulciores sunt* (d)“. Quartum verba Psalmi ostendunt: „*Intraverunt aquae usque ad animam meam* (e)“. Quintum verba illa: „*Aqua vero sunt populi* (f)“. Postremum in illis verbis apparet: „*Beati qui seminatis super omnes aquas* (g): & per Psalmistam: *Vox Domini super aquas* (h)“.

Ecclesiam persecutionem pati duobus modis declarat scribens: „Ab adversariis namque suis duobus modis (i) Ecclesia persecutionem patitur, scilicet aut verbis, aut gladiis. Sed cum verbis persecutionem sustinet, exercetur ejus sapientia; cum vero gladiis, exercetur ejus patientia. Sed verborum persecutiones ab haereticis nunc etiam quotidie toleramus, cum ipsi haeretici linguis nobis subdolis, & falsa humilitate blandiantur. Persecutiones vero gladiorum juxta finem mundi secuturae sunt, ut grana caelestibus horreis recondenda, tanto verius a peccatorum paleis exuantur, quanto arctius affliguntur . . . Tantis quippe (k) illam futurum est tribulationibus angustari, ut haec tempora cum magno suspirio desideret, quae nos cum magno dolore toleramus“.

In Ecclesiae Rectoribus & rigorem postulat & mansuetudinem, sed illum sine rigore, hanc sine dissolutione: quamobrem scribit, „Cunctis rectoribus (l) utraque summo opere cuncta sunt tenenda, ut nec in disciplinae vigore benignitatem mansuetudinis, nec rursus in mansuetudine distractionem deferant disciplinæ: quatenus nec a compassione pietatis obdurescant, cum

D 2

,, con-

(a) Ibid. cap. 6. n. 9. (b) Joan. 7. 38.

(c) Eccli. 15. 3. (d) Prov. 9. 17.

(e) Psalm. . . (f) Apocalyp. 17. 15.

(g) Isai. 32. 20. (h) Psal. 28. 3.

(i) Ibid. c. 8. n. 16. (k) Ibid. c. 10. n. 17.

(l) Ibid. c. 20. n. 30.

S. GREG. M.

„ contumaces corrigunt; nec disciplinæ vigorem molliant, cum infirmorum animos consolantur. Regat ergo disciplinæ vigor, mansuetudinem, & mansuetudo ornet vigorem, & sic alterum commendetur ex altero, ut nec vigor sit rigidus, nec mansuetudo dissoluta “.

Justitiæ opera misericordiæ operibus præmittenda docet, scribens: „ Intuendum nobis prius est (a) . . . ut ante justitiæ, & post misericordiæ opera describantur. Ille quippe bene agit quæ pia sunt, qui scit prius servare quæ iusta: ut collatus in proximos rivus misericordiæ, de justitiæ fonte ducatur. Nam multi proximis quasi opera misericordiæ impendunt, sed injustitiæ facta non deserunt. Qui si veraciter proximis misericordiam facere student, sibi ipsis prius debuerant iuste vivendo misereri “.

Iustos merito palmæ comparari ostendit, dicens: „ Nec immerito (b) iustorum vita palmæ comparatur: quia scilicet palma inferius tactu aspera est, & quasi aridis corticibus obvoluta; superius vero & visu fructibus pulchra: inferius corticum suorum involucribus angustatur: sed superius amplitudine pulchræ viriditatis expanditur. Sic quippe est electorum vita, despecta inferius, superius pulchra: in imo ista quasi multis corticibus obvolvitur, dum innumeris tribulationibus angustatur: in summo vero illa quasi pulchræ viriditatis foliis amplitudine retributionis expanditur “.

Arcus nomine plura designari in Scripturis animadvertit, scilicet „ aliquando (c) malorum insidias: *Intenderunt arcum suum, rem amaram* (d): aliquando diem iudicii: *Dedistis metuentibus te significationem, ut fugiant a facie arcus* (e): aliquando sacram Scripturam, & ipsa Dei eloquia: *Arcum suum tendit & paravit illum* (f): & de sacris prædicatoribus dicitur: *Cum sagittis & arcu ingrediuntur illuc* (g) “. Hinc concludit: „ Arcus in manu, est Scriptura sacra in operatione. In manu etenim arcum tenet, qui divina eloquia, quæ intellectu cognoscit, operatione perficit “.

Liber vigesimus.

Reliquos quinque capituli 29. versiculos exponit in hoc libro, & totum caput 30. Et primo quidem de sacra Scriptura sic dicit: „ Omnem scientiam (h) atque doctrinam Scriptura sacra sine aliqua comparatione transcendit . . . quod vera prædicat; quod ad celestem patriam vocat; quod a terrenis desideriis ad superna amplectenda cor legentis immutat: quod dictis obscurioribus exercet fortes, & parvulis humili sermone blanditur: quod nec sic clausa est, ut pavesci debeat, nec sic patet ut vilescat: quod usu fastidium tollit, & tanto amplius diligitur, quanto amplius „ me-

(a) *Ibid.* c. 23. n. 38.(b) *Ibid.* c. 25. n. 49.(c) *Ibid.* c. 30. n. 54.(d) *Psal.* 63. 4.(e) *Psal.* 59. 5.(f) *Psal.* 7. 13.(g) *Isaj.* 7. 24.(h) *Ibid.* c. 1. n. 1.

„ meditatur : quod legentis animum humilibus verbis adjuvat, S. GREG. M.
 „ sublimibus sensibus levat : quod aliquo modo cum legentibus cre-
 „ scit : quod a rudibus lectoribus quasi recognoscitur, & tamen
 „ doctis semper nova reperitur “.

Verbi Dei præcones sic instruit : „ Debet (a) subtiliter is qui
 „ docet, perspicere, ne plus studeat, quam ab audiente capitur,
 „ prædicare. Debet enim ad infirmitatem audientium semetipsum
 „ contrahendo descendere, ne dum parvis sublimia, & idcirco non
 „ profutura loquitur, se magis curet ostendere, quam auditoribus
 „ prodesse “.

Prælatos vero & Superiores sic docet : „ Talis (b) debet esse
 „ dispensatio regiminis, ut is qui præest, ea se circa subditos men-
 „ sura moderetur, quatenus & arridens timeri debeat, & iratus
 „ amari : ut eum nec nimia lætitia vilem reddat, nec immoderata
 „ severitas odiosum . . . Sæpe a disciplinæ metu resolvimus sub-
 „ ditos, si nostro regimini hilaritatis frena laxamus : quia dum nos
 „ quasi licenter lætos aspiciunt, audacter ipsi ad illicita resolvun-
 „ tur “. Et iterum : „ In bonis (c) Rectoribus permixta sit &
 „ regendi auctoritas, & benignitas consolandi . . . Disciplina enim
 „ vel misericordia multum destituitur, si una sine altera teneatur.
 „ Sed circa subditos suos inesse Rectoribus debet & iuste consolans
 „ misericordia, & pie læviens disciplina “.

Quam dispari modo sacram Scripturam legant hæretici, & ca-
 tholici ostendit, scribens : „ Hæretici (d) dum in sacro eloquio
 „ plus secreta Dei student perscrutari, quam capiunt, fame sua
 „ iteriles fiunt. Neque enim ea querunt, ex quibus semetipsos
 „ ad humilitatem erudiant, mores in tranquillitate disponant, pa-
 „ tientiam servant, longanimitatem exhibeant, sed ea solummo-
 „ do, quæ eos doctos atque loquaces demonstrent : illa scire ap-
 „ petunt, ex quibus singulariter eruditi videantur. Plerumque enim
 „ audacter de natura divinitatis tractant, cum semetipsos miseri
 „ nesciant . . . At contra hi (e), qui in sancta Ecclesia vera-
 „ citer sunt humiles, & veraciter docti, norunt de secretis cælesti-
 „ bus & quædam considerata intelligere, & quædam non intel-
 „ lecta venerari : ut quæ intelligunt, veneranter teneant : & quæ
 „ necdum intelligunt, humiliter expectent “.

Peccatores excæcatione puniri docet scribens : „ Habet (f) hoc
 „ plerumque humanus animus proprium, quod mox ut in culpam
 „ labitur, a sui adhuc longius cognitione sepatetur. Hoc ipsum
 „ namque malum quod agit, menti se obicem ante oculum ratio-
 „ nis interferit. Unde fit, ut anima prius voluntariis tenebris
 „ obfessa, postmodum bonum jam nec quod querat, agnoscat . . .
 „ Hinc itaque est quod reprobi subiecti sciendis sceleribus gau-

D 3

,, dent ...

(a) *Ibid.* n. 4. (b) *Ibid.* c. 3, n. 6.
 (c) *Ibid.* c. 5, n. 14. (d) *Ibid.* c. 8, n. 18,
 (e) *Ibid.* n. 19. (f) *Ibid.* c. 14, n. 37.

dent . . . Hinc est quod lacrymarum causas tripudiantes per-
 agunt: hinc est quod mortis suæ negotium ridentes exsequun-
 tur.

Malos ostendit plus asperitate laboris, quam quietis dulcedine delectari, scribens: „Cessationem (a) Dominus a mundi laboribus imperat, sanctæ quietis dulcedinem persuadet: & tamen vesana iniquorum mens plus se assequi aspera carnaliter, quam tenere blanda spiritualiter gaudet: plus acerbitate fatigationis, quam quietis dulcedine pascitur. Quod aperte in semetipso nobis Israeliticus populus ostendit: qui dum refectorem mannae desuper perciperet, ab Ægypto ollas carniū, pepones, porros, cepasque concupivit.”

Quomodo multi Deum premant quin tangant, declarat scribens: „Turbæ (b) premebant Dominum, sed tamen sola tetigit, quæ ad illum humiliter venit: quia nimirum multi etiam in sancta Ecclesia reprobī veritatem cognoscendo premunt, quam bene vivendo tangere negligunt. Premunt, & longe sunt: quia divinam notitiam professionibus sequuntur, moribus fugiunt. Premunt, inquam, sed longe sunt: quia eidem fidei, quam loquendo adituunt, agendo contradicunt.”

Quomodo sit a prædicatione cessandum, docet scribens: „Sciendum est (c), quod nonnunquam cum redarguuntur pravi, deteriores exiunt. Ipsi ergo & non nobis parcimus, si ab eorum redargutione pro eorum amore cessamus. Unde necesse est, ut aliquando toleremus tacendo quod sunt, quatenus in nobis discant bene vivendo quod non sunt. Quia igitur sancta Ecclesia, quæ verba sua semper per caritatem exiit, ea etiam nonnunquam ex caritate restringit, dicat: *Frenum posuit in os meum*. Ac si aperte fateatur, dicens: Quia in quibuldam pro vestrum non vidi prædicationis, ab eis impetum temperavi: ut vitam meam saltem per patientiam discerent, cum verba mea admittere per oblatam prædicationem nollent.”

Utilitati iustorum, etiam pravorum potestatem militare docet, dum scribit: „Nunquam (d) Dominus adversos bonis esse permitteret, nisi etiam quantum prodesse videret. Nam dum iniusti sæviunt, iusti purgantur, & utilitati innocentium militat vita pravorum, dum hanc & premendo humiliat, & humiliando semper ad melius format.”

Præscientiam rerum causam esse docet: „Quia ea (e) quæ nobis futura sunt, videt, quæ tamen ipsi semper præsto sunt, præscelus dicitur, quamvis nequaquam futurum prævideat, quod præsens videt. Nam & quæque sunt, non in æternitate ejus ideo videntur quia sunt, sed ideo sunt, quia videntur.”

Ve-

{a} *Ibid.* c. 15. n. 47.

{b} *Ibid.* c. 17. n. 43.

{d} *Ibid.* c. 24. n. 52.

{c} *Ibid.* c. 21. n. 47.

{e} *Ibid.* c. 32. n. 63.

Veram pietatem per patientiam probari ostendit scribens: „Nul-
 „lus (a) perfectus est, qui inter proximorum mala patiens non
 „est. Qui enim æquanimitè aliena mala non tolerat, ipse
 „sibi per impatientiam testis est, quia a boni plenitudine lon-
 „ge distat. Abel quippe esse renuit, quem Cain malitia non
 „exerceat“.

Denique duplicem prædicationis modum declarat scribens: „San-
 „cti Prædicatores (b) in Ecclesia, seu quilibet simplices & ab-
 „tinentes, prout vires accipiunt, in ea proximis suis canticum
 „bonæ exhortationis reddunt. Nam & prudentes quique ad præ-
 „dicationis fructum solerter invigilant, atque ut alios ad vitam
 „pertrahant, sono magnæ persuasionis elaborant: & qui in ea
 „tardioris ingenii videntur, ex ipso vitæ suæ merito in quan-
 „tum se posse conspiciunt, exhortationis erga alios auctoritatem su-
 „munt, atque ad cælestem patriam quos valent trahere non desi-
 „sunt“.

Caput trigessimoprimum Job ad versiculum 24. explicandum
 sumit in hoc libro D. Gregorius, in quo multa præclare prædicat
 de castitate, humilitate, & misericordia, atque potissimas pec-
 candi occasiones vitandas valde inculcat. Et primo quidem mo-
 net in sacris explicandis Scripturis nec solum historicum, nec
 semper allegoricum sensum esse amplectendum, sed opportune
 modo unum, modo alterum proponendum, „quia nonnumquam
 „(c) subtrahito literæ cortice, acutius mens nostra interna consi-
 „derat, & reservato nonnumquam historiæ tegmine, bene se in
 „exterioribus format“.

Ad vitanda peccata exteriores sensus custodiendos docet scribens:
 „Visus (d), auditus, gustus, odoratus, & tactus, quasi quædam
 „viæ mentis sunt, quibus foras veniat, & ea quæ extra ejus sunt
 „substantiam, concupiscat. Per hos etenim corporis sensus quasi
 „per fenestras quasdam exteriora quæque anima respicit, respiciens
 „concupiscit. Hinc etenim Jeremias ait: *Ascendit mors per fe-
 „nestras nostras, ingressa est domos nostras* (e). Mors quippe per
 „fenestras ascendit, cum per sensus corporis concupiscentia veni-
 „ens, habitaculum intrat mentis. . . . Quisquis vero per has
 „corporis fenestras incaute exterius respicit, plerumque in delecta-
 „tionem peccati, etiam nolens cadit; atque obligatus desideriis
 „incipit desiderare quod vidit. . . . Ne ergo quædam lubrica in
 „cogitatione versemus, providendum nobis est: quia intueri non
 „deceret, quod non licet concupisci“.

Ut Dei hæreditas firmus, esse peccatum excludendum, ostendit,
 dum explicans Jobi verba: *Quam enim partem Deus haberet in
 me desuper, & hæreditatem Omnipotens de excelsis?* scribit: „Si

D 4

„mentem

Liber vige-
simus pri-
mus.(a) *Ibid.* c. 39. n. 75.(b) *Ibid.* c. 41. n. 79.(d) *Ibid.* cap. 2. n. 4.(c) *Ibid.* c. 1. n. 2.(e) *Jer.* 9. 21.

S. GREG. M.

mentem in cogitatione (a) polluero, ejus, qui munditiæ auctor est, esse hæreditas nequaquam possum. Nulla enim bona sunt cetera, si occultis iudicis oculatis testimonio non approbantur. Castitatem ab humilitate non esse sejungendam monet, subdens: Si enim vel castitatem humilitas deferat, vel humilitatem castitas relinquat, apud auctorem humilitatis & munditiæ prodesse quid prævalet vel superba castitas, vel humilitas inquinata?

Nulla bona opera sine remuneratione, nec ulla mala sine poena a Deo relinqui docet, scribens: Vias (b) Dominus subtili examinatione considerat, ut in unoquoque nostrum ne ea, quæ remuneret, bona prætereant, nec mala, quæ videlicet displicent, sine increpatione derelinquat.

Discrimen assignat inter crimen & peccatum; luxuriam vero maximum crimen esse prædicat scribens: Hoc inter (c) peccatum distat & crimen, quod omne crimen peccatum est, non tamen omne peccatum crimen est. Et in hac vita multi sine crimine, nullus vero esse sine peccatis valet. . . . In qua videlicet peccatorum & criminum distinctione pensandum est, quia nonnulla peccata animam polluunt, quam crimina extinguunt. Unde beatus Job crimen luxuriæ definiens, ait: *Ignis est usque ad perditionem devorans*: quia nimirum reatus hujus facinoris non solum usque ad inquisitionem maculat, sed usque ad perditionem vorat. Et quia quamlibet alia fuerint bona opera, si luxuriæ scelus non abluatur, immensitate hujus criminis obruuntur.

Præpositos monet, ne de sua prælatione superbiant, scribens: Homo (d) animalibus irrationabilibus, non autem cæteris hominibus natura prælatus est: & idcirco ei dicitur, ut ab animalibus, & non ab homine timeatur: quia contra naturam superbiere est, ab æquali velle timeri, quamvis plerumque a subditis etiam sancti viri timeri appetunt, sed quando ab eisdem subditis Deum minime timeri deprehendunt. . . . Nequaquam ergo præpositi ex hoc quæsito honore superbiant, in quo non suam gloriam, sed subditorum iustitiam quærunt.

Eleemosynam hilariter & sine probis esse largiendam monet scribens: Sunt (e) nonnulli, qui mox ut ab egenis fratribus fuerint necessaria postulati, post dona largituri, in eos prius contumeliosa verba jaculantur. . . . Non magni est operis quod postulata tribuunt, quia ipso dationis suæ munere vix eundem excessum sermonis tegunt.

Sancti libenter gravari se sinunt, & injuriam patiuntur, ut observat D. Gregorius scribens: Sancti viri (f) quando cum personis minoribus contentionum negotia subeunt, dum

(a) *Ibid.* c. 3. n. 6. (b) *Ibid.* c. 8. n. 10.(c) *Ibid.* c. 12. n. 19. (d) *Ibid.* c. 15. n. 23.(e) *Ibid.* c. 19. n. 29. (f) *Ibid.* c. 20. n. 32.

„dum gravare vel in minimis timent, ipsi contra iustitiam gravi vari nequaquam refugiunt. Sciunt quippe, quia omnis humana iustitia iniustitia esse reprehenditur, si divinitus stricte iudicetur. Unde hoc quod sibi competit, cavent vehementer exigere, ne eorum actus supernam rectitudinem contingat subtiliter examinare. Sed ut inveniri iusti in divino examine valeant, plenarumque apud humana iudicia gravari se & iniuste patiuntur“.

S. GREG. M.

Librum claudit extremi iudicii formidinem incutiens, quare scribit: „Qui (a) extremi iudicii adventum intenta mente considerat, profecto videt, quia tantus pavor imminet, quantum non solum tunc videre, sed se etiam nunc praevidere pertimescat... Quomodo depressura sunt Dei iudicia eos, qui se elevant, si & illos ad tempus deprimunt, qui hac semper in humilitate formidant? Quomodo pondus Dei poterit ferre qui despicit, si hoc & ille (Job) in verbera pertulit, qui per timorem praevidit“?

Reliquos capituli 31. versiculos exponit S. Gregorius, & praefertim commendat humilitatem, moderationem, patientiam, caritatem, & erga subditos sollicitudinem. Et primo quidem ostendit, unam virtutem sine aliis vel consistere non posse, vel splendescere, scribens: „Una virtus (b) sine aliis, aut omnino nulla est, aut imperfecta. Ut enim, sicut quibusdam visum est, de primis quatuor virtutibus loquar, prudentia, temperantia, fortitudo, atque iustitia; tanto perfectae sunt singulae, quanto vicissim sibi invicem conjunctae. Disiunctae autem, perfectae esse nequaquam possunt: quia nec prudentia vera est, quae iusta, temperans, & fortis non est: nec perfecta temperantia, quae fortis, iusta, & prudens non est: nec fortitudo integra, quae prudens, temperans, & iusta non est: nec vera iustitia, quae prudens, fortis, & temperans non est“.

Liber vicissim fecandus.

Sanctorum mores describens observat, eos (c) bonorum temporalium onus vel largiendo partiri, aut omnino contemnendo deponere: Sensus (d) suos coercere, & intra mentem suam se colligere: Cavere (e) ne suae innitatur prudentiae: De sibi (f) concessis donis plus timere quam laxari: Ad suorum (g) bonorum operum splendorem minime exultare.

Virtutis ortum & progressum pulchra similitudine exponit, scribens: „Sic profectus (h) est hominum, sicut incrementa esse conspiciamus arborum. Vis quippe futurae arboris prius in semine est, postmodum in ortu, atque ad extremum producit in ramos. Sic nimirum sic uniuscuiusque virtus succrescit operantibus. Seminatur namque in intelligentia, oritur in operatione, atque

(a) *Ibid.* c. 22. n. 36. (b) *Ibid.* c. 1. n. 2.
(c) *Ibid.* c. 3. n. 5. (d) *Ibid.* c. 4. n. 6.
(e) *Ibid.* n. 7. (f) *Ibid.* c. 5. n. 9.
(g) *Ibid.* c. 6. n. 11. (h) *Ibid.* c. 7. n. 16.

S. GREG. M.

„ atque ad ultimum convalescit usque ad profectus magni latitudinem . . . Si iraque adhuc arbor in semine est, metuendum est, ne ipsa scientiæ cognitione putrefiat. Si jam ad virgultum prodiit, curandum est, ne hanc manus elationis tangat, atque a viriditate lux actionis arefaciat. Si autem valenti robore jam ad alta se sublevar, valde formidandum est, ne hanc admotæ laudis ventus gravior radicitus evellat “.

Gratiæ prævenientis & subsequenter necessitatem prædicat, scribens: „ Sancti viri (a) sciunt post primi parentis lapsum, de corruptibili stirpe se editos, & non virtute propria, sed præveniente superna gratia ad meliora se vota vel opera commutatos: „ & quidquid sibi mali inesse cognoscunt, de mortali propagine sentiunt meritum: quidquid vero in se boni inspicunt, immortalis gratiæ cognoscunt donum, eique de accepto munere debitores sunt, qui & præveniendo dedit eis bonum velle quod noluerunt, & subsequendo concessit bonum posse quod volunt “.

Quid præstandum, ut eleemosyna meritoria sit, declarat, scribens: „ Mundari (b) etenim debet prius animus, qui eleemosynam præbet: quia omne quod datur Deo, ex dantis mente pensatur . . . Ex dantis quippe corde id quod datur, accipitur. Idcirco non Abel ex muneribus, sed ex Abel munera oblata placuerunt. Prius namque ad eum legitur Dominus respexisse qui dabat, quam ad illa quæ dabat “.

Falsam peccatorum humilitatem detegit scribens: „ Sed sciendum est (c), quod plerumque homines & culpas confitentur, & humiles non sunt. Nam multos novimus, qui arguente nullo, peccatores se esse confitentur: cum vero de culpa sua fuerint fortasse correpti, defensionis patrocinium querunt, ne peccatores esse videantur. Qui si tunc cum id sponte dicunt peccatores se esse veraci humilitate cognoscerent, cum arguuntur ab aliis, esse se quod confessi fuerant, non negarent. Qua in re indicia veræ confessionis sunt, si cum quisque se peccatorem dicit, id de se dicenti etiam alteri non contradicit “.

Ecclesiæ Pastores reprehendit munus suum non implentes: quare deflens scribit: „ Terræ (d) fructus absque pecunia comedit, qui ecclesiastica commoda ad usum corporis percipit, sed exhortationis ministerium populo non impendit. Quid ad hæc nos pastores dicimus, qui adventum districti iudicis præcurrentes, officium quidem præconis suscipimus, sed alimenta ecclesiastica muti manducamus? Exigimus quod nostro debetur corpori, sed non impendimus quod subditorum debemus cordi “.

Librum denique claudit, Pastores & oves sic admonens: „ Semper

(a) *Ibid.* c. 9. n. 20.(b) *Ibid.* c. 14. n. 28.(c) *Ibid.* c. 15. n. 33.(d) *Ibid.* c. 22. n. 53.

„ per (a) sollicita consideratione pensandum est, ne aut hi qui
 „ præsunt exempla mali operis subjectis præbeant, eorumque vi-
 „ tam suæ gladio pravitatis extinguant: aut hi qui alieno regi-
 „ mini subjacent, facile judicare audeant facta Rectorum, at-
 „ que per hoc, quod de his qui sibi prælati sunt, murmurant,
 „ non humano, sed ej qui cuncta disponit, divino ordini contra-
 „ dicant “.

Sequitur pars quinta, quæ sex complectitur libros, quorum in
 primo, qui in ordine est vigesimus tertius, capita exponit 32. &
 33. usque ad versiculum 22. ubi Eliu junior multa recta & sana,
 sed non recta & sana intentione pronuntiat. Primo itaque ex-
 ponit S. Gregorius, quo Dei consilio, quibusque modis S. Job a
 Deo fuerit probatus. Deinde per uxorem Job Ecclesie carnales
 amicos designari dicit, „ (b) qui intra sanctam Ecclesiam positi,
 „ eo durius vitam fidelium, quo vicinius premunt: quia dum vi-
 „ tari a fidelibus quasi fideles nequeunt, tanto gravius, quanto &
 „ interiorius tolerantur “. Per amicos vero hæreticos dicit denotari,
 „ qui quasi dum consulunt, invehuntur . . . & sub specie consu-
 „ lendi, agunt negotium seducendi “.

In arrogantibus quatuor tumoris species distinguit, scribens:
 „ Quatuor (c) quippe sunt species, quibus omnis tumor arrogan-
 „ tium demonstratur: cum bonum aut a semetipsis habere se aesti-
 „ mant: aut si sibi datum desuper credunt, pro suis se hoc acce-
 „ pitse meritis putant: aut certe cum jactant se habere quod non
 „ habent: aut despectis cæteris, singulariter videri appetunt habere
 „ quod habent “.

Superborum vitam detegens, ostendit illos, 1. cum (d) corri-
 piuntur non audire, aut dissimulare. 2. Errantes (e) redarguendo,
 suæ sapientie ostentationem, non proximi utilitatem querere. 3. San-
 ctorum (f) Patrum locutionis celsitudinem, non utilitatis inten-
 tionem comitari. 4. Nonnulla (g) vitia virtutes esse mentiri.
 5. Sanam (h) doctrinam non sane prædicare, quia insolescunt. 6.
 Modeltiam (i) solum simulare. 7. De simplicitate (k) falso glo-
 riari. 8. Studere (l) magis increpare, quam consolari.

Quatuor modis justos in compunctione affici declarat scribens:
 „ Quatuor (m) sunt qualitates, quibus justii viri anima in com-
 „ punctione vehementer afficitur, cum aut malorum suorum remi-
 „ niscitur, considerans ubi fuit, aut judiciorum Dei sententiam
 „ metuens, & secum quærens, cogitat ubi erit: aut cum mala vi-
 „ tæ præsentis solerter attendens, mœrens considerat ubi est: aut
 „ cum

Pars quinta
 Moralium
 Tom. 1.

- { a } *Ibid.* c. 24. n. 56. { b } *Ibid.* c. 1. n. 3.
 { c } *Ibid.* c. 6. n. 13. { d } *Ibid.* c. 9. n. 16.
 { e } *Ibid.* c. 10. n. 17. { f } *Ibid.* c. 11. n. 18.
 { g } *Ibid.* n. 19. { h } *Ibid.* c. 13. n. 23.
 { i } *Ibid.* n. 26. { k } *Ibid.* c. 14. n. 27.
 { l } *Ibid.* c. 17. n. 30. { m } *Ibid.* c. 21. n. 41.

„ cum bona supernæ patriæ contemplatur, quæ quia necdum adipiscitur, lugens conspiciat ubi non est “.

S. GREG. M.

Tentationes ad humilitatem inducendam conducere ostendit scribens : „ Cum enim (a) sicut cupimus ad Deum proficimus : si profectum nostrum tentatio nulla pulsaret, alicujus nos fortitudinis esse crederemus . Sed quia nobiscum superna dispensatione agitur , ut infirmitatis nostræ quia proficientes obliviscimur , tentati recolamus : & in profectu nostro quid de divino munere, & in tentatione cognoscimus quid de propriis viribus sumus “.

Panis nomine plura designari in Scripturis scribit : „ In Scriptura sacra (b) panis aliquando ipse Dominus, aliquando spiritualis gratia, aliquando divinæ doctrinæ eruditio, aliquando hæreticorum prædicator, aliquando subsidium vitæ præsentis, aliquando jucunditas humanæ delectationis accipitur “.

Denique ad salutarem timorem adhortans librum claudit scribens : „ Nemo se (c) alicujus virtutis æstimet, etiam cum quid fortiter potest : quia si divina protectio deferat, ibi repente eviter obruitur, ubi se valenter stare gloriabatur “.

Liber vigesimus quartus.

In hoc libro exponuntur reliqui undecim versiculi capitis 33. & decem & octo priores capitis 34. & plura præclara tradit de Christo Mediatore, de contemplatione, de conversionis ordine, & de pastoralis officio .

Ostendit itaque primo, Dominum in carne venientem nec culpam ex vitio, nec poenam ex necessitate suscepisse, scribens : „ In carne (d) veniens Dominus, non culpam nostram ex vitio, non poenam ex necessitate suscepit (nulla enim labe peccati pollutus, reatus nostri teneri conditione non potuit : atque mortem nostram omni necessitate calcata, cum voluit, sponte suscepit) ... Nam nec ita natus est ut reliqui, nec ita mortuus, nec ita resuscitatus . Non enim cooperante coitu, sed Spiritu Sancto superveniente conceptus est . Natus autem materna viscera & scœcunda exhibuit, & incorrupta servavit . Rursum nos omnes cum nolumus, morimur ; quia ad solvendæ poenæ debitum culpæ nostræ conditione coarctamur : ille autem, quia nulli admixtus est culpæ, nulli ex necessitate succubuit poenæ . Sed quia culpam nostram dominando subdidit, poenam nostram miserando suscepit “.

Duplicem compunctionem distinguit, alteram tristem, alteram lætam scribens : „ Aliter (e) quisque compungitur, cum interna, intuens, malorum suorum pavore terretur : aliter vero compungitur, cum gaudia superna conspiciens, spe quadam & securitate „ robo-

(a) *Ibid.* c. 24. n. 48.

(b) *Ibid.* c. 25. n. 29.

(c) *Ibid.* c. 28. n. 54.

(d) *Ibid.* c. 1. n. 3.

(e) *Ibid.* c. 6. n. 10.

„ roboratur. Illa compunctio afficientes & tristes, hæc vero læ-
 „ tas lacrymas movet “.

S.GREG. M.

Gratiæ cum libero arbitrio concordiam ostendit scribens: „ Quia
 „ (a) præveniente divina gratia in operatione bona, nostrum libe-
 „ rum arbitrium sequitur, nosmetipsos liberare dicimur, quia li-
 „ beranti nos Deo consentimus. Unde Paulus, cum diceret: *A-*
 „ *bundantius illis omnibus lavoravi* (b), ne labores suos sibi
 „ tribuisse videretur, illico adjunxit: *Non autem ego, sed gratia*
 „ *Dei mecum*. Quia enim prævenientem Dei gratiam in se per li-
 „ berum arbitrium fuerat subsecutus, apte subiungit, *Mecum*: ut
 „ & divino muneri non esset ingratus, & tamen merito liberi ar-
 „ bitrii non remaneret extraneus “.

Superborum doctorum vitia describens ostendit 1. illos (c) non
 querere auditores suos sapientes efficere, sed suam sapientiam osten-
 tare. 2. Humilitatem quandoque (d) præferre, sed fictam. 3.
 Iustos (e) falorum criminum insimulare. 4. Afflictos (f) au-
 ditores suos magis districte corripere, quam blande refovere, appe-
 tere. 5. Plus videndo (g) caligant, & cæcutiunt.

Præsules monet, ne se nimium extollant, scribens: „ Sæpe novi-
 „ mus, quod plerique, qui præsumunt (h), inordinatum sibi metum
 „ a subditis exigunt, & non tam propter Dominum, quam pro
 „ Domino venerari volunt. Intus enim se tumore cordis extol-
 „ lunt, cunctosque subditos in sui comparatione despiciunt, nec
 „ condescendendo consulunt, sed dominando premunt: quia videli-
 „ cet alta cogitatione se erigunt, & æquales se illis, quibus eos
 „ præesse contingit, non agnoscunt “.

E contra monet, ut subditi virtutum splendore præluceant, sub-
 dens: „ Necessè (i) est, ut is qui præest, quæ exempla subditis
 „ præbeat, solerter attendat, & se tantis sciat vivere, quantis præ-
 „ esse . . . Hinc inde ergo se, qui præsumunt, circumspectant, ut
 „ sibi & subditis vivant: ut bonum quod faciunt, & intra sinum
 „ mentis abscondant, & tamen ex eo ad profectionem sequentium
 „ exempla rectæ operationis impartiant, nec tamen per vim ejus-
 „ dem animadversionis intumescant: ut quædam leniter correpta
 „ tolerent, nec tamen disciplinæ vincula eadem lenitate dissolvant:
 „ ut quædam tolerando dissimulent, nec tamen ea crescere dissimu-
 „ lando permittant “.

Et sic libro 24. finem imponit.

Reliquos exposit vericulos cap. 34. a versu 19. usque ad 30. Liber vigesi-
 & multa de occultis Dei iudiciis, reproborumque pœnis sapienter
 depromit.

mus quintus.

(a) *Ibid.* c. 10. n. 24.(b) 1. *Corinth.* 15. 10.(c) *Ibid.* c. 15. n. 39.(d) *Ibid.* c. 16. n. 40.(e) *Ibidem*.(f) *Ibidem*.(g) *Ibid.* c. 23. n. 50.(h) *Ibid.* c. 24. n. 52.(i) *Ibid.* n. 54.

S. GREG. M.

habere ostendit (a); sed aliquando iniquos ne prævifa quidem morte ad supplicium rapere, aliquando clementi patientia diutius ad pœnitentiam expectare (b); sed stulte, & impie peccatores ex Dei patientia cogitare, sua flagitia aut a Deo non videri, aut approbari, scribens: „Æstimatur (ab impiis) Deus (c) iniusti acta, non cernere, quia differt iuste damnare; & magna ejus patientia, quasi quædam negligentia putatur. Iniquus quoque ipse toties se, in peccatis suis non videri a Deo credidit, quoties inulte peccavit . . . Emendare non vult nequiriam, pro qua dignam non pertulit pœnam: & quo pie expectatus est, eo est ad peccandum nequiter instigatus . . . Sepe etiam, quia pœnam quam meretur, repente non suscipit, hoc ipsum Deo non æstimat displicere quod facit.

Hortatur ut Dei judicium præveniamus, nosmetipsos dijudicando (d): & hoc judicium malos declinare, & justos semper exercere dicit (e): quod confirmat exemplis, & præceptis Sanctorum Patrum (f).

Ecclesiæ doctrinam de prædestinatione & reprobatione, spem nutrire humilium, & elationem premere superbiorum declarat scribens: „Notandum (g) est, quia dum aliis cadentibus, ad standum alii solidari perhibentur, electorum numerus certus & definitus ostenditur Hac ergo (h) sententia, qua narratur aliorum erigi, aliorum autem vita confringi, & spes nutritur humilium, & elatio premitur superbiorum, dum & illi bona possunt amittere, de quibus superbiunt, & isti ea percipere, quæ quia non habebant, contemnuntur. Formidemus igitur in his quæ accepimus, nec eos qui illa necdum assecuti sunt, desperemus. Quid enim sumus hodie, novimus: quid autem post paululum possimus esse, nescimus. Hi vero, quos fortasse despiciamus, & tarde possunt incipere, & tamen vitam nostram ferventioribus studiis anteire “.

Culpas aliquando culpis puniri ostendit (i); & plerumque idem peccatum aliquando & pœnam esse, & causam peccati declarat scribens: „Plerumque (k) unum atque idem peccatum, & peccatum est, ut & pœna, & causa peccati . . . Effrenata enim ventris ingluvies in fervorem luxuriæ plenitudinem carnis instigat. Perpetrata autem luxuria sæpe aut perjurio, aut homicidio tegitur, ne humanarum legum ultione puniatur.

Peccatum vero & ipsam fidei amissionem inducere monet, scribens: „Nonnulli (l) fidem medullitus tenent, sed vivere fideliter, „ liter

- | | |
|--------------------------------|-------------------------------|
| (a) <i>Ibid.</i> c. 1. n. 2. | (b) <i>Ibid.</i> c. 4. n. 5. |
| (c) <i>Ibid.</i> c. 5. n. 6. | (d) <i>Ibid.</i> c. 7. n. 12. |
| (e) <i>Ibid.</i> n. 14. | (f) <i>Ibid.</i> n. 15. |
| (g) <i>Ibid.</i> c. 8. n. 20. | (h) <i>Ibid.</i> n. 21. |
| (i) <i>Ibid.</i> c. 9. n. 23. | (k) <i>Ibid.</i> n. 24. |
| (l) <i>Ibid.</i> c. 10. n. 27. | |

„liter nullatenus curant. Insequuntur enim moribus quod creduli-
 „tate venerantur. Quibus divino iudicio sæpe contingit, ut per
 „hoc quod nequiter vivunt, & illud perdant quod salubriter
 „credunt. Incessanter namque se pravis actionibus polluant, &
 „super hoc vindictam iusti iudicii retribui posse diffidunt: & sæpe
 „cum bene vivere negligunt, etiam persequente nullo usque ad
 „perfidiam dilabuntur. Nam qui imminere districtum iudicium
 „non credunt, qui inulte se peccare suspiciantur, quo pacto
 „esse, vel dici fideles possunt“?

S. GREG. XL.

Triplici modo peccare hominem dicit: „Peccatum (a) tribus
 „modis committitur. Nam aut ignorantia, aut infirmitate, aut
 „studio perpetratur. Et gravius quidem infirmitate, quam igno-
 „rantia: sed multo gravius studio, quam infirmitate peccatur“. Illos, subdit, graviter delinquere, qui sua ignorantia impunitatem
 „peccandi quærunt (b).“

Deum sua providentia æque maxime ac minima, & singulos ac
 „omnes respicere docet scribens: „Sic (c) intenduntur divina ju-
 „dicia super unam animam, sicut super unam urbem: sic super
 „unam urbem, sicut super unam gentem: sic super unam gen-
 „tem, sicut super universam generis humani multitudinem: quia
 „& sic intendit Dominus singulis, ac si vacet a cunctis; & sic si-
 „mul intendit omnibus, ac si vacet a singulis. Qui enim omnia
 „administrando implet, regit implendo: nec universis deest, cum
 „disponit unum; nec uni deest, cum disponit universa: cuncta sci-
 „licet naturæ suæ potentia quierus operatur“.

Plura de Pastoribus egregia promit. 1. Pastores (d) malos esse
 „honorandos, sed non imitandos. 2. Illos temporalibus vacantes (e)
 „contemnere, esse Deum accusare; „nam potestas regiminis (scri-
 „bit) ministrari non potest sine studio curæ temporalis“. 3.
 „Multum (f) nos debere iis, qui a temporalium cura nos liberant.
 „4. Pravorum Prælatorum (g) exempla Deum ordinare in poenam
 „superborum subditorum. 5. Denique librum claudit explicando,
 „quo pacto Deus faciat regnare hominem hypocritam, quem tamen
 „se nescire & non cognoscere dicit; scribens: „Miro modo (h) hy-
 „pocritas Dominus & regnare facit, & nescit: facit sinendo, ne-
 „scit reprobando“.

Septem postremos versiculos capitis 34. explicandos assumit, & Liber vicesi-
 „unde progreditur ad explicationem totius capitis 35. quibus & ad-
 „jungit 21. priores versus cap. 26. mus finis.

De humilitate primo disserit, & veræ ac fictæ humilitatis indicia
 exhi-

(a) *Ibid.* c. 11. n. 28.(b) *Ibid.* c. 12. n. 29.(c) *Ibid.* c. 15. n. 33.(d) *Ibid.* c. 16. n. 37.(e) *Ibid.* n. 38. (f) *Ibid.* n. 30.(g) *Ibid.* n. 40. (h) *Ibid.* n. 41.

exhibet (a). Larvam humilitatis cito abjici dicit (b). Mentiri humilitatis gratia non licere docet (c).

S. GREG. M.

E contra vero superbos dicit (d) nescire afflictis compati: Cum pro (e) veritate loqui videntur, a veritate esse alienos: Studere (f) non solum inepta dicere, sed & multa: proinde immensam esse eorum loquacitatem: Innocentes (g) solere injuste accusare: Falsa (h) sapius dicere, vel si vera, minime tamen convenientia: Superbiam luxuriæ (i) seminarium dicit.

Malorum graviorem pœnam esse prosperitatem ostendit scribens: „ Quisquis (k) bonorum vitam persequitur, tunc pejore ultione „ damnatur, cum nulla ei adversitate resistitur: & tunc fortioris iræ „ periculis subjacet, cum prospere peragit, quod nequiter concu- „ piscit: quia videlicet vindicta superni judicis ad futura eum sup- „ plicia reservando deseruit, cui hic in malo obviare contem- „ pfit . . . Diu quippe Deus (l) tolerat, quem in perpetuum „ damnat: & furorem nunc inferre dissimulat, quia effundendum „ sine fine in posterum servat. Electorum enim est hic con- „ teri, ut ad præmia debeant æternæ hereditatis erudiri. No- „ strum est hic flagella percipere, quibus servatur de æternitate „ gaudere “.

Animadvertit, quædam esse in se noxia, quædam solum ex illis, quæ circa illa versantur, scribens: „ In ulu (m) vitæ mortalis „ quædam ex semetipsis sunt noxia, quædam vero ex his quæ circa „ ipsa versantur. Ex semetipsis quædam sunt noxia, sicut peccata „ atque flagitia. Quædam vero nonnunquam nobis ex his quæ „ circa ipsa sunt, nocent: sicut temporalis potentia, vel copula „ conjugalis. Bonum namque est conjugium, sed mala quæ circa „ illud ex hujus mundi cura succrescunt. Unde Paulus ait: *Qui „ autem cum uxore est, cogitat quæ sunt mundi, quomodo placeat „ uxori (n) . . .* Magna est etiam potentia quæ habet apud „ Deum meritum suum de bona administratione regiminis: non- „ nunquam tamen eo ipso quo præminet cæteris, elatione cogi- „ tationis intumescit “.

Ad iustorum consolationem observat, eos tunc magis a Deo respi- ci, cum injuste affliguntur, scribens: „ Abstulisse (o) a iustis oculos „ suos fortasse Dominus creditur, quia iniustorum crudelitatibus „ hic sine vindicta lacerantur; sed famulos suos tunc magis respi- „ cit, cum injuste eos nequitia persequentis affligit. Videns enim „ quid hic humiliter tolerant, nimirum jam prævidet quid illic „ eis

(a) Ibid. c. 1. n. 1.

(c) Ibid. c. 5. n. 5.

(e) Ibid. c. 7. n. 12.

(g) Ibid. c. 10. n. 15.

(i) Ibid. c. 17. n. 28.

(l) Ibid. c. 21. n. 37.

(n) 1. Corinth. 7. 33.

(b) Ibid. c. 2. n. 2.

(d) Ibid. c. 6. n. 6.

(f) Ibid. c. 8. n. 13.

(h) Ibid. c. 11. n. 16.

(k) Ibid. c. 18. n. 33.

(m) Ibid. c. 26. n. 44.

(o) Ibid. c. 28. n. 52.

„ eis misericorditer recompenſet . Non ergo auferet a juſto oculos ſuos “.

S. GREG. M.

„ Simulatorum artem hic deſcribit : „ Simulator (a) ad cuſtodien-
 „ da duo continua obſervatione dividitur ; ut callide noverit &
 „ occultare quod eſt , & oſtentare quod non eſt ; & vera mala
 „ premere , & falſa bona monſtrare ; nec ſe aperte in hoc quod vi-
 „ detur extollere ; atque ut majorem gloriam teneat , ſæpe ſe ſi-
 „ mulare gloriam declinare . Quia enim ante oculos hominum ſe-
 „ quendo eam apprehendere non poteſt , ſtudet plerumque gloriam
 „ tenere fugiendo “.

„ Mala conſuetudine irretiti , quanta premantur anguſtia , oſtendit ,
 „ ſcribens : „ Quædam (b) quali concluſi oris anguſtia eſt , ab op-
 „ primente mala conſuetudine exiurgere velle , nec poſſe : jam
 „ quidem deſiderio ad ſuperna tendere , ſed adhuc actu in infimis
 „ remanere : præire corde , nec tamen ſequi opere , atque in ſe-
 „ metipſo contradictionem perpeti ſemetipſum . Cum vero ita ten-
 „ dens anima manu gratiæ exaltantis adjuvatur , ab anguſto ore
 „ ad latitudinem pervenit : quia victis difficultatibus opera bona
 „ perficit , quæ concupiſcit “.

„ In Eccleſia iniquos majore numero eſſe quam juſtos , docet ſcri-
 „ bens : „ In (c) Eccleſia juſtiores paucos , iniquos autem numero-
 „ ſiores aſpicimus , ſicut & in tritura frugum major eſt multitudo
 „ palearum “.

„ Sanctos in curatione peccatorum imitari medicos , oſtendit dicens :
 „ Sicut corporales (d) medici quaſdam ægritudines jam veniſſe in-
 „ veniunt , quaſdam vero ne veniant medentur : ita Doctores ſan-
 „ cti aliquando inventa vulnera ſaluti reſtituunt , aliquando vero
 „ agunt in mentibus , ne vulnerentur “.

„ Reliquos duodecim verſus capitis 36. exponit , totiuſque capitis
 37. expoſitionem aſſumit in hoc libro S. Pontifex . Et primo qui-
 „ dem animadvertit , & malos aliquando gratuitis donis a Deo orna-
 „ ri , ſcribens : „ Nec mirandum (e) , quod vir arrogans impleri pro-
 „ phetico ſpiritu potuit , cum Saul etiam in numero prophetarum
 „ fuit . Sed hoc de Saule cur dicimus , cum ex viſione angeli ac-
 „ cepiſſe verba rationabilia & aſinam noverimus ? Sed ſicut irra-
 „ tionale animal rationis verba edidit , nec tamen ad permutatio-
 „ nem naturæ rationalis acceſſit : ita ſæpe quilibet indignus ſancta
 „ verba per prophetiæ ſpiritum accipit , ſed tamen ad promeren-
 „ dam ſanctitatis gloriam non pertingit ; ut & ſupra ſe loquendo
 „ emineat , & infra ſe vivendo torpeſcat “.

„ Deum tunc melius cognosce docet , quando illum non poſſe co-
 „ gnoſcere ſentimus , ſcribens : „ Quidquid (f) de claritate magni-
 „ tudinis Dei ſcimus , infra ipſum eſt : & tanto ab ejus ſcientia

Tricalet. Tom. VII.

E

„ lon-

(a) *Ibid.* c. 32. n. 58. (b) *Ibid.* c. 36. n. 66.(c) *Ibid.* c. 41. n. 76. (d) *Ibid.* c. 45. n. 87.(e) *Cap.* 1. n. 2. (f) *Ibid.* c. 6. n. 9.Liber vige-
ſimus ſep-
timus .

S. GREG. M.

„longe repellimur, quanto ejus potentiam nos comprehendisse fufpicamur. Nam quamvis in altum mens noſtra rapiatur, ejus tamen magnitudinis immenſitate transcenditur. Cujus tunc ali- quid quaſi ex parte cognoſcimus, quando eum nos digne cognoſcere non poſſe ſentimus “.

Veteris Teſtamenti SS. Patrum laudes celebrat. In Abrahamo obedientiam, in Iſaac patientiam, in Jacob laborioſam vitam, in Joſeph caſtitem, in Moyſe manſuetudinem, in Joſue conſtantiam, in David pietatem & humilitatem extollit (a).

Inter homines & Angelos pacem inductam dicit per Chriſti incarnationem, ſcribens: „Caeleſtium (b) Spirituum ad nos conditor venit, ſequē hominem etiam ſub ipſis exhibuit . . . Et quia inter nos & eoſdem Spiritus diſcordantis vitæ ſcandalum reperit, mira potentia, mirabiliori etiam pietate ſumma creans, ima ſuſcipiens, ima cum ſummis junxit. Hinc eſt, quod eodem Rege nato, Angelorum chori in ejus annunciatione prodeunt, hymnum dicunt, & devicta pravæ vitæ diſcordia, hos quos dum deſperant, cives agnoſcunt, conſono ore prædicantes: *Gloria in excelsis Deo, & in terra pax hominibus bonæ voluntatis* (c). Ac ſi aperte dicant: Quos a nobis malitia diſjunxerat, jam nunc in terra nata bonitas jungat “.

Cur miracula in exordio Eccleſiæ fuerint conceſſa, exponit ſcribens: „Tunc quippe (d) ſancta Eccleſia miraculorum adjutoriis indiguit, cum eam tribulatio perſecutionis preſſit. Nam poſtquam ſuperbiam infidelitatis edomuit, non jam virtutum ſigna, ſed ſola merita operum requirit, quamvis & illa per multos cum opportunitas exigit, oſtendat “.

Veræ pœnitentiæ ſigna promit, ſcribens: „Quem (e) enim Dominus illuſtrando repleverit, ejus vitam proculdubio in lamentum vertit; atque illuminatæ menti quo magis æterna ſupplicia inſinuat, eo hanc durius de tranſacta nequitia gemitibus fatigat; & dolet homo quod fuit, quia bonum jam incipit videre, quod non fuit: odit qualem ſe fuiſſe meminit, amat qualem ſe eſſe debuiſſe cognoſcit, & ſolum jam pœnitentiæ amaritudinem diligit; quia caute conſiderat in quantis voluptatibus ſua delectatione peccavit “.

Peccatores ſuorum ſclerum ultricem conſcientiam ſentire animadvertit ſcribens: „Fugiant iniqui humanos oculos (f), ſemetipſos certe fugere non poſſunt. Quia enim malum quod faciunt, noverunt, habent teſtem conſcientiam, habent judicem rationem ſuam. In peccato igitur quod committunt, prius contra ſe iudicium ſuæ rationis inveniunt, & poſt ad diſtinctionem æterni examinis perducentur “.

Expli-

(a) *Ibid.* c. 10. n. 17. (b) *Ibid.* c. 15. n. 29.(c) *Luc.* 2. 14. (d) *Ibid.* cap. 18. n. 36.(e) *Ibid.* c. 19. n. 39. (f) *Ibid.* c. 25. n. 48.

Explicans verba Jobi: *Bestia in antro suo morabitur*, ostendit, Diabolum quidem iustorum mentes aliquando ingredi, at in eis manere omnino non posse, scribens: „Aliquando (a) namque bonorum mentes ingreditur (diabolus), illicita suggerit, tentationibus fatigat, rectitudinem spiritus ad delectationem carnis de-
 „flectere conatur, delectationem quoque ad consensum perducere nititur. Sed tamen resiliens superno adiutorio prevalere prohibetur. Intrare ergo in mentes honorum potest, sed in eis morari non potest, quia cor iusti huius bestię antrum non est “.

In cęli creatione Angelos designatos dicit, scribens: „Bene (b) „apud Moysen ipsa de mundi origine historię verba tellantur, cum & prius factum cęlum dicitur, & hoc idem postmodum firmamentum vocatur: quia videlicet natura angelica & prius subtilius est in superioribus condita, & post ne unquam posset cadere, mirabilius confirmata “.

Qui sibi sapientes videntur, divinam sapientiam contemplari nequaquam posse docet in calce libri scribens: „Contemplari (c) „Dei sapientiam non possunt, qui sibi sapientes videntur: quia tanto ab eius luce longe sunt, quanto apud semetipsos humiles non sunt: quia in eorum mentibus dum tumor elationis crevit, aciem contemplationis claudit, & unde se lucere prę cęteris aestimant, inde se lumine veritatis privant. Si igitur veraciter sapientes esse, atque ipsam sapientiam contemplari appetimus, stultos nos humiliter cognoscamus “.

In hac postrema parte, reliqua libri Job capita exponit D. Gregorius, omnia octo libris completens a vigesimo octavo videlicet capite usque ad quadragesimum secundum, quod postremum est. In hoc 28. libro undecim priores capitis 38. versiculos multiplici sensu exponit.

Et primo quidem exemplo Jobi ostendit, nocere animę suę virtutis cognitionem, nisi tribulationibus exerceatur, scribens: „Quid enim peius (d) plerumque animam quam conscia virtus interficit? Quę illam dum consideratione sua inflat, a plenitudine veritas evacuat: & dum se ad percipienda pręmia sufficere suggerit, eam a meliorationis intentione distendit. Iustus igitur Job ante flagella extitit, sed iustior post flagella permansit; & laudatus antea Dei voce, postmodum crevit ex verbere “.

Deinde quot quibusque modis Deus homines alloquitur, declarat scribens: „Notandum video (e), quia si sano atque incolumi locutio facta diceretur, nequaquam de turbine Dominus locutus fuisset scriberetur. Sed quia flagellato Dominus, de turbine ne locutus fuisset describitur. Aliter enim Dominus servis suis

E 2

,, loqui-

- (a) *Ibid.* c. 26. n. 50. (b) *Ibid.* c. 34. n. 65.
 (c) *Ibid.* c. 46. n. 79. (d) *In Pręf.*
 (e) *Ibid.* c. 1. n. 1.

Moralium
 Pars sexta &
 ultima. Liber
 vigesimus o-
 ctavus.

S. GREG. M.

„ loquitur, cum eos intrinsecus per compunctionem provehit; a-
 „ licet cum per distractionem, ne extollantur, premit. Per blan-
 „ dam enim locutionem Domini, amanda dulcedo ejus ostenditur;
 „ per terribilem vero, potestas ejus metuenda monstratur. In
 „ illa persuadetur animæ ut proficiat, in ista reprimitur quæ pro-
 „ ficit. In illa discit quod appetat. Prosequitur ostendendo,
 „ Deum modo loqui per Angelos, modo per semetipsum (a): ali-
 „ quando verbis utendo (b): aliquando rebus (c): aliquando simul
 „ verbis & rebus (d): aliquando imaginibus cordis, aut corporis
 „ oculis ostensis (e): denique variis aliis modis, quos explicat & re-
 „ censet (f).

Pariter ostendit, tribus modis Deum interrogare homines, nimi-
 „ rum vel flagellando, vel dura præcipiendo, vel aliqua absconden-
 „ do. „ Flagello (scribit) interrogat (g), cum mentem bene sibi
 „ per tranquillitatem subditam, afflictionibus pulsant, sicut idem
 „ Job & laudatur attestatione judicis, & tamen istibus conceditur
 „ percussoris. . . Præcipiendo autem dura nos interrogat: sicut
 „ Abraham terram suam jubetur egredi, & pergere quo nesciebat,
 „ & in monte unicum filium ducere... & immolare... Aperiendo
 „ vero nobis quædam, atque claudendo quædam nos interrogat
 „ Deus. . . Hac interrogatione Paulus interrogatus est, qui post
 „ perceptam internam sapientiam, post aperta claustra paradisi,
 „ post ascensum tertii cæli. . . adhuc dicit: *Ego me non arbitror*
 „ *comprehendisse* (h).

Deum sapienter sua dona disponere animadvertit, & cur uni do-
 „ num conferat quod alteri negat, scribens: „ Conditor (i) noster
 „ interni judicii secreto moderamine, alii sermonem sapientiæ, a-
 „ lii sermonem scientiæ, alii plenam fidem, alii gratiam sanita-
 „ tum, alii operationem virtutum, alii prophetiam, alii discretio-
 „ nem spirituum, alii genera linguarum, alii interpretationem ser-
 „ monum tribuit. . . Sic itaque (k) dispositor cuncta modera-
 „ tur: ut qui extolli poterat ex dono quod habet, humilietur ex
 „ virtute quam non habet. Sic cuncta moderatur, ut cum per
 „ impensam gratiam unumquemque sublevar, etiam per dispa-
 „ rem alteri alterum subdat, & meliorem quisque dono alio eum
 „ qui sibi subjicitur, attendat: ac licet se præire & aliis sentiat,
 „ eidem tamen quem superat, se in aliis postponat.

Quomodo discretio aliquando & bona opera exercere, & aliquando
 „ etiam omittere suggerat, ostendit scribens: „ In una (i) eademque
 „ virtute discretionis lineam deserimus, si hanc & aliquando agere,
 „ & aliquando postponere nesciamus. Non enim res eadem semper est

„ vir-

- (a) *Ibid.* n. 2. 3. (b) *Ibid.* n. 4.
 (c) *Ibid.* n. 5. (d) *Ibid.* n. 6.
 (e) *Ibid.* n. 7. (f) *Ibid.* n. 8.
 (g) *Ibid.* c. 6. n. 13. (h) *Philip.* 3. 13.
 (i) *Ibid.* c. 10. n. 21. (k) *Ibid.* n. 22.
 (l) *Ibid.* c. 11. n. 28.

„virtus, quia per momenta temporum sæpe merita mutantur a-
 „tionum. Unde fit, ut cum quid bene agimus, plerumque me- S. GREG. XI.
 „lius ab ejus actione cessamus: & laudabilis ad tempus deferat,
 „quod in suo tempore laudabiliter mens tenebat“. Hanc verita-
 „tem confirmat exemplo D. Pauli, „qui (scribit) & Gentiles
 „(a) ad libertatem fidei venientes circumcidi prohibuit, & ta-
 „men Lystris atque Iconium transiens, ipse Timotheum, qui
 „Gentili patre editus fuerat, circumcidit“.

Explicans Jobi verba: *Bases illius solidatae sunt*, ostendit, spi-
 „ritualis ædificii bases esse rectas intentiones, scribens: „Bases u-
 „niuscujusque (b) sunt animæ, intentiones sive. Nam sicut fabrica
 „columnis, columnæ autem basibus innituntur: ita vita nostra in
 „virtutibus, virtutes vero in intima intentione subsistunt... &
 „tunc bases in fundamento sunt, cum intentiones nostræ in Chri-
 „sto roborantur“.

Christum lapidem esse angularem ostendit, qui vitam activam
 & contemplativam in se junxit, unde scribit: „Christus (c) la-
 „pis angularis dicitur, quia duos in se populos junxit: atque ali-
 „ter, quia conjunctæ utriusque vitæ, activæ videlicet & con-
 „templativæ in se exempla monstravit. Ab activa enim vita
 „longe contemplativa distat: sed incarnatus Redemptor noster ve-
 „niens, dum utramque exhibuit in se, utramque sociavit“.

Cor hominis instar maris fervens, solum Deum posse coercere
 animadvertit scribens: „Quid (d) est mare, nisi cor nostrum fu-
 „rore turbidum, elatione superbiæ tumidum, fraude malitiæ ob-
 „scurum? Quod mare quantum sæviat, attendit quisquis in se
 „occultas tentationum cogitationes intelligit. Ecce enim jam
 „perversa relinquimus, jam desideriis rectis in hæremus, jam pra-
 „va opera foris abscindimus: sed tamen latenter intus ea, cum
 „qua huc venimus, vitæ veteris procella fatigamur, quam nisi
 „respectu judicii, & æterni pavore tormenti, immensi timoris
 „claustra constringerent, cuncta in nobis penitus superædificati o-
 „peris fundamenta corruiſſent“.

Librum denique claudit ostendens, hoc mare sæviens cordis nostri
 omnes dissipare virtutes, nisi caritate firmentur, unde scribit:
 „Hæc itaque (e) ostia, scilicet operationum virtutes, mare sæ-
 „viens dissipat, nisi eas ex occulto mentis opposita caritas adstrin-
 „gat. Facile autem omne virtutum bonum tentatione cordis ir-
 „rumente destruitur, nisi ab intimis fixa caritate solidetur“.

Viginti alios versiculos capituli 38. explicandos aggreditur in hoc Liber viginti-
mus nonus.
 libro D. Gregorius, in quo multa egregie docet de Dæmonis arti-
 bus, de gratia, prædestinatione, reprobatione, occultisque Dei ju-
 diciis.

(a) *Ibid.* n. 20. (b) *Ibid.* c. 12. n. 31.
 (c) *Ibid.* c. 13. n. 33. (d) *Ibid.* c. 19. n. 43.
 (e) *Ibid.* c. 22. n. 46.

S. GREG. M.

Et primo quidem ait, Dei filium in tempore nasci voluisse, ut se imitandum præberet, scribens: „In nativitate (a) divina Filius „ab humanæ g-nere cognosci non poterat, proinde in humanitate „venit ut videretur, videri voluit, ut imitaretur. Quæ carnis „nativitas despecta visa est sapientibus mundi: contempserunt „namque infirma humanitatis ejus, Deo hæc indigna judicantes. „Cui tanto magis homo debitor fuit, quanto pro illo Deus etiam indigna suscepit“.

Quomodo Deus Ecclesiam suam & teneat aliquando, & aliquando concutiat, exponit scribens: „Extrema (b) terræ Dominus tenet & concutit, quia Ecclesiæ suæ ultima per adventum „Antichristi persecutione immanissima turbari permittit, nec tamen permittendo deserit. Hanc terram aliquando Dominus tenet, & non concutit; aliquando tenet & concutit, quia modo eam tranquilla pace fidei possidet, modo commoveri impetu persecutionis jubet“.

De Antichristo plura exponit. Et primo quidem ejus persecutionis tempore lumen fidei a multis auferendum (c); & modo in suis membris vivere & sævire (d). Ejus superbiam & casum describit (e).

De Christo vero dicit, ipsum pro nobis (f) non in mundum solum, sed & ad infernum descendisse. Portas mortis, idest adversas potestates superasse (g). Ejus morte Ecclesiam crevisse (h). Peccatorum mentes sua luce visitare (i).

Spem nostram debere potius timori quam securitati conjungi docet scribens: „Væ miseris (k) nobis, qui de electione nostra nullam adhuc Dei vocem cognovimus, & jam in otio quasi de securitate torpemus. Debet profecto, debet in spe esse non solum securitas, sed etiam timor in conversatione; ut & illa certantes foveat, & iste torpentes pungat. . . De spe incallum præsumit, qui timere Deum in suis operibus renuit“.

Inscrutabilia docet esse Dei judicia, dum scribit: „Superjecto (l) quodam ignorantiae nostræ velamine, incomprehensibilitatem divini judicii humanæ mentis oculus nullatenus penetrat. Scriptum quippe est: *Judicia tua abyssus multa* (m). Nemo ergo percrutari appetat, cur cum alius repellitur, alius eligatur; vel cur cum alius eligitur, alius repellatur: quia superncies abyssi constringitur, & attestante Paulo: Inscrutabilia sunt judicia ejus, & investigabiles viæ ejus (n)“.

Quo-

(a) *Ibid.* c. 1. n. 1.(b) *Ibid.* c. 9. n. 10.(c) *Ibid.* c. 7. n. 14;(d) *Ibid.* n. 15.(e) *Ibid.* c. 8. n. 18.(f) *Ibid.* c. 12. n. 23.(g) *Ibid.* c. 13. n. 25.(h) *Ibid.* n. 26.(i) *Ibid.* c. 15. n. 27.(k) *Ibid.* c. 18. n. 34.(l) *Ibid.* c. 30. n. 57.(m) *Psal.* 35. 7.(n) *Rom.* 11. 33.(c) *Ibid.* c. 7. n. 14;(e) *Ibid.* c. 8. n. 18.(g) *Ibid.* c. 13. n. 25.(i) *Ibid.* c. 15. n. 27.(l) *Ibid.* c. 30. n. 57.(m) *Psal.* 35. 7.(n) *Rom.* 11. 33.

Quomodo Deus corda obdurare dicatur, exponit dicens: „Semet-
 „ipsum Dominus (a) gely gignere perhibet, non quod pravorum
 „mentes ipse ad culpam formet, sed quod a culpa non liberat, S.GREG. M.
 „sicut scriptum est: *Ego obdurabo cor Pharaonis* (b). Quod
 „quia misericorditer emollire noluit, profecto districte se obdura-
 „se nuntiavit “.

Librum claudit ostendens, judiciorum & prædestinationis Dei
 causas non esse a nobis perferendas, scribens: „Supernorum (c)
 „judiciorum mytheria vel considerando discutere, vel loquendo
 „manifestare . . . in hac vita positus nullus facere potest . . .
 „Quis enim judiciorum cælestium secreta discutiat? Quis intelli-
 „gat secretam lancem æquitatis occultæ? Ad cognoscendos quippe
 „istos judiciorum secretorum sinus nullus ascendit. Dicatur ergo
 „homini, ut se nescire cognoscat: nescientem vero se cognoscat, ut
 „timeat: timeat ut humilietur, humilietur ne præsumat in se:
 „non præsumat in se, ut conditoris sui auxilium requirat: & qui
 „in se fidens mortuus est, auctoris sui adjutorium appetens
 „vivat “.

Reliquos octo versiculos capitis 28. & totidem sequentis capitis
 39. explicandos aggreditur in hoc libro, in quo præsertim de E-
 vangeliis prædicatione multa pie & docte promit. Liber tri-
 gesimus.

Et primo quidem verba illa: *Numquid elevabis in nebula vo-*
cem tuam? de Evangelii doctrina infidelibus annuntiata interpreta-
 tur scribens: „Vocem (d) suam in nebula Dominus elevat,
 „quando per prædicatorum suorum linguas ad caliginosa corda
 „infidelium exhortationem format: eumque aquarum impetus ope-
 „rit, dum bene agentia membra ejus, turba resistentium populo-
 „rum premit “.

De verbi Dei prædicatoribus plura exponit, & quidem 1. illos
 aquarum imperu operiri dicit, quando in eos infideles sæviunt (e).
 A Deo exire & ad ipsum reverti, quando miracula, quibus coru-
 scant, illi soli tribuunt (f). Ad publicum operationis missos de-
 bere identidem ad contemplationis secretum, redire (g). Ipsi dari
 a Deo intelligentiam (h). Dum alios ex officio adhortantur,
 prius se in bonis operibus exerceant oportere (i). A Deo obti-
 nere, ut suo muneri recte fungantur (k). Eorum prædicationem
 cessaturam, Deo in sua majestate revelato (l). Nihil sua virtute
 se posse agnoscunt (m).

Diversos in Ecclesia ordines a Deo constitutos, ostendit ex verbis
 Jobi: *Glebe compingebantur*, scribens: „Quas (n) glebas si in Ec-
 „clesia

E 4

(a) *Ibid.* c. 30. n. 60.(b) *Exod.* 10. 27.(c) *Ibid.* c. 1. n. 2.(d) *Ibid.* c. 2. n. 6.(e) *Ibid.* c. 3. n. 9.(f) *Ibid.* n. 16.(g) *Ibid.* c. 9. n. 29.(c) *Ibid.* c. 33. n. 77.(e) *Ibid.* n. 3.(g) *Ibid.* n. 8.(i) *Ibid.* n. 15.(l) *Ibid.* c. 4. n. 17.(n) *Ibid.* c. 6. n. 23.

S. GREG. M.

„clesia ex diversitate meritorum attendimus, fortasse adhuc distin-
 „guere subtilius valemus. Nam dum alius est ordo prædican-
 „tium, alius audientium: alius regentium, atque alius subdito-
 „rum: alius conjugum, alius continentium: alius penitentium,
 „alius virginum: quasi ex una terra est diversa glebarum forma
 „distincta, dum in una fide, in una caritate disparia demonst-
 „tur bene operantium merita“.

„In ibicibus & cervis spirituales magistros designari docet, scri-
 „bens: „In cervis (a) vel ibicibus magistrorum spiritualium per-
 „sona signatur. Ipsi quippe velut ibices in petris pariunt: quia
 „in doctrina patrum, qui petra pro soliditate vocati sunt, ad
 „conversionem animas gignunt. . . Ipsi etiam cervæ vocati sunt,
 „nam more cervarum interemptis vitiis, quasi extinctis serpen-
 „tibus vivunt; & de ipsa extinctione vitiorum, ad fontem vitæ
 „acrius inardescunt“.

„Exempla Sanctorum aspicienda docet, in Davide humilitatem &
 „patientiam (b): Quomodo Joseph luxuriam vicerit (c): Da-
 „nielē ad contemplationem anhelantem imitandum (d).“

„Prædicatorē vero dicit, nonnisi flendo spiritualiter filios gignere
 „posse (e); & nisi ad infirmitatem nostram descendant, & incur-
 „ventur (f); solum sapere ad sobrietatem (g), & filios genitos
 „ad Scripturæ pastum ducere (h); a Verbo Dei illustrari (i).“

„Gulam refrenandam inculcat scribens: „Nonnulli (k) ordi-
 „nem certaminis ignorantes, edomare gulam negligunt, & jam
 „ad spiritalia bella conflunt. Qui aliquando multa etiam,
 „quæ magnæ sunt fortitudinis, faciunt: sed dominante gulæ vitio,
 „per carnis illecebram omne quod fortiter egerint, perdunt: &
 „dum venter non restringitur, per carnis concupiscentiam simul
 „cunctæ virtutes obruuntur“. Quomodo vera gula tentat, ex-
 „plicat subdens: „Quinque (l) nos modis gulæ vitium tentat.
 „Aliquando namque indigentiae tempora prævenit, sed cibos lau-
 „tiores quærit: aliquando quolibet, quæ sumenda sint, præparari
 „accuratius expetit, aliquando autem & qualitati ciborum &
 „tempori congruit, sed in ipsa quantitate sumendi mensuram mo-
 „deratæ refectionis excedit. Nonnunquam vero & abiectius est
 „quod desiderat: & tamen ipso æstu immensi desiderii deterius
 „peccat“.

„Allegorico sensu Christum onagro comparat, „qui agreste (scri-
 „bit) est animal (m). Et quia incarnatus Dominus Gentilitati
 „magis, quam Judææ profuit, animale corpus assumens, quasi non
 „in do-

(a) *Ibid.* c. 10. n. 36. (b) *Ibid.* c. 10. n. 37.

(c) *Ibid.* n. 38. (d) *Ibid.* n. 39.

(e) *Ibid.* c. 13. n. 47. (f) *Ibid.* n. 48.

(g) *Ibidem.* (h) *Ibid.* c. 14. n. 49.

(i) *Ibidem.* (k) *Ibid.* c. 18. n. 59.

(l) *Ibid.* n. 6. (m) *Ibid.* c. 21. n. 66.

„ in domum, sed potius in agrum venit . . . Dicatur ergo a Patre de Filio secundum formam servi: *Quis dimisit onagrum liberum, & vincula ejus quis solvit?* . . . Quia incarnatus Dominus, minus particeps nostræ factus est naturæ, non culpæ, liber dimissus dicitur, quia sub peccati dominio non tenetur . . . Vincula (a) quoque ejus tunc soluta sunt, cum infirmitates passionis illius in resurrectionis sunt gloriam commutata. Datum esse illi solitudinis locum dicit, cum Gentilitas eum recepit (b). Contempsit multitudinem civitatis, quia multitudinis non est secutus exempla, sed sua imitanda proposuit (c). Exactoris scilicet Diaboli clamorem non audivit (d). Circumspectit montes pascuæ suæ, quia etiam superbos in sua membra transformavit (e). Virentia perquisivit, dum virentia corda deserit, & fide ac spe virentia requirit (f).

Postquam omnia de onagro prædicta de Christo allegorice est interpretatus, de se humiliter sentiens, sic subdit: „ Hæc de (g) onagro exposita . . . sufficiant. Lectoris vero judicio relinquentum est, quid magis duxerit eligendum. Et si expositionis intelligentiam fortasse despexerit, libenter ipse lectorem meum subtilius versusque sentientem, velut magistrum discipulus, sequar: „ quia mihi proprie donatum credo, quidquid illum me melius sentire cognosco “.

Dénique librum clauduit ostendens, sæpe doctoribus verbum propter auditoris meritum tribui, vel ejus culpa subtrahi (h): aliquando vero pro doctoris & auditoris merito, vel culpa, vel dari, vel denegari (i). Quamobrem subdit: „ Igitur (k) cum vel pro quo sermo datur, vel propter quem subtrahatur, ignoramus; unum est salubre remedium, nec de his quæ aliis magis acceptimus, nosmetipsos extollere, nec de eo alterum quod minus acceperit, irridere; sed fixo humilitatis pede graviter & constanter incedere: quia in hac vita tanto veracius docti sumus, quanto doctrinam nobis a nobismetipsis suppetere non posse cognoscimus “.

Vericulum nonum cum reliquis capitis 39. exceptis tamen potestem tribus explicat in hoc libro D. Gregorius, & multa de divina gratia, de Evangelii prædicatione, & de peccatorum conversione præclara diffundit.

In primo itaque capite ostendit, superbix vulnus a Diabolo primo homini inflictum, Christi fuisse humilitate sanatum, scribens: „ In paradiso (l) sano homini diabolus invidens superbix vulnus „ infli-

(a) *Ibid.* c. 22. n. 67.

(b) *Ibid.* c. 23. n. 68.

(c) *Ibid.* c. 24. n. 69.

(d) *Ibid.* c. 25. n. 71.

(e) *Ibid.* c. 26. n. 72.

(f) *Ibid.* c. 27. n. 80.

(g) *Ibid.* n. 81.

(h) *Ibid.* n. 82.

(i) *Ibid.* n. 83.

(k) *Ibidem.*

(l) *Ibid.* c. 1. n. 1.

S. GREG. M.

„infixit; ut qui mortem non acceperat conditus, mereretur elatus . . . Contra hoc inflictum vulnus superbientis diaboli, medicina apparuit inter homines humilitas Dei, ut auctoris exemplo humiliati surgerent, qui imitatione hostis elati ceciderant“.

Temporalium Principum potestatem sibi servire Christum coegisse ostendit, illisque Ecclesiæ suæ defensionem commendasse scribit, dicens: „In (a) rhinocerotis fortitudine fiduciam Dominus habere se asserit; quia vires, quas temporaliter terreno principi contulit, ad cultum suæ venerationis inclinavit: ut ex accepta potestate, per quam dudum contra Deum tumuerat, religiosum nunc Deo obsequium impendat. Quo enim in mundum plus potest, eo pro mundi auctore plus prævalet . . . Labores enim suos huic rhinoceroti Dominus reliquit, quia converso terreno principi, eam quam sua morte mercatus est, Ecclesiæ credidit: quia videlicet in ejus manu quanta sollicitudine pax fidei sit tuenda commisit“.

Hypocritas struthioni pennas habenti, sed non volanti assimilat: Quia (scribit) „dum bonorum (b) vitam simulant, imitationem sanctæ visionis habent, sed veritatem sanctæ actionis non habent“. Et quia sicut ille ova sua in terra derelinquit, ita hypocritæ quos gignant, bonis exemplis fovere, & nutrire negligunt (c).

Egrege docet, quo animo cum necessitas & caritas cogunt, sit etiam litigandum, scribens: „Cum (d) curam rerum temporalium nobis itineris necessitas imponit, quidam dum eas rapiunt, solummodo tolerandi sunt: quidam vero conservata caritate prohibendi, non tamen sola cura ne nostra subtrahant, sed ne rapientes non sua, semetipsos perdant. Plus quippe ipsis raptoribus debemus metuere, quam rebus irrationalibus defendendis inhære . . . Si ergo & pro sua utilitate raptoribus loquimur, non jam solum nobis quæ temporalia, sed ipsis etiam quæ sunt æterna, vindicamus“.

Cur boni & mali sint in Ecclesia immixti, rationem reddit scribens: „Quia a (e) bonis malisque hæc vita communiter ducitur, nunc Ecclesia ex utrorumque numero visibiliter congregatur; sed Deo invisibiliter judicante discernitur, atque in exitu suo a reproborum societate separatur. Modo vero esse in ea, nec boni sine malis, nec mali sine bonis possunt. Hoc enim tempore conjuncta utraque pars sibi necessario congruit, ut & mali mutantur per exempla bonorum, & boni purgentur per tentamenta malorum“.

In rhinocerote, sive unicornio allegorice D. Paulum designatum arbitratur, qui ferox a Christo domitus fuit (f), qui ad agrum „do-

(a) *Ibid.* c. 6. n. 8.(b) *Ibid.* c. 8. n. 11.(c) *Ibid.* c. 9. n. 14.(d) *Ibid.* c. 13. n. 22.(e) *Ibid.* c. 15. n. 28.(f) *Ibid.* c. 16. n. 30.

dominicum arandum ligatus fuit (a) : qui mentium Judaicarum duritiam fregit (b) : quia in ejus fortitudine Dominus fiduciam habuit (c) : quia aream Christi prius ventilavit, postea congregavit (d) : quia abstinencia corpus castigans ventri deditos ferit (e).

S. GREG. M.

Equi nomine plura allegorice in Scripturis significare ostendit scribens : „ In Scriptura (f) sacra equi nomine aliquando lubrica vita pravorum signatur : *Nolite fieri sicut equi, & mulus (g)* : aliquando dignitas temporalis : *Vidi servos in equis, & principes ambulantes quasi servos super terram (h)* : aliquando praesens saeculum : *A Dan est auditus fremitus equorum (i)* : aliquando preparatio rectae intentionis : *Equus paratur in diem belli, sed Dominus salutem tribuit (k)* : aliquando sanctus praedicator : *Misisti in mare equos tuos, turbantes aquas multas (l)* “.

Locustae quoque nomine docet designari Judaicum populum, qui habebat saltum per vocem, & casum per actionem (m) : aliquando Gentilitatem ad fidem conversam : „ *Regem locusta non habet, & egreditur universa per turmas suas (n)* : quia videlicet derelicta (o) Gentilitas, aliena dum a divino regimine exitit ; sed tamen ordinata postmodum contra adversantes spiritus ad fidei bellum processit “ . Aliquando vero resurrectio Dominica : „ Unde & voce ejus (p) per prophetam dicitur : *Excussus sum sicut locusta (q)* . Teneri enim se a persecutoribus usque ad mortem pertulit ; sed sicut locusta excussus est ; quia ab eorum manibus saltu subitae resurrectionis evolavit “.

Proximum & imminens Dei judicium arbitrabatur S. Gregorius scribens : „ Ecce enim (r) quia divini iudicii dies imminet, quasi ipsa jam timoris ejus facies apparet : tantoque magis necesse est, ut unusquisque illum terribilius timeat, quanto jam gloria manifestatis ejus appropinquat “.

In equo audiente buccinae sonitum, & dicente Vah, designatum dicit „ fortem praedicatorem (s), qui cum certamen passionis sibi appropinquare considerat, de exercitio virtutis exultat : nec terretur pugnae periculo, quia victoriae laetatur triumpho. Equo itaque est *vah* dicere, praedicatorem sanctum de ventura passione gaudere “.

Cavendum monet, ne ex bonis mala nascantur, scribens : „ Quia

„ (a) ple-

-
- (a) *Ibid.* n. 31. (b) *Ibid.* c. 17. n. 32.
 (c) *Ibid.* c. 18. n. 33. (d) *Ibid.* n. 34.
 (e) *Ibid.* n. 35. (f) *Ibid.* c. 24. n. 43.
 (g) *Psal.* 31. 9. (h) *Eccl.* 10. 7.
 (i) *Jer.* 8. 16. (k) *Prov.* 21. 31.
 (l) *Habac.* 3. 15. (m) *Ibid.* c. 25. n. 45.
 (n) *Prov.* 30. 27. (o) *Ibid.* n. 46.
 (p) *Ibid.* n. 48. (q) *Psal.* 108. 23.
 (r) *Ibid.* c. 27. n. 54. (s) *Ibid.* c. 33. n. 69.

S. GREG. M.

„ (a) plerumque ex bonis per incuriæ vitium mala nascuntur :
 „ vigilantī studio contemplatur, quomodo ex doctrina, arrogantia ;
 „ ex iustitia, crudelitas ; ex pietate, remissio ; ex zelo, ira ; ex
 „ mansuetudine, torpor oriatur. Cumque bona hæc agit, quod
 „ hi contra se hostes exurgere valeant, conspiciunt “.

Exercitus diaboli superbiam ducem esse ostendit, quam sequuntur
 septem principalia vitia tamquam cohortes, scribens : „ Radix (b)
 „ cuncti mali superbia est, de qua dicitur : *Initium omnis peccati*
 „ *est superbia* (c). Primæ autem ejus soboles, septem nimirum
 „ principalia vitia, de hac virulenta radice proferuntur : scilicet
 „ inanis gloria, invidia, ira, tristitia, avaritia, ventris ingluviæ,
 „ luxuria. Nam quia his septem superbiæ vitiis nos captos do-
 „ luit, ideo Redemptor noster ad spirituale liberationis prælium
 „ spiritu sepiiformis gratiæ plenus venit “.

Aquilæ nomine plura designari in Scripturis animadvertit, scilicet
 aliquando (d) malignos spiritus, raptōres animarum ; *Velociore*
sunt persecutores nostri aquilæ celi (e) : aliquando præsentis sæ-
 culi potestates : *Aquila grandis . . . venit ad Libanum, tulit me-*
dullam cedri, & summitatem frondium ejus evulsit : aliquando sub-
 tilissimas sanctorum intelligentias : unde ex Evangelistis unus aquilæ
 similis dicitur : aliquando incarnatus Dominus celeriter trans-
 volans, & mox summa repetens, designatur.

Liber trige-
simus secun-
dus.

Explicantur duo postremi versiculi capitis 39. quibus additur ex-
 plicatio 14. priorum capitis 40. , & multa de infinita Dei poten-
 tia, & de Satanæ noxiis consiliis depromuntur.

Incipit iraque ostendendo, quod „ sancti (f) viri quo apud Deum
 „ altius virtutum dignitate proficiunt, eo subtilius indignos se esse
 „prehendunt : quia dum proximi luci fiunt, quiddam eos in sei-
 „ plis latebat inveniunt ; & tanto magis foris sibi deformes appa-
 „ rent, quanto nimis pulchrum est, quod intus vident.

De otiosis verbis nec Sanctos exculari posse, ostendit, quos ta-
 men linguæ culpas vitæ meritis tegere dicit ; quare scribit : „ Quis
 „ inveniri (g) potest, qui quamlibet perfectus sit, de otioso ta-
 „ men sermone non peccet ? Jacobo attestante : *Linguam nullus*
 „ *hominum domare potest* (h) . . . Sed sancti viri ante Dei oculos
 „ student culpas linguæ tegere meritis vitæ, student bonorum ope-
 „ rum pondere premere immoderata verborum “.

Quomodo Deus licet corporis expers, rebus tamen corporeis com-
 paratur, exponit scribens. „ Cum in Deo (i) vox & brachium
 „ dicitur, cavendum summopere est, ne quid in eo mens corpo-
 „ reum suspicietur . . . Sed Omnipotens ad sua nos trahens, ulque
 „ ad

(a) *Ibid.* c. 44. n. 86.(b) *Ibid.* c. 45. n. 87.(c) *Ecclesi.* 10. 15.(d) *Ibid.* c. 47. n. 97.(e) *Thren.* 4. 10.(f) *Ibid.* c. 1. n. 1.(g) *Ibid.* c. 2. n. 2.(h) *Jacob.* 3. 8.(i) *Ibid.* c. 5. n. 7.

„ ad nostra se humiliat, atque ut alta insinuet, humilibus conde-
 „ scendit . . . Constat nimirum, quod in natura sua nec oculum
 „ Deus, nec scapulas habeat: sed quia nos per oculum cernimus, S. GREG. M.
 „ in scapulis vero onera sustinemus. Deus quod omnia videt, o-
 „ culum habere perhibetur; quod vero nos tolerat, atque eo ipso
 „ quo tolerat, servat, obumbrare nobis in scapulis dicitur “. Quo
 „ sensu vero recordari & oblivisci dicatur, exponit subdens: „ Quis
 „ nescit, quia Dei memoria nec oblivione rumpitur, nec recorda-
 „ tione sarcitur? Sed dum aliqua deferens pratermittit, more
 „ mentium oblivisci dicitur; & cum post longum tempus quæ vo-
 „ luerit visitat, nostræ mutabilitatis consuetudine recordatus voca-
 „ tur “. Quomodo autem alas habere dicatur, exponit subdens:
 „ Quia nos parvulos dum protegit, nutrit, & non gravi atque o-
 „ nerosa, sed levi & blanda protectione nos refovet, quasi more
 „ avium super nos alas tendit “.

De superbis plura exponit, & 1. dicit, superbos dum (a) ele-
 vantur, deici: 2. permittere eos terrenis negotiis, & desideriis op-
 primi (b): & dum superbiendo altiora petunt, ad inferiora retru-
 di (c): 3. Superbiam sequi solere carnis corruptionem (d).

Quomodo in Scripturis dicatur Deus & omnia simul condidisse,
 & tamen Moyses lex dierum mutatione variata, distincte creata
 describat, exponit dicens: „ Rerum (e) substantia simul creata
 „ est; sed simul species formata non est: & quod simul extitit
 „ per substantiam materiæ, non simul apparuit per speciem for-
 „ mæ “. Pari pacto explicat, quomodo Angelum simul cum ho-
 „ mine factum dicatur, subdens: „ Si rerum (f) causas subtili dis-
 „ cussione pensamus, simul Angelum factum hominemque cogno-
 „ scimus: simul videlicet non unitate temporis, sed cognitione ra-
 „ tionis: simul per acceptam imaginem sapientiæ, & non simul
 „ per conjunctam substantiam formæ “.

De Antichristo plura promittit: & 1. quidem dicit, quod (g)
 „ sicut cedrus arbuta cætera in altum crescendo deserit; ita tunc
 „ Antichristus mundi gloriam temporaliter obtinens, mensuras ho-
 „ minum & honoris culmine, & signorum potestate transcendet “.
 „ Sæviet, sed ad breve tempus (h). Plus metuendus ex signis quæ
 „ faciet, quam ex poenis quas martyribus inferet (i). Alios vi su-
 „ perabit (k). Per Antiochum fuit præsignatus (l). Quid de ipso
 „ doceant Daniel, & D. Paulus exponit (m). Multos jam adesse An-
 „ tichristi testes (n). Quinam dicantur ossa Antichristi, exponit di-
 „ cens: „ Hi Antichristi (o) ossa sunt; qui dum malos continendo
 „ mul-

(a) *Ibid.* c. 9. n. 11. (b) *Ibid.* c. 10. n. 12.

(c) *Ibid.* n. 13. (d) *Ibid.* c. 14. n. 21.

(e) *Ibid.* c. 12. n. 16. (f) *Ibid.* n. 17.

(g) *Ibid.* c. 15. n. 22. (h) *Ibid.* n. 23.

(i) *Ibid.* n. 24. (k) *Ibid.* n. 25.

(l) *Ibid.* n. 26. (m) *Ibid.* n. 27.

(n) *Ibid.* c. 16. n. 28. (o) *Ibid.* c. 17. n. 29.

„multiplicant, in ejus corpore carnes portant“. Denique dicit, qui in Antichristi corpore debiliores sunt, ad perpetranda mala nequiores existere (a).

Quid agendum sit, quando nullus evadendi peccatum aditus patet, docet scribens: „Dum mens (b) inter minora & maxima peccata, constringitur, si omnino nullus sine peccato evadendi aditus patet, minora semper eliciantur; quia & qui murorum undique ambitu ne fugiat clauditur, ibi se in fugam præcipitat, ubi brevior murus invenitur“.

Ostendit deinde, quantum ex astutis diaboli consiliis periculum nobis immineat (c): quod pluribus exemplis etiam illustrat, dum alios divitiis acquirendis studere suadet (d): alios mundo abrenunciare meditantes, a sancto proposito avertit (e): alios ne ad monasticæ perfectionis culmen attendant, persequitur (f): alios ab officiis caritatis, studet avocare (g): deteriores excitat tentationes, cum laqueos speciem virtutis occultat (h).

De Angelo autem apostata, sub nomine Behemoth designato, dicit ipsum fuisse primam & nobiliorem creaturam (i): primum habuisse in novem angelorum ordines (k): ex ejus casu homines discere debere non superbire (l): Angeli apostatæ Deum potentiam coercere (m). Denique librum claudit Aarii hæresim confutando (n).

Liber trigessimus tertius.

A decimo quinto versiculo capituli 40. exorditur, & reliquos exponit: deinde ad duodecim priorum versuum sequentis capituli 41. explanationem progreditur. Varias detegit Dæmonis artes, & gratuitam docet prædestinationem, quam cum libero arbitrio conciliat.

Exorditur autem ostendendo, nomine montis in singulari plura designari in Scripturis, videlicet aliquando incarnatum Dominum (o): *Et erit in novissimis diebus preparatus thronus domus Domini in vertice montium* (p): aliquando Sanctam Ecclesiam: *Qui confidunt in Domino, sicut mons Sion* (q): aliquando testamentum Dei: *Deus a Libano veniet, & Sanctus de monte umbroso & condenso* (r): aliquando Angelum apostatam: *Super montem caliginosum levate signum* (s): aliquando quemlibet hæreticum: *In Domino confido, quomodo dicitis anima mea, transmigra in montem sicut passer* (t)? In plurali vero montes, vel Apostolorum, vel Prophetarum celsitudinem designare dicit: *Justitia tua, sicut*

„mon-

-
- | | |
|--------------------------------|--------------------------------|
| (a) <i>Ibid.</i> c. 18. n. 31. | (b) <i>Ibid.</i> c. 20. n. 39. |
| (c) <i>Ibid.</i> c. 21. n. 40. | (d) <i>Ibid.</i> n. 41. |
| (e) <i>Ibid.</i> n. 42. | (f) <i>Ibid.</i> n. 43. |
| (g) <i>Ibid.</i> n. 44. | (h) <i>Ibid.</i> n. 45. |
| (i) <i>Ibid.</i> c. 23. n. 47. | (k) <i>Ibid.</i> n. 48. |
| (l) <i>Ibid.</i> n. 49. | (m) <i>Ibid.</i> c. 24. n. 50. |
| (n) <i>Ibid.</i> n. 51. | (o) <i>Ibid.</i> c. 1. n. 2. |
| (p) <i>Isaj.</i> 2. 2. | (q) <i>Psal.</i> 124. 1. |
| (r) <i>Hab.</i> 3. 3. | (s) <i>Isaj.</i> 3. 2. |
| (t) <i>Psal.</i> 10. 1. | |

montes Dei (a): Aliquando sæcularium potestatum tumorem: S. GREG. M.
Montes sicut cera fluxerunt a facie Domini (b).

Obumbrationis nomine plura in sacro eloquio denotari animadvertit (c). Et primo quidem ad Dominicam Incarnationem significandam usurpatur: *Virtus altissimi obumbrabit tibi* (d): aliquando ad refrigerium mentis denotandum: *Sub umbra illius, quem desideraveram, sedi* (e): aliquando torporem frigida mentis caritatis recessu indicat: *Abundabit iniquitas, & refrigescet caritas multorum* (f): aliquando per umbram, si tamen cum adjectione mortis ponatur, mors carnis (g) exprimitur: *Cooperuit nos umbra mortis* (h): aliquando reprobi, qui antiqui hostis tenebras studio pravæ operationis imitantur, quia de antiquo hoste scriptum est: *Nomen illi mors* (i).

Calami quoque, & arundinis varias esse in Sacra Scriptura significationes observat (k). Et primo quidem aliquando verbum manens: unde per calamum Verbi æternitas designatur: *Lingua mea calamus scribæ velociter scribentis* (l): aliquando scriptorum doctrina exprimitur: *Orietur viror calami & junci* (m): aliquando mentis mobilitas: *Quid existis in desertum videre? arundinem vento agitatam* (n): aliquando nitor gloriæ temporalis: *Fulgurent iusti, & tamquam scintilla in arundinetis discurrent* (o).

Umbrae diaboli nomine (dicit) designantur omnes (p) iniqui, „ qui dum imitationi iniquitatis ejus deserviunt, quasi ab ejus „ corpore imaginis speciem trahunt. Sicut autem umbrae ejus „ sunt pluraliter reprobi, ita singulariter umbra ejus est unusquisque peccator “.

De salicibus vero scribit: „ Infructuosæ (q) quidem arbores „ sunt salices: sed tamen tantæ viriditatis sunt, ut arescere vel „ abscissæ radicitus & projectæ, vix possint. Unde in sacro eloquio, quo salicum nomine, aliquando pro viriditate boni, aliquando „ pro sterilitate reprobi designantur “. De prioribus siquidem scriptum est: *Germinabunt inter herbas, sicut salices juxta præterfluentes aquas* (r). Et de posterioribus dicitur: *In salicibus in medio ejus suspendimus organa nostra* (s). Et in hoc sensu accipi dicit in illis Jobi verbis: *Circumdabunt eum salices torrentis*: „ quia amatores vitæ mortalis, a bonis actibus quasi a fructibus „ alieni, tanto illi arctius inhærent, quanto eos largius delectatio „ transitoria voluptatis infundit “.

Ex-

-
- | | |
|------------------------|------------------------|
| (a) Psal. 35. 7. | (b) Psal. 96. 5. |
| (c) Ibid. c. 3. n. 5. | (d) Luc. 1. 35. |
| (e) Cant. 2. 3. | (f) Matth. 24. 12. |
| (g) Ibid. n. 6. | (h) Psal. 43. 20. |
| (i) Apocal. 6. 8. | (k) Ibid. c. 3. n. 7. |
| (l) Psal. 44. 2. | (m) Isaj. 35. 7. |
| (n) Matth. 11. 7. | (o) Sap. 3. 7. |
| (p) Ibid. c. 4. n. 10. | (q) Ibid. c. 5. n. 11. |
| (r) Isaj. 44. 4. | (s) Psal. 136. 2. |

S. GREG. M.

Explicans verba illa Jobi: *Et in sudibus perforabit nares ejus*, scribit: „ Quid aliud (a) fudes; idest palos accipimus, qui videntur licet exacuuntur, ut figantur, nisi acuta sanctorum consilia? Quæ hujus Behemoth nares perforant, dum sagacissimas ejus insidias & vigilando circumspiciunt, & superando transfigunt “.

In Leviathan vero captura per hamum, Redemptorem nostrum agnoscit, „ quia (b) dum per satellites suos escam corporis momordit, divinitatis illum aculeus perforavit. Quasi hamus quippe fauces glutientis tenuit, dum in illo & esca carnis patuit, quam devorator appeteret, & divinitas passionis tempore latuit, quæ necaret “.

Circulo in naribus Leviathan posito designari dicit divinæ virtutis omnipotentiam, scribens: Sicut (c) per nares insidiæ, ita per circulum divinæ virtutis omnipotentia designatur. Quæ cum apprehendi nos tentationibus prohibet, miris ordinibus antiqui hostis insidias circumplectens tenet. Circulus ergo ei in naribus patuit, dum circumducta protectionis supernæ fortitudine, ejus sagacitas retinetur, ne contra infirmitatem humanam tantum prævaleat, quantum perditionis argumenta latenter explorat “.

Quomodo sit & in divina misericordia sperandum, & de ejus iustitia timendum, docet scribens: „ Nemo (d) dicat: quia pius est, venialiter pecco. Et nemo qui peccaverit, dicat: quia justus est, de peccati remissione despero. Relaxat enim Deus facinus quod desletur; sed perpetrare quisque timeat, quod si dignè deslere possit ignorat. Ante culpam ergo iustitiam metuat, post culpam ramen de pietate præsumat: neque ita iustitiam timeat, ut nulla spei consolatione convalescat: neque ita confidat de misericordia, ut adhibere vulneribus suis dignæ poenitentiae negligat medicinam “.

Explicans illa verba Jobi: *Ligabis eum ancillis tuis*, sic scribit: „ Bene Dominus Leviathan (e) istum non servis, sed ancillis suis ligare se asserit; quia ad nostram redemptionem veniens, & suos contra mundi superbiam prædicatores mittens, relictis sapientibus insipientes, relictis fortibus debiles, relictis divitibus pauperes elegit. Ancillis ergo suis Leviathan hujus fortitudinem Dominus ligavit, quia attestante Paulo: Infirma mundi elegit Deus, ut confundat fortia (f) “.

Gratiam omnino gratuitam esse docet scribens (g): „ Nemo ut divina illum gratia subsequatur, prius aliquid contulit Deo. Nam si nos Deum bene operando prævenimus, ubi est quod propheta ait: *Misericordia ejus præveniet me* (h)? Si quid nos bonæ operationis dedimus, ut ejus gratiam mereremur, ubi est quod Apostolus dicit: *Gratia salvati estis per fidem*; & hoc

„ non

(a) *Ibid.* c. 8. n. 15.(b) *Ibid.* c. 9. n. 17.(c) *Ibid.* c. 11. n. 21.(d) *Ibid.* c. 12. n. 23.(e) *Ibid.* c. 16. n. 32.(f) *1. Cor.* 1. 27.(g) *Ibid.* c. 21. n. 38.(h) *Psal.* 58. 11.

„non ex vobis, sed Dei donum est, non ex operibus (a)? . . .
 „Nemo ergo Deum meritis prævenit, ut tenere eum quasi debi-
 „torem possit: sed miro modo æquus omnibus conditor &
 „quosdam prælegit, & quosdam in suis pravis moribus iuste de-
 „relinquit “

S. GREG. M.

Malitiosas hominum mentes pulcre hericiis assimilat scribens:
 „Hericii (b) autem nomine, malitiosarum mentium defensor de-
 „signatur; quia videlicet hericius cum apprehenditur, ejus & ca-
 „put cernitur, & pedes videntur, & corpus omne conspicitur;
 „sed mox ut apprehensus fuerit, semetipsum in sphaeram colligit,
 „pedes introrsus subtrahit, caput abscondit: & intra tenentis ma-
 „num totum simul amittitur, quod totum simul ante videbatur.
 „Sic nimirum sic malitiosæ mentes sunt, cum in suis excessibus
 „comprehenduntur “

Hypocritas dicit ardere per malitiam, lucere per simulationem, scri-
 bens: „Hypocritis (c) eorum aperte describitur, quorum prædicatio
 „tædarum lampadibus comparatur. Tæda enim cum accenditur,
 „odorem quidem suavem habet, sed lumen obscurum. Ita isti
 „prædicatores Antichristi, quia sanctitatis sibi speciem arrogant,
 „sed tamen opera iniquitatis exercent, quasi blandum quidem est
 „quod redolent, sed nigrum quod lucent. Olent enim per simu-
 „lationem iustitiæ, sed obscurum ardent per nequitiae perpetra-
 „tionem “

Denique librum claudit, sævitiam diaboli cum Antichristo de-
 scribens in hæc verba: „Tunc se (d) nequius diabolus dilatabit,
 „cum per illum damnatum hominem (Antichristum) veniens,
 „in hujus mundi se gloria apertius ostentat. Tunc ab ejus nari-
 „bus vastior fumus procedit; quia humana corda signorum ejus
 „admirationibus terribi amplior instigatio percutit. Tunc ejus
 „halitus vehementius prunas ardere faciat; quia reproborum men-
 „tes, quas jam calentes amore gloriæ temporalis invenerit, sug-
 „gestionis suæ flatibus usque ad nequitiam exercendæ crudelitatis
 „incendit. Tunc de ore ejus flamma egreditur; quia quidquid per
 „se, quidquid per prædicatores suos loquitur, ignis est, quo in-
 „fructuosa ligna concremantur “

Versiculum tertium decimum cum reliquis capitis 41. exponendos
 assumit in hoc libro S. Pontifex, in quo multa differit de Dia-
 boli superbia, & sævissimis Antichristi adversus Sanctos persecu-
 tionibus.

Liber trige-
simus quartus.

Primo itaque capite scribit, senescente mundo (e) tribula-
 tionem crescere, & Diabolum tanto acrius sævire, quanto se vi-
 ciniorem sentit ad poenam. „Considerat quippe quod juxta sit,
 „ut licentiam nequissimæ libertatis amittat: & quantum brevi-

Tricalet. Tom. VII.

F

,, tate

(a) Ephes. 2. 8. (b) Ibid. c. 20. n. 53.
 (c) Ibid. c. 35. n. 59. (d) Ibid. c. 39. n. 68.
 (e) Ibid. c. 1. n. 1.

„tate temporis angustatur, tantum multiplicitate crudelitatis expan-
S.GREG. M. ditur “.

Ostendit deinde, divinæ esse munus gratiæ, quod electi cogita-
tum malum nequeant explere, scribens: „Cum (a) fortasse in-
firmantur electi, atque in desideriis illicitis ruunt, in hoc ple-
rumque divini muneris manu retinentur, quod voluntatis miseræ
nullos effectus inveniunt. Cumque eorum votis valida contra-
rietas nascitur, plerumque ex ipsa impossibilitate corriguntur,
& miro internæ dispositionis ordine, per conversionem mutatio
malæ voluntatis sequitur, dum per infirmitatem perfectio dene-
gatur “.

Dicit, ante Antichristi adventum signa Ecclesiæ esse subtrahenda,
scribens: „Terribilis (b) dispositionis occultæ ordine, priusquam
Leviathan iste in illo damnato homine quem assumit, appareat,
a sancta Ecclesia virtutum signa subtrahuntur. Nam prophetia
absconditur, curationum gratia aufertur, prolixioris abstinentiæ
virtus imminuitur, doctrinæ verba conticescunt, miraculorum
prodigia tolluntur. Quæ quidem nequaquam superna dispensa-
tio funditus subtrahit, sed non hæc sicut prioribus temporibus
aperte ac multipliciter ostendit “.

Gladii nomine plura in Scripturis designari ostendit, nimirum
aliquando denotatur sancta prædicatio (c): *Gladium spiritus quod
est verbum Dei* (d): aliquando tribulatio temporalis: *Si multi-
plicati fuerint filii ejus, in gladio erunt* (e): aliquando antiqui
hostis ira, vel persuasio: *Qui liberaſti David ſervum tuum de
gladio maligno* (f). Antichristum etiam dicendum gladium dia-
boli dicit, quo male quisque percutietur, ut in culpa moriatur.

Plura alia subdit de Antichristo, nimirum 1. quod (g) eo sæ-
vientie prædicatorum virtus & fortiorum constantia periclitabuntur;
& nisi Deus opem ferat, deficient (h): contra ipsum sanctorum
robur videbitur quasi stipula (i): futuri judicii comminationem iri-
ridebit, unde factus crudelior (k): Illi subdentur nonnulli, qui
doctrina, & sanctitate in Ecclesia lucere videbantur (l): In ejus
ultima persecutione ira reproborum ebulliet in Sanctos (m): Et
qui Antichristo contra Sanctos militabunt, arbitrabuntur se ob-
sequium præstare Deo (n): Antichristi semita miraculis luce-
bit (o).

Appellatione auri plura docet in Scripturis designari (p). Et pri-
mo:

-
- | | |
|--------------------------------|--------------------------------|
| (a) <i>Ibid.</i> c. 2. n. 3. | (b) <i>Ibid.</i> c. 3. n. 7. |
| (c) <i>Ibid.</i> c. 8. n. 17. | (d) <i>Ephes.</i> 6. 17. |
| (e) <i>Job</i> 27. 14. | (f) <i>Psal.</i> 143. 10. |
| (g) <i>Ibid.</i> c. 9. n. 19. | (h) <i>Ibid.</i> n. 20. |
| (i) <i>Ibid.</i> c. 11. n. 22. | (k) <i>Ibid.</i> c. 13. n. 24. |
| (l) <i>Ibid.</i> c. 14. n. 25. | (m) <i>Ibid.</i> c. 16. n. 31. |
| (n) <i>Ibid.</i> c. 17. n. 32. | (o) <i>Ibid.</i> c. 18. n. 33. |
| (p) <i>Ibid.</i> c. 15. n. 26. | |

mo: quandoque divinitatis claritas: *Caput ejus aurum optimum* (a): aliquando splendor supernæ civitatis: *Ipsa civitas aurum mundum simile vitro mundo* (b): aliquando caritas, unde angelum, quem sibi loquentem Joannes aspexit, ad mamillas zona aurea cinctum vidit: aliquando nitor gloriæ temporalis: *Calix aureus Babylon* (c).

Luti quoque nomine plura denotari observat, scilicet (d) aliquando terrenarum rerum multiplicitas: *Vae ei, qui multiplicat non sua: usquequo aggravat contra se densum lutum* (e)? Aliquando doctrina sordidum sapiens: *Viam fecisti in mari equis tuis, in luto aquarum multarum* (f): aliquando desiderium sordidæ voluptatis: *Eripe me de luto, ut non infingar* (g).

Origenis errorem refellit putantis demonum, & damnatorum poenas minime futuras aternas, scribens (h): „Sunt . . . qui, idcirco peccatis suis ponere finem negligunt, quia habere quandoque finem futura super se judicia suspicantur. Quibus breviter respondemus: Si quandoque finienda sunt supplicia reproborum, quandoque finienda sunt ergo & gaudia beatorum. Per semetipsam namque veritas dicit: *Ibunt hi in supplicium æternum, iusti autem in vitam æternam* (i). Si igitur hoc verum non est quod minatus est, neque illud verum est quod promisit. At iniqui: Ideo æternam poenam peccantibus minatus est, ut eos a peccatorum perpetratione compesceret: quia creaturæ suæ æterna supplicia minari debuit, non inferre. Quibus citius respondemus: Si falsa minatus est, ut ab injustitia corrigeret, etiam falsa pollicitus est, ut ad iustitiam provocaret. . . . Quis hanc eorum vesaniam toleret, qui conantur adstruere verum non esse, quod veritas de æterno igne minata est, & dum satagunt Deum perhibere misericordem, non verentur predicare fallacem“?

Electorum propriam esse humilitatem docet, scribens: „Hoc autem (k) proprium esse specimen electorum solet, quod de se sentiunt semper infra quam sunt“. E contra de reprobis dicit (l): „Sed hanc humilitatis formam reprobi . . . vel cognoscere, vel tenere contemnunt, quia etsi quando se humiles specie tenus ostendunt, humilitatis vim servare intrinsecus negligunt“.

Hinc plura subdit de vitio superbiæ, quam 1. radicem dicit omnium malorum (m); oppugnantem non unam virtutem, ut cætera vitia, sed omnes pessundantem (n): oriri tum ex bonis se-

F 2

cula-

- | | |
|--------------------|-------------------------|
| (a) Cant. 5. 11. | (b) Apoc. 21. 18. |
| (c) Jerem. 51. 7. | (d) Ibid. c. 15. n. 27. |
| (e) Habac. 2. 6. | (f) Habac. 3. 15. |
| (g) Psal. 68. 15. | (h) Ibid. c. 18. n. 35. |
| (i) Matth. 25. 46. | (k) Ibid. c. 22. n. 43. |
| (l) Ibid. n. 44. | (m) Ibid. c. 23. n. 47. |
| (n) Ibid. n. 48. | |

S. GREG. M.

Liber trigesimus quintus.

cularibus & ex spiritalibus (a): omnibus dominari; alia est enim superbia Prælatorum (b): alia subditorum (c). Denique librum claudit diseria exhortatione ad humilitatem (d).

In hoc postremo libro plura jam in præcedentibus exposita compendiose colliguntur, & opus totum absolvit de se demississime sentiens.

Sic itaque librum exorditur: „ Quia (e) iste ultimus hujus operis liber est, & locis difficilioribus pertractatis, minus obscura sunt quæ supersunt: liber hunc indulgentius remissiusque transcurrere“. Deinde ostendit, res creatas, si Deo comparentur, inane esse & nihil, scribens: „ Omnis (f) humana sapientia quantolibet acumine polleat, divinæ sapientiæ comparata, insipientia est. Omnia enim humana, quæ iusta, quæ pulchra sunt; Dei iustitiæ & pulchritudini comparata, nec iusta, nec pulchra sunt, nec omnino sunt“.

Explicat quid sit Deum hominem interrogare, & quid Deum homini respondere, dicens: „ Audire (g) nostrum est sono aliunde venienti autem alio positam accommodare. At contra Deo, cui nihil extra est, audire proprie est, sub semetipso surgentia desideria nostra percipere. . . . Respondere autem Dei, est eum, qui se humiliter nescientem cognoverit, occultis inspirationibus erudire“.

Dei Judicium de Job & amicis ejus exponit, & ostendit iuste illum absolutum, istos vero damnatos (h); unde infert, alia esse hominum judicia, alia Dei (i), qui tamen dum amicos Job per iustitiam redarguit, per misericordiam tamen convertit (k).

Ecclesiæ Christi prærogativas exponit, „ per quam (l) sacrificium Dominus libenter accipiat, sola quæ pro errantibus fiducialiter intercedat. . . Sola est in qua opus bonum fructuose peragitur. . . Sola est quæ intra se positos valida caritatis compage custodit. . . Sola est in qua superna mysteria veraciter contempleretur. . . In qua sola veritas conspicitur“.

Septenarii numeri perfectiones exponit (m); & plura per eum significari, perfectionem æternitatis (n): universitatem temporalitatis (o): Ecclesiæ universitatem (p).

Ex eo quod Job omnia Deus duplicia reddiderit, optime observat, quod „ per pietatem (q) benigni judicis tentationis nostræ, dispendium vincunt suffragia consolationum: Minus enim tentat „ pro-

-
- | | |
|------------------------------|-----------------------------------|
| (a) <i>Ibid.</i> n. 49. | (b) <i>Ibid.</i> n. 50. |
| (c) <i>Ibid.</i> n. 51. | (d) <i>Ibid.</i> n. 53. |
| (e) <i>Ibid.</i> in Proam. | (f) <i>Ibid.</i> c. 2. n. 3. |
| (g) <i>Ibid.</i> c. 3. n. 4. | (h) <i>Ibid.</i> c. 4. n. 8. & 9. |
| (i) <i>Ibid.</i> n. 10. | (k) <i>Ibid.</i> c. 8. n. 11. |
| (l) <i>Ibid.</i> n. 13. | (m) <i>Ibid.</i> n. 15. |
| (n) <i>Ibid.</i> n. 16. | (o) <i>Ibid.</i> n. 17. |
| (p) <i>Ibid.</i> n. 18. | (q) <i>Ibid.</i> c. 12. n. 22. |

„ probatio, quam remuneratio consolatur: ut ex retributionis me-
 „ rito leve fuisse quod toleravit, agnoscat, qui ex percussione pon-
 „ dere grave se aliquid tolerare iudicabat “.

S. GREG. M.

Quomodo Sancti sint post resurrectionem duas subituri stolas,
 exponit scribens: „ Ante (a) resurrectionem Sancti singulas stolas
 „ accipiunt, quia sola animarum beatitudine perfruuntur: in fine
 „ autem mundi binas habituri sunt, quia cum mentis beatitudine
 „ etiam carnis gloriam possidebunt “.

Judæorum conversionem ante mundi finem prænnuntiata dicit in
 verbis Jobi: *Venerunt ad eum omnes fratres sui, & universæ so-*
rores sue, scribens: „ Hæc subnexa (b) verba in fine magis hu-
 „ jus sæculi conversionem se Judaici populi nuntiare testantur. . .
 „ Tunc quippe fratres sui ac sorores ad Christum veniunt, quando
 „ ex plebe Judaica quotquot inventi fuerint convertuntur “ . Ex
 qua conversione, subdit, Ecclesiam magnam habituram consolationem
 & gaudium (c).

Obedientiæ laudes celebrat (d), quam usque ad mortem servan-
 dam docet (e): malum tamen monet nunquam per obedi-
 entiam faciendum, sed bonum aliquando intermitteri posse (f): sicut
 & docet, aliquando obedientiam sine ullo merito esse, aliquando
 solum minimo (g): esse innocentie ornamentum (h).

Plura mysteria in numeris in libro Job designatis (i), sicut &
 in nominibus trium filiarum Job latentia exponit (k): & in earum
 pulcritudine designatam dicit pulcritudinem electorum (l).
 Denique Job pristino restitutum statui, & auctis etiam bonis, ty-
 pum esse Ecclesiæ ostendit (m).

Librum denique claudit per hæc eximie humilitatis verba:
 „ Quæso (n) ut quisquis hæc legerit, apud districtum judicem
 „ solatium mihi sue orationis impendat; & omne quod in me
 „ fordidum deprehendit, scribis diluat. Orationis autem atque
 „ expositionis virtute collata, lector meus in recompensatione
 „ me superat, si cum per me verba accipit, pro me lacrymas
 „ reddat “.

Ex hac qualicumque hujusce Commentarii analysi Lector quilibet
 facile poterit deprehendere, quantum utilitatis afferre poterit hoc
 sanctissimi Pontificis Opus fidelibus tum doctis, tum rudioribus, qui
 in scientia Sanctorum instrui cupiunt & edoceri. In hunc enim scopum
 illud exaravit; & ideo, ut ipse protestatus est in epistola ad
 S. Leandrum, non tam litteralem, quam allegoricum sensum scrutatus

F 3

est:

- (a) *Ibid. c. 14. n. 25.* (b) *Ibid. n. 26.*
 (c) *Ibid. n. 27. & 31.* (d) *Ibid. n. 28.*
 (e) *Ibidem.* (f) *Ibid. n. 29.*
 (g) *Ibid. n. 30.* (h) *Ibid. n. 32.*
 (i) *Ibid. c. 16. n. 42.* (k) *Ibid. c. 17. n. 43.*
 (l) *Ibid. c. 18. n. 45.* (m) *Ibid. c. 20. n. 46.*
 (n) *Ibid. n. 49.*

est: scribit enim: „Aliquando exponere aperta historiarum verba ne-
 gligimus, ne tardius ad obscura veniamus: aliquando intelligi juxta
 S. GREG. M. „literam nequeunt, quia superficie tenus accepta, nequaquam instru-
 „tionem legentibus, sed errorem gignunt (a)“; & artem lo-
 quendi neglexisse ut pluribus posset prodesse.

In Editione Parisiensi Maurina, & in iterata Venetiis impres-
 sione, Moraliū libris succedunt in Ezechielem, & in Evan-
 gelia homiliarum: & recto quidem ordine, ut omnia in sacra Scri-
 ptura exegetica opera jungerentur. Verum in postrema, qua utor,
 Editione Clarissimus Editor Galliciollus Typographo in Volumi-
 num divisione servire coactus Moraliū in Job ordine inverso Pa-
 storalem Regulam adnexuit: & quidem, ut ipse inquit, non abs-
 re factum, cum a Moraliū statim eam sanctus Doctor elucubra-
 verit. Ipse, qui hac, ut praxi, utor Editione, eundem ordi-
 nem sequi cogor, nullo tamen Lectorum detrimento, qui de hoc
 moniti, in aliis Editionibus, quod hic positum est, suo loco possunt
 requirere.

Regulæ Pa-
 storalis Opus
 exaratum an-
 199. quanto
 in pretio ha-
 bitum.

Assumpto ad Summi Pontificatus apicem S. Gregorio, plures
 gratulatorias epistolas dedere. Inter hos fuit Joannes Ravennas,
 qui gratulatoriis verbis querelas admisit illi amice exprobrans,
 quod *Pastoralis cura pondera fugere delitescendo voluisset*. Ut igitur
 conquerenti satisfacere D. Gregorius, hoc Opus elucubravir,
 quod *Pastorale* dicitur, in quo Pastoribus regulam vivendi descri-
 bit, & quam arduum sit illorum munus ostendens evincit, se me-
 rito tantum onus detrectasse. Summo plausu exceptum tam salu-
 berrimum Opus fuit non solum in Occidente, sed & in Oriente.
 S. Leander Hispanensis Episcopus ab amico Gregorio sibi directum
 exosculatus est, ac in omnibus Hispaniarum Ecclesiis evulgavit.
 Mauritius Augustus ab Anatolio Diacono impetratum, cum illud
 ei maxime placuisset, Anastasio Antiocheno Episcopo in linguam
 Græcam transferendum tradidit, & publicavit. Immo Alfredus
 Occidentalium Saxonum Rex Oxoniensis Academiæ fundator,
 ipsum Saxonice vertit, & suis popularibus, præmissa præfatione,
 gratissimum munus obtulit; cujus versionis extant exemplaria in
 Bibliotheca SS. Trinitatis Cantabrigensis, & in Cottoniana. Ver-
 sio græca omnino periit, nec ulla illius superest memoria, & qui-
 dem a pluribus sæculis; quandoquidem Photius, qui in sua Bi-
 bliotheca Dialogos a Zacharia Papa græce editos plurimum com-
 mendat Cod. 252. de Græca tamen translatione Regulæ Pastoralis
 alte silet. In Gallia multum commendatum fuit hoc Opus. Nam
 in Concilio Moguntino anni 813. post S. Evangelium, Epistolas,
 Actusque Apostolorum ac Canones, propositus est hic Liber Epi-
 scopis, ut in eo illi cernerent, quibus modis statum Ecclesiæ
 Dei, & Christianæ plebis profectum perficere, & conservare pos-
 sent.

sent. Et in Remensi Concilio II. *lectæ sunt sententiæ Libri Pastoralis Beati Gregorii*, ut Pastores Ecclesiæ intelligerent, quomodo ipsi vivere, & qualiter sibi subiectos deberent admonere. Et in Concilio Turonensi III. statutum legitur: Nullo Episcopo liceat Canones, aut Librum Pastoralem a Beato Gregorio Papa si fieri potest ignorare, in quibus se debet unusquisque quasi in speculo assidue considerare. Quin imò ex Hincmaro Remensi Archiepiscopo intelligimus, in more positum fuisse, ut ordinandus & consecrandus Episcopus coram Altari, una cum libro sacrorum Canonum Regulam Pastoralem B. Gregorii in manu acciperet. Intra annum 592. Pastoralis Regulæ manum admovit D. Gregorius.

Quatuor in partes totum Opus partitus est Sanctissimus Pontifex. Et primo quidem in epistola ad Joannem Ravennatem Episcopum scribendi libri occasionem, quam superius enunciamus, exponit; deinde ejus subjicit divisionem, quæ in quatuor partes facta est. In priori quidem de vocatione ad Episcopatum, & regimen animarum differit, & quas animi præparationes habere debeat, qui hoc onus sibi assumit. In altera qualem vocatus ad pastorale munus sese debeat exhibere. In tertia qualiter Præsul debeat edocere, & admonere subditos. In quarta denique & ultima qualiter Præsul omnibus rite peractis ad se redire debeat, ne superbia abripiatur.

In hac prima parte præmittit capite 1. salutare monitum, ne videlicet imperiti ad præsulatum audeant ascendere. Nam „ ab „ imperitis (scribit) pastorale (a) ministerium qua temeritate „ suscipitur, quando ars est artium regimen animarum? . . . Ex „ se namque, & non ex arbitrio summi Rectoris regnant, qui „ nullis sulti virtutibus, nequaquam divinitus vocati, sed sua cupidine accensi, culmen regiminis rapiunt potius quam assequuntur “. Præsules oculis assimilant, quibus qui caret, ad alterius ducatum non solum idoneus non est, sed ruinæ alterius in causa est. Scribit itaque: „ Oculi quippe sunt, qui in ipsa honoris summi facie positi providendi itineris officium susceperunt: quibus „ hi nimirum qui subsequenter inhaerent, dorsa nominantur. Obscuratis ergo oculis dorsum flectitur; quia cum lumen scientiæ „ perdunt qui præeunt, profecto ad portanda peccatorum curvantur onera qui sequuntur “.

Scientiæ jungendum exemplum bonorum operum a Pastoribus ostendit subdens: „ Sunt (b) nonnulli, qui solerti cura spiritalia „ præcepta perscrutantur: sed quæ intelligendo penetrant, vivendo „ conculcant, . . . & quod verbis prædicant, moribus impugnant. „ Unde fit, ut cum Pastor per abrupta graditur, ad precipitium „ grex ducatur . . . Hinc de sacerdotibus Dominus per Prophetam dicit: *Laqueus ruinæ populi mei, sacerdotes mali* (c). Et „ per alium Prophetam: *Facti sunt domus Israel in offendicu-*

(a) *Ibid. c. 1.* (b) *Ibid. c. 2.*
(c) *Osee 5. 1.*

Primæ partis
analysis,
Edit. Ven.
Toni. 4.

S. GREG. M. „ *lum iniquitatis* (a). Nemo quippe amplius in Ecclesia nocet, quam qui perverse agens nomen vel ordinem sanctitatis habet “.

Fugiendum proinde docet pondus regiminis exemplo Christi, scribens: „ Quis (b) principari hominibus tam sine culpa potuisset, quam is qui hos nimirum regeret, quos creaverat? Sed quia id, circo in carne venerat, ut non solum nos per passionem redimeret, verum etiam per conversationem doceret, exemplum se sequentibus præbens, rex fieri noluit, ad crucis vero patibulum sponte convenit; oblatam gloriam culminis fugit, poenam probrosæ mortis appetiit: ut membra ejus videlicet discerent favores mundi fugere, terrores minime timere, pro veritate adversa diligere, prospera formidando declinare: quia & ista sæpe per tumorem cor inquinant, & illa per dolorem purgant . . . Sic Saul, qui indignum se prius considerans fugerat, mox ut regni gubernacula suscepit, intumuit . . . Sic David auctoris judicio pene in cunctis actibus placens, mox ut pressuræ pondere caruit, in tumorem vulneris erupit, factusque est in morte viri crudeliter rigidus, qui in appetitu sceminae fuit enerviter fluxus “.

Præterea observat, regiminis sollicitudines mentem dissipare, scribens: „ Sæpe (c) suscepta cura regiminis, cor per diversa diverberat, & impar quisque invenitur ad singula, dum confusa mente dividitur ad multa . . . Cumque foras per insolentem curam trahitur, a timoris intimi soliditate vacuatur: fit in exteriorum dispositione sollicita, & sui solummodo ignara, scit multa cogitare, se nesciens. Nam cum plus quam necesse est se exterioribus implicat, quasi occupata in itinere obliviscitur quo tendebat: ita ut ab studio suæ inquisitionis aliena, ne ipsa quidem quæ patitur damna consideret, & per quanta delinquat ignoret “.

Utinam hæc D. Gregorii monita attenderent, qui minus perfecti, minusque virtutibus præditi, tamen inhiare audent summis dignitatibus, & qui vix certo tutoque gressu in viis planis incedere valerent, salebrosas, difficiles, & præcipitiis vicinas ingredi non pertimescunt.

Dum tamen hos terret, alios vero ex opposito monet, & reprehendit, qui cum in regimine virtutum exemplo possint plurimis prodesse, onus tamen nimium propriæ quietis amantes detrectant, & fugiunt, scribens: „ Sunt (d) nonnulli, qui eximia virtutum dona percipiunt, & pro exercitatione ceterorum magnis muneribus exaltantur, . . . qui nimirum culmen regiminum si vocati suscipere renuunt, ipsa sibi plerumque dona adimunt, quæ non pro se tantummodo, sed etiam pro aliis acceperunt. Cumque sua & non aliorum lucra cogitant, ipsis se, quæ privata habere appetunt, bonis privant . . . Hinc Petro ait: *Simon*

„ *Joan-*

{a} Ezech. 44. 12. {b} Ibid. c. 3.
{c} Ibid. c. 4. {d} Ibid. c. 5.

„*Joannis amas me (a)?* Qui cum se amare protinus respondisset, audit: *Si diligis me, pasce oves meas.* Si ergo dilectionis est testimonium cura passionis, quisquis virtutibus pol-
 lens gregem Dei renuit pascere, pallorem summum convincitur non amare “.

S. GREG. 14.

Hinc infert, eos qui pondus regiminis per humilitatem fugiunt, tunc vere se humiles ostendere, quando divinis non obstitunt judiciis, scribens: „Sunt (b) nonnulli qui ex sola humilitate refu-
 „giunt, ne eis quibus se impares aestimant præferantur. Quorum
 „perfectio humilitas, si cæteris quoque virtutibus cingitur, tunc
 „ante Dei oculos vera est, cum ad respondendum hoc quod utiliter
 „subire præcipitur, pertinax non est. Neque enim vere humilis
 „est, qui superni nutus arbitrium ut debeat præesse intelligit, &
 „tamen præesse contemnit “.

Ostendit deinde, munus prædicationis ab aliquibus laudabiliter appeti, & a nonnullis nonnisi coactis laudabiliter exerceri, scribens: „Prædicationis (c) officium & nonnulli laudabiliter appe-
 „tunt, & ad hoc nonnulli laudabiliter coacti pertrahuntur “.
 Quod ostendit exemplo duorum Prophetarum scribens: „Isaias
 „quippe Domino querenti quem mitteret, ultro se obtulit di-
 „cens: *Ecce ego, mitte me (d).* Jeremias autem mittitur, &
 „tamen ne mitti debeat humiliter reluctatur dicens: *A, a, a,*
 „*Domine, nescio loqui, quia puer ego sum (e).* En ab utroque
 „exterius diversa vox prodiit, sed non a diverso fonte dilectio-
 „nis emanavit . . . Moyses utrumque miro opere explevit, qui
 „præesse tantæ multitudini & noluit, & obedivit. Superbus enim
 „fortasse esset, si ducatum plebis innumeræ sine trepidatio-
 „ne susciperet: & rursus superbus existeret, si auctoris impe-
 „rio obedire recusaret. Utrobique ergo humilis, utrobique sub-
 „iectus “.

Ut illorum, qui Episcopatum ambiunt abutentes verbis Aposto-
 li: *Si quis Episcopatum desiderat, bonum opus desiderat (f),* su-
 perbiam comprimat, verba illa sic interpretatur, scribens: „Lau-
 „dans desiderium (g), in pavorem vertit protinus quod lauda-
 „vit, cum repente subjungit: *Oportet autem Episcopum irre-*
 „*prehensibilem esse (h).* Cumque virtutum necessaria subse-
 „quenter enumerat, quæ sit irreprehensibilitas ipsa manifestat. Et
 „favet ergo ex desiderio, & terret ex præcepto “. Præterea sub-
 „dit: „Notandum quod illo in tempore hoc dicitur, quo quisquis
 „plebibus præerat, primus ad martyrii tormenta ducebatur .
 „Tunc ergo laudabile fuit Episcopatum querere, quando per hunc
 „quemque dubium non erat ad supplicia graviora pervenire...
 „Ipe

(a) Joan. 15. 16. 17. (b) Ibid. c. 6.
 (c) Ibid. c. 7. (d) Isaj. 6. 8.
 (e) Jer. 1. 6. (f) 1. Tim. 3. 1.
 (g) Ibid. c. 8. (h) Ibid. ad Tim. v. 2.

S. GREG. M.

„ Ipse ergo sibi tellis est, quia episcopatum non appetit, qui non
 „ per hunc honi operis ministerium, sed honoris gloriam querit.
 „ Sacrum quippe officium non solum non diligit omnino, sed ne-
 „ scit, qui ad culmen regiminis anhelans, in occulta meditatione
 „ cogitationis ceterorum subiectione pascitur, laude propria læta-
 „ tur, ad honorem cor elevat, rerum affluentium abundantia
 „ exultat “.

Prosequitur præfatum errorem detegere ostendens, volentes præ-
 esse sibi falso blandiri ficta bonorum operum promissione, scribens:

„ Hi qui (a) subire magisterium pastorale cupiunt, nonnulla quo-
 „ que bona opera animo proponunt Nam sæpe sibi de se
 „ mens ipsa mentitur, & fingit se de bono opere amare quod non
 „ amat, de mundi autem gloria non amare quod amat: quæ prin-
 „ cipari appetens, fit ad hoc pavida cum querit, audax cum per-
 „ venerit “. Ad hanc autem illusionem vitandam monet, „ ut cum
 „ cogitatio extra usum ducitur, protinus mentis oculus ad opera
 „ transacta revocetur: ac penset quisque quid subiectus egerit,
 „ & repente cognoscit, si prælatus bona agere quæ proposuerit,
 „ possit: quia nequaquam valet in culmine humilitatem discere,
 „ qui in imis positus non desit superbire . . . Nequaquam vincere
 „ avaritiam potest, quando ad multorum sustentationem tenditur is,
 „ cui sufficere propria nec soli potuerunt “.

Qualis igitur esse debeat qui regimen assumere velit, ostendit
 scribens: „ Ille modis (b) omnibus debet ad exemplum vivendi
 „ pertrahi, qui cunctis carnis passionibus moriens jam spiritualiter
 „ vivit, qui prospera mundi postposuit, qui nulla adversa perti-
 „ mescit, qui sola interna desiderat “. Quod late prosequitur
 toto capite enumerans virtutes, dotes & ornamenta, quæ pol-
 lere debent qui regendarum animarum curam suscipiant, sermo-
 nem claudens hac terribili comminatione: „ Qui adhuc deside-
 „ riis terrenis adstringitur, caveat ne districti iram iudicis gra-
 „ vius accendens, dum loco delectatur gloriæ, fiat subditis auctor
 „ ruinæ “.

Denique librum primum claudit ostendendo, illum principatum
 & regimen teneri vitare & fugere, qui vitium (c) adhuc damna-
 biliter in se regnare sentit; qui in anima ea sentit vitia, quæ
 in carne dominantes antiquæ legis homines a ministerio taberna-
 culi arcebant: nimirum i. qui „ cæcus supernæ contemplationis
 „ lumen ignorat: Qui claudus quo quidem pergere debeat aspi-
 „ cit, sed per infirmitatem mentis, vitæ viam perfecte non valet
 „ tenere quam videt: Qui gibbus terrenæ sollicitudinis pondere ita
 „ deprimitur, ne nunquam ad superna respiciat: Qui lippus inge-
 „ nium habet ad cognitionem veritatis emicans, sed tamen hoc
 „ carnalia opera obscurant: Qui scabie infectus in se carnis petu-
 „ lantiam

(a) *Ibid.* c. 9. (b) *Ibid.* c. 10.(c) *Ibid.* c. 11.

„ lantiam sine cessatione dominari sentit . . . Quisquis ergo quo-
 „ libet horum vitio subigitur, panes Domino offerre prohibetur: S. GREG. M.
 „ ne profecto diluere aliena delicta non valeat is, quem adhuc
 „ propria devallant “.

Postquam in primo libro ostendit D. Gregorius, quam pauci sint, Analytis se-
cundæ par-
tis.
 qui ad pastorale magisterium digne venire possint, prosequitur in-
 struere, quomodo illi qui digne pervenere, in suscepto ministerio
 vivere debeant. Et primo quidem aperte monet, ut sint cogita-
 tione puri, scribens: „ Rector (a) semper cogitatione sit mun-
 „ dus, quatenus nulla hunc immunditia polluat, qui hoc suscepit
 „ officii, ut in alienis quoque cordibus pollutionis maculas ter-
 „ gat Hinc namque per Prophetam dicitur: *Mundamini*
 „ *qui fertis vasa Domini* (b). Domini etenim vasa ferunt, qui
 „ proximorum animas ad æterna sacraria perducendas in suæ con-
 „ versationis fide suscipiunt. Propterea gravitatem præferat. In
 „ sanctorum Patrum vestigiis oculos figat. Aliorum commodis, non
 „ suis studeat, & nihil humanæ infirmitatis patiatur “.

Oportet præterea, ut Pastor sit in operatione præcipuus, idest
 „ vitæ viam (c) subditis vivendo denuntiet, & grex qui Pastoris
 „ vocem moreque sequitur, per exempla melius quam per verba
 „ gradiatur “: Hinc ceteros morum gravitate superet.

Sit etiam, subdit „ discretus (d) in silentio, utilis in verbo: ne
 „ aut tacenda proferat, aut proferenda reticeat “. Hinc Pastores
 muros ac timidos corripit, qui proinde tacendo iram contra se oc-
 culti iudicii excitant. Proinde doceant verbo & exemplo, eorum-
 que sermones sale discretionis & sapientiæ condiant, proinde loqua-
 citatem caveant.

Tertio loco postulat, ut Rector „ sit singulis (e) compassione
 „ proximus, præ cunctis contemplatione suspensus: ut & per pie-
 „ tatis viscera in se infirmitatem ceterorum transferat, & per spe-
 „ culationis altitudinem semetipsum quoque invisibilia appetendo
 „ transcendat: ne aut alta perens, proximorum infirma despiciat,
 „ aut infirmis proximorum congruens, appetere alta derelinquat “.
 Hinc ad Deum ascendat per contemplationem, & ad infirmos de-
 scendat per compassionem; „ & talem qui præest sese exhibeat,
 „ cui subjecti occulta quoque sua prodere non erubescant; & sit
 „ plerumque, ut dum Rectoris animus aliena tentamenta conde-
 „ scendendo cognoscit; auditis tentationibus etiam ipse possit.
 „ Nam dum sordes diluentium suscipit, quasi suæ munditiæ sereni-
 „ tatem perdit. Sed hæc nequaquam Pastori timenda sunt, quia
 „ Deo subtiliter cuncta pensante, tanto facilius a sua eripitur, quan-
 „ to misericordius ex aliena tentatione fatigatur.

„ Sit

(a) *Ibid.* c. 2. (b) *Isaj.* 52. 11.
 (c) *Ibid.* c. 3. (d) *Ibid.* c. 4.
 (e) *Ibid.* c. 5.

S. GREG. M.

„ Sit (addit) bene agentibus (a) per humilitatem socius, contra delinquentium vitia per zelum iustitiæ erectus; ut & bonis in nullo se præferat, & cum pravorum culpa exigit, potestatem proinus sui prioratus agnoscat: quatenus & honore suppresso æqualem se subditis bene viventibus deputet, & erga perverfos jura rectitudinis exercere non formidet. Hinc (subdit) cuncti qui præfunt, non in se potestatem debent ordinis, sed qualitatem pensare conditionis: nec præesse se hominibus gaudeant, sed prodesse . . . Tamen necesse est, ut Rectores a subditis timeantur, quando ab eis Deum minime timeri deprehendunt: ut humana saltem formidine peccare metuant, qui divina judicia non formidant “. Moniti exemplum præbet ex D. Petro, qui (scribit) „ auctore Deo sanctæ Ecclesiæ principatum tenens, a bene agente Cornelio & se ei humiliter prosternente, immoderatus venerari recusavit, seque illi similem recognovit, dicens: *Surge, ne feceris, & ego ipse homo sum* (b). Sed cum Ananias & Saphiræ culpam reperit, mox quanta potentia super ceteros excrevisset, ostendit. Verbo namque eorum vitam percussit “. Sit itaque (concludit) in Præfule „ amor, sed non emolliens: sit vigor, sed non exasperans: sit zelus, sed non immoderate sæviens: sit pietas, sed non plus quam expediat, parcens: ut dum se in arce regiminis iustitia clementiaque permiscet, is qui præest, corda subditorum & terrendo demulceat, & tamen ad terroris reverentiam demulcendo constringat “.

Monet deinde Ecclesiæ Pastores, ut a secularibus curis & negotiis abstineant juxta monitum Apostoli Pauli: *Nemo militans Deo implicat se negotiis secularibus, ut ei placeat cui se probavit* (c). Hinc Moyses (scribit) qui cum Deo (d) loquitur, „ Jethro alienigenæ reprehensione judicatur, quod terrenis populorum negotiis stulto labore deserviat . . . A subditis ergo inferiora gerenda sunt, a Rectoribus summa cogitanda: ut scilicet oculum, qui prævidendis gressibus præminet, cura pulveris non obsecuret “. Addit tamen: „ Secularia negotia aliquando ex compassione toleranda sunt, nunquam vero ex amore requirenda: ne cum mentem diligentis aggravant, hanc suo victam ponere ad ima de cælestibus mergant “. Immo & aliquando temporalem curam esse a Pastore necessario suscipiendam docet, subdens: „ Rectorem necesse est, ut interiora possit infundere, cogitatione innoxia etiam exteriora providere. Sic itaque Pastores erga interiora studia subditorum suorum serveant, quatenus in eis exterioris quoque vitæ providentiam non relinquant. Nam quasi jure a percipienda prædicatione gregis animus frangitur, & cura exterioris subsidii a Pastore negligatur “.

Quomodo vero ita nec placere hominibus appetere debeat Rector,

(a) *Ibid.* c. 6. (b) *Act.* 10. 26.
(c) 2. *Tim.* 2. 4. (d) *Ibid.* c. 7.

Rektor, ut tamen in quo placere debeat, attendat, ostendit S. Pontifex scribens: „Rektor (a) solenter invigilet, ne illum cupido

S. GREG. M.

„placendi hominibus pulset: ne cum studiose interiora penetrat,
 „cum provide exteriora subministrat, se magis a subditis diligi
 „quam veritatem quærat. . . Nam amor proprius cum Re-
 „ctoris mentem ceperit, aliquando hanc inordinate ad molli-
 „tiam, aliquando vero ad asperitatem rapit. Ex amore etenim suo mens
 „Rektoris in molli-
 „tiam vertitur; quia cum peccantes subditos re-
 „spicit, ne erga hunc eorum dilectio torpeat, corripere non præ-
 „sumit: nonnumquam vero errata subditorum quæ increpare de-
 „buerat, adulationibus demulcet: dum e contra „quos nihil
 „contra se valere conspiciunt, hos nimirum asperitate rigida sem-
 „per invectionis premunt, numquam elementer admonent, sed pa-
 „storis mansuetudinis obliti jure dominationis terrent. Quo-
 „modo vero placere appetere possint, docet subdens: „Oportet ut
 „Rectores boni placere hominibus appetant, ut suæ æstimationis
 „dulcedine proximos in affectum veritatis trahant, non ut se a-
 „mari desiderent, sed ut dilectionem suam quasi quamdam viam
 „faciant, per quam corda audientium ad amorem Conditoris in-
 „troducant. Difficile quippe est, ut quamlibet recta denuntians
 „prædicator qui non diligitur, libenter audiarur. Denique sic
 „concludit: „Debet ergo qui præest, & studere se diligi, quatenus
 „possit audiri, & tamen amorem suum pro semetipso non quæ-
 „rere, ne inveniatur ei, cui servire per officium cernitur, occulta
 „cogitationis tyrannide resutare. Quod bene Paulus insinuat,
 „cum sui nobis studii occulta manifestat, dicens: *Sicut & ego per*
 „*omnia vobis placere* (b). Qui tamen rursus dicit: *Si hominibus*
 „*placere, Christi servus non essem* (c). Placet ergo Paulus, &
 „non placet: quia in eo quod placere appetit, non se, sed per
 „se hominibus placere veritatem quærit.

Caveat, Rectorem monet, „quod plerumque vitia virtutes (d)
 „se esse mentiuntur. Unde necesse est, ut virtutes ac vitia vigi-
 „lanti cura discernat, ne aut cor tenacia occupet, & parcum se
 „videri in dispensationibus exultet: aut cum effuse quid perditur,
 „largum se quasi miserando gloriatur: aut remittendo quod ferire
 „debet, ad æterna supplicia subditos pertrahat: aut immaniter
 „feriendo quod delinquitur, ipse gravius delinquat.

Cum necessariae sint Reктору & correptiones & dissimulationes,
 „& mansuetudo & rigor, qua discretionem eas adhibere debeat, docet
 „S. Pontifex scribens: „Aliquando (e) subditorum vitia pruden-
 „ter dissimulanda sunt, sed quia dissimulantur, indicanda: ali-
 „quando & aperte cognita, mature toleranda, aliquando vero
 „subtiliter & occulta perferenda: aliquando leniter arguenda,
 „ali-

(a) Ibid. c. 8. (b) 1. Cor. 10. 33.
 (c) Gal. 1. 10. (d) Ibid. c. 9.
 (e) Ibid. c. 10.

S. GREG. M.

„ aliquando autem vehementer increpanda . . . Dissimulanda . . .
 „ ut cum delinquens, & deprehendi se cognoscit & perpeti, has
 „ quas in se tacite tolerari considerat, augere culpas erubescat . . .
 „ Qua scilicet dissimulatione bene Judæam Dominus corripit, cum
 „ per Prophetam dicit: *Mentita es, & mei non es recordata, ne-*
 „ *que cogitasti in corde tuo, quia ego tacens & quasi non vi-*
 „ *dens (a) . . .* Nonnulla toleranda, cum videlicet rerum minime
 „ opportunitas congruit, ut aperte corrigantur. Nam secta imma-
 „ ture vulnera deterius infervescunt, & nisi cum tempore medica-
 „ menta conveniant, conflat proculdubio quod medendi officium
 „ amittant . . . Nonnulla subtiliter perscrutanda, ut quibusdam
 „ signis erumpentibus, rector in subditorum mente omne quod clau-
 „ sum latet, inveniatur, & interveniente correptionis articulo, ex
 „ minimis majora cognoscat: unde recte ad Ezechielem dicitur:
 „ *Fili hominis, sode parietem: ingredi & vide abominationes*
 „ *peffimas, quas isti faciunt hic (b) . . .* Nonnulla sunt leni-
 „ ter arguenda, cum non malitia, sed sola ignorantia vel infirmi-
 „ mitate delinquitur. . . ut magno moderamine ipsa delicti corre-
 „ ptio temperetur . . . Nonnulla sunt vehementius increpanda,
 „ ut cum culpa ab auctore non cognoscitur, quanti sit ponderis,
 „ ab increpantis ore sentiat. Et cum sibi quis malum quod per-
 „ petravit levigat, hoc contra se graviter ex corripientis asperitate
 „ pertimescat. Denique sapienter animadvertit, quia dum ad
 „ increpationem se mens doctoris exasperat, difficile valde est, ut
 „ non aliquando & ad aliquid quod dicere non debet, erum-
 „ pat . . . Unde necesse est, ut exasperatus Rector, cum subdi-
 „ torum mentem plus se quam debuit percussisse considerat, apud
 „ se semper ad poenitentiam recurrat: ut per lamenta veniam in
 „ conspectu veritatis obtineat, ex eo etiam quod per zeli ejus stu-
 „ dium peccat.

Hæc omnia rite & recte præstabunt Pastores, si sacris Legis
 meditationibus sint intenti, ut in eis (c) vim sollicitudinis, &
 „ erga cælestem vitam providæ circumspeditionis, quam humanæ
 „ conversationis usus indefinenter destruit, divinæ admonitionis ver-
 „ ba restaurent: & qui ad vetustatem vitæ per societatem secula-
 „ rium ducitur, ad amorem semper spiritualis patriæ compunctio-
 „ nis adspiratione renovetur.

Tertie par-
tis Analysis.

In tertio libro ostendit D. Gregorius, qualiter Rector animarum
 bene vivens, debeat docere, & admonere sibi subditos. Et 1. qui-
 dem observat, in admonendo & docendo diversitatem esse servan-
 dam, nam „ pro qualitate (d) audientium formari debet sermo do-
 „ ctorum, ut & ad sua singulis congruat, & tamen a communis
 „ ædificationis arte nunquam recedat. Varias itaque personarum
 species enumerat, quibus suas aptare debet Rector sive doctrinas,
 five

(a) *Isaj. 57. 11.*(b) *Ezech. 8. 8.*(c) *Ibid. c. 11.*(d) *In prol.*

sive prædicationes, & pro singulis modum peculiare instructionis & doctrinæ proponit.

S. GREG. M.

Prima itaque admonitione docet, quomodo sint admonendi viri & scemina. „ Illis (scribit) graviora, istis (a) vero injungenda sunt leviora “. Juvenes & senes sunt dispari modo instruendi: „ quia illos plerumque severitas admonitionis ad profectum dirigit; istos vero ad meliora opera deprecatione blanda componit “. Quomodo admonendi viri & scemina, juvenes & senes.

Inopi in admonitionibus offerre solatium contra tribulationem debemus. . . „ Inopi quippe (b) a Domino per Prophetam dicitur: „ *Noli timere, quia non confunderis* (c) . . . At e contra divitibus inferre metum contra elationem debemus. . . Unde Paulus discipulo de divitibus ait: *Divitibus hujus sæculi præcipe non superbe sapere, neque sperare in incerto divitiarum suarum* (d). Ubi notandum valde est, quod humilitatis doctor moriam divitum faciens non ait, *Roga*, sed *Præcipe*: quia etsi impendenda est pietas infirmitati, honor tamen non debetur elationi “. Verum animadvertit: „ Nonnunquam etiam superbus dives exhortationis blandimento placandus est: quia & plerumque dura vulnera per lenia fomenta mollescunt, & furor insanorum sæpe ad salutem medico blandiente reducitur: cumque eis in dulcedine condescenditur, languor insanix mitigatur “. Præterea observat, quod „ aliquando cum hujus sæculi potentes arguuntur, prius per qualdam similitudines velut de alieno negotio requirendi sunt: „ & cum rectam sententiam quasi in alterum protulerint, tunc modis congruentibus de proprio reatu feriendi sunt “. Quod monitum confirmat exemplo Nathan, Davidem de adulterio & homicidio redarguentis.

Quomodo inopes, & divites.

Læti quoque commonescendi sunt „ inferendo tristitia quæ (e) festinant ex supplicio; dum e contra tristibus inferenda sunt lætitia quæ promittuntur ex regno. Discant læti ex minarum asperitate quod timeant: audiant tristes præmiorum gaudia de quibus præsumant “. Læti & tristes.

Aliter quoque (f) admonendi sunt subditi, aliter Prælati. „ Illos ne subiectio conterat, istos ne locus superior extollat . . . Illi ut humiliter subjaceant, isti ut temperanter præfint . . . Rursum isti ut per circumspeditionis studium oculos intus & in circuitu habeant, & cæli animalia fieri contendant. Ostensa quippe cæli animalia in circuitu, & intus oculis plena describuntur . . . Admonendi sunt subditi, ne præpositorum suorum vitam temere judicent, si quid eos fortasse agere reprehensibiliter vident: ne unde mala recte redarguant, inde per elationis impulsu. . . pul- Subditi & Prælati.

(a) Cap. 1. (b) Cap. 2.
 (c) Isaj. 54. 4. (d) 1. Tim. 6. 17.
 (e) Cap. 3. (f) Cap. 4.

S.GREG. M.

Servi & Domini.

„pulum in profundiora mergantur . . . Et ne cum culpas præpositorum considerant, contra eos audaciores fiant “.

„Servi admonendi (a), ut in se semper humilitatem conditionis aspiciant . . . ne dominos despiciant, ne Deum offendant, si ordinationi illius superbiendo contradicunt . . . Domini vero, ut naturæ suæ quæ æqualiter sunt cum servis conditi, memoriam non amittant . . . quia contra Dominum superbiunt, si eos, quos per conditionem tenent subditos, æquales sibi per naturæ consortium non agnoscunt. Illi admonendi sunt, ut sciant se esse servos dominorum: illi admonendi sunt, ut cognoscant se conservos esse servorum “.

Sapientes & hebetes.

Sapientes (b) hujus sæculi, admonendi sunt . . . ut amittant scire quæ sciunt . . . in illis hoc primum destruendum est, quod se sapientes arbitrantur . . . & cum illis laborandum, ut sapientius stulti fiant, stultam sapientiam deserant, & sapientem Dei stultitiam discant . . . Hebetes admonendi sunt, ut appetant scire quæ nesciunt . . . in illis ædificandum quidquid de superna sapientia cognoscitur . . . ut ab ea quæ putatur stultitia ad veram sapientiam vicinius transeant “.

Impudentes & verecundi.

„Impudentes vero (c) non nisi increpatio dura compescit: se delinquere nesciunt, nisi etiam a pluribus increpentur: tunc illos melius corrigit qui invehendo reprehendit. At e contra verecundos plerumque ad melius exhortatio modesta componit . . . & ad illorum conversionem sufficit, quod eis doctor mala sua saltem leniter ad memoriam reducit . . . & major profectus adducitur, si hoc quod in eis reprehenditur, quasi ex latere tangatur “.

Protervi & pusillanimes.

„Protervi (d) melius corriguntur, cum ea quæ bene egisse se credunt, male acta monitramus: ut unde adepta gloria creditur, inde utilis subsequatur confusio. E contra pusillanimes aptius ad iter bene agendi reducimus, si quædam illorum bona ex latere requiramus, ut dum in eis alia reprehendendo corripimus, alia amplectendo laudemus: quatenus eorum teneritudinem laus audita nutriat, quam culpa increpata castigat “.

Impatientes & patientes.

„Impatientibus ad correctionem dicendum est, „quia (e) dum refrenare spiritum negligunt, per multa etiam quæ non appetunt, iniquitatum abrupta rapiuntur; quia mentem videlicet impellit furor, quo non trahit desiderium; & agit commota velut nesciens, unde post doleat sciens“. Ostendendum etiam, impatientiæ affinem esse arrogantiam: „quia dum despici in mundo hoc quisque non patitur, bona si qua sibi occulta sunt, ostentare conatur, atque sic per impatientiam ad arrogantiam ducitur . . .

„Hinc

(a) Cap. 5. (b) Cap. 6.

(c) Cap. 7. (d) Cap. 8.

(e) Cap. 9.

„ Hinc veritas dicit: *In patientia vestra possidebitis animas vestras* (a). Patientes contra sunt admonendi, ne in eo quod exterius portant, interius doleant: ne tantæ virtutis sacrificium quod integrum foras immolant, intus malitiæ peste corrumpant Dicendum etiam patientibus, ut studeant diligere quos sibi necesse est tolerare: ne si patientiam dilectio non fequatur, in deteriorem culpam odii virtus ostensa vertatur. Unde Paulus cum diceret: *Caritas patiens est*, illico adjunxit, *benigna est* (b): videlicet ostendens, quia quos ex patientia tolerat, amare etiam ex benignitate non cessat.

Benevoli admonendi sunt (c), „ ut sic alienis bonis congaudeant, quatenus habere & propria concupiscant. Sic proximorum facta diligendo laudent, ut etiam imitando multiplicent, quia si imitari bona minime festinant, quæ laudantes approbant, sic eis virtutum sanctitas, sicut stultis spectatoribus ludicarum artium vanitas placet. Invidi vero ex opposito admonendi, „ ut perpendant quantæ cæcitatibus sunt, qui alieno profectu deficiunt, aliena exultatione contabescunt . . . Quid istis infelicius, quos dum conspecta felicitas afficit, poena nequiores reddat? . . . Qui dum se in livore minime custodiunt, in antiquam versuti hominis nequitiam demerguntur. De illo namque scriptum est: *Invidia autem diaboli mors intravit in orbem terrarum* (d) . . . Qui dum se ista intrinsecus peste consumunt, etiam quidquid in se aliud boni habere videntur, interimunt. Unde scriptum est: *Vita carnis, sanitas cordis, putredo ossium, invidia* (e) . . . quia per livoris vitium ante Dei oculos pereunt etiam quæ humanis oculis fortia videntur.

„ Laudandi simplices (f) quod studeant nunquam falsa dicere, sed admonendi sunt ut noverint nonnunquam vera reticere. Sicut enim semper dicentem falsitas læsit, ita nonnunquam quibusdam audita vera nocuerunt. Versipelles vero, seu impuri admonendi sunt, „ ut quam gravis sit, quem cum culpa sustinent, duplicitatibus labor agnoscant. Dum enim deprehendi metuunt, semper improbas defensiones quærunt, semper pavidis suspitionibus agitantur. Nihil autem est ad defendendum puritate tutius, nil ad dicendum veritate facilius Audiant impuri quod scriptum est: *Qui ambulat simpliciter, ambulat confidenter* (g). Fiducia quippe magnæ securitatis est simplicitas actionis.

Sani & incolumes admonendi (h) sunt „ ut salutem corporis exercent ad salutem mentis, ne si acceptæ incolumitatis gratiam ad usum nequitie inclinent, dono deteriores fiant . . . ne opportunitatem salutis in perpetuum promerendæ despiciant, & Tricalet. Tom. VII. G „ salus

(a) Luc. 21. 19. (b) 1. Cor. 13. 4.
(c) Cap. 10. (d) Sap. 2. 24.
(e) Prov. 14. 30. (f) Cap. 11.
(g) Prov. 10. 9. (h) Cap. 12.

S.GREG. M.

salus corporis quando ad bene operandum accepta despicitur, quanti sit muneris amissa sentitur. Ægri e contra admonendi, ut eo se filios Dei sentiant, quo illos disciplinæ flagella castigant. Nisi enim correctis hæreditatem dare disponderet, erudire eos per molestias non curaret . . . ut considerent pro percipiendis terrenis hæreditatibus quam dura carnales filios disciplinæ flagella castigent . . . ut considerent, quanta salus cordis sit molestia corporalis, quæ ad cognitionem sui mentem revocat, & quam plerumque salus abjicit, infirmitatis memoriam reformat . . . ut considerent, quantum sit muneris molestia corporalis, quæ & admissa peccata diluit, & ea quæ admitti poterant, compescit . . . Ut incessanter quanta Redemptor noster ab his quos creaverat, pertulit mala, considerent: quod tot abjecta conviciorum probra sustinuit . . . insultantium alapas accepit . . . tacitus flagella toleravit . . . colaphos pertulit . . . Ipinis caput supponere non recusavit . . . in siti sua fellis amaritudinem accepit . . . & usque ad mortem ipse vita pervenit “

Flagella metuentes, & contemneres.

Qui flagella metuunt (a), & ideo innocenter vivunt, admonendi sunt, ut & bona temporalia nequaquam pro magno desiderant, quæ adesse etiam pravis vident: & mala præsentia nequaquam velut intolerabilia fugiant, quibus hic plerumque etiam bonos affici non ignorant . . . ut si malis veraciter carere desiderant, æterna supplicia perhorrescant. At contra, quos ab iniquitate nec flagella compescunt, tanto acriori invectione feriendi sunt, quanto majori insensibilitate duruerunt . . . Districte itaque contra illos divinæ sententiæ proferendæ sunt, ut ad cognitionem suam considerata æterna animadversione revocentur. Audiant Dominum conquerentem: *Attrivisti eos, & renuerunt accipere disciplinam* (b): Et rursum: *Populus non est reversus ad percutientem se* (c): Et denique: *Curavimus Babylonem, & non est sanata, derelinquamus eam* (d) “

Taciturni & verbosi.

Insinuari nimis tacitis debet, quia dum quædam vitia (e) incaute fugiunt, occulte deterioribus implicantur. Nam sæpe linguam quia immoderatus frenant, in corde gravius multiloquium tolerant: ut eo plus cogitationes in mente serveant, quo illas violenta custodia indiscreti silentii angustat . . . Lingua discrete frenanda est, non insolubiliter obliganda. Scriptum namque est: *Sapiens tacebit usque ad tempus* (f): & rursum scriptum est: *Tempus tacendi, & tempus loquendi* (g). . . Nimis taciti cum nonnulla iniuria patiuntur, eo in acriorem dolorem prodeunt, quo ea quæ sustinent, non loquuntur . . . Scire igitur debent,

,, qui

(a) Cap. 13. (b) Jerem. 5. 3.
 (c) Ibid. 15. 6. (d) Ibid. 51. 9.
 (e) Ibid. c. 14. (f) Ecclesi. 20. 7.
 (g) Ecclesi. 3. 7.

„ qui plus quam expedit tacent, ne inter molesta quæ tolerant, S. GREG. M.
 „ dum linguam tenent, vim doloris exaggerent . . . Admonendi
 „ sunt etiam, ut si proximos sicut se diligunt, minime illis ta-
 „ ceant unde eos julle reprehendunt. Vocis enim medicamine utro-
 „ rumque salutem concurrunt, dum & ab illo qui infert, actio pra-
 „ va compescitur; & ab hoc qui sustinet, doloris fervor vulnere
 „ aperto temperatur. Multiloquio vero vacantes admonendi sunt,
 „ ut vigilanter inspiciant, a quanto rectitudinis statu depereunt,
 „ dum per multiplicia verba dilabuntur . . . Quæ enim superva-
 „ cuis verbis a silentii sui censura dissipatur, quasi tot rivis extra
 „ se ducitur . . . Unde scriptum est: *Sicut urbs patens & absque*
 „ *murorum ambitu, ita vir qui non potest in loquendo cohibere spi-*
 „ *ritum suum (a).* Quia enim murum silentii non habet, patet
 „ inimici jaculis civitas mentis . . . & dum otiosa verba cavere
 „ negligunt, ad noxa perveniunt . . . Hinc seminantur stimuli,
 „ oriuntur rixæ, accenduntur faces odiorum, pax extinguitur cor-
 „ dium. Hinc propheta dicit: *Vir linguosus non dirigitur super*
 „ *terram (b).* Et rursus Salomon: *In multiloquio non deerit*
 „ *peccatum (c).* . . . Et veritas admonet, de otioso verbo reddend-
 „ dam esse rationem. Otiosum quippe verbum est, quod aut ra-
 „ tione jussæ necessitatis, aut intentione piæ utilitatis caret. Si er-
 „ go de otioso sermone ratio exigitur, pensemus quæ pœna multi-
 „ loquium maneat, in quo etiam per noxia verba peccatur.

Admonendi sunt pigri (d), „ ne agenda bona, dum differunt, Pigri & præ-
 „ amittant: & sæpe dum opportune agere quod possunt nolunt, cipites.
 „ paulo post cum volunt, non possint. Ipsa quippe mentis desi-
 „ dia dum congruo fervore non accenditur, a bonorum desiderio
 „ funditis, convalescente furtim torpore mactatur . . . Hinc recte
 „ per Salomonem dicitur: *Pigredo immittit soporem, & anima*
 „ *dissoluta esuriet (e).* At contra, præcipites, dum bonorum
 „ actuum præveniunt tempus, meritum pervertunt, & sæpe in
 „ malis corruunt, dum bona minime discernunt. Qui nequaquam
 „ quæ quando agant inspiciunt, sed plerumque acta quia ita non
 „ debuerunt agere cognoscunt . . . Unde recte per Salomonem di-
 „ citur: *Fili, sine consilio nihil facias, & post factum non pœni-*
 „ *tebis (f).* Et rursus: *Palpebræ tuæ præcedant gressus tuos*
 „ *(g).* Palpebræ quippe gressus præcedunt, cum operationem no-
 „ stram consilia recta præveniunt. Qui enim negligit consideran-
 „ do prævidere quod facit, gressus tendit, oculos claudit, sed præ-
 „ videndo sibi metipsum non antecedit, atque ideo citius corrumpit,
 „ quia quo pedem operis ponere debeat, per palpebram consilii
 „ non attendit.

G 2

„ Non-

- | | |
|-------------------|---------------------|
| (a) Prov. 25. 28. | (b) Psalm. 139. 12. |
| (c) Prov. 10. 19. | (d) Cap. 15. |
| (e) Prov. 19. 14. | (f) Eccli. 32. 24. |
| (g) Prov. 4. 25. | |

S. GREG. M.

Manfueti &
iracundi.

„ Nonnunquam manfueti (a) cum præfunt, vicinum & quali
 „ juxta fe pofitum torporem defidia patiuntur . . . Sæpe ergo
 „ manfueti diffolutionis torpescunt tædio. Admonendi itaque ut am-
 „ plectantur follicitudinem, & habere etiam æmulationem juftitiæ
 „ ftudeant . . . Nequaquam Spiritu Sancto plenus eft, qui aut in
 „ tranquillitate manfuetudinis fervorem æmulationis deferit, aut
 „ rurſum in æmulationis ardore virtutem manfuetudinis amittit.
 „ At contra iracundi, cum regiminum loca percipiunt, quo im-
 „ pellente ira in mentis uſaniam devolvuntur, eo etiam ſubdito-
 „ rum vitam diffipata quietis tranquillitate confundunt. Quos cum
 „ furor agit in præceps, ignorant quidquid irati faciunt, ignorant
 „ quidquid a ſemeripſis patiuntur irati. Admonendi iraque, ut æ-
 „ mulationi quam ſe habere exiſtimant, manfuetudinem ſubjun-
 „ gant . . . Sed longe alia eſt ira, quæ ſub æmulationis ſpecie ſub-
 „ ripit, alia quæ turbatum cor, & ſine juſtitie prætextu confun-
 „ dit. Illa enim in hoc quod debet, inordinate extenditur; hæc
 „ autem ſemper in his quæ non debet, inflammatur . . . Et in
 „ hoc ab impatientibus iracundi differunt, quod illi ab aliis illata
 „ non tolerant, iſti autem etiam quæ tolerentur important . . .
 „ Iracundi sæpe etiam ſe declinantes inſequuntur, rixæ occaſione
 „ commovent, labore contentionis gaudent; quos tamen melius
 „ corrigimus, ſi in ipſa iræ ſuæ commotione declinamus
 „ Cum vero declinari omnino non poſſunt, non aperta exprobra-
 „ tione, ſed ſub quadam ſunt cautela reverentia parcendo ſerien-
 „ di.”

Humiles &
elati.

„ Humilibus (b) inſinuandum eſt, quam ſit vera excellentia
 „ quam ſperando tenent . . . quam ſint æterna quæ appetunt,
 „ quam tranſitoria quæ contemnunt. Audiant humiles ex magiſtra
 „ voce Veritatis: *Omnis qui ſe humiliat, exaltabitur* (c). Et
 „ rurſum: *Gloriam præcedit humilitas* (d). . . Humiles dum ſe
 „ dejiciunt, ad Dei ſimilitudinem aſcendunt . . . Quid humilitate
 „ ſublimius, quæ dum ſe in ima deprimit, auctori ſuo manenti
 „ ſuper ſumma conjungit? . . . E contra vero intimandum eſt,
 „ quam nulla temporis gloria, quam & amplectentes non tenent.
 „ Audiant: *Omnis qui ſe exaltat, humiliabitur* (e). Et: *Ante*
 „ *ruinam exaltatur Spiritus* (f). Elati dum ſe erigunt, in apoſtatæ
 „ Angeli imitationem cadunt. Quid itaque elatione deſectius, quæ
 „ dum ſupra ſe tenditur, ab altitudine veræ celiſtitudinis elonga-
 „ tur? . . . Plerumque elatos utiliſſe corripiamus, ſi eorum corre-
 „ prionibus quædam laudum fomenta miſceamus. Inferenda nam-
 „ que illis ſunt aut alia bona quæ in ipſis ſunt, aut dicendum
 „ certe quæ poterant eſſe, ſi non ſunt: & tunc demum reſecanda
 „ ſunt mala quæ nobis diſpicient, cum prius ad audiendum eo-
 „ rum

{a} Cap. 16. {b} Cap. 17.

{c} Luc. 18. 14. {d} Prov. 15. 33.

{e} Luc. 18. 14. {f} Prov. 16. 18.

rum placabilem mentem fecerint præmissa bona quæ placet.

S. GRÆG. M.

„Dicendum est pertinacibus (a), quod plus de se, quam sunt, sentiunt, & idcirco alienis consiliis non acquiescunt... quod nisi

Pertinaces & inconstantes.

„meliores cæteris se æstimarent, nequaquam cunctorum consilia suæ deliberationi postponerent. Illis suggerendum quod dicit Apostolus: *Nolite esse prudentes apud vosmetipsos* (b) . . . Admonendi igitur, ut elationem suæ cogitationis agnoscant, & semetipsos vincere studeant; ne dum rectis aliorum suasionibus foris superari despiciunt, intus a superbia captivi teneantur. Inconstantibus vero intimandum, quod valde se despicientes negligunt, & ideo levitate cogitationum a suo iudicio per temporum momenta fluctuant. Illis suggerendum: *Cor stultorum dissimile est* (c). Cor quippe sapientum sibi semetipsum semper est simile: quia dum rectis persuasionebus acquiescit, constanter se in bono opere dirigit. . . Admonendi propterea, ut mentem gravitate roborent.

„Gulæ dediti admonendi sunt (d), quod illos „superfluitas locutionis, levitas operis, atque luxuria comitantur. . . quia dum satietate venter extenditur, aculei libidinis excitantur. Abstinentes vero monendi; nam illos sæpe impatientiæ & superbiæ culpa comitatur. . . ut sollicitè semper aspiciant, ne cum gulæ vitium fugiunt, acriora ex his vitia quasi ex virtute generentur; ne dum carnem macerant, ad impatientiam spiritus erumpant; & nulla jam virtus sit, quod caro vincitur, si spiritus ab ira superatur.

Intemperantes & abstinentes.

„Qui sua (e) misericorditer tribuunt, ne cogitatione tumida super eos se quibus terrena largiuntur, extollant; ne idcirco se meliores æstimant, quia contineri per se cæteros vident. Et hic opportune plura exhibet elargiendæ eleemosynæ documenta, videlicet perpendendum „ne commissæ indigne distribuunt; ne quædam quibus nulla, ne nulla quibus quædam, ne multa quibus pauca, ne pauca præbeant quibus impendere multa debuerunt; ne præcipitatione hoc quod tribuunt inuoluntè spargant; ne tarditate petentes noxiè crucient; ne recipiendæ hic gratiæ intentio subrepat, ne dationis lumen laudis transitoriæ appetitio extinguat. . . ne sibi quidquam cum totum rectè impleverint, tribuant. . . Illos reprehendit „divites, qui, cum fame cruciantur Christi pauperes, effusis largitionibus nutriunt histriones. Avari autem & qui aliena rapiunt „audiant quod scriptum est: *Vae ei qui multiplicat non sua: usquequo aggravat contra se densum lutum* (f)? Avaro quippe contra se densum lutum aggravare, est terrena lucra cum pondere peccati cumulare. . . Cum quolibet præsentis mundi lucra desiderant, & ea quæ de futuro

Liberales & avari.

G 3

„damna

(a) Cap. 18. (b) Rom. 12. 16.

(c) Prov. 15. 7. (d) Cap. 19.

(e) Cap. 20. (f) Habac. 2. 6.

S. GREG. M. „ damna patientur, ignorant, audiant quod scriptum est: *Quid*
 „ *prodest homini, si totum mundum lucretur, anime vero sue de-*
 „ *trimentum faciat (a)?*
 Tenaces & „ Sunt plures qui aliena (b) quidem non appetunt, sed nec sua
 fures. „ largiuntur. Hi admonendi, „ ut sciant sollicite quod ea de qua
 „ tumpti sunt, cunctis hominibus terra communis est, & idcirco
 „ alimenta quoque omnibus communiter proferant. Incaſſum ergo
 „ se innocentes putant, qui commune Dei munus sibi privatum
 „ vindicant . . . & ideo cum qualibet necessaria indigentibus mi-
 „ nistramus, sua illis reddimus, non nostra largimur; iustitiæ de-
 „ bitum potius solvimus, quam misericordiæ opera implemus . . .
 „ Noverint quod hanc primam injuriam faciunt Deo, quia danti
 „ sibi omnia, nullam misericordiæ hostiam reddunt . . . & qui
 „ innoxios se, quia aliena non rapiunt, existimant, ictum securis
 „ vicinæ provideant, & torporem improvidæ securitatis amit-
 „ tant. Illi vero qui ea quidem quæ habent tribuunt, sed a-
 „ lienam rapere non desunt, admonendi sunt, „ ut tenere sua rationa-
 „ biliter sciant, & tunc demum ut aliena non ambiant . . . Occa-
 „ sio enim rapiendi subtrahitur, si bene prius jus possidendi dispo-
 „ nat . . . & audiant, quomodo quæ habent misericorditer tri-
 „ buant, quando nimirum didicerunt, ut bona misericordiæ per in-
 „ terjectam rapinæ nequitiam non confundant. Violenter enim ex-
 „ quirunt quæ misericorditer largiuntur.
 Dis cordes & „ Discordes admonendi (c), „ ut certissime sciant quia quantisli-
 pacati. „ bet virtutibus polleant, spiritales fieri nullatenus possunt, si uni-
 „ ri per concordiam proximis negligunt. Scriptum quippe est:
 „ *Fructus autem spiritus est caritas, gaudium, pax (d)*. Qui
 „ ergo servare pacem non curant, ferre fructum spiritus recusant.
 „ Pacati e contra admonendi, ne dum plus quam necesse est, pa-
 „ cem quam possident, amant, ad perpetuam pervenire non appe-
 „ rant. Plerumque enim gravius intentionem mentium rerum
 „ tranquillitas tentat: ut quo non sunt molesta quæ tenent, eo
 „ minus amabilia fiant quæ vocant: & quo delectant præſentia,
 „ eo non inquirantur æterna . . . Pax igitur præſens ita tenenda
 „ est, & ut diligere debeat & contemni, ne si immoderate dili-
 „ gatur, diligentis animus in culpa capiatur. Hinc salubriter con-
 „ temnitur pax, quando pravi hominum mores redarguuntur, nec
 „ consentiendo perverſis, ab illorum consortio se disjungunt.
 surgentes & „ Admonendi qui jurgia seminant, ut cujus sint sequaces agno-
 pacifici. „ ſcant. De apostata quippe Angelo scriptum est, cum bonæ messi
 „ inserta fuisset zizania: *Inimicus homo hoc fecit (f)*. De cujus
 „ membro per Salomonem dicitur: *Homo apostata vir inutilis . . .*
 „ *omni tempore jurgia seminat (g)*. Ecce, quem seminantem jur-
 „ gia

(a) *Matt. 16. 26.* (b) *Cap. 21.* (c) *Cap. 22.*(d) *Gal. 5. 22.* (e) *Cap. 23.*(f) *Matt. 13. 28.* (g) *Prov. 6. 12.*

„gia dicere voluit, prius apostatam nominavit... & merito quia
 „feminantes jurgia, in uno malo innumera peragunt: quia semi- S. GREG. M.
 „nando discordiam, caritatem quæ nimirum virtutum omnium
 „mater est, extinguunt. Pacifici vero admonendi, ne tantæ actio-
 „nis pondus levigent, si inter quos fundare pacem debeant, igno-
 „rent. Nam sicut multum nocet si unitas desit bonis: ita valde
 „est noxium si non desit malis. Si erga perverforum nequitia in
 „pace jungitur, profecto eorum malis actibus robur augetur:
 „quia quo sibi in malitia congruunt, eo se robustius bonorum as-
 „flictionibus illidunt“.

Rudes illi (a) hic designantur, qui sacre Legis doctrinam non Rudes &
docti.
 recte intelligunt. Hi itaque admonendi sunt, „ut perpendant,
 „quia saluberrimum vini potum in veneni sibi poculum vertunt,
 „ac per medicinale ferrum vulnere mortali se feriunt, dum per
 „hoc in se sana perimunt, per quod salubriter abscondere faucia-
 „ta debuerunt... & perpendant quod sacra Scriptura in nocte
 „vitæ præsentis quasi quadam nobis lucerna sit posita, cuius ni-
 „mirum verba dum non recte intelligunt, de lumine tenebescunt.
 „Qui vero docti in sacris litteris non humiliter loquuntur, ad-
 „monendi, ut in divinis sermonibus, priusquam aliis eos profe-
 „rant, semetipsos requirant, ne insequentes aliorum facta, se de-
 „ferant; & cum recte cuncta de Scriptura sentiunt, hoc solum
 „quod per illam contra elatos dicitur, non attendant. Improbus
 „quippe & imperitus est medicus, qui alienum mederi appetit,
 „& ipse vulnus quod patitur, nescit“.

Sunt qui (b) cum prædicare digne valeant, præ nimia humili- Qui officium
prædicationis detrahant
& qui occupa-
rent.
 tate formidant. Hi monendi, „ut ex minori consideratione colli-
 „gant, quantum in majoribus rebus delinquant... Si enim po-
 „pulos fames attereret, & occulta frumenta ipsi servarent, au-
 „ctores proculdubio mortis existerent. Qua itaque plebendi sunt
 „pœna considerent, qui cum fame verbi animæ percant, ipsi pa-
 „nem perceptæ gratiæ non miniſtrent. Unde bene per Salomo-
 „nem dicitur: *Qui abscondit frumenta, maledicetur in populis*
 „(c)“. Quam doctrinam late confirmat pluribus adductis sacre
 „Scripturæ testimoniis. E contra vero sunt qui licet a prædicationis
 „officio vel imperfectione, vel ætate, vel ingenii hebetudine re-
 „pellantur, tamen illud sibi usurpare contendunt, & hos dicit ad-
 „monendos, „ne dum tanti sibi onus officii præcipitatione arrogat,
 „viam sibi subsequents meliorationis abscondant, & cum arripiunt
 „intempestive quod non valent, perdant etiam quod implere
 „quandoque tempestive potuissent: atque scientiam, quia incon-
 „grue conantur ostendere, iuste ostendantur amisisse“.

„Sunt qui in hoc (d) quod temporaliter appetunt, prosperan- Prosperati &
infelices.
 „tur, & hi admonendi, ne cum cuncta ad votum suppetunt,

G 4

„dan-

(a) Cap. 24. (b) Cap. 25.
 (c) Prov. 11. 26. (d) Cap. 26.

„ dantem querere negligent, sed in his quæ dantur, animum fla-
 „ gant: ne peregrinationem pro patria diligant, ne subsidia itine-
 „ ris in obſtacula perventionis vertant, ne nocturno lunæ lumine
 „ delectati, claritatem ſolis videre reſugiant. Hinc eos Paulus
 „ monet: *Qui emunt, tamquam non poſſidentes; & qui utuntur*
 „ *hoc mundo, tamquam non utantur (a)*: Ut videlicet ſic nobis
 „ quæ ſuppetunt, exterius ſerviant, quatenus a ſupernæ delectatio-
 „ nis ſtudio animum non inflent . . . Conſiderent etiam quia
 „ præſentis vitæ proſperitas aliquando idcirco datur, ut ad melio-
 „ rem vitam provocet, aliquando vero ut in æternum plenius da-
 „ mnet“. Sunt vero ex oppoſito qui quæ mundi ſunt concupiſcant,
 „ ſed tamen adverſitatis labore fatigantur, & hi admonendi, „ ut
 „ ſolicita conſideratione perpendant, Creator, diſpoſitorque cuncto-
 „ rum quanta ſuper eos gratia vigilat, quos in ſua deſideria non
 „ relaxat. Ægro quippe quem medicus deſperat, concedit ut
 „ cuncta quæ concupiſcit accipiat. Nam qui ſanari poſſe credi-
 „ tur, a multis quæ appetit, prohibetur . . . De ſpe ergo æter-
 „ næ hæreditatis gaudium ſumant, quos adverſitas vitæ temporalis
 „ humiliat“.

Conjugati &
 cælibes. „ Mutua (b) conjugum officia late & ſapienter proſequitur in hoc
 „ capite D. Gregorius; & 1. quidem admonendos conjuges, „ ut cum
 „ viciffim quæ ſunt alterius cogitant, ſic eorum quiſque placere
 „ ſtudeat conjugi, ut non diſpliceat Conditori . . . Uxorem quaſi
 „ non habendo habet, qui tranſitoria eſſe cuncta conſpiciens, cu-
 „ ram carnis ex neceſſitate tolerat, ſed æterna gaudia ſpiritus ex
 „ deſiderio expectat . . . ut ea in quibus ſibi aliquando diſplices,
 „ & patientes invicem tolerant, & exhortantes invicem ſalvent . . .
 „ ut ſuſcipiendæ proliſ ſe meminerint cauſa conjunctos, & cum
 „ immoderate admixtioni ſervientes, propagationis articulum in
 „ uſum transferunt voluptatis, perpendant quod licet extra non
 „ exeant, in ipſo tamen conjugio conjugii jura tranſcendunt. Un-
 „ de neceſſe eſt ut crebris exhortationibus deleant quod pulchram
 „ copulæ ſpeciem admixtis voluptatibus ſordant. Hinc eſt quod
 „ peritus medicinæ cæleſtis Apoſtolus non tam ſanos inſtituit,
 „ quam infirmis medicamenta monſtravit dicens: *Propter fornicationem unusquiſque ſuam habeat uxorem, & unaquæque ſuum*
 „ *virum habeat (c)*. Qui enim fornicationis metum præmiſit,
 „ proſecto non ſtantibus præceptum contulit; ſed ne fortalle in
 „ terram ruerent, leſtum cadentibus oſtendit . . . unde ſubdit:
 „ *Hoc autem dico ſecundum indulgentiam, non ſecundum imperium (d)*. Culpæ quippe eſſe innuitur, quod indulgeri perhi-
 „ betur; ſed quæ tanto citius relaxetur, quanto non per hanc illi-
 „ citum quid agitur, ſed hoc quod eſt licitum, ſub moderamine
 „ nota tenetur“. Cælibes vero admonendi ſunt, „ ut præcep-
 „

{a} 1. Cor. 7. 30. {b} Cap. 27.
 {c} 1. Cor. 7. 1. {d} Ibidem.

„caelestibus eo rectius serviant, quo eos ad curas mundi nequa-
 „quam jugum copulæ carnalis inclinât: ut quos onus licitum
 „conjugii non gravat, nequaquam pondus illicitum terrenæ soli-
 „tutudinis premat, sed tanto eos paratiores dies ultimus, quanto
 „& expeditiores inveniat: ne quo meliora agere vacantes possunt,
 „sed tamen negligunt, eo supplicia deteriora mereantur . . . Ad-
 „monendi, ne sine damnationis iudicio misceri se foeminis vacanti-
 „bus putent . . . Nam Paulus fornicationis vitium criminibus exe-
 „crandis inseruit . . . quod si tentationum procellas cum difficul-
 „tate salutis tolerant, conjugii portum petant. Scriptum namque
 „est: *Melius est nubere, quam uri* (a). Sine culpa scilicet ad
 „conjugium veniunt, si tamen necdum meliora voverunt “.

S. GREG. M.

Qui peccata (b) carnis experti sunt, admoneri debent, „ut ma-
 „re saltem post naufragium metuant, & perditionis suæ discrimi-
 „na vel cognita perhorrescant: ne qui pie post perpetrata mala
 „servati sunt, hæc improbe repetendo moriantur . . . ut studeant,
 „quatenus si accepta naturæ bona integra servare noluerunt, sal-
 „tem scissa refarciant . . . præterita commissa considerent, &
 „imminentia devitent “. Ignorantes vero peccata carnis admo-
 „nendi, „ut tanto sollicitius præcipitem ruinam metuant, quanto al-
 „tius stant . . . ut noverint, quia quo magis loco prominenti
 „consistunt, eo crebrioribus sagittis insidiatoris impetuntur . . .
 „ut incessanter præmia suspiciant, & libenter proculdubio tenta-
 „tionum quas tolerant labores calcabunt “: & denique ut humi-
 „litem in virginitate servent.

Carnis con-
fessii, & igna-
ri.

Qui peccata (c) deplorant operum, admonendi, „ut consum-
 „mata mala perfecta diluant lamenta, ne plus astrigantur in debito
 „perpetrati operis, & minus solvant ætibus satisfactionis . . . ut
 „incessanter admissa ante oculos reducant, atque vivendo agant, ut
 „a districto iudice videri non debeant . . . ut singula quæque ad-
 „missa considerent, & dum per unumquodque erroris sui inquina-
 „tionem desilent, simul se ac totos lacrymis mudent . . . ut de
 „misericordia quam postulant, præsumant: ne vi immoderatæ af-
 „flictionis intereant . . . ut tamen sic de spe fiduciam habeant,
 „ne tamen incauta securitate torpescant. Qui vero peccata cogi-
 „tationum desilent, sollicitè considerent intra mentis arcana, utrum
 „delectatione tantummodo, an etiam consensu deliquerint
 „tribus quippe modis omnis culpæ nequitiam perpetramus, sug-
 „gestionem scilicet, delectatione, & consensu. Primum itaque per
 „hostem, secundum vero per carnem, tertium per spiritum per-
 „petratur . . . Suggestione piscatum agnoscimus, delectatione vin-
 „cimus, consensu etiam ligamur. Admonendi sunt igitur qui ne-
 „quitias cogitationis desilent, ut sollicitè considerent, in qua pecca-
 „ti mensura ceciderunt, quatenus juxta ruinæ modum quam in
 „semet-

Qui opere
peccarunt &
qui sola co-
gitatione.

(a) 1. Cor. 7. 9. (b) Cap. 28.
 (c) Cap. 29.

S. GREG. M.

Qui a peccatis quæ desunt, non abstinere, & qui abstinere, sed non desunt.

Qui illicita quæ faciunt, laudant.

Qui peccata latentur, nec tamen cavent.

Qui subito mortu & qui consulto peccant.

semetipsos introrsus sentiunt, etiam mensura lamentationis erigantur: ne si cogitata mala minus cruciant, usque ad perpetranda opera perducant. Sed inter hæc ita terrendi sunt, ut tamen minime frangantur. Sæpe enim misericors Deus eo citius peccata cordis abluir, quo hæc exire ad opera non permittit: & cogitata nequitia quanto citius solvitur, quia effectu operis districtius non ligatur.

Qui admissa peccata (a) plangunt quidem, sed minime deserunt, admonendi sunt, ut considerare sollicitè sciant, quia flendo inaniter se mundant, qui vivendo se nequiter inquinant, cum idcirco se lacrymis lavant, ut mundi ad sordes redeant... & qui admissa plangit, nec tamen deserit, pœnæ gravioris culpæ se subiecit, quia & ipsam quam flendo potuit impetrare veniam contemnit... sollicitè etiam considerent, quia ita plerumque mali inutiliter compunguntur ad iustitiam, sicut plerumque boni innoxie tentantur ad culpam... At contra qui admissa deserunt, nec tamen plangunt, admonendi sunt, ne jam relaxatas alliment culpas, quas etsi agendo non multiplicant, nullis tamen sletibus mundant... nam cum Deo delinquimus, nequaquam satisfacimus, si ab iniquitate cessamus, nili voluptates quoque quas dileximus, e contrario appositis lamentis insequamur... Deus enim delictorum morbos medicamentis contrariis medetur, ut qui voluptatibus delectati discessimus, sletibus amaricari redeamus; & qui per illicita defluendo cecidimus, etiam a licitis nosmetipsos restringendo surgamus, & cor quod insana lætitia infuderat, salubris tristitia exurat, & quod vulneraverat elatio superbiæ, curet abiectio humilis vitæ.

Admonendi sunt (b) qui illicita quæ faciunt etiam laudant, ut considerent quod plerumque ore plusquam opere delinquant. Opere namque per semetipsos solos prava perpetrant: ore autem per tot personas iniquitatem exhibent, quot audientium mentes iniqua laudantes docent, admonendi, ut eis perditio privata sufficiat. Qui vero accusant prava, nec tamen devitant, admonendi, ut proinde perpendant quid in districto Dei iudicio pro sua excusatione dicturi sunt, qui de reatu suorum criminum etiam semetipsos iudiciis non excusantur... ut videant quia jam de occulta retributione iudicii est, quod eorum mens malum quod perpetrat illuminatur ut videat, sed non conatur ut vincat: ut quo melius videt, eo deterius pereat: quia & intelligentiæ lumen percipit, & actionis prævæ tenebras non relinquit.

Admonendi sunt quos repentinâ (c) concupiscentia superat, ut in bello præsentis vitæ se quotidie posuiros attendant, & cor quod prævidere vulnera non potest, scuto solliciti timoris tegant: ut occulta insidiantis hostis, jacula perhorrescant, & in tam caligi-

,, nolo

(a) Cap. 39. (b) Cap. 37.
(c) Cap. 32.

„ nolo certamine intentione continua intra mentis castra se mu-
 „ niant . . . ut curare nimis terrena defuscant: quia intentionem
 „ suam dum de rebus transitoriis immoderatus implicant, quibus
 „ culparum jaculis transfigantur ignorant. Qui vero culpa ex con-
 „ silio ligantur, provida consideratione perpendant, quia dum ma-
 „ la ex iudicio faciunt, districtius contra se iudicium accendunt:
 „ ut tanto eos durior sententia feriat, quanto illos in culpa ar-
 „ etius vincula deliberationis ligant . . . & tardius peccatum solvi-
 „ tur, quod & per consilium solidatur . . . & plerumque in la-
 „ queum desperationis cadunt “.

S. GREG. 12.

Sunt qui licet (a) minima, crebro tamen illicita faciunt, & hi
 admonendi, „ ut nequaquam considerent qualia, sed quanta commit-
 „ tunt. Facta enim tua si despiciunt timere cum pensant, debent
 „ formidare cum numerant. Altos quippe gurgites fluminum par-
 „ vae sed innumerae replent guttae pluviarum. Et hoc agit sentina
 „ latenter excrefcens, quod patenter procella saeviens . . . Hinc
 „ scriptum est: *Qui modica spernit, paulatim decedit* (b) . . .
 „ Et deterius nonnunquam in parva, quam in majori culpa pec-
 „ catur. Major enim quo citius quia sit culpa agnosceatur, eo et-
 „ iam celerius emendatur: minor vero dum quasi nulla creditur,
 „ eo peius quo & securius in usu retinetur “. Qui vero se a
 „ parvis custodiunt, sed aliquando in gravibus demerguntur, admo-
 „ nendi sunt, „ ut, follicite seipfos deprehendant, quia dum cor eo-
 „ rum de custoditis minimis extollitur, ad perpetranda graviora
 „ ipso elationis suae barathro devorantur; & dum foris sibi parva
 „ subiiciunt, sed per inanem gloriam intus intumescunt, languore
 „ superbiae intrinsecus victam mentem etiam foras per mala majo-
 „ ra protellunt . . . Qui enim vane elati, boni minimi custodiam
 „ suis viribus tribuunt, iuste derelicti culpis maioribus obruuntur;
 „ & cadendo discunt non fuisse proprium quod steterunt, ut mala
 „ immensa cor reprimant, quod minima bona exaltant “.

Qui minimis
sed crebris
noxis indul-
gent.Qui minima
caventes ali-
quando gra-
viora com-
mittunt.

„ Qui bona (c) nec inchoant, non sunt eis aedificanda quae sa-
 „ lubriter diligant, sed destruenda ea in quibus semetipfos nequiter
 „ versant . . . Prius ergo ostendenda sunt, quam sint vana quae
 „ diligunt, & tunc demum vigilanter intimanda quam sint utilia
 „ quae praetermittunt. Prius videant fugienda quae amant, & sine
 „ difficultate postmodum cognoscant amanda esse quae fugiunt . . .
 „ quia nisi prius perversa destruant, aedificare utiliter recta non
 „ possunt “. At qui bona inchoata minime consummant, admo-
 „ nendi sunt, „ ut cauta circumspectione considerent, quia dum pro-
 „ posita non perficiunt, etiam quae fuerant cepta convellunt. Si
 „ enim quod videtur gerendum, sollicita intentione non crescit, et-
 „ iam quod fuerat bene gestum decrescit . . . Hinc est quod per
 „ Salomonem dicitur: *Qui mollis & dissolutus est in opere suo,*
 „ frater

Qui bona
nec incho-
ant.Qui bona in-
choata non
compleant.

(a) Cap. 33. (b) Eccli. 19. 1.
 (c) Cap. 34.

S. GREG. M.

Qui mala
etiam, & bo-
na palam fa-
ciunt, & vi-
de veria.

frater est sua opera dissipantis (a). Quia videlicet qui cœpta bona districte non exequitur, dissolutione negligentiae manum destruentis imitatur.

Qui mala (b) occulte agunt, & bona publice, admonendi sunt, ut pensent humana judicia quanta velocitate evolvant, divina autem quanta immobilitate perdurent. . . ut in fine rerum mentis oculos figant, quia & humanæ laudis attestatio præterit, & superna sententia, quæ & abscondita penetrat, ad retributionem perpetuam convalescit. . . Culpas suas occultando hominibus, virtutesque pandendo, & unde puniri debeant abscondentes detegunt, & unde remunerari poterant, detegentes abscondunt. Quos recte sepulchra dealbata speciosa exterius, sed mortuorum ossibus plena Veritas vocat: quia vitiorum mala intus contegunt, humanis vero oculis quorundam demonstratione operum de solo foris iustitiæ colore blandiuntur. Qui vero e contra bona occulte faciunt, & tamen quibusdam factis publice de se mala opinari permittunt, admonendi sunt, ne cum bona semetipsos actionis rectæ virtute vivificant, in se alios per exemplum pravæ assimilationis occidant: ne minus quam se proximis diligant, & cum ipsi salubrem potum vini sorbeant, intentis in sui consideratione mentibus pestiferum veneni poculum fundant. Hi nimirum in uno proximorum vitam minus adjuvant, in altero multum gravant, dum student & recta occulte agere, & quibusdam factis ad exemplum de se prava seminare. . . Unde Veritas dicit: *Videant opera vestra bona, & glorificent Patrem vestrum qui in calis est* (c). Et licet longe aliud præcepisse videatur dicens: *Attendite ne iustitiam vestram faciatis coram hominibus, ut videamini ab eis* (d); tamen utrumque bene perficitur, dum ea quæ agimus, occultamus, ne ipsi laudemur, & tamen ostendimus, ut laudem cœlestis Patris augeamus.

Exhortatio 2.

Post monitiones, faciendas exhortationes suggerit Præsulibus (e) ad subditorum spiritualium profectum promovendum. In hoc itaque capite eos hortatur, ut sic Angelorum virtutes adjuvent, quatenus contraria virtutibus vitia non excrescant, scribens: „ Sic timidis infundatur auctoritas, ut tamen superbis non crescat effrenatio. Sic otiosis ac torpentibus prædicetur sollicitudo boni operis, ut tamen inquietis immoderate licentia non augeatur actionis. Sic inquietis ponatur modus, ut tamen otiosis non fiat torpor securus. Sic ab impatientibus extinguatur ira, ut tamen remissis ac lenibus non crescat negligentia. Sic lenes accendantur ad zelum, ut tamen iracundis non addatur incendium; & plura alia suggerit plane similia.

Exhortatio 3.

Deinde suggerit (f) exhortationem adhibendam laboranti con-

trarii

(a) Prov. 18. 9. (b) Cap. 35.
(c) Matth. 5. 76. (d) Matth. 6. 1.
(e) Cap. 36. (f) Cap. 37.

trariis passionibus. „Rector multo acriori labore fatigatur,
 „quando uni e contrariis vitiis servienti prædicare compellitur. S. GREG. M.
 „Plerumque enim quis lætæ nimis consperſionis exiſtit, ſed tamen
 „eum triſtitia repente oborta immaniter deprimit. Curandum eſt
 „itaque prædicatori, quatenus ſic tergatur triſtitia quæ venit ex
 „tempore, ut non augeatur lætitia quæ ſuppetit ex conſperſione :
 „& ſic frenetur lætitia quæ ex conſperſione eſt, ut tamen non
 „creſcat triſtitia quæ venit ex tempore“ . . . Hinc imitanda me-
 „dicorum ars, qui, „cum debile corpus opprimit languor imma-
 „nis, cui languori ſcilicet obviari adjutoriiſ fortibus debet, ſed
 „tamen corpus debile, adjutorium forte non ſuſtinet; ſtudent,
 „quatenus ſic ſuperexiſtentem morbum ſubtrahant, ut nequa-
 „quam ſuppoſita corporis debilitas creſcat, ne fortasſe languor
 „cum vita deficiat. Si igitur medicina corporis indiviſe adhibita
 „ſervire diviſibiliter poteſt . . . cur medicina mentis una eadem-
 „que prædicatione apoſita, morum morbis diverſo ordine obvia-
 „re non valeat“ ?

Hortatur (a) tertio Præſules S. Pontifex, ut aliquando leviora Exhortatio
 quidem vitia relinquant, ut graviora tollant, ſcribens: „Plerum-
 „que dum duorum vitiorum languor irruit, hoc levius, illud for-
 „taſſe gravius premit; ei nimirum vitio rectius ſub celeritate ſub-
 „venitur, per quod feſtine ad interitum tenditur. Et ſi hoc a vi-
 „cina morte reſtringi non poteſt, niſi illud etiam quod exiſtit
 „contrarium creſcat; tolerandum prædicatori eſt, ut per exhorta-
 „tionem ſuam artiſicioſo moderamine unum patiatur creſcere,
 „quatenus poſſit aliud a vicina morte retinere. Quod cum agit,
 „non morbum exaggerat, ſed vulnerati ſui, cui medicamentum
 „adhibet, vitam ſervat, ut exquirendæ ſalutis congruum tempus
 „inveniat.

Ne infirmis (b) mentibus alta prædicent, Præſules hortatur ſcri- Exhortatio
 bens: „Sciendum eſt prædicatori, ut auditoris ſui animum ultra-
 „vires non trahat, ne ut ita dicam, dum plus quam valet, ten-
 „ditur, mentis chorda rumpatur. Alta enim quæque debent mul-
 „tis audientibus contegi, & vix paucis aperiri . . . Hinc Moy-
 „ſes a ſecreto Dei exiens, coruſcantem coram populo faciem ve-
 „lat: quia nimirum turbis claritatis intimæ arcana non in-
 „dicat“.

Denique prædicatores hortatur, ut plus (c) opere, quam voce Exhortatio
 prædicent, ſcribens: „Prædicator quiſque plus actibus quam voci-
 „bus inſonet, & bene vivendo veſtigia ſequacibus imprimat po-
 „tius, quam loquendo quo gradientur oſtendat . . . Prius ſe per
 „ſublimia facta excutiat, & tunc ad bene vivendum alios ſollici-
 „tos reddat: prius quidquid in ſe inutiliter torper, ſollicita inve-
 „ſtigatione deprehendat, diſtriſta animadverſione corrigat; &
 „tunc

(a) Cap. 38. (b) Cap. 39.
 (c) Cap. 40.

S. GREG. M. „ tunc demum aliorum vitam loquendo componat : prius punire
„ propria fletibus curet , & tunc quæ aliorum puniendi sunt de-
„ nuntiet “.

Quarta par-
tis Analysis. Quarta hujus saluberrimi Operis pars unico constat capite , in
quo Prædicatores, Pastores, Præsules serio monet , ut cum re-
cte omnia sua impleverint munia , ad semetipsos redeant , ne su-
perbia extollantur ob vitæ , vel prædicationis excellentiam. Qua-
re scribit : „ Sæpe dum prædicationis modis congruentibus uberrim
„ funditur , apud semetipsum de ostensione sui occulta lætitia lo-
„ quentis animus sublevatur , magna cura necesse est , ut timoris
„ laceratione se mordeat : ne qui aliorum vulnera medendo ad sa-
„ lutem revocat , ipse per negligentiam suæ salutis intumescat , ne
„ proximos juvando se deserat , ne alios erigens cadat “. Hinc
optime observat , quod „ Ezechiel Propheta quoties ad contemplanda
„ cælestia ducitur , prius filius hominis vocatur : ac si hunc aperte
„ Dominus admoneat , dicens : Ne de his quæ vides , in elatione
„ cor subleves , cautus perpende quod es : ut cum summa pene-
„ tras , esse te hominem recognoscas , quatenus dum ultra te rapis-
„ ris , ad temetipsum sollicitus infirmitatis tuæ freno revoceris .
„ Unde necesse est , ut cum virtutum nobis copia blanditur , ad in-
„ firma sua mentis oculus redeat , seseque salubriter deorsum pre-
„ mat : nec recta quæ egit , sed quæ agere neglexit , aspiciat : ut
„ dum cor ex memoria infirmitatis atteritur , apud humilitatis au-
„ ctorem robustius in virtute solidetur “.

Denique librum humili heroicarum virtutum & honorum dissi-
mulatione , & aperta suæ infirmitatis confessione claudit scribens :
„ Ecce... dum monstrare qualis esse debeat Pastor invigilo , pul-
„ chrum depinxi hominem pictor scædus ; aliosque ad perfectionis
„ littus dirigo , qui adhuc in delictorum fluctibus versor . Sed in
„ hujus quæso vitæ naufragio orationis tuæ me tabula sustine , &
„ quia pondus proprium deprimit , tui meriti manus me levet “.

In Veneta Editione subsequuntur in Ezechielem homiliæ quæ
in Parisina præmittuntur. Referri solent hujusmodi homiliæ ad
annum 595. Verum Parisinus Editor putat ad annum 592. pertine-
re , ut se ostendisse dicit in vita S. Gregorii lib. 2. cap. 4. pene
certis & indubitatis argumentis. At allata ab erudito Editore
nec certa esse , nec indubitata ostendit Venetus Editor clarissimus
in nota ad Præfationem Parisini Editoris , ostenditque ejus chrono-
taxim maximas in Longobardorum historiam turbas invehere ; nec
bene ab ipso intellectum S. Gregorium in epistola 46. lib. 7. &
40. lib. 5. nec Paulum Diaconum lib. 4. c. 8. quorum tamen tes-
timoniis suam fulciri opinionem arbitratur. Tota legatur erudita
Nota a cupiente hac de re fusciorem notitiam assequi.

Harum homiliarum numerus est duarum supra viginti : totidem
enim reperiuntur in libris tam manu exaratis , quam editis .
Primo quidem in duas partitæ sunt partes in MM. SS. quarum
prima duodecim complectitur , alia vero cæteras decem : in editis
in unum librum omnes colliguntur ; prior tamen partitio retenta
est in

est in postremis Editionibus tum Maurina, tum Veneta. Decem secundæ partis homiliæ, nonnisi capitis 40. & quidem non integri, sed ad versiculum usque 48. explanationem complectuntur, & in fine postremæ homiliæ sic scribit: „Nemo autem me reprehendat, si post hanc locutionem cessavero, quia, sicut omnes cernitis, nostræ tribulationes excreverunt; undique gladio circumfusi sumus, undique imminens mortis periculum timemus. Alii detruncatis ad nos manibus redeunt, alii captivi, alii interempti nuntiantur. . . Cui autem vivere non licet, de Scripturæ Sanctæ sensibus loqui mystica qualiter libet? Et qui cogor quotidie amare bibere, quomodo possum dulcia propinare? Quid igitur restat, nisi ut inter flagella quæ ex nostris iniquitatibus patimur, cum lacrymis gratias agamus?“

S. GREG. MA.

Has homilias misit D. Gregorius Mariano, seu, ut alii legunt, Mariniano Episcopo qui eas efflagitaverat. Strylus sublimis quidem non est, nec elegans, sed planus, facilis, prout decet conciones populo habitas. In illis litteralem quidem sensum tanquam cæterorum fundamentum primo proponit, & postea mysticos sensus rimatur, & in moralibus explicandis incumbit, accitis in subsidium tum veteris, tum novi Testamenti textibus quos suæ explicationi opportunos comperit.

In prima homilia nonnulla præmittit generalia de Prophetiæ modo & tempore, & observat, prophetiam locum habere non solum de futuris, sed & de præteritis, & de præsentibus, si obscura sint. Quare scribit: „Quæ (a) tria prophetiæ tempora verius loquimur, si ex sacre Scripturæ testimoniis ostendamus. Prophetia de futuro est: *Ecce Virgo concipiet & pariet filium* (b). Prophetia de præterito: *In principio creavit Deus celum & terram* (c). De illo enim tempore dixit homo, quo non erat homo. Prophetia de præsentis est, quando Paulus Apostolus dicit: *Occulta cordis ejus manifesta fiunt* (d). Quibus verbis profecto monstratur quia per hunc modum prophetiæ spiritus non prædicat quod futurum est, sed præsens narrat“. Deinde observat, quia (e) prophetiæ tempora sibi concinunt ad probationem, ut aliquando ex futuris præterita, aliquando ex præteritis futura probentur. Dixerat Moyses: *In principio creavit Deus celum & terram*. Sed quis crederet quia verum de præterito diceret, si de futuro etiam aliquid non dixisset? Unde de venturis dixit: *Non auferetur sceptrum de Juda, & dux de femoribus ejus, donec veniat qui mittendus est, & ipse erit expectatio gentium* (f). Et sic præteritis ventura promiscuit, ut dum implerentur ea quæ de futuro prædiceret, ostenderet etiam quia de præterito vera dixisset“. Ostendit deinde, varios esse modos; nam prophetiæ

Prioris homiliæ Ananias.

(a) Ibid. n. 1. (b) Isaj. 7. 14.
(c) Genes. 1. 1. (d) 1. Cor. 14. 24.
(e) Ibid. n. 2. (f) Gen. 49. 10.

S. GREG. M.

phetiæ spiritus nec semper, nec eodem modo Prophetiæ mentem tangit. Aliquando enim ex præsentī, & non ex futuro eas tangit, ut contigit Jo. Baptista, qui & humanitatem & divinitatem Christi agnovit, unde de illo prænuntiavit: *Ecce Agnus Dei, ecce qui tollit peccata mundi (a)*, sed an per semetipsum esset ad inferni claustra descendurus, dubitavit. Aliquando tangit de futuro, non vero de præsentī, ut contigit Isaaco, qui Jacobo filio suo plura futura nuntiavit, & ejus præsentiam non agnovit. Aliquando tangit & ex præsentī, & ex futuro, ut factum est in Jacob, qui benedicturus Ephraim, & Manasse manus commutavit, & admonitus a Joseph, quod non ita conveniret, quia majori debebat dexteram imponere, respondit: *Scio, fili mi, scio: & iste quidem erit in populos, & multiplicabitur, sed frater ejus junior major illo erit (b)*: ubi Prophetiæ spiritus & ex præsentī pariter, & ex futuro prophetantis animum tetigit, dum Jacob & ventura nuntiabat, & eos quos corporeis oculis videre non poterat, ante se positos per spiritum discernerebat. Prosequitur ostendendo, mentem aliquando tangi & de præterito, & de præsentī, & de futuro (c): aliquando ex præterito, non ex futuro (d): aliquando ex futuro, non ex præterito (e): aliquando in præsentī etiam solum (f) ex parte; sicut solum ex parte de futuro (g): quæ omnia, adductis ex Scriptura exemplis confirmat. Addit, aliquando Prophetas & proxima & longinqua prævidere (h): aliquando solum proxima (i): aliquando solum longinqua (k). Animadvertit quoque, Prophetiæ spiritum non semper Prophetis adesse (l). Contingere etiam aliquando posse, ut Prophetæ ex suo spiritu vaticinentur (m). Assignat denique Prophetæ veri & falsi discrimen (n). Concludit denique ostendens, Deum etiam iratum miserari (o).

Homil. 2. In secunda homilia quinque priores versiculos capitis primi exponit. Et primo quidem ostendit, Prophetis in more positum personas, loca, & tempora designare, priusquam mysteria Prophetiæ revelent (p). Ex eo vero quod Ezechiel tricesimo anno spiritum prophetiæ acceperit, infert (q) nemini præsumendum ante maturam ætatem docere, quod confirmat exemplo Christi, qui solum 30. annis natus cœpit prædicare, cujus typus fuit laudatus Ezechiel (r). Ostendit deinde, Ezechieli Verbi incarnationem fuisse revelatam (s).

De

- | | |
|------------------|----------------------|
| (a) Joan. 1. 29. | (b) Gen. 48. 18. 19. |
| (c) Ibid. n. 8. | (d) Ibid. n. 9. |
| (e) Ibid. n. 10. | (f) Ibid. n. 11. |
| (g) Ibid. n. 12. | (h) Ibid. n. 14. |
| (i) Ibid. n. 13. | (k) Ibidem. |
| (l) Ibid. n. 15. | (m) Ibid. n. 16. |
| (n) Ibid. n. 17. | (o) Ibid. n. 18. |
| (p) Ibid. n. 1. | (q) Ibid. n. 3. |
| (r) Ibid. n. 5. | (s) Ibid. n. 7. |

De Judæis vero loquens ostendit, eos magna nube involutos & ob-
 cæcatos (a), ex torpore ad ignorantie caliginem perductos (b);
 tandem ad persecutionis rabiem erupisse (c). Ex similitudine ho-
 minis in animalibus ab Ezechiele visis apparente, moraliter colligit,
 nullum sanctum (d) esse posse, nisi Christi referat similitu-
 dinem; & per ejus (e) morum similitudinem, ad ejus gloriæ si-
 militudinem perveniri.

Quatuor sequentes versiculos, a sexto scilicet ad decimum expo-
 nit in hac homilia. Et primo a quatuor animalibus Evangelistas
 præfiguratos agnoscit, quorum (f) plenum perfectumque consen-
 sum deprædicat; & ad Christi divinitatem agnoscendam omnes per-
 venisse ostendit (g); ad eorumque fidem & contemplationem & bo-
 na opera accessisse (h), nec non fortitudinem cum discretionem, &
 gravitate (i); in quatuor mundi partes missos dicit (k). Deinde
 Prædicatores instruens dicit, in ipsis & activam vitam & contem-
 plativam desiderari (l). Sed licet utraque (m) „ sit ex dono
 „ gratiæ; quamdiu tamen inter proximos vivimus, una nobis in
 „ necessitate est, altera in voluntate . . . quia si contemplativa
 vita intrare possunt ad cælestem patriam, qui bona quæ possunt o-
 perari, non negligunt: sine activa autem intrare non possunt, si
 „ negligunt bona operari quæ possunt “. Ad contemplativam tam-
 en posse quemlibet transire etiam non relicta vita activa (n).
 Denique cum quanta humilitate ad Dei verbum pertrahendum ac-
 cederet, homiliam claudens ostendit (o).

Explicat tres sequentes versiculos 10., 11., & 12. in hac ho-
 milia, in qua plura tradit moralia præcepta de continua in Deum
 intentione, & ad se attentione. Et primo quidem ostendit, in præ-
 fatis quatuor animalibus non Evangelistas solum, sed & ipsum
 præfigurari Christum (p), qui nascendo homo, moriendo vitulus,
 resurgendo Leo, in cælum ascendendo aquila fuit: deinde cur ho-
 mo & leo a dextris, vitulus vero a sinistris Prophetæ apparuerint
 (q). Eorum vero pennas extensas desuper dicit ad indicandum,
 „ quia omnis (r) intentio, omnisque contemplatio Sanctorum su-
 „ per se tendit, ut illud possit adipisci, quod in cælestibus appe-
 „ tit “. Quod vero corpus tegerent animalium, inserit, amorem
 & spem (s) mentem sublevare; timorem vero & poenitentiam
 corpus contegere, quo tegumento (t) omnes Sanctos indigere pul-
 chre

Tricales. Tom. VII.

H

- | | |
|-------------------------|-------------------------|
| (a) <i>Ibid.</i> n. 11. | (b) <i>Ibid.</i> n. 12. |
| (c) <i>Ibid.</i> n. 13. | (d) <i>Ibid.</i> n. 19. |
| (e) <i>Ibid.</i> n. 10. | (f) <i>Ibid.</i> n. 1. |
| (g) <i>Ibid.</i> n. 2. | (h) <i>Ibid.</i> n. 3. |
| (i) <i>Ibid.</i> n. 4. | (k) <i>Ibid.</i> n. 7. |
| (l) <i>Ibid.</i> n. 9. | (m) <i>Ibid.</i> n. 10. |
| (n) <i>Ibid.</i> n. 11. | (o) <i>Ibid.</i> n. 19. |
| (p) <i>Ibid.</i> n. 1. | (q) <i>Ibid.</i> n. 3. |
| (r) <i>Ibid.</i> n. 4. | (s) <i>Ibid.</i> n. 5. |
| (t) <i>Ibid.</i> n. 6. | |

S. GREG. M. chre docet. Notat tamen, amoris quidem & spei unum esse ob-
jectum „ quia omnes Sancti (a) unam patriam appetunt, ad u-
num auctorem omnium pervenire festinant “; verum timoris
& poenitentiae non unum nec idem esse objectum. „ David enim
„ pro lapsu carnis timendo & poenitendo affligitur. Petrus casum
„ perfidiae flevit amare. Paulus in se crudelitatem praeeteritae per-
„ secutionis plangit “.

Homil. 5. Explicans tres sequentes versiculos a duodecimo ad decimum
quintum multa sublimiter exponit de Spiritu Sancto, ejusque in a-
nimis impulsu, motu, & inhabitatione. Exorditur autem a laude
sacrae Scripturae (b). Deinde ostendit, electos imperu Spiritus, im-
probos vero spiritu carnis rapi, & utriusque effectus describit (c).
Monet tamen, aliquando carnalem imperum sub velamine spiritua-
lis nobis illudere, quando scilicet (d) „ hoc quod juste agi credi-
„ tur, sub discretionis moderamine non tenetur “: proinde gravio-
res esse & periculosiores culpas quae virtutem comitantur (e). O-
stendit deinde, Spiritum Sanctum esse verum Deum (f); & qua
ratione mobilis & stabilis sit, exponit (g). Stabilis quidem, quia
juxta quasdam virtutes semper manet (h). „ In fide enim, spe,
„ & caritate, & in bonis aliis, sine quibus ad caelestem patriam
„ non potest perveniri, sicut est humilitas, castitas, justitia, atque
„ misericordia, perfectorum corda non deserit. In prophetiae vero
„ virtute, doctrinae sacundia, miraculorum exhibitione, electis
„ suis aliquando adest, aliquando se subtrahit. Adest, ut eleven-
„ tur, & semetipsum subtrahit ut humiliantur “.

Homil. 6. Exponuntur versiculi 15. 16., 17. & media pars versiculi 18. &
in sacrae Scripturae & Evangelii praesertim commendationem excur-
rit. Et primo quidem utilitatem exponit obscuritatis sacrae Scrip-
turae, „ quia (scribit) exercet sensum, ut fatigatione dilatetur,
„ & exercitatus capiat, quod capere non posset otiosus (i) “: unde &
perfectos pascit & infirmos (k). Deinde docet, parvulis
satis esse Evangelium credere, dum perfecti ejus mysteria humiliter
scrutantur (l): ex omni enim parte aedificat, sed in his maxime
quae docet de Christo, de electis ejus membris (m), de Apostolis,
Martyribus, Pastoribus, & Doctoribus. Unum tantum dicit da-
tum Judaico populo Testamentum, sed Christianis aliud additum,
& quidem longe excellentius (n), quod tamen in veteris Testa-
menti littera latebat per allegoriam (o). Utrumque tamen, licet
tempore divisum, sensibus tamen unitum est, „ quia quod praedicat
„ Lex,

- | | |
|-------------------------|-------------------------|
| (a) <i>Ibid.</i> n. 7. | (b) <i>Ibid.</i> n. 1. |
| (c) <i>Ibid.</i> n. 2. | (d) <i>Ibid.</i> n. 3. |
| (e) <i>Ibid.</i> n. 4. | (f) <i>Ibid.</i> n. 9. |
| (g) <i>Ibid.</i> n. 10. | (h) <i>Ibid.</i> n. 11. |
| (i) <i>Ibid.</i> n. 1. | (k) <i>Ibid.</i> n. 2. |
| (l) <i>Ibid.</i> n. 7. | (m) <i>Ibid.</i> n. 8. |
| (n) <i>Ibid.</i> n. 10. | (o) <i>Ibid.</i> n. 12. |

„ Lex, hoc etiam Prophetæ; quod denuntiant Prophetæ; hoc exhibet Evangelium; quod exhibuit Evangelium, hoc prædicaverunt Apostoli per mundum (a) “. Hinc utriusque Testamenti consensus; „ quia quod designavit Testamentum vetus, hoc Testamentum novum exhibuit, . . . & utraque Testamenta ita sibi „ in Mediatore Dei & hominum congruunt, ut quod unum designat, hoc alterum exhibeat (b) “. Hinc variæ sacre Scripturæ ad corda hominum viæ: „ nam Scriptura per Legem ad corda „ hominum vadit, signando mysterium. Per Prophetas vadit paulo apertius, prophetando Dominum. Per Evangelium vadit, „ exhibendo quem prophetavit. Per Apostolos vadit, prædicando eum quem Pater pro nostra redemptione exhibuit (c) “. Animadvertit vero, novum Testamentum æternum esse, vetus vero quoad litteram mutatum (d). In sacra Scriptura staturam distinguit, altitudinem, & aspectum terribilem. „ In statura rectitudinem perceptionis agnoscit, in altitudine cælestis Regni promissionem: in aspectu vero terribili minas atque terrores supplicii sequentis; unde recta est in præceptis, alta in promissis, terribilis in minis (e) “. Quæ omnia & in Evangelio agnoscit, quod habet staturam: „ cum ad terrena (f) desideria incurvare nos prohibet . . . habet altitudinem, in qua creatus quisquis filius efficitur creatoris. Habet horribilem aspectum, cum de reprobis loquens dicit: *Ibunt hi in supplicium æternum* (g) “: quod argumentum late prosequitur usque ad hominæ finem.

Versus 18. cum quinque sequentibus exponit D. Gregorius, & multa proponit de sacre lectionis utilitate, de caritatis officiis exhibendis, & de poenitentia implenda. Et primo quidem observat, Prophetis familiare esse „ nunc ista, nunc illa (h) aspicere, & ab aliis in aliud subito verba derivare; quod (subdit) quisquis in Prophetis usum lectionis habet, quam crebro ista faciant, non ignorat “. Docet deinde, „ a nostro bono opere aliquando cavendum scandalum, aliquando vero pro nihilo contemnendum “. Quod confirmat exemplo Salvatoris, qui „ ne in (i) quorundam cordibus scandalum gigneretur, quod non debuit tributum dedit: „ & rursus quia generari scandalum in quorundam cordibus contra veritatem vidit, in suo eos scandalo remanere permisit “. Quamobrem egregie monet, „ quia in quantum (k) sine peccato possumus, vitare proximorum scandalum debemus. Si autem de veritate scandalum furnitur, utilius permittitur nasci scandalum, quam veritas relinquatur “. In animalibus vero & ambulantibus, & se se elevantibus Sanctos veros, dicit designatos, qui ambulare

H 1

- (a) *Ibid.* n. 14. (b) *Ibid.* n. 15.
 (c) *Ibid.* n. 16. (d) *Ibid.* n. 17.
 (e) *Ibid.* n. 18. (f) *Ibid.* n. 19.
 (g) *Matth.* 23. 46. (h) *Ibid.* n. 1.
 (i) *Ibid.* n. 4. (k) *Ibid.* n. 5.

^{s. GREG. M.} bulare dicuntur, quando in sacra Scriptura intelligunt, quemadmodum moraliter vivunt; elewantur vero, quando se in contemplatione suspendunt (a). Multiplicem vero sensum in una eademque sacra Scriptura contineri docet: „hinc alius sola (b) historia patitur, alius typicam, alius vero intelligentiam per typum contemplativam querit. Et fit plerumque, ut in una eademque sententia, cuncta simul tria valeant inveniri“. Mirum proinde non est, si sacra Scriptura spirituales vitam, & virtutum semina ferat: „quia per sacra eloquia (c) dono spiritus vivificamur, ut mortifera a nobis opera repellamus“. Zelum excitat (d), patientiam docet (e), ad studium predicationis accendit (f), & ad poenitentiam compungit (g). . . & „querita (h) sacra lectio talis invenitur, qualis & fit ipse a quo queritur. Ad activam enim vitam proficisci? Ambulat tecum. Ad immobilitatem atque constantiam spiritus proficisci? Stat tecum. Ad contemplativam vitam per Dei gratiam perveniri? Volat tecum. Hinc sacra Scriptura, inquit, in tenebris vite presentis facta est lumen itineris . . . obscurum tamen, nisi hoc nostris mentibus veritas illustret“. Explicans vero moraliter verba illa Ezechielis: *Pennæ eorum recte alterius ad alterum*, scribit: „tunc virtutum (i) pennas rectas esse, quando bonum quod alter habet, hoc alteri impendit: ut qui terrenam substantiam accepit, indigentis proximi inopiam sublevet: qui doctrinæ gratia plenus est, ignorantis proximi tenebras verbo suæ predicationis illustret. Sic tamen (k) debemus virtutes quas accepimus aliis impendere, ut ea in quibus peccavimus, non desinamus caute cogitare, & reatum nostrum quotidie per timorem & poenitentiam plangere“. Unde egregie concludit: „Qui & (l) sua desunt, & virtutum pennas ad proximos in exemplum tendunt, proculdubio perfecti sunt“.

HOMIL. 8.

Reliquos hujus capituli versiculos usque ad finem cum initio sequentis explicans D. Gregorius multa præclare disserit de Christi divinitate, ejus incarnatione & predicatione, nec non de ejus Ecclesiæ multiplicatione, unitate, congregatione. Exorditur itaque ostendens, post Christi predicationem Sanctorum numerum mirum in modum excrevisse, scribens: „Postquam Christi predicatio in mundo diffusa (m) est, quanti jam parvuli, quanti graviore, quanti fortes juvenes, quanti imbecilles, quantæ conversæ peccatrices, quantæ anus virgines per fidem, per spem, per amorem ad cælestia evolat, quis dicere, quis æstimare sufficiat“? Horum mentes

- | | |
|-------------------------|-------------------------|
| (a) <i>Ibid.</i> n. 8. | (b) <i>Ibid.</i> n. 10. |
| (c) <i>Ibid.</i> n. 11. | (d) <i>Ibidem.</i> |
| (e) <i>Ibid.</i> n. 12. | (f) <i>Ibid.</i> n. 13. |
| (g) <i>Ibid.</i> n. 14. | (h) <i>Ibid.</i> n. 15. |
| (i) <i>Ibid.</i> n. 21. | (k) <i>Ibid.</i> n. 22. |
| (l) <i>Ibid.</i> n. 23. | (m) <i>Ibid.</i> n. 1. |

mentes Deus implet amore celesti, & exaudit impletas (a). Observat (b), in Scripturis Deum aliquando dici nuncupative, ut cum dicitur: *Diis non detrahes* (c), idest Sacerdotibus: aliquando essentialiter, sicut ipse ad Moysen dicit: *Ego sum Deus Patris tui, Deus Abraham, Deus Isaac, Deus Jacob* (d). „Unde Paulus Apostolus volens nuncupativum Dei nomen ab essentiali discernere, de Redemptore nostro locutus est, dicens: *Quorum Patres, tres, ex quibus Christus secundum carnem, qui est super omnia, Deus benedictus in secula* (e)“. De Ecclesia vero loquens, eam castrorum aciem appellat (f), quia „ita conspiciatur, ut semper uniti fideles atque constricti nunquam interrupti per discordiam inveniantur“; nam ut subdit, „omnis virtus sine caritate non solum hosti non erit formidabilis (g), sed & in laqueum fit (h)“. In Ecclesie tamen castris plures esse pugnantium ordines dicit (i). Alia enim sunt castra predicantium... alia continentium... alia bonorum conjugatorum. In solo tamen Christo ex omnibus hominibus Deus pater sibi complacuit, quia nullam in eo culpam invenit (k). Qui sub angelis natus est, tamen super angelos exaltatus (l): & in quo utriusque naturae divinae & humanae facta est conjunctio inconsulse tamen & inseparabiliter (m). Et sic qui per divinam naturam Angelis notus erat, per assumptam humanam hominibus innotuit (n).

Homil. 9.

Secundum caput explanat, in qua expositione plurima de gratiae necessitate, de liberi arbitrii consensu & cooperatione, nec non de Scripturae interpretatione luculenter edisserit. Et primo quidem exponit, quomodo Propheta, qui timore & reverentia percussus in terram ceciderat, erectus est, & iussus stare super pedes suos, unde inferat necessitatem gratiae, ut bonum velimus, & perficiamus. Scribit enim: „Surgere (o) omnino non posset, nisi in hunc omnipotentis Dei Spiritus intrasset; quia ex omnipotentis Dei gratia ad bona opera conari quidem possumus, sed haec implere non possumus, si ipse non adjuvat qui jubet“. Hinc merito inferat: „Mala nostra solummodo nostra sunt; bona autem nostra, & omnipotentis Dei sunt, & nostra... Praeveniente ergo gratia, & bona voluntate subsequente, hoc quod omnipotentis Dei donum est, fit meritum nostrum“. Conversionis vero modum dicit talem esse, ut Deus prius homines terrendo dejiciat, postea erigat: demum erectos gratia sua roboret, & confirmet (p).

H 3

Hinc

- | | |
|--------------------------|-------------------------|
| (a) <i>Ibid.</i> n. 2. | (b) <i>Ibid.</i> n. 3. |
| (c) <i>Exod.</i> 22. 28. | (d) <i>Ibid.</i> 3. 6. |
| (e) <i>Rom.</i> 9. 5. | (f) <i>Ibid.</i> n. 6. |
| (g) <i>Ibid.</i> n. 7. | (h) <i>Ibid.</i> n. 8. |
| (i) <i>Ibid.</i> n. 10. | (k) <i>Ibid.</i> n. 21. |
| (l) <i>Ibid.</i> n. 23. | (m) <i>Ibid.</i> n. 25. |
| (n) <i>Ibid.</i> n. 28. | (o) <i>Ibid.</i> n. 21. |
| (p) <i>Ibid.</i> n. 3. | |

A. GREG. M.

Hinc animadvertit, quod „adhuc in infirmitatis (a) confusione ja-
centibus præberi non debet auctoritas prædicationis. Sed cum
jam in bono opere surgimus, cum jam recti stare cœperimus,
dignum est ut ad lucrandos alios in prædicationem mitti debeamus (b)“.

Inter apostatas enumerat non solum a fide recedentes, sed etiam
a bono opere, scribens: „Sicut (c) duobus modis a Deo reco-
ditur, ita duobus modis a Deo apostatæ homines fiunt. Nam
unusquisque a Conditoris suo aut fide recedit, aut opere. Sicut
ergo qui a fide recedit, apostata est; ita qui ad perversum opus
quod deseruerat, redit, ab omnipotente Deo apostata absque ul-
la dubietate reputatur, etiamsi fidem retinere videatur“.

Explicans Prophetæ verba: *Si forte vel ipsi audiant*, Romanæ
urbis infelicem statum describit dicens: „Nobis (d) hoc nobis
hoc aperte dicitur, qui afflicti, oblessi, conclusi, omnia quæ in
hoc mundo habuimus bona perdidimus. Urbes erutas, everfa
castra, depopulatos agros, suffossas Ecclesias videmus: & ta-
men adhuc parentes nostros ad iniquitates sequimur, ab eorum
elatione quam vidimus, non mutamur. Et illi quidem inter
gaudia, nos vero, quod est gravius, inter flagella peccamus“.

Docet, alios admonenti adesse debere, si quidem superior est,
humilem auctoritatem (e); si vero inferior, liberam humilitatem;
nam quandoque sub auctoritate superbia, & humanus timor sub hu-
militate se palliant, unde subdit: „Discernenda (f) semper sunt
libertas & superbia, humilitas & timor, ne aut timor humilita-
tem, aut superbia se libertatem fingat“. Quamobrem recte sub-
dit: „In (g) omne quod de nobis dicitur, semper taciti recurre-
re ad mentem debemus, interiorum testem, & iudicem quære-
re. Quid enim prodest si omnes laudent, cum conscientia ac-
cuset? Aut quid poterit obesse, si omnes nobis derogent, &
conscientia sola nos defendat“?

Detrahentium nobis linguas aliquando despiciendas docet, ali-
quando compescendas, scribens: „Linguas (h) detrahentium sicut
nostro studio non debemus excitare ne ipsi pereant, ita per suam
malitiam excitatas debemus æquanimitèr tolerare, ut nobis me-
ritum crescat: aliquando autem etiam compescere, ne dum de
nobis mala diffeminant, eorum qui audire nos ad bona poterant,
corda innocentium corrumpant“.

Illis qui privatæ gloriæ non tanguntur amore, concessum esse
potest, ut suas virtutes prædicent. Sed eos, ut monet, „aut (i)
proximorum utilitas, aut certe nimia necessitas cogat“. Quod
exem-

- | | |
|-----------------------------|-------------------------|
| (a) <i>Ibid.</i> n. 4. | (b) <i>Ibid.</i> n. 4. |
| (c) <i>Ibid.</i> n. 6. | (d) <i>Ibid.</i> n. 9. |
| (e) <i>Ibid.</i> n. 12. | (f) <i>Ibid.</i> n. 13. |
| (g) <i>Ibid.</i> n. 15. | (h) <i>Ibid.</i> n. 17. |
| (i) <i>Ibid.</i> n. 19. 20. | |

exemplo confirmat Apostoli ad Corinthios, cum virtutes suas enumerasset scribentis: *Factus sum insipiens, vos me coegistis* (a). Subverlores vero, qui a fide & opere alios subvertunt (b), ut regnum quod ipsi appetere non volunt, nec alter assequatur, assimilat scorpionibus, qui palpano incedunt, sed cauda feriunt, nec mordent a facie, sed a posterioribus nocent: & apibus, quia loquendo dulcedinem mellis proponunt, sed occulte feriendo vulnus inferunt: & igni in spinis, quia per flammam detrahentium non iustorum vita comburitur, sed si quæ in eis esse poterant peccatorum spine concremantur.

S. GREG. M.

Sacram Scripturam designatam dicit in libello involuto, & expanso com Ezechiele, scribens: „Per librum (c) quem accepit, „Scripturæ sacræ paginæ designantur. Liber autem involutus, „est Scripturæ sacræ eloquium obscurum, quod profunditate sententiarum involvitur, ut non facile sensu omnium penetretur. „Sed com Propheta liber expanditur, quia coram prædicatoribus faci eloqui obscuritas aperitur“. Est autem liber scriptus intus & foris: „intus per allegoriam, foris per historiam & præcepta moralia (d)“. Denique homiliam claudens monet, ad verba sacræ Scripturæ evigilandum, ut mala quæ egisse meminimus, fletius puniamus, ut per lamenta poenitentiae perveniamus ad carmen viæ (e).

Homil. 10.

Priores quindecim versiculos capituli tertii explicandos assumit D. Gregorius in hac homilia, in qua iterum sacræ Scripturæ assiduam lectionem, meditationem, prædicationem inculcat. Et primo quidem obserat, sacram Scripturam & magnis & parvulis loqui (f). In ea & potum haberi, & cibum; in obscurioribus quidem cibis, in apertioribus verò potus (g). Illa proinde nos Deus cibat; „se hoc ipsum sumere (scribit), nostrarum virium non est, nisi se cibaverit, qui ut comedatur iussit (h)“: proinde a sacra lectione nonnulli jejuni adhuc sunt, „quia etsi venter comedit, vñera (i) non replentur: quia etsi mente intellectum sacri verb percipiunt, obliviscendo & non servando quæ audierint, hæ in cordis visceribus non reponunt. Qui vero sacræ doctrinæ deo pinguescunt, alios quoque suaviter pascunt (k); dummodo amen Dei verba, non sua loquantur, idest, ut exponit, non auditoribus placere, sed caritatis ædificationem requirant (l)“.

Per attritam frontem designari dicit in Scripturis impudentiam, quam inducit culpa frequens, vel etiam morum sæcularium con-

H 4

suetu-

- | | |
|-----------------------|------------------|
| (a) 2. Corin. 12. 11. | (b) Ibid. n. 21. |
| (c) Ibid. n. 29. | (d) Ibid. n. 30. |
| (e) Ibid. 34. 35. | (f) Ibid. n. 1. |
| (g) Ibid. n. 3. | (h) Ibid. n. 5. |
| (i) Ibid. n. 7. | (k) Ibid. n. 12. |
| (l) Ibid. n. 14. | |

S. GREG. M. suetudinem (a), & de bono opere erubescens (b). Præfules proinde monet, ut a correptione nos cessent propter delinquentium superbiam vel humilitatem (c); nec peccatorum vultus formident (d); nec animo despondeant, licet non audiantur, dum peccantes corripiunt (e).

In peccatoribus formidandam dicit securitatem, per quam quieti in peccatis jacent (f): utilis proinde illis commotio (g), qua incipiant cognoscere quæ sint supplicia æterna, quam subtilis examinatio de singulis quibusque peccatis, unde contremiscant, & impleantur gemitibus. Et sic qui prius fuerant Dæmonum receptacula per culpam, cum sibi metipsi irati per poenitentiam redeunt ad vitam, gloriæ Domini locus sunt (h).

Sancti se invicem ad profectum accendunt, in quibus i Deo divisiones gratiarum sunt, ut in eis foveatur humilitas (i); & alter alterum reveritus sibi vilescat. Sic Paulus Apostolus miatus aliorum Apostolorum innocentiam, suam præcedentem malitiam humiliter confessus est; & S. Petrus miratus in Paulo sapientiam illum commendavit (k).

Animadvertit, nonnullos esse in Ecclesia Dei quos Spiritus quidem elevat, nec tamen assumit, „ quorum videlicet intellectus „ ad spiritualia (l) emicat, sed tamen vita in factis canalibus re- „ manens, intellectui non concordat. Balaam namque pr prophetiæ spiritum elevatus erat, sed assumptus non erat: aia & ve- „ raciter potuit longe post futura prospicere, & tamen a terrenis „ desideriis mentem noluit separare “.

Homil. II.

Quinque subsequentes versiculos ejusdem capitis 3. exponit in hac homilia, in qua de officio pastoralis, nec non de connexis prælatorum & subditorum criminibus, ac de mentis obsecratione disserit. Et primo quidem in Sacra Scriptura, & præsertim Prophetarum libris sicut aliquando verbis res, ita aliquando verba rebus exponuntur, ut eorum non solum dicta, sed etiam res gestæ prophetiæ sint. Unde acervum novarum frugum (m) designare dicit illos, qui ex Judæis & Gentilibus in Christo credere.

Deinde de prædicatoribus loquens ostendit, quod si senter audiri velint, auditoribus compatiuntur (n); & bene loqui noverint, si noverint benefacere (o): & cum sint speculatores fcti, non debent in imo jacere, sed in altitudine stare, ut longe prospiciant (p): immo & eorum vita alta esse debet, & circumspccta;
alta

(a) *Ibid.* n. 16.

(c) *Ibid.* n. 18.

(e) *Ibid.* n. 23.

(g) *Ibid.* n. 28.

(i) *Ibid.* n. 32.

(l) *Ibid.* n. 42.

(n) *Ibid.* n. 2.

(p) *Ibid.* n. 4.

(b) *Ibid.* n. 17.

(d) *Ibid.* n. 19.

(f) *Ibid.* n. 27.

(h) *Ibid.* n. 29.

(k) *Ibid.* n. 33.

(m) *Ibid.* n. 1.

(o) *Ibid.* n. 3.

alta quidem, ne terrenarum rerum amore succumbat; & circumspēcta, ne occultis hostis jaculis feriat (a); & ardeant ipsi prius, ut alios succendere valeant; sint in loquendo & arguendo discreti; & prius aures Deo aperiant, quam os populo (b): prius ad fidem populos erudiant, deinde ad piam vitam hortentur (c): cogitent quid loquantur (d), & quibus loquantur (e): quando loqui debeant (f), & qualiter (g), & quantum (h): attendant quid sit in loquendo periculosius (i): & quomodo alii leviter, alii asperius sint arguendi; eapropter aliquando prius laudent, & postmodum reprehendant ad modum periti medici, qui prius diu vulnus palpat, postea secat (k). Quod confirmat exemplo Pauli, qui prius laudat Corinthios, postea reprehendit, & in Galatas vehementer invehitur; nam mentes duriores, nisi sint aperta increpatione percussæ, nullo modo malum cognoscunt, quod egerunt (l). Iustos quoque (m) monere debent, unde prædicator egregius D. Paulus dicebat: *Sapientibus, & insipientibus debitor sum* (n).

S.GREG. M.

De peccatis vero loquens animadvertit, quod peccatum quod per penitentiam non deletur, & peccatum est, & causa peccati: peccatum quidem in se; causa vero peccati, quia ex illo oritur, unde (o) adhuc peccatoris animus altius obligetur. Aliquando est, simul peccatum & poena peccati, quia excrecente cecitate, ex retributione prioris culpæ generatur, ut quasi jam quædam sint in peccatore supplicia, ipsa incrementa vitiorum. Aliquando simul peccatum est, & causa peccati, & poena peccati, ut cum quis rem proximi concupiscit, quam quia aperte non valet, furto diripit, sed in furti accusatione positus, se hanc diripiisse jurejurando denegat. Huic ergo concupiscentia peccatum fuit, & causa peccati, quia per eam pervenit ad rapinam... Sed quia furtum perjurio tegere curavit, ex peccato rursus peccatum genuit. Hinc ex peccatis obsecrationem oriri docet, per quam, in peccatum rursus a Deo (p) impellitur, non quidem ad peccatum premendo, sed a peccato liberare nolendo, sicut obdurare dicitur, cum ab obduratione non liberat.

Denique homiliam claudit ostendendo, quantum Pastoribus etiam vigilantioribus sit formidandum, ne terrenæ cogitationes in eorum cordibus crescant (q): sunt enim variis cogitationibus & motibus obnoxii (r). Lugere debent cum lugentibus, gaudere cum gau-

(a) *Ibid.* n. 7.(b) *Ibid.* n. 8.(c) *Ibid.* n. 11.(d) *Ibid.* n. 12.(e) *Ibid.* n. 13.(f) *Ibid.* n. 14.(g) *Ibid.* n. 15.(h) *Ibid.* n. 16.(i) *Ibid.* n. 17.(k) *Ibid.* n. 18.(l) *Ibid.* n. 20.(m) *Ibid.* n. 22.(n) *Rom.* 1. 14.(o) *Ibid.* n. 24.(p) *Ibid.* n. 25.(q) *Ibid.* n. 26.(r) *Ibid.* n. 27.

S. GREG. M. gaudentibus, & vestimenta mutare, idest varios mentis habitus induere (a).

Homil. 12.

Ceteros explicat capitis tertiū versiculos, & quatuor priores sequentis capitis 4. in hac homilia, in qua varia præcepta utilia prædicatoribus & auditoribus verbi Dei tradit. Exorditur itaque a vocatione Gentium ad fidem, quibus revelata fuit gloria Dei Judæis prius cognita (b). „ Verum Evangelii prædicatio a Judæo populo ablata, in latitudinem gentium sparsa est. Sed tamen „ in fine mundi dum Judæi ad fidem redeunt, in suo populo rursum prædicatio inhabitabit. Proinde Antichristi tempore ab eis „ gentibus quæ in infidelitate remanserint, plebs conversa Judæorum, duris persecutionibus angustatur “.

Prædicatores deinde monet, ut si ad prædicationem exeunt, ad se postea redeant, „ quatenus in his quæ dicunt, quales etiam ipsi sint, intra conscientiam agnoscant (c). Et ut ab elatione caveant (d), & de sua infirmitate humiliter gemant (e). Quando tacere debeant, docet (f); & quando rebelles veritati premere (g).

Ostendit etiam, qua ratione Prædicatoribus Deus loquendi donum aut concedat, aut subtrahat. „ Nam (scribit) aliquando (h) „ propter malos auditores tollitur sermo doctoribus. Aliquando „ propter bonos auditores datur sermo doctoribus etiam malis “. Cum vero datur, ad docentium, & audientium profectum maxime tribuitur. Duplici aure, corporis scilicet, & cordis Dei verbum audiendum monet. „ Quidam (i) enim verbum audientes non „ audiunt: quoniam aurem ad sacrum eloquium ponunt, sed cor „ a mundi desideriis non evellunt “. Prædicatorum zelus, licet eos cruciet, necessarius tamen est, & utilis: „ Nam (scribit) „ spiritalis zelus (k) doctoris animam frigit; quia valde cruciatur „ dum infirmos quosque æterna deferere, & rebus temporalibus „ delectari conspiciat. Nullum (l) tamen omnipotenti Deo tale „ est sacrificium, quale est zelus animarum, nec sacrificium solum, sed & holocaustum. Simila in sartagine est munda mens „ iusti in zeli spiritalis afflictione, quæ per sollicitudinem animarum frigitur, & non solum sacrificium, sed etiam holocaustum Domino esse deputatur “. Animadvertit tamen esse caritate & humilitate condiendum (m), & timore ac vigilantia muniendum (n).

**Pars altera
Homiliar. in
Ezechielem.**

Cum totam Ezechielis Prophetiam se explanare non posse animadvert-

(a) *Ibid.* n. 28.

(c) *Ibid.* n. 10.

(e) *Ibid.* n. 13.

(g) *Ibid.* n. 14.

(i) *Ibid.* n. 19.

(l) *Ibid.* n. 30.

(n) *Ibid.* n. 32.

(b) *Ibid.* n. 1. & 2.

(d) *Ibid.* n. 12.

(f) *Ibidem.*

(h) *Ibid.* n. 16.

(k) *Ibid.* n. 29.

(m) *Ibid.* n. 31.

adverteret D. Gregorius, a capite 4. ad 40. transiliit, explanaturus extremam illam visionem Prophetæ ostensam de ædificio in monte constituto, quam præ cunctis aliis visionibus obscuriorem esse fateatur. Cujus explanationem adhuc difficiliorem sibi reddi scribit, „ quod jam (a) Agilulphum Langobardorum Regem ad obsidionem nostram summo opere festinantem, Padum transisse cognovimus. Unde pensate . . . in caliginosis ac mysticis sensibus „ penetrare quid valeat mens misera, timoris sui perturbationibus „ occupata “.

S. GREG. M.

In prima itaque homilia tres priores versiculos, & partem quarti explanare aggreditur, & multa de Christo, & Ecclesia, nec non de electis, & de occultis Dei judiciis late proponit. Primo itaque tempus statuit habitæ a Propheta visionis, anno scilicet vigesimo quinto captivitatis suæ Babylonicæ (b). Deinde monet, „ ea quæ accipi in Sacra Scriptura secundum (c) historiam „ non possunt, plerumque spiritualiter esse intelligenda; ut fides habeatur beatur in veritate historiarum, & spiritalis intelligentia capiat de „ mysteriis allegoriæ “.

Homil. 1.

Per montem excelsum, in quo erat quasi ædificium civitatis, designatum dicit „ Christum Jesum Mediatorem Dei & hominum „ (d); unde & recte mons super verticem montium dicitur; quia „ excelsus ex divinitate sua inventus est, etiam super cacumina „ Sanctorum. Est autem (e) totius ædificii fundamentum: nam „ omne pondus fabricæ fundamentum portat, quia mores simul omnium solus Redemptor noster tolerat . . . Portat fundamentum lapides, & a lapidibus non portatur; quia Redemptor noster omnia nostra tolerat, sed in ipso malum non fuit quod tollerari debuisset . . . qui formam servi accipiens (f), fragilitatem „ carnis humanæ per resurrectionis suæ gloriam vertit in æternitatem, quia in eo caro facta est sine fine durabilis “. Prædicare aliis jubet, ut cum Paulum Apostolum per apparentem virum Macedonem admonere dignatus est, ut Macedoniam adiret prædicationis gratia: & aliquando volentes prædicare prohibet, ut cum „ volentes Apostolos ad prædicandum ire in Asiam non permisit spiritus Jesu (g) “. Similiter invitos aliquando trahit, aliquando volentes sequi repellit (h). Christum ex parte visibilem dicit, scilicet per incarnationem, ex parte invisibilem ob divinitatem (i). Idcirco vero incarnatus, & visibilis factus est, „ ut nos ad spirituale ædificium, idest ad sanctæ Ecclesiæ fidem introduceret (k) “. Denique sic homiliam claudit: „ Nos itaque (l) fratres carissimi, „ qui

(a) In Prologo.

(b) Ibid. n. 1.

(c) Ibid. n. 3.

(d) Ibid. n. 4.

(e) Ibid. n. 5.

(f) Ibid. n. 9.

(g) Ibid. n. 12.

(h) Ibid. n. 13.

(i) Ibid. n. 15.

(k) Ibid. n. 10.

(l) Ibid. n. 18.

S. GREG. M.

„ qui jam per Redemptoris nostri mortem ac resurrectionem, at-
 „ que ad celos ascensionem gaudia æterna didicimus . . . in hoc
 „ sanctæ Ecclesiæ ædificio stantes oculos in porta teneamus: demus
 „ terga mentis huic corruptioni vitæ temporalis, intendamus cor-
 „ dis faciem ad cælestis patriæ libertatem “.

Homil. 2.

Quantum & quintum exponit versiculum capituli 40. in qua ex-
 positione multa habet de utriusque vitæ activæ & contemplativæ
 statu & perfectione, & abunde moralia spargit documenta (a).
 Et primo quidem hanc explanationem non temeritate, sed humi-
 litate duce se aggredi humillime confitetur, & plerumque multa in
 sacro eloquio, quæ solus intelligere non poterat, coram fratribus
 positum Deo donante intellexisse, ut sciret ex quorum merito intel-
 lectus daretur. Deinde ostendit (b), quantum carnales oculi a
 spiritualibus discrepent: illi enim nonnisi visibilia cernunt, isti
 invisibilia. Monet tamen ut qui contemplationi oculos aperit, &
 ad suprema contemplanda elevaratur (c), semper propriæ memor sit
 infirmitatis, quia eapropter Deus eum temptationibus fatigari permit-
 tit. Qui vero ad spiritualia (d) intelligenda proficit, meminerit
 & cæteris quæ intellexerit communicare.

Activæ vero vitæ officia describens dicit ad eam pertinere „ pa-
 „ nem esurienti (e) tribuere, verbum sapientiæ nescientem docere,
 „ errantem corrigere, ad humilitatis viam superbientem pro-
 „ ximum revocare, infirmantis curam gerere, quæ singulis quibulque
 „ expediant dispensare, & commissis nobis qualiter subsistere va-
 „ leant providere “. Contemplativæ vero vitæ munia sic descri-
 bit: „ Ad eam pertinet caritatem quidem Dei & proximi tota
 „ mente retinere, sed ab exteriori actione quiescere, soli desiderio
 „ conditoris inhærere, ut nihil jam agere libeat, sed calcatis curis
 „ omnibus, ad videndam faciem sui Creatoris animus inardescat ...
 „ noverit carnis corruptibilis pondus cum mœrore portare, totisque
 „ desideriis appetere illis hymnidicis Angelorum choris interesse,
 „ admisceri cælestibus civibus, de æterna in conspectu Dei incor-
 „ ruptione gaudere “. Utramque vero vitam per Mariam & Mar-
 tham designatam dicit, nec non per Liam, & Rachelem (f).

Duplicis vero hujus vitæ ordinem dicit esse, „ ut ab (g) acti-
 „ va in contemplativam tendatur: ita tamen plerumque a con-
 „ templativa animus ad activam reflectitur, ut per hoc quod con-
 „ templativa mentem accenderit, perfectius activa teneatur “. Es-
 se vero dicit in contemplativa vita magnam mentis contentio-
 nem (h), sed & magnum profectum, quia Deus per contempla-
 tionem cognitus, omnem in nobis carnis voluptatem atrefcit.
 Contemplativæ vitæ dulcedinem valde amabilem esse, quæ super
 semetipsam animam rapit, cælestia aperit, terrena esse debere con-
 tem-

(a) *Ibid.* n. 1.(b) *Ibid.* n. 2.(c) *Ibid.* n. 3.(d) *Ibid.* n. 4.(e) *Ibid.* n. 8.(f) *Ibid.* n. 9. & 10.(g) *Ibid.* n. 11.(h) *Ibid.* n. 12. 13.

temptui ostendit, & spiritualia mentis oculis patefacit, & corporalia abscondit. Et licet (a) quamdiu in hac mortali carne vivitur, nullus ita in contemplatione proficiat, ut in ipso jam incircumscripto luminis radio mentis oculos insigere valeat, nihilominus quiddam speculatur anima, unde & reforta proficiat, & post ad visionis ejus gloriam pertingat.

S. GREG. M.

In trium sequentium versiculorum 6. 7. & 8. explicatione, D. Gregorius Ecclesie adificium ex jussis utriusque Testamenti constructum describit. Et primo quidem ostendit, Christum nobis factum januam Regni celestis, quia *nemo venit ad Patrem, nisi per me* (b). Virtutes autem gradus esse dicit, per quos ad hanc portam ascendimus. Harum vero virtutum aliud sunt exordia, aliud provectus, aliud perfectio (c); & per hos gradus Petrum crevisse ostendit (d). Hujus autem spiritualis portae limen illos designat antiquos Patres, ex quorum progenie Dominus incarnari dignatus est (e). Partes autem adificii, idest Ecclesie, dicit etiam esse minus perfectas, modo timoris, & amoris fundamento sustineantur (f). Coalescit vero, & una est ex utriusque Testamenti jussis: nam prioris Testamenti electi „sicut nos in præterita passio-
„ne Redemptoris nostri, ita illi per fidem in eadem ventura sunt
„salvati (g)“. Veterum vero justorum exempla nobis prodesse plurimum ostendit, quia dum eos fortiter egisse cognoscimus, & ipsi ad fortitudinem bonæ operationis accingimur, & Sanctorum exemplorum flamma animus legentis incenditur (h). Est autem in Ecclesia turris cum propugnaculis ædificata, „quia in Scriptura
„Sacra, & sub (i) miraculis patrum a jaculis adversitatis abs-
„condimur, & conversationis sanctæ munimina etiam in manu o-
„peris tenemus“.

Homil. 3.

Nonum versiculum & sequentes usque ad duodecimum explicat, & morales, atque allegoricos ex illis sensus depromit in hac homilia. Et statim in principio per interius vestibulum designatam dicit æternæ vitæ latitudinem, quæ modo inter angustias vitæ præsentis jam per spem mente concipitur (k). Ad illam perveniri docet per duplicem caritatem, Dei scilicet & proximi: quæ diversitates mentium accendit, concremat, constat, & quasi in unam auri speciem reformat (l). Veteris vero Testamenti Patres amore Trinitatis accensos dicit; „neque enim Deum dilige-
„rent, si ejusdem Trinitatis, quæ Deus est, gratiam non acce-
„pissent“. Hinc eadem fuit in antiquis patribus, & in novis doctoribus fides, spes, caritas (m); & fides quidem in Mediatorem,

Homil. 4.

(a) Ibid. n. 14.

(b) Ibid. n. 1.

(c) Ibid. n. 3. 4.

(d) Ibid. n. 6.

(e) Ibid. n. 7.

(f) Ibid. n. 13.

(g) Ibid. n. 16.

(h) Ibid. n. 19.

(i) Ibid. n. 23.

(k) Ibid. n. 1.

(l) Ibid. n. 3.

(m) Ibid. n. 4.

S. GREG. M. rem, & una spes, quia eandem sperabat quietis æternæ retributionem. Disparem tamen dicit fuisse in antiquis Patribus doctrinæ celestis cognitionem; nam per incrementa temporum crevit scientia spiritualium Patrum. Plus namque Moyses quam Abraham, plus Prophetæ quam Moyses, plus Apostoli quam Prophetæ in omnipotentis Dei scientia eruditi sunt (a). Novum testamentum veteri præcellere ostendit. Nam in veteri fœdere fidem Trinitatis licet aliqui obtinuerunt, eam tamen minime prædicarunt: ut in novo omnibus Christianis innotuit (b). Et quia cuncta quæ de Christo prænnuntiata sunt in veteri Testamento, in novo Testamento opere completa cognoscimus, „ ut quæ intelligi audira non poterant, visa panderentur. Ibi quippe incarnatio, ibi passio, ibi mors, ibi resurrectio, ibi ascensio illius continentur (c) “. Et per incarnationem Verbi plurima sunt nobis collata beneficia. „ Caro enim factus est, ut nos spirituales faceret: benigne inclinatus est, ut levaret: exiit ut introduceret: visibilis apparuit: ut invisibilia monstraret: flagella pertulit, ut sanaret: opprobria & irrisiones sustinuit, ut ab opprobrio æterno liberaret: mortuus est, ut vivificaret (d) “.

Homil. 1. Postremam duodecimi versiculi partem, & subsequentes usque ad decimum septimum versum exponit, atque multa de contemplatione depromit. Et primo quidem ostendit, ex fidelibus alios, „ omnipotentem Deum ita amare, ut & in opere perfecti sint, & in contemplatione suspensi . . . quidam vero omnipotentem quidem Deum diligunt, & perfecte in bonis operibus exercentur; sed tamen contemplari ejus magnitudinem subtiliori intellectu nesciunt (e) “. In contemplatione deinde varios gradus designat. Primus, ut se ad se colligat mens nostra (f). Secundus, ut videat qualis est collecta. Tertius, ut supra semetipsam surgat, ac se contemplationi auctoris invisibilis intendendo subiciat. Contemplationi ineptos dicit, qui adhuc exteriora immoderatus cogitant; nam quæ sint de æterno lumine rimæ contemplationis ignorant. Est etiam necessaria humilitas ad contemplationem obtinendam (g). Nunquam tamen contemplatio fuit ulli fidelium conditioni denegata: „ non enim solis summis datur, & minimis, non datur, sed sæpe eam summi, sæpe minimi, sapius remoti, aliquando etiam conjugati recipiunt (h) “. Immo & illi, qui despectu humanis oculis apud se sapientiæ studiis vacant, & ad celestia anhelant (i). In contemplatione vero multa cogitationibus circumeundo proficimus, sicut exempla bonorum sæpe querimus, ut in moribus proficiamus (k).

Homil.

- | | |
|-------------------------|-----------------------------|
| (a) <i>Ibid. n. 12.</i> | (b) <i>Ibid. n. 10. 11.</i> |
| (c) <i>Ibid. n. 19.</i> | (d) <i>Ibid. 20.</i> |
| (e) <i>Ibid. n. 1.</i> | (f) <i>Ibid. n. 9.</i> |
| (g) <i>Ibid. n. 18.</i> | (h) <i>Ibid. n. 19.</i> |
| (i) <i>Ibid. n. 20.</i> | (k) <i>Ibid. n. 21.</i> |

Homiliam denique claudit ostendendo, miracula non esse certa sanctitatis argumenta (a); nam „mira agere, virtutes multas facere, leprosos mundare, dæmonia ejicere, tactu egritudines corporum fugare, prophetiæ spiritu ventura cuncta prædicere: necdum palmarum sunt, sed adhuc pictura palmarum: nam hæc aliquando dantur & reprobis“. Discrimen vero inter miracula a Sanctis & reprobis patrata hic assignat: „quia quod electi ex caritate, hoc reprobi student agere per elationem.“

Tres sequentes versus explicantur in hac homilia, in qua quantitas in Christianis, ac præsertim in Apostolis perfectio eluxerit, declarat. Primo itaque dicit, in contemplatione ea videri, quæ verbis exprimi non possunt: in scientia vero ea tantum contineri, quæ lingua valet exprimere (b). Scientiæ vero discrimen a sapientia in eo assignat, quod „qui per donum gratiæ & ipsa intelligunt, quæ exponi a doctoribus non audierunt: hi sermonem sapientiæ percipiunt... Qui vero per semetipsos intelligere audita nequeunt, sed ea quæ in expositioribus legerint, retinent, . . . hi nonnisi sermone scientiæ pleni sunt (c)“. Hinc subdit, illam ad mores, hanc ad doctrinam pertinere.

Prædicatores designatos dicit in portis ex sculptis lapidibus compositis: „quia (scribit) hi per quorum (d) nos vocem ad vitam æternam ingredimur, sancta opera, quæ divinitus præcepta sunt, dum in semetipsis ostenderent, quasi in se sculpta tenuerunt. Portæ etenim non sculptæ, sed puræ essent, si vocem quidem promerent, sed sancta in se opera non demonstrarent“. Hinc deducit, & auditores ex prædicatorum doctrina, & prædicatores ex auditorum vita proficere, quia „doctores boni (e) in sanctæ eruditionis verbis modo fomentis dulcedinis, modo asperitate increpationis invigilant, ut auditorum suorum vitam a vitiis defendant, & sæpe ipsi doctores cum bonorum auditorum vitam considerant, eamque profecisse suis exhortationibus pensant, erubescunt tales non esse, quales auctore Deo per se conspiciunt alios factos esse“.

Apostolorum deinde præstantiam prædicat. In Paulo obsistente fortitudinem, & in Petro reprehensorem laudante summam modestiam miratur (f): unde primus in Apostolatus culmine, prior fuit & in humilitate. Nec eos audiendos dicit, qui alium quam Petrum Apostolum a Paulo correptum fingunt (g); sicut nec illos, qui secundam ejus epistolam, in qua epistolæ D. Pauli laudantur, ipsi abjudicant (h). Postea Pauli celebrat mansuetudinem (i), qua Corinthios ad misericordiam perduxit (k). S. quoque

- | | |
|-------------------------|-------------------------|
| (a) <i>Ibid.</i> n. 22. | (b) <i>Ibid.</i> n. 1. |
| (c) <i>Ibid.</i> n. 2. | (d) <i>Ibid.</i> n. 4. |
| (e) <i>Ibid.</i> n. 6. | (f) <i>Ibid.</i> n. 9. |
| (g) <i>Ibid.</i> n. 10. | (h) <i>Ibid.</i> n. 11. |
| (i) <i>Ibid.</i> n. 12. | (k) <i>Ibid.</i> n. 13. |

S. GREG. M.

Homil. 6.

S. GREG. M. que Stephanum laudat, qui zelo ita fervebat, ut eis a quibus tenebatur (a) perfidiæ suæ impropria fiducialiter diceret, & sic simul diligeret, ut in morte quoque pro eis, a quibus moriebatur, oraret.

Plura deinde intermiscet de fidei a contemplatione discrimine (b): de divitum indigentia in copia rerum: de hypocritarum irritis laboribus (c): de infusa Dei misericordia in Gentiles (d): & denique homiliam claudit malorum Romæ & Italix descriptione (e): & observat Romanos, qui totum orbem prius prædati fuerant, ipsos postmodum in prædam gentibus datos esse (f).

Homil. 7. Explanat morali sensu septem subsequentes versiculos, idest a 20. usque ad 27. multaque exponit de Spiritus Sancti donis, & de gradibus ad ea ducentibus, nec non de vera perfectione, bonorumque operum necessitate. Primo itaque observat, in Sacra Scriptura unum eundemque sermonem non semper rem eandem significare, quod exemplo comprobatur, scribens: „Aliquando (g) sol in „bono, aliquando vero accipitur in malo. Solis etenim nomine „aliquando ipse Redemptor noster signatur, aliquando persecutio. „In priori sensu sumitur, cum dicitur: *Sol justitiæ non illuxit nobis* (h): in altero vero, cum dicitur de jactis seminibus: *Orto sole „aruerunt* (i): quia videlicet facta persecutione in reproborum „cordibus prædicationis verba siccantur“. Quod confirmat nomine *Leo*, quod & ad Christum significandum adhibetur, cum dicitur: *Vicit Leo de tribu Juda* (k); & diaboli similitudo exhibetur, cum dicitur: *Adversarius vester diabolus, sicut leo rugiens, circuit querens quem devoret* (l).

Postea Pastores monet, ut sedulo suas oves inspiciant, & considerent vel quantum in longitudinem spei, vel quantum in latitudinem caritatis ex ejus instructione proficiant (m): plus exemplis, quam ratiocinationis verbis compungant.

Per septem gradus, per quos ad portam ascendebatur, designatam dicit sepriformem gratiam, qua aditus nobis vitæ cælestis aperitur. Sunt autem dona Spiritus Sancti, ut ab Isaja enumerantur, sapientia, intellectus, consilium, fortitudo, scientia, pietas, & timor Domini, „quæ tamen enumerata dicit descendendo magis quam „ascendendo. Nam a timore ad sapientiam ascenditur, non autem a sapientia ad timorem reditur (n)“. Monet tamen, quod nisi prius humilitatem habuerit, ad hos gradus donorum spiritualium

(a) *Ibid.* n. 14.

(b) *Ibid.* n. 16.

(c) *Ibid.* n. 17.

(d) *Ibid.* n. 21.

(e) *Ibid.* n. 22.

(f) *Ibid.* n. 23.

(g) *Ibid.* n. 1.

(h) *Sap.* 5. 6.

(i) *Matth.* 13. 6.

(k) *Apoc.* 5. 9.

(l) *1. Per.* 5. 8.

(m) *Ibid.* n. 2.

(n) *Ibid.* n. 7.

lium non ascendit (a); sicut & fides est prævia ad illa necessaria, „ quia prius ad fidem venimus (b), ut postmodum per spiritua-
 „ lium donorum gradus cælestis vitæ aditum intremus. Non enim
 „ per virtutes venit ad fidem, sed per fidem pertingitur ad vir-
 „ tutes “; & sine fide bona opera esse non possunt: per hæc ta-
 „ men in fide proficimus. Sed ad perfectionem nonnisi studio & con-
 „ tentione ascendimus, ad quam consequendam, „ qui curis hujus
 „ mundi inserviunt, minime sunt expediti (c) “. Immo aliquan-
 „ do evenit plurimis, „ ut cum se (d) viderint magno cælestis gra-
 „ tiæ munere compunctos, jam se perfectos existiment, & obe-
 „ dientes putent; sed quia nullus est qui dura præcipiat, patien-
 „ tes esse se credunt, sed quia nemo eos per contumelias & ad-
 „ versitates pulsatur, & plerumque contingit, ut spiritale ministe-
 „ rium vel inviti suscipiant, atque ad gubernationem fidelium de-
 „ ducantur. Qui cum magnis tribulationibus fuerint hinc inde pul-
 „ sati, turbati mente, sese imperfectos inveniunt, qui non pulsa-
 „ ti, perfectos se esse crediderunt “.

De bonis vero operibus loquens, iterum repetit, bona opera si-
 „ gnis esse præstantiora, & in ipsis aliquando alacriores esse pœni-
 „ tentes ipsis innocentibus (e). Monet etiam, ut „ nostris mentibus
 „ adsit in adversis fiducia, & in prosperis timor; ne aut adversa
 „ in desperationem pertrahant, aut prospera animum in sua fidu-
 „ cia extollant (f). Ars est aliqua (scribit) humiliari (g),
 „ & abundare, satiari & esurire, quæ toto nobis cordis est ad-
 „ nisu discenda “.

Docet etiam „ abundantiam (h) superbiæ vicinam esse; quam
 „ si quando etiam cupiditas intercepit, hanc, ut ita dixerim, quasi
 „ peregrina captivitas invasit. Si igitur abundandi artem scire vo-
 „ lumus, necesse est, ut non solum ea quæ vicina sunt, sed ea et-
 „ iam quæ de longinquo veniunt, vitia fugiamus “. Observat
 „ tamen, quod in via brevi, magna est nobis in hoc itinere socia
 „ paupertas, quæ animum non angustat, cui deest terrena substan-
 „ tia, de qua æterno iudici rationes ponamus “. Denique homi-
 „ liam claudit monens, „ ut iram atque avaritiam (i) in adversita-
 „ te fugientes, & elationem & immoderata gaudia in prosperitate
 „ declinantes, per fidem, spem, atque caritatem, interioris vitæ
 „ attrium tribus portis intrare concupiscamus “.

Undecim sequentes versiculos exponit D. Gregorius in hac octa-
 „ va homilia, alios quidem breviter, alios fusius, pluresque intermi-
 „ scet morales doctrinas, & dogma de carnis resurrectione propu-
 „ gnat. Et primo quidem breviter percurrit priores versiculos, quia
 Tricalet. Tom. VII. I in-

- | | |
|-------------------------|-------------------------|
| (a) <i>Ibid.</i> n. 8. | (b) <i>Ibid.</i> n. 9. |
| (c) <i>Ibid.</i> n. 11. | (d) <i>Ibid.</i> n. 12. |
| (e) <i>Ibid.</i> n. 14. | (f) <i>Ibid.</i> n. 15. |
| (g) <i>Ibid.</i> n. 16. | (h) <i>Ibid.</i> n. 18. |
| (i) <i>Ibid.</i> n. 20. | |

S.GREG. M.

inquit: „ Ea in tribus (a) portis interioribus replicantur secundo „ jam, vel tertio de exterioribus dicta quæ sunt. Pauca vero in „ earum descriptione permutantur. Unde necesse est ea nos, quæ „ jam dicta sunt, legendo transcurrere, ut ea, quæ necdum dicta „ sunt, licentius possimus enodare “. Deinde observat per portas „ exteriores designatos „ antiquos (b) patres fuisse qui per præce- „ pta legis noverant opera populi magis quam corda custodire; „ interiores vero portas prædicatores sanctæ Ecclesiæ, qui spiri- „ tualibus monitis discipulorum corda custodiunt “. Designant & „ Apostolos, qui nos fidem, spem, atque caritatem summopere „ tenere docuerunt (c), qui portæ exteriores sunt, cum inchoan- „ tibus nobis non alta & mystica, sed quædam quæ capi possunt, „ prædicant: interiores vero cum perfectis profunda & mystica lo- „ quuntur “.

De resurrectione vero mortuorum loquens primo dolet, „ quod- „ dam in Ecclesia (d) stare & de carnis resurrectione dubitare, „ quam tamen antiqui Patres venturam esse certissime crediderunt, „ etiam cum nullum adhuc ejusdem resurrectionis exemplum tene- „ rent “. Catholicam veritatem deinde confirmat utriusque Te- „ stamenti testimoniis (e), & exemplis rerum corporalium, ac præ- „ sertim hominis generatione (f). Addit & multa esse in huma- „ nis rebus, quæ qualiter sint, non intelliguntur, & tamen esse ne- „ mo dubitat (g). Unde optime infert, adeo certam esse resurre- „ ctionem, ut citra ejus fidem frustra cætera credantur (h).

Ad verbi divini bonos auditores sermonem convertens, docet „ eos esse, qui (i) quasi quædam vestibula portarum æternæ spei „ longanimitatem tenent, & octavam diem in Trinitatis fide su- „ stinent. Quæ Trinitas quia unus est Deus, octo quidem per „ tria ducunt, sed in unius Dei confessione solidantur “. Hi „ autem ex dictis & operibus Sanctorum Patrum sunt erudien- „ di (k).

Qui vero „ se per fidem (l) in conversatione sancta Domino de- „ voverunt, holocaustum Domino facti sunt. Sed quia adhuc multa „ in se de corruptibili sua carne patiuntur; quia adhuc in eis cor- „ dis munditia sordidis cogitationibus inquinatur, quotidie ad la- „ crymas redeunt, assiduis fletibus affliguntur “. Hinc observat, „ quia sunt quidam (m) qui etiam sæculum relinquentes, totum „ quidem quod habent, offerunt, sed tamen in bonis quæ agunt, „ minime compunguntur: & quidem bonum, quod agunt, holo- „ caustum est; sed quia flere ac semetipsos dijudicare nesciunt, se- „ que

(a) *Ibid.* n. 1.(c) *Ibid.* n. 3.(e) *Ibid.* n. 7.(g) *Ibid.* n. 9.(i) *Ibid.* n. 11.(l) *Ibid.* n. 15.(b) *Ibid.* n. 2.(d) *Ibid.* n. 6.(f) *Ibid.* n. 8.(h) *Ibid.* n. 10.(k) *Ibid.* n. 14.(m) *Ibid.* n. 17.

„que ex amore ad lacrymas non accendunt, perfectum eorum holocaustum non est . . . Holocaustum quippe siccum, est bonum
 „opus quod orationis lacrymæ non infundunt. Holocaustum autem pingue est, quando hoc quod bene agitur, corde humili etiam per lacrymas irrigatur “.

S. GREG. M.

In fonte patente de quo Ezechiel dicit: *Erit fons patens domus David . . . in ablutionem peccatorum & menstruata (a)*, designatum dicit Christum (b), in quo fonte sunt loti & David & Maria Magdalena, & Petrus, & Latro (c). Et denique homiliam claudit poenitentium torporem increpando (d).

Vericulos 39. & sequentes usque ad 43. exponit D. Gregorius, eorumque delibato tantum literalis sensu, ad morales, & spirituales sensus digreditur, & officium Pastoris explicat. Et primo quidem prophetiæ Ezechielis Prophetæ literalem sensum obscurum esse proficitur (e); proinde ad spirituales digreditur, & iterum per portam exterioriorem vetus Testamentum, per interiorem vero novum designatum dicit (f). Quia „Lex eadem (g) sub timore mortis frigida Judaici populi corda constrinxit . . . Unde novis populis præmia amantibus, non autem temporalia tormenta timentibus atque jam calentibus dicitur: *Non accepistis spiritum servitutis iterum in timore, sed spiritum adoptionis in quo clamamus Abba Pater (h)*.

Homil. 9.

Quatuor regentium ordines agnoscit tum in Ecclesia, tum in Synagoga. In priori quidem (i) dicit esse Apostolos, Prophetas, Evangelistas, Pastores, & Doctores. Pastores autem unum regentium ordinem constituunt, „quia gregem Dei veraciter pascit qui „docet “. In posteriori vero numerat Sacerdotes, Seniores, Scribas, & Phariseos (k).

Plura sequuntur monita prædicatoribus data, & primo quidem „ut tacita (l) cogitatione perscrutentur, si faciunt quod loquuntur; nam si secus faciunt, sui vastatores sunt, cultores alieni. „Secundo ut patientes sint: tanto quisque doctus ostenditur, „quanto patiens fuerit; unde & currus & auriga dicitur Prædicator. Currus, quia mala sustinet: auriga, quia populum bonis admonitionibus exercet “. Tertio caveant, ne (m) vanam gloriam aucupantes rem magnam vili pretio vendant, sed advertant ex auditorum plausu sibi periculum imminere, „quia in magnitudine favoris flamma in corde accenditur de amore laudis “. Deus vero internas cogitationes, & intentiones cordis (n) discernit.

I 2

- | | |
|--------------------|------------------|
| (a) Zachar. 13. 1. | (b) Ibid. n. 20. |
| (c) Ibid. n. 21. | (d) Ibid. n. 22. |
| (e) Ibid. n. 1. | (f) Ibid. n. 2. |
| (g) Ibid. n. 4. | (h) Rom. 8. 15. |
| (i) Ibid. n. 6. | (k) Ibid. n. 7. |
| (l) Ibid. n. 15. | (m) Ibid. n. 16. |
| (n) Ibid. c. 17. | |

S. GREG. M. nit. Quarto monet, ut in docendo regulam teneant. Sæpe enim (a) contingit, ut disciplinæ regulam, quam „scit dicere, nesciat tenere . . . tanta quippe debet esse discretio, ut nec disciplina „nimia, nec misericordia sit remissa: ne si inordinate culpa dimittitur, is qui est culpabilis, in reatu gravius adstringatur: & „rursus si culpa immoderate retinetur, tanto qui corrigitur, deterior fiat, quanto erga se nil ex benignitatis gratia agi considerat“. Hujus discretionis exempla exhibet in Joseph Jacobi filio, qui in fratres sævit, sed cruciando amavit, & in suæ iræ specie latebat misericordia (b). Denique homiliam claudit, eos hortans, ut quos (c) sua prædicatione converterint, pascant postea sanctæ doctrinæ pabulo; & ita Christum imitentur, qui turbas postquam prædicatione instruxit, cibo corporali refocillavit.

Homil. 10. Hæc homilia totum opus absolvit expositione quatuor versiculorum a 44. ad 48. multaque promittit de fide, spe, caritate, & bonis operibus. Et primo quidem dicit, literalem sensum esse spirituali præmittendum, sed subdit: „Si latens (d) in litera spiritualis medulla discutitur, per hoc scintillæ intellectus exeunt, & „incendunt quod prius cordis auribus frigidum sonabat“. Proinde in sequentibus literalem sensum transcurrit, ut in morali immoretur.

Duplicem distinguit fidelium vitam, & duplex sacrificium, scribens: „Sancta (e) Ecclesia duas vitas habet: unam quam temporaliter ducit, aliam quam in æternum recipit. Unam qua laborat in terra, aliam qua remuneratur in cælo. Unam qua mercedes colligit, aliam vero in qua jam de receptis mercedibus gaudet, atque in utraque vita offert sacrificium. Hic videlicet sacrificium compunctionis, & illic sacrificium laudis“. In hac autem vita peccator „misericordiam (f) Domini, qua peccata laxantur, cantare debet, idest hanc cum gaudio dicere atque sperare“. Sancti vero inter fidem & spem positi sanctæ caritatis ignibus exardescunt (g), ut calor amoris eos liberet a culpa torporis & frigoris. Hoc calore quasi meridiani fervoris ardebat David dum dicebat: *Sicut cervus desiderat ad fontes aquarum, ita desiderat anima mea ad te Deus (h)*.

Exponens autem quinam sint Sacerdotes, qui templum custodiunt, scribit: „Qui itaque (i) Sacerdotes sunt qui templum Dei custodiunt, nili qui orando, prædicando, spiritualibus actibus, vigilando, sanctam Ecclesiam a malignorum spirituum immisionibus, a pravorum suasionibus, ab hæreticorum erroribus defendunt“?

- | | |
|-------------------------|-------------------------|
| (a) <i>Ibid.</i> n. 18. | (b) <i>Ibid.</i> n. 19. |
| (c) <i>Ibid.</i> n. 22. | (d) <i>Ibid.</i> n. 2. |
| (e) <i>Ibid.</i> n. 4. | (f) <i>Ibid.</i> n. 6. |
| (g) <i>Ibid.</i> n. 9. | (h) <i>Psal.</i> 41. 2. |
| (i) <i>Ibid.</i> n. 12. | |

„dunt “^a Minoris vero ordinis Sacerdotes illos dicit „qui ad
 „ministerium (a) altaris excubant, qui videlicet in adiutorium S. GREG. NY.
 „majorum, peccata delinquentium subtiliter investigant, & vitam
 „carnalium corrigunt “. Priores vero „solis studiis (b) spiri-
 „tualibus occupati, semper in his quæ amoris Dei sunt, sollicitè
 „intendunt: posteriores vero minoris ordinis, qui discutiendis pec-
 „catis delinquentium præsumunt . . . eos verbis correptionis ulque
 „ad poenitentia gemitus perducunt “. Monet autem utrosque
 Ministros, ut ita Deo ministrent, „ne legendo (c), aut prædican-
 „do gloriam propriam quærant, & largiendo quæ habent, & cor-
 „pus in abstinentia macerando, laudes recipere ab hominibus ap-
 „perant, & sic sibi, non Domino ministrent “.

De fide vero, spe, caritate, & bonis operibus sic scribit: „Fi-
 „dem (d), spem, caritatem, atque operationem, quamdiu in hac
 „vita vivimus, æquales sibi esse apud nosmetipsos invenimus. Id-
 „circo autem major spe & fide caritas dicitur; quia postquam
 „ad auctoris nostri speciem pervenitur, spes quidem & fides tran-
 „sit, sed caritas permanet. Nam nunc & quantum credimus,
 „tantum amamus, & quantum amamus, tantum de spe præsu-
 „mimus. De fide quoque & operatione Joannes Apostolus fate-
 „tur dicens: *Qui se dicit nosse Deum, & mandata ejus non cus-*
 „*todit, mendax est* (e). Notitia quippe Dei ad fidem pertinet,
 „mandatorum custodia ad operationem “.

De cardinalibus vero virtutibus, quibus præsertim constat spiritua-
 le ædificium, sic scribit: „Mensuretur (f) perfectorum fidelium
 „vita per quadrum; & tantum habeat spiritualis atrii latus unum,
 „quantum latera singula; quia uniusquisque tantum prudens est,
 „quantum temperans, fortis, & iustus: tantum temperans, quan-
 „tum prudens, fortis & iustus; tantum fortis, quantum prudens,
 „temperans, iustus; tantum iustus, quantum prudens, temperans,
 „& fortis fuerit “.

Denique homiliam claudit, cur ab expositione cesset, rationem
 reddens, unde scribit: „Si post (g) hanc locutionem cessavero,
 „nemo me reprehendat: quia sicut omnes cernitis, nostræ tribu-
 „lationes excreverunt . . . & cogor linguam ab expositione reti-
 „nere: *Quia tædet animam meam vita mea*. Jam nullus a me
 „sacri eloquii studium requirat: *Quia versa in luctum cithara*
 „*mea, & organum meum in vocem fletum* “.

Paulus Diaconus in vita S. Gregorii lib. 2. c. 18. sic narrat: Homilie S.
Gregorii in
Evangelia.
 „Stationes per Basilicas vel Beatorum Martyrum cœmeteria, se-
 „cundum quod hætenus plebs Romana quasi eo vivente certa-
 „tim discurret, sollicitus ordinavit; per quas & ipse simul discurs-

I 3

,,rens,

(a) *Ibid.* n. 13.(b) *Ibid.* n. 11.(c) *Ibid.* n. 16.(d) *Ibid.* n. 17.

(e) 1. Joan. 2. 4.

(f) *Ibid.* n. 18.(g) *Ibid.* n. 24.

S. GREG. M.

„rens, dum adhuc eloqui prævaleret, viginti homilias coram Ecclesia diverso tempore declamavit: reliquas vero ejusdem numeri, dictavit quidem, sed lassesciente stomacho languore continuo, aliis pronunciandas commisit“. Hæ itaque sunt homiliæ, quæ hic exhibentur. Porro summo plausu a Romana plebe exceptæ fuere, & a pluribus exscriptæ, sed, ut ipse scribit ad Secundinum, „antequam ad propositum modum ea quæ dixerim, subtili emendatione perducerem, transulerunt. Eapropter, (ut subdit) eandem homilias, eo quo dictæ sunt ordine, in duobus codicibus ponere curavi; ut & priores viginti, quæ dictæ sunt, & posteriores totidem, quæ sub oculis dictæ, in singulis essent distinctæ corporibus“. Illud etiam notandum ex Maurinis Editoribus, illas Evangeliorum lectiones, quæ a Gregorio hic exponuntur, & inter sacra Missarum solemnia certis diebus jam tunc ex more legebantur, eandem esse, quæ & nostris quoque temporibus fere iisdem diebus recitantur: unde patet quam tenax sit suorum rituum Ecclesia Romana. Si qua vero facta est mutatio in Dominicis Adventus, hæc Amanuensium oscitantia factum credimus, qui secundam pro prima, & tertiam pro secunda collocarunt. In Editione Maurina & Veneta in folio hæ homiliæ in primo Tomo habentur; at in alia pariter Veneta Editione in quarto habentur Tomo 5. In duos partitæ sunt libros juxta factam a S. Pontifice divisionem, ut mox diximus. Ex his pauca delibabimus.

Libri primi
Homil. 1.

Prima homilia habita est in Basilica S. Petri Apostoli Dominica secunda Adventus. In ea dicit, Salvatorem nostrum senectutis mundi mala denuntiare, ut nos ab ejus amore compescat (a). Vicinum vero esse extremum judicium ex signis colligit, proinde ejus expectationem nos ad timorem & vigilantiam compellere debere (b); quamvis de fine mundi exhilarantur corda iustorum, quia dum finitur mundus, cujus amici non sunt, prope fit eis redemptio quam querunt (c).

Homil. 2.

Habita est secunda homilia in Basilica pariter S. Petri Dominica in Quinquagesima, in qua exponit caput 18. S. Lucæ a versiculo 31. ad 43. ubi narratur facta Apostolis revelatio a Christo de sua futura passione, & visus cæco Jericunthino restitutus. In hoc itaque cæco signatum dicit genus humanum, „quod in (d) parente „primo a paradisi gaudiis expulsum, claritatem supernæ lucis ignorans, damnationis suæ tenebras patitur: sed tamen per Redemptoris sui præsentiam illuminatur; ut æternæ lucis gaudia jam per desiderium videat, atque in vita viæ boni operis gressus ponat (e)... Ideo autem cæcum interrogat: *Quid tibi vis faciam?* licet qui lumen reddere poterat, quid vellet cæcus „non

(a) *Ibid.* n. 1.(b) *Ibid.* n. 2.(c) *Ibid.* n. 3.(d) *Ibid.* n. 1.(e) *Ibid.* n. 7.

„ non ignoraret : quia peti vult id , quod & nos petere , & se concedere prænoscit “. S. GREG. M.

Habita est hæc homilia ad Populum in Basilica Sanctæ Felicitatis Martyris in die natali ejus ; & explicandum sumit Evangelii S. Matthæi caput 12. a versu 46. usque ad 50. ubi sermo habetur de Matre , & fratribus Jesum quærentibus. Sanctæ Martyris elogium texit ostendens , quomodo „ quæ credendo (a) extitit ancilla Christi , & prædicando facta est Mater Christi “. Sic vero ejus fortitudinem extollit : „ Considerate . . . in fœmineo corpore virile pectus. Ad mortem stetit imperterrita. Amittere se in filiis lumen veritatis timuit , si non fuisset orbata. Numquid ergo hanc fœminam martyrem dixerim ? Sed plus quam martyrem . . . quæ septem pignoribus ad regnum præmissis , ad poenas prima venit , sed pervenit octava. Aspexit mater & cruciata & imperterrita filiorum mortem , spei gaudium adhibuit dolori naturæ. Timuit viventibus , gavisa est morientibus . O. ptavit nullum post se relinquere , ne si quem haberet supersistem , non posset habere consortem “. Homil. 3.

Habita est hæc homilia ad populum in Basilica S. Stephani Martyris de Apostolis. Exponit autem Evangelium S. Matthæi cap. 10. v. 5. usque ad 10. ubi sermo habetur de missione Apostolorum ad omnes quæ perierunt domus Israel , non vero ad Gentiles & Samaritanos. Et primo quidem rationem quærit , cur prius ad Judæos mitterentur Apostoli , deinde ad Gentes , scribens : „ Prius soli Judææ (b) voluit , & postmodum cunctis Gentibus prædicari : ut dum illa converti vocata renueret , prædicatores sancti ad vocationem Gentium per ordinem venirent : quatenus Redemptoris nostri prædicatio a propriis repulsa , Gentiles populos quasi extraneos quæreret : & quod Judæis fiebat in testimonium , hoc Gentibus esset incrementum “. Additam autem dicit Discipulis potestatem patranda miracula (c) „ ut fidem verbis daret virtus ostensa , & nova facerent , qui nova prædicarent . . . & ad salutem redeuntibus infirmis , ad vitam resurgentibus mortuis , carnis munditiam recipientibus leprosis , eripis a jure immundorum spirituum dæmoniis , tot visibilibus miraculis exactis , quis non crederet quod de invisibilibus audiret “ ? Juber autem illis , ut quæ gratis acciperent , gratis darent , „ quia præsciebat (d) nonnullos hoc ipsum donum accepti Spiritus in vltum negotiationis inflectere , & miraculorum signa ad avaritiæ obsequium declinare “. Hinc varias expendit simoniae species , ab obsequio , a manu , a lingua , & concludit : „ Qui sacros ordines tribuit , tunc ab omni munere manus excutit , quando in divinis rebus , non solum nullam pecuniam , sed etiam humanam gratiam non requirit “. Homil. 4.

I 4

Habita

(a) *Ibid.* n. 3. (b) *Ibid.* n. 4.
(c) *Ibid.* n. 3. (d) *Ibid.* n. 4.

- Habita est quinta homilia ad populum in Basilica B. Andreæ Apostoli in ejus natali. Exponitur autem Evangelium S. Matthæi cap. 4. a versu 18. ad 22. ubi narratur vocatio Petri & Andreæ ad sequelam Domini. Et primo quidem alacritatem ostendit horum duorum discipulorum, „ qui licet (a) nulla Christum „ facere miracula vidissent, & nihil ab eo de præmio æternæ re- „ tributionis audissent: tamen ad unum Domini præceptum, hoc „ quod possidere videbantur, obliiti sunt “. Hinc infert a terrenis relinquendis pensandum potius affectum quam censum (b): & quod nihil offerri Deo ditius potest, quam bona voluntas (c). Sed hoc bonæ voluntatis sacrificium nunquam plene persolvitur, nisi mundi huius cupiditas plane deferatur (d).
- Homil. 6. Habita est hæc 6. homilia ad populum in Basilica SS. Marcellini & Petri Dominica 3. Adventus, & explicat caput 11. S. Matthæi a vers. 2. usque ad 10. in quo narratur, S. Præcursores duos misisse ex discipulis suis ut Christum interrogarent: *Tu es qui venturus es, an alium expectamus?* Et primo quidem ostendit, Præcursores in carcere positum non misisse discipulos ad Christum interrogandum tanquam si ignoraret „ quem digito ostenderat (e) „ dicens: *Ecce Agnus Dei, ecce qui tollit peccata mundi*, & „ quem ipsum prophetando, baptizando, & ostendendo clamaverat . . . Sed quærit, ut sciat si is, qui per se in mundum venerat, per se etiam ad inferni claustra descendat. Quem enim „ præcurrens mundo nuntiaverat, hunc moriendo & ad inferos præcurrebat . . . Ac si aperte dicat: Qui pro hominibus nasci dignatus es, an etiam pro hominibus mori digneris, insinua; ut „ qui nativitatis tuæ præcursor extiti, mortis etiam præcursor „ fiam, & venturum inferno te nuntiem, quem jam venisse mundo nuntiavi “. Cur autem Christus Joannem plus quam Prophetam dixerit, exponit scribens: „ Prophetæ ministerium (f) „ est, ventura prædicere, non etiam demonstrare. Joannes ergo „ plus quam Prophetæ est, quia eum quem præcurriendo prophetaverat, etiam ostendendo monstrabat “.
- Homil. 7. Habita est septima homilia ad populum in Basilica S. Petri Apostoli Dominica 4. Adventus ad exponendum S. Joannis Evangelium cap. 1. a versu 19. ad 28. in quo humilis responsio narratur data a Præcursores Sacerdotibus & Levitis sibi a Judæis missis, ut eum interrogarent: *Tu quis es?* Et primo humilitatem Joannis commendat, „ qui elegit (g) solide subsistere in se, ne humana „ opinione raperetur inaniter super se “. Deinde observat, quod „ nolens appetere nomen Christi, factus est membrum Christi: „ quia dum infirmitatem suam humiliter studuit agnoscere, illius „ celsi-

(a) *Ibid.* n. 1. (b) *Ibid.* n. 2.
 (c) *Ibid.* n. 3. (d) *Ibid.* n. 4.
 (e) *Ibid.* n. 1. (f) *Ibid.* n. 5.
 (g) *Ibid.* n. 1.

„cellitudinem meruit veraciter obtinere“. Addit, negando se Eliam esse, non contradixisse Christo, qui dixerat: *Joannes ipse est Elias*: „quia quod Dominus fateretur de spiritu, hoc Joannes denegat de Persona. Joannes igitur in spiritu Elias erat, in persona Elias non erat“. Sicut nec a veritate discessit, quando dixit se non esse Prophetam, „quia videlicet (a) non solum poterat Redemptorem prædicare, sed etiam demonstrare: unde quisnam sit, continuo exprimit, dum subjungit: *Ego vox clamantis in deserto*“.

Habita est octava homilia in Basilica B. Mariæ Virginis ad populum in die Natalis Domini exponens Evangelium S. Lucæ cap. 2. a versu 1. ad 14. in quo Christi nativitas narratur. Et primo quidem morem Ecclesiæ celebrandi eo die tres Missas exponit: proinde se a longiori habendo sermone præpediri dicit. Deinde subdit: „Ideo nascituro Domino mundus describitur, ut per hoc aperte monstraretur (b), quia ille veniebat in carne, qui electos suos adscriberet in æternitate... Non in parentum domo, sed in via nasci voluisse, ut ostenderet quia per humanitatem suam quam assumpserat, quasi in alieno nascebatur“. Præterea observat, ante Christi nativitatem Angelos, cum ab hominibus adorarentur, tacuisse, & postmodum adorari refugisse: „quia (c) naturam nostram, quam prius despexerat, postquam hanc super se assumptam conspiciunt, substratam sibi videre pertimescunt“.

Habita hæc nona homilia in Basilica S. Sylvestri in die natalis ejus, explicans parabolam de talentis a Domino proficiscentibus traditis servis suis. Et primo quidem observat, eos qui plus (d) in hoc mundo accepisse cernuntur ab Auctore Mundi, gravius inde judicandos: „cum enim augentur dona, rationes etiam crescunt donorum“. Deinde Dominum talenta partitum servis suis esse dicit „Redemptorem nostrum, qui fidelibus suis spiritualia dona concessit... Ille autem acceptum talentum in terra abscondisse dicitur, qui acceptum ingenium in terrenis artibus implicavit, lucrum spirituale non quasivit, & cor a terrenis cogitationibus nunquam levavit“.

Inanem & vanam ostendit inutilis servi excusationem, qui „dum dominum vocat (e), cui tamen ad lucrum deservire dissimulat, & timuisse se dicit in lucrum talentum expendere, qui hoc solum timere debuerat, ne hoc sine lucro ad dominum reportaret“. Varia vero talenta omnibus distributa dicit; quia alius accepit (f) intelligentiam, & hic prædicationis ministerium debet ex talento. Alius terrenam substantiam accepit, & hic erogationem talenti debet ex rebus. Alius... didicit ar-

tem

(a) *Ibid.* n. 2. (b) *Ibid.* n. 1.
(c) *Ibid.* n. 2. (d) *Ibid.* n. 1.
(e) *Ibid.* n. 3. (f) *Ibid.* n. 7.

„tem qua pascitur, ipsa ars ei in talenti acceptione reputatur.
 „Alius . . . familiaritatis locum apud divitem meruit, & hic
 „profecto talentum familiaritatis accepit . . . Habens ergo intel-
 „lectum, curet omnino ne taceat; habens rerum affluentiam, vi-
 „gilet, ne a misericordiæ largitate torpescat: habens artem qua
 „regitur, magnopere studeat, ut usum atque utilitatem illius cum
 „proximo partiarur: habens loquendi locum apud divitem, da-
 „mnationem pro retento talento timeat, si cum valet, non apud
 „eum pro pauperibus intercedit“.

Homil. 10. Habita homilia decima ad populum in Basilica S. Petri Apo-
 stoli in die Epiphaniæ; in Evangelio vero adventus Magorum ad
 Christum adorandum narratur. Et primo quidem breviter Evan-
 gelium exponit (a). Deinde Judaicorum cordium deplorat duritiam,
 qui Christum nec per prophetiæ donum, nec per miracula agno-
 vere. Immo „Dominum quem (b) omnia insensibilia elementa
 „senferunt, adhuc Deum esse minime cognoscunt, & duriora fa-
 „xis, scindi ad poenitendum nolunt . . . Immo ad damnationis
 „sux cumulum, eum quem natum despiciunt, nasciturum longe
 „ante præciverunt. Et non solum quia nasceretur, noverant,
 „sed etiam ubi nasceretur. Nam ab Herode requisiti, locum
 „nativitatis ejus exprimunt, quem Scripturæ auctoritate didice-
 „runt“. Deinde Priscillianistarum hæresim confutat, qui nasci
 „(c) unumquemque hominem sub constitutionibus stellarum puta-
 „bant: & hoc in adjutorium sui erroris assumunt quod nova stel-
 „la apparuit, cum Dominus in carne exiit . . . Sed a fidelium
 „cordibus absit, ut aliquid esse fatum dicant. Vitam quippe ho-
 „minum solus hanc Conditor qui creavit, administrat. Neque
 „enim propter stellas homo, sed stellæ propter hominem factæ
 „sunt“.

Homil. 11. Habita ad Populum homilia undecima in Basilica S. Agnetis in
 die natali ejus, de parabola thesauri in agro absconditi. In ea
 laudes celebrat S. Martyris scribens: „Erectus in virtutis (d)
 „culmine animus tormenta despexit, præmia calcavit. Ante ar-
 „matos reges & præfides ducta stetit, feriente robustior, judicante
 „sublimior“. Deinde Ecclesiam dicit sagenæ assimilata, „quia
 „& (e) piscatoribus est commissa, & per eam quisque ad æter-
 „num regnum a præsentis sæculi fluctibus trahitur, ne in æternæ
 „mortis profunda mergatur. Quæ ex omni genere piscium con-
 „gregat; quia ad peccatorum veniam sapientes & fatuos, liberos
 „& lervos, divites & pauperes, fortes & infirmos vocat“.

Homil. 12. Habita est hæc quoque homilia duodecima in præfata S. Agne-
 tis Basilica in die natali ejus, in qua parabolam exponit decem
 Virginum, quarum quinque prudentes, & quinque fatuæ. Et pri-
 mo

(a) *Ibid.* n. 1. (b) *Ibid.* n. 2.
 (c) *Ibid.* n. 4. (d) *Ibid.* n. 3.
 (e) *Ibid.* n. 4.

mo quidem Regni cælorum nomine designari dicit sanctam Ecclesiam, „ in qua (a) mali cum bonis, & reprobi cum electis commixti sunt “.

S.GREG. M.

Observat deinde, omnes virgines „ lampades quidem habuisse (b), sed non omnes oleum, quia plerumque bona in se opera cum electis & reprobi ostendunt, sed soli ad sponsum cum oleo veniunt, qui de his quæ foris egerint, intus gloriam requirunt “.

In olei venditoribus designatos dicit „ adulatores; qui enim (c) accepta qualibet gratia, vanis suis laudibus nitorem gloriæ offerunt, quasi oleum vendunt “.

Denique ad maturandam conversionem peccatores urget narratione mortis „ cuiusdam Chrysaorii hominis pleni vitiis, quantum rebus: carnis suæ voluptatibus subditi (d) . . . avaritiæ facibus accensi, qui ad extremam horam veniens vidit tetros & nigerrimos spiritus coram se sistere, & vehementer imminere, ut ad inferni claustra se raperent.

Cœpit tremere, pallefcere, & magnis vocibus inducias petere . . . Pavore autem tetræ eorum imaginis, huc illucque vertebatur in lectulo . . . aspectum eorum ferre non poterat: & denique cœpit magnis vocibus clamare inducias vel usque mane, inducias vel usque mane. Sed cum hæc clamaret, in ipsis suis vocibus de habitaculo suæ carnis evulsus est “.

Hinc concludit: „ Nos nunc solliciti ista cogitemus, ne nobis in vacuum tempus pereat, & tunc queramus ad bene agendum vivere, cum jam compellimur de corpore exire “.

Præfatum factum & in dialogis narrat.

Ad populum habita est homilia 13, in Basilica B. Felicis Confessoris in die natali ejus, & Evangelium exponit S. Lucæ cap. 12. a vers. 35. usque ad 40. ubi de lumbis præcinctis, & de lucernis ardentibus tenendis Dominus instruit. Tres vero vigilias distinguit, in quibus venire Dominus potest, scribens: „ Prima vigilia (e) primævum tempus est, idest pueritia. Secunda, adolescentia vel juvenus . . . Tertia autem senectus accipitur. Qui vigilare in prima vigilia noluit, custodiat vel secundam . . . & qui vigilare in secunda noluit, tertiæ vigiliæ remedia non amittat: ut qui in juventute ad vias vitæ non evigilat, saltem in senectute respiciat “.

Hinc merito infert: „ Non est jam quid homo excusationis inveniatur. Deus despicitur, & expectat: contemni se videt & revocat: injuriam de contemptu suo suscipit, & tamen quandoque revertentibus etiam præmia promittit “.

Denique observat, „ horam ultimam Dominum nostrum idcirco (f) voluisse nobis esse incognitam, ut semper possit esse suspecta: & dum illam prævidere non possumus, ad illam sine intermissione præparemur “.

In

(a) *Ibid.* n. 1. (b) *Ibidem.*
 (c) *Ibid.* n. 3. (d) *Ibid.* n. 7.
 (e) *Ibid.* n. 5. (f) *Ibid.* n. 6.

- S. GREG. XI.** In Basilica B. Petri Apostoli habita est ad populum homilia 14. Dominica secunda post Pascha, & in ea Evangelium exponit, in quo de mercenario, & bono pastore sermo habetur Joan. 10. Et boni pastoris discrimen assignat a mercenario, „ qui non pro (a) „ amore intimo oves Dominicas, sed ad temporales mercedes pas- „ cit . . . qui locum quidem pastoris tenet, sed lucra animarum „ non currit . . . Utrum vero pastor sit, an mercenarius, cogno- „ sci veraciter non potest, si occasio necessitatis deest. Tranquilli- „ tatis enim tempore, plerumque ad gregis custodiam, sicut verus „ pastor, sic etiam mercenarius stat: sed lupus veniens indicat quo „ quisque animo super gregis custodiam stabat . . . Is enim qui „ pastor esse videbatur, & non erat, relinquit oves & fugit . . . „ fugit non mutando locum, sed subtrahendo solatium . . . E con- „ tra pastor quibuslibet potestatibus prave agentibus libera voce „ contradicit, & in die Domini pro domo Israel in prælio stat, „ ac ut murum se opponit, & fideles innocentes contra perverfo- „ rum injustitiam ex iustitiæ auctoritate vindicat “.
- Homil. 15.** In quattadecima homilia habita Dominica in Sexagesima in Ba- silica S. Pauli Apostoli Evangelium S. Lucæ exponit de semini- bus in terram jactis. Et primo quidem dicit, parabolam non egere explanatione, sed admonitione; quam enim per semetipsam Veritas exposuit, hanc discutere humana fragilitas non præsumit (b). Deinde docet, verbum Domini aure perceptum, esse mente retinendum: „ Cibus (c) mentis est sermo Dei. Et quasi acce- „ ptus cibus stomacho languente rejicitur, quando auditus sermo „ in ventre memoriæ non tenetur. Sed quisquis alimenta non reti- „ net, hujus profecto vita desperatur „. Deinde quænam sit ter- ra bona, exponens scribit: „ Terra bona (d) fructum per patien- „ tiam reddit: quia videlicet nulla sunt bona quæ agimus, si non „ æquanimiter etiam proximorum mala toleramus “ . Quod con- firmat exemplo servuli, „ qui a primæva ætate paralyticus (e) ja- „ cuit . . . sed studebat in dolore semper gratias agere, & hymnis „ Deo & laudibus diebus ac noctibus vacare . . . Cumque proxi- „ mum se morti agnovit, peregrinos invitavit, ut secum psalmos „ pro expectatione exitus sui decantarent. Cumque cum eis & „ ipse moriens psalleret, voces psallentium repente compescuit di- „ cens: Tacete: Numquid non auditis quantæ resonant laudes in „ cælo? Cumque ad easdem laudes, quas intus audierat, aurem „ cordis intenderet, sancta illa anima a carne soluta est “. Et denique concludit: „ Ecce quo fine ex hac vita exiti, qui in hac „ vita æquanimiter flagella toleravit “.
- Homil. 16.** Habita homilia decimasepta ad populum in Basilica S. Joannis, quæ Constantiniana dicitur, Dominica prima Quadragesimæ, in eaque

(a) *Ibid.* n. 2. (b) *Ibid.* n. 1.
 (c) *Ibid.* n. 2. (d) *Ibid.* n. 4.
 (e) *Ibid.* n. 5.

eaque exponit S. Pontifex Evangelium S. Marci de quadragenario Christi jejunio. Et primo quidem dicit, Christum a Spiritu Sancto ductum esse in desertum, ut tentaretur a Diabolo. A diabolo autem „assumptum (a) fuisse in excelsum montem, & in sanctam civitatem, quod humanæ aures audire expaveſcunt. Sed si consideremus quid passus sit a Judæis diaboli membris, a quibus se pertulit crucifigi, non erit indignum Redemptori nostro quod tentari voluit qui venerat occidi. Justum quippe erat, ut sic tentationes nostras suis tentationibus vinceret, sicut mortem nostram venerat sua morte superare. Nonnisi triginta & sex dies jejunii enumerat, quia dies excipiebat dominicos, in quibus nullum erat jejunium. „Dum vero (subdit) per trecentos „& sexagintaquinque dies annus ducitur, nos autem per triginta & sex dies affligimur, quasi anni nostri decimas Deo damus. . . . Unde, fratres carissimi, sicut offerre in Lege jubemini decimas rerum, ita ei offerre contendite & decimas dierum. Vult tamen ut jejunio eleemosyna adjungatur; quare homiliam claudit scribens: „Illud (c) jejunium Deus approbat, quod ad ejus oculos manus eleemosynarum levat, quod cum proximi dilectione agitur, quod ex pietate conditur. Hoc ergo quod tibi subtrahis, alteri largire: ut unde tua caro affligitur, inde egentis proximi caro reparetur.

Habita est hæc homilia decimaſeptima ad Episcopos in fontes Lateranensem, & quidem probabiliter in aliqua ordinatione ab ipso habita, & Evangelium explicat S. Lucæ cap. 10. ubi narratur, Dominum designasse septuaginta duos discipulos. In ea autem pastorum officia exponit. Et primo quidem conqueritur, paucos esse verbi Dei prædicatores, scribens: „Ecce mundus (d) salis, cerdotibus plenus est, sed tamen in messe Dei rarus valde invenitur operator: quia officium quidem sacerdotale suscepimus, sed opus officii non implemus. . . . Pensate, ne ab exhortatione lingua torpeat, ne postquam prædicationis locum suscepimus, apud justum judicem nostra nos taciturnitas addicat: Deinde exponit, quomodo Episcopi in Ecclesia sal esse debeant, scribens: „Si sal sumus (e), condire mentes fidelium debemus. . . & sæpe videmus, quod petra salis brutis animalibus ponitur, ut eandem salis petram lambere debeant, & meliorari. Quasi ergo inter bruta animalia petra salis esse debet sacerdos in populis. Curare namque sacerdotem necesse est, quæ singulis dicat, unumquemque qualiter admoneat, ut quisquis sacerdoti jungitur, quasi ex salis tactu, æternæ vitæ sapore conditur. Episcopos deinde objurgat Simonis addiſtos, scribens: „Vobis sacerdotibus (f) loquor, qui nonnullos vestrum cum præmiis facere ordinationes

(a) *Ibid.* n. 1. (b) *Ibid.* n. 5.
(c) *Ibid.* n. 6. (d) *Ibid.* n. 3.
(e) *Ibid.* n. 9. (f) *Ibid.* n. 13.

S. GREG. M. „ tiones agnovimus , spiritualement gratiam vendere , & de alienis
 „ iniquitatibus cum peccati damno temporalia lucra cumulare .
 „ Cur ergo ad memoriam vestram non redit : *Gratis accepistis* ,
 „ *gratis date* (a) “ ? Et iterum eos reprehendit subdicens : „ Sunt
 „ alia præpositorum mala , quæ humanis modo oculis latent (b) ,
 „ & plerumque se pastores sanctos hominibus exhibent , atque in
 „ occultis suis videri turpes ante interni arbitri oculos non erube-
 „ scunt “ . Præsertim vero conqueritur , quod rebus temporalibus
 nimis incumbunt , scribens : „ Ad exteriora (c) negotia delapsi
 „ sumus , & aliud ex honore suscepimus , atque aliud officio actio-
 „ nis exhibemus... Curis secularibus intenti , tanto insensibiliores
 „ intus efficiuntur , quanto ad ea quæ foris sunt , studiosiores vide-
 „ mur “ . Denique cum Jeremia deslet , quod aurum obscuratum
 est : „ quia sacerdotum (d) vita quondam per gloriam virtutum
 „ clara , nunc per actiones infirmas ostenditur reproba “ . Nec
 refugit dicere , publicæ calamitatis causam malos esse sacerdotes ,
 scribens : „ Quanto autem (e) mundus gladio feriat , aspiciunt :
 „ quibus quotidie percussio intereat populus , videtis . Cujus
 „ hoc , nisi nostro præcipue peccato agitur ? Ecce depopulatæ ur-
 „ bes , everfa castra , Ecclesiæ , ac monasteria destructa , in solitu-
 „ dinem agri redacti sunt . Sed nos pereunt populo auctores
 „ mortis existimus , qui esse debuimus duces ad vitam “ . Denique
 concludit : „ Ponamus (f) ante oculos nostros illum tantæ distri-
 „ ctionis diem , quo iudex veniet , & rationem cum servis suis ,
 „ quibus talenta credidit , ponet . Ecce in maiestate terribili , in-
 „ ter angelorum atque archangelorum choros videbitur nos
 „ miseri , quid dicturi sumus “ ?

Homil. 18. Ad populum in Basilica S. Petri habita est homilia decima octa-
 va , Dominica in Passione , in qua Evangelium Joannis exponit
 cap. 8. a vers. 46. usque ad 59. in quo narratur sermo Christi ad
 Judæos , & principes Sacerdotum , qui eum lapidare tentant . Et
 primo quidem docet , exemplo Christi , contumelias non esse rege-
 rendas , qui Judæis respondit : *Ego Demonium non habeo* . „ In
 „ quibus verbis (scribit) quid aliud (g) nisi superbia nostra con-
 „ funditur ? quæ si exagitata vel leviter , atrociore injurias reddit ,
 „ quam acceperat : facit mala quæ potest , & minatur mala quæ
 „ facere non potest “ . Ostendit deinde , quod , „ sicut bonis neces-
 „ se est , ut meliores etiam per contumelias existant , ita semper
 „ reprobis de beneficio peiores fiunt “ . Exaltat denique Christi
 „ clementiam scribens : „ Mirum (h) valde est , cur persecutores
 „ suos Dominus se abscondendo declinaverit , qui si divinitatis suæ
 „ potentiam exercere voluisset , tacito nutu mentis in suis eos iusti-
 „ bus

(a) *Matth.* 10. 8. (b) *Ibidem* .
 (c) *Ibid.* n. 14. (d) *Ibid.* n. 15.
 (e) *Ibid.* n. 16. (f) *Ibid.* n. 17.
 (g) *Ibid.* n. 2. (h) *Ibid.* n. 4.

„bus ligaret, aut in poena subitæ mortis obrueret. Sed quia pati venerat, exercere iudicium nolebat “.

Habita est homilia decima nona ad populum in Basilica S. Laurentii martyris, Dominica in Septuagesima super Evangelium Matthæi de operariis ad excolendam vineam conductis. Et primo quidem per horas designatas dicit mundi ætates (a); & in undecima ac postrema ultimam nostram ætatem usque ad finem mundi significatam dicit, in qua S. Apostoli missi sunt, qui mercedem plenam & tarde venientes acceperunt. Deinde dicit, varias etiam denotari (b) cuiusque hominis ætates: „Mane enim pueritia est: „Hora tertia adulescentia: Sexta vero iuventus: Nona senectus: „intelligitur: Undecima vero ea ætas quæ decrepita, vel veterana dicitur “. Omnes autem invitat Dominus ad laborandum in vinea, quasi diceret: „Si Deo (c) in pueritia vivere, & in iuventute nolueris, saltem in ultima ætate respicite, & ad vitæ vias cum jam laboraturi multum non estis, vel sero venite “. Qualis autem sit denarius æqualiter omnibus datus, explicat dicens: „Eundem denarium accipiunt qui laboraverunt ad undecimam, quem expectaverunt toto desiderio qui laboraverunt ad primam: „quia æqualem vitæ æternæ retributionem sortiti sunt cum his qui a mundi initio vocati fuerant, hi qui in mundi fine ad Dominum venerunt . . . & quia (d) Regni perceptio ejus est bonitas voluntatis . . . Stulta enim est quæstio contra benignitatem Dei. Non querendum quippe esset, si non dat quod non debet, sed si non daret quod deberet “. Parvum esse electorum numerum docet, scribens: „Valde (e) terribile est quod sequitur: *Multi sunt vocati, pauci vero electi*: quia ad fidem plures veniunt, & ad celeste regnum pauci perducuntur. Ecce enim ad hodiernam festivitatem quam multi convenimus, Ecclesiæ parietes implemus, sed tamen quis sciat quam pauci sunt qui in illo electorum Dei grege numerentur “?

Habita homilia vigesima ad populum in Basilica S. Joannis Baptistæ Sabbato Quatuor temporum ante Christi nativitatem, in eaque exponit S. Pontifex Evangelium S. Lucæ cap. 3. a vers. 1. usque ad 11. ubi narratur prædicatio Jo. Baptistæ. Et primo quidem observat brevi Gentilitatem colligendam, & Judæam pro culpa perfidiæ dispergendam (f). Deinde observat: „Ioannem quidem (g) non solum baptismum prædicasse, sed & quibusdam dedisse; non tamen baptismum suum in remissionem peccatorum dare potuisse. Remissio etenim peccatorum in solo nobis Baptismo Christi tribuitur “. Humilitatem deinde Præcurсорis celebrat, qui „cum pro (h) mira operatione virtutum talis „esset,

- | | |
|------------------------|------------------------|
| (a) <i>Ibid.</i> n. 1. | (b) <i>Ibid.</i> n. 2. |
| (c) <i>Ibid.</i> n. 3. | (d) <i>Ibid.</i> n. 4. |
| (e) <i>Ibid.</i> n. 5. | (f) <i>Ibid.</i> n. 1. |
| (g) <i>Ibid.</i> n. 2. | (h) <i>Ibid.</i> n. 4. |

S. GREG. M.

Liber 2. Homiliarum
Homil. 22.

„ esset, ut Christus esse crederetur, non solum Christum se non
 „ esse respondit, sed etiam corrigiam calceamenti ejus solvere, idest
 „ incarnationis ejus mysterium perferutari non se dignum esse perhi-
 „ buit “. In eo autem sensu Joannem imminutum fuisse, crevisse
 „ autem Christum dicit: „ quia Christus (a), qui propheta esse putaba-
 „ tur, Christus est agnitus: & Joannes qui Christus esse credebatur,
 „ propheta esse innotuit “. Inter poenitentiae fructus etiam misericordiae
 „ opera enumerat, & praesertim eleemosynam etiam de necessariis,
 „ scribens: „ Ad (b) fructum dignum poenitentiae pertinet, ut non
 „ solum exteriora quaeque & minus necessaria, sed ipsa valde no-
 „ bis necessaria dividere cum proximis debeamus, scilicet vel escam
 „ qua carnaliter vivimus, vel tunicam qua vestimur.
 „ Ad populum habita est homilia vigesima prima in Basilica B.
 „ Mariae Virginis in die Sancto Paschae super Evangelium S. Marci
 „ cap. 16. a vers. 1. usque ad 7. ubi Christi narratur resurrectio.
 „ Et primo quidem Evangelium breviter exponit. Deinde resurre-
 „ ctionem Christi non minus festivam fuisse hominibus, quam Angelis
 „ dicit, scribens: „ Redemptoris nostri resurrectio (c) & nostra festi-
 „ vitas fuit, quia nos ad immortalitatem reduxit; & Angelorum
 „ festivitas extitit, quia nos revocando ad caelestia, eorum numerum
 „ implevit “. Exponit deinde, cur Petrum labi in negatione per-
 „ miserit Christus, scribens: „ Magnae actum (d) esse pietatis dis-
 „ penatione cognoscimus: ut is qui futurus erat Pastor Ecclesiae,
 „ in sui culpa disceret qualiter aliis misereri debuisset. Prius ita-
 „ que eum ostendit sibi, & tunc praeposuit ceteris, ut ex sua in-
 „ firmitate cognosceret, quam misericorditer aliena infirma tolera-
 „ ret “. Duplicem vitam nobis ex Christi resurrectione innotescere
 „ scribit: „ Dux vitae (e) erant, quarum unam novimus, alteram
 „ nesciebamus. Una quippe mortalis est, altera immortalis: una
 „ corruptionis, altera incorruptionis: una mortis, altera resurre-
 „ ctionis. Sed venit Mediator Dei & hominum homo Christus
 „ Jesus, suscepit unam, & ostendit alteram. Unam pertulit mo-
 „ riendo, alteram ostendit resurgendo. Si ergo nobis mortalem
 „ vitam scientibus resurrectionem promitteret carnis, & tamen
 „ hanc visibiliter non exhiberet, quis ejus promissionibus crede-
 „ ret? Ostendit deinde, magis Christum ostendisse Judaeis resur-
 „ gendo divinitatem, quam si, ut ipsi postulabant, de Cruce descen-
 „ disset, scribens: „ Si de Cruce (f) tunc descenderet, nimirum in-
 „ sulantibus cedens, virtutem nobis patientiae non demonstraret.
 „ Sed expectavit paululum, toleravit opprobria, irrisiones susti-
 „ nuit, servavit patientiam, distulit admirationem, & qui de
 „ cruce descendere noluit, de sepulchro surrexit. Plus igitur fuit
 „ de sepulchro surgere, quam de cruce descendere. Plus fuit
 „ mor-

(a) *Ibid.* n. 5. (b) *Ibid.* n. 11.
 (c) *Ibid.* n. 2. (d) *Ibid.* n. 4.
 (e) *Ibid.* n. 6. (f) *Ibid.* n. 7.

„mortem refurgendo destruere, quam vitam descendendo ser-
vare “.

Habita est homil. 22. ad populum in Basilica S. Joannis, quæ appellatur Constantiniana, Sabbato post Pascha. In ea Evangelium exponit S. Joan. cap. 20. a num. 1. ad 9. de Petro & Joanne ad sepulchrum Christi currentibus. Et primo quidem dicit se studere, si non multis, saltem paucis prodesse (a). Deinde pluram in recitato Evangelio contineri mysteria, Ecclesiam & Synagogam denotantia, dicit. Per Petrum enim denotari docet Ecclesiam, per Joannem vero Synagogam. „Prior itaque venit, si-
gnata in Joanne, Synagoga ad monumentum, sed minime intra-
vit (b): quia Legis quidem mandata percepit, prophetias de
incarnatione ac passione Dominica audivit, sed credere in mor-
tuum noluit. . . Posterior vero Ecclesia Gentium, Mediatorem
Dei & hominum Jesum Christum & cognovit in carne mor-
tuum, & viventem credidit Deum “. Dicit tamen aliquando
& Judæos ad Christum colligendos, quum & Joannes post Petrum
in monumentum intraverit, scribens: „Postquam (c) intravit Pe-
trus, ingressus est & Joannes. Posterior intravit, qui prior ve-
nerat. Norandum, fratres, est, quod in fine mundi ad Redem-
ptoris fidem etiam Judæa colligitur “.

Progreditur ab explicatione Evangelii ad Paschalis solemnitis
nobilitatem celebrandam, quam dicit ceteras omnes solemnitates
antecedere. „Quia exemplum (d) nobis resurrectionis datum
est, spes cælestis patriæ aperta, & facta superni regni jam præ-
sumptibilis gloria “. Secundo quia Christi corpus & sanguis a
fidelibus sumitur (e). Tertio, quia, huic sumptioni cogimur bona
opera jungere. „Quid enim (f) prodest corpus & sanguinem
illi ore percipere, & ei perveris moribus contraire? Unde be-
ne adhuc ad comedendum subditur: *Et azymos panes cum la-*
lucis agrestibus. Panes quippe sine fermento comedit, qui re-
cta opera sine corruptione vanæ gloriæ exercet, qui mandata
misericordiæ sine admixtione peccati exhibet: ne perverse diri-
piat, quod quasi recte dispensat “. Quarto, quia „qui Pascha
comedit (g), habere renes accinctos debet: ut qui solemnitatem
resurrectionis atque incorruptionis agit, corruptioni jam per vi-
tia nulli subiaceat, voluptates edomet, carnem a luxuria restrin-
gat. Neque enim cognovit quæ sit solemnitas incorruptionis,
qui adhuc per incontinentiam corruptioni subjacet “.

Brevissima hæc homilia 23. habita est in Basilica B. Petri Apo-
stoli in crastino Paschæ. Exponit Evangelium Lucæ cap. 24. nar-
rantis apparitionem Christi discipulis euntibus in Emmaus. Et

Tricalet. Tom. VII.

K

primo

- | | |
|------------------------|------------------------|
| (a) <i>Ibid.</i> n. 1. | (b) <i>Ibid.</i> n. 3. |
| (c) <i>Ibid.</i> n. 5. | (d) <i>Ibid.</i> n. 6. |
| (e) <i>Ibid.</i> n. 7. | (f) <i>Ibid.</i> n. 8. |
| (g) <i>Ibid.</i> n. 8. | |

S. GRÆG. M.

Homil. 22.

Homil. 23.

S. GREG. M. primo quidem docet, merito speciem quam recognoscerent illis non ostendisse. „ Nam (scribit) egit foris (a) Dominus in oculis „ corporis, quod apud ipsos agebatur intus in oculis cordis. Ipsi „ namque apud semetipsos intus & amabant, & dubitabant: eis „ autem Dominus foris & præsens aderat, & quis esset, non ostendebat. De se ergo loquentibus præsentiā exhibuit, sed de se „ dubitantibus cognitionis suæ speciem abscondit “. Deinde observat: „ Deum, quem in Scripturæ Sacræ expositione non agnoverant, in fractione panis cognoverunt “: unde merito colligit, non audiendo præcepta (b) illuminatos fuisse, sed faciendo fuisse illuminatos . . . „ Quisquis ergo vult audita intelligere, festinet ea „ quæ jam intelligere potuit, opere implere “. Denique homiliam claudit ad hospitalitatem hortando, & exemplum affert cuiusdam, qui Christum sub peregrini specie hospitatus fuerat.

Homil. 24. Habita est hæc homilia 24. ad populum in Basilica S. Laurentii martyris, foris muros Urbis, feria quarta Paschæ; & in ea Evangelium exponit S. Joannis cap. 21. narrantis apparitionem Christi discipulis piscantibus ad mare Tiberiadis. Et primo quidem ostendit, Petrum non peccasse, post Christi sequelam ad piscationem revertendo: „ Quia, inquit, negotium (c) quod ante conversionem sine „ peccato extitit, hoc etiam post conversionem repetere culpa non fuit. „ Sic Petrus ad piscationem rediit, non tamen Matthæus ad telonei negotium resedit “. Deinde statum Christi post resurrectionem explicat: per quam (d) corruptionem carnis excesserat, & quietis æternæ perpetuitatem erat consecutus. In Petro autem trahente rete in terram præsignatam dicit potestatem illi datam in Ecclesiam, scribens: „ Quid est (e) quod Petrus rete ad terram „ trahit? Ipsi quippe sancta Ecclesia est commissa, ipsi specialiter „ dicitur . . . *Pasce oves meas*. Quod ergo postmodum aperitur „ in voce, hoc nunc signatur in opere “. In pisce vero alio & favo mellis a Salvatore post resurrectionem comestis, significari dicit „ ipsum (f) Mediatorem Dei & hominum passum. Ipse „ enim latere dignatus est in aquis generis humani, capi voluit „ laqueo mortis nostræ, & quasi tribulatione assatus est tempore „ passionis suæ. Sed qui piscis assus fieri dignatus est in passione; „ fatus mellis nobis extitit in resurrectione “. Denique homiliam claudit animadvertendo, postremum Christi convivium (g) post resurrectionem, designatum fuisse in illis Apostoli verbis: *Beati qui ad cenam Agni vocati sunt* (h). „ Qui enim finito præsentis „ vitæ tempore ad refectionem supernæ contemplationis veniunt, „ non ad Agni prandium, sed ad cœnam vocantur, quæ videlicet „ cœna hoc ultimo convivio exprimitur “.

Feria

- | | |
|--------------------------|---------------------------|
| (a) <i>Ibid. n. 9.</i> | (b) <i>Ibid. n. 2.</i> |
| (c) <i>Ibid. n. 1.</i> | (d) <i>Ibid. n. 2.</i> |
| (e) <i>Ibid. n. 4.</i> | (f) <i>Ibid. n. 5.</i> |
| (g) <i>Ibid. n. 6.</i> | (h) <i>Apoc. 19. 9.</i> |

Feria quinta Paschæ habita est hæc homilia ad populum in Basilica S. Joannis, quæ Constantiniana appellatur. In ea exponit Pontifex Evangelii Joan. caput 21. a vers. 11. usque ad 18. ubi narratur apparitio Christi Mariæ Magdalene sub hortulani specie. Et primo quidem Magdalene amorem celebrat, „ quæ „ a (a) monumento Dominico, etiam Discipulis recedentibus, „ non recedebat “. Hinc colligit, quod „ virtus boni operis „ perseverantia est “. Illam deinde assimilat Sponsæ Cantorum dicenti: *In lectulo meo per noctes quæsiui quem diligit anima mea: quæsiui illum & non inveni* (b), subdens: Quæsiuit „ ergo prius (c), & minime invenit: perseveravit ut quæreret, „ unde & contigit ut inveniret: actumque est, ut desideria dilata „ crescerent, & crescentia caperent quod invenissent “. Nuntiata deinde narsans a Magdalena Christi resurrectionem discipulis, observat: „ Ecce humani generis culpa (d) ibi absciditur, unde „ processit. Quia enim in paradiso mulier viro propinavit mortem, a sepulchro mulier viris annuntiat vitam: & dicta sui vivificatoris narrat, quæ mortiferi serpentis verba narraverat. Ac si humano generi non verbis Dominus, sed rebus dicat: De „ qua manu vobis illatus est potus mortis, de ipsa suscipite poculum vitæ “. In hac homilia Mariam Magdalenam a peccatrice non discernit, sed unam eandemque esse supponit, licet non desint Critici, qui triplicem distinguunt Mariam, sororem scilicet Lazari, peccatricem, & discipulam Christi; hinc in calce homiliæ & Dei misericordiam exultat, & peccatores ad poenitentiam provocat, scribens: „ Quid in (e) hac re debemus aspicere, nisi „ immensam misericordiam Conditoris nostri? . . . Perpendo enim „ Petrum, considero Latronem, aspicio Zacchæum, intueor Mariam, & nihil in his aliud video, nisi ante oculos nostros posita spei, & poenitentiae exempla. Fortasse enim in fide lapsus „ est aliquis; aspiciat Petrum, qui amare sivevit, quod timide negaverat. Alius contra proximum suum in malitia crudelitatis „ exarsit; aspiciat Latronem, qui & in ipso mortis articulo ad „ vitæ pramiam poenitendo pervenit. Alius avaritiæ aestibus anhélans aliena diripuit; aspiciat Zacchæum, qui si quid alieni abstulit, „ quadruplum reddidit. Alius libidinis igne succensus, carnis munditiam perdidit, aspiciat Mariam, quæ in se amorem carnis, „ igne divini amoris excoxit “. „

S. GREG. M.

Homil. 35.

Homil. 36.

In Basilica B. Joannis, quæ dicitur Constantiniana, habita est hæc homilia ad populum in octava Paschæ. In ea explicat Evangelium Joannis cap. 20. a vers. 19. usque ad 31. in quo narratur apparitio Christi discipulis clausis in Cœnaculo, absente Thoma, & postea ipsi Thomæ incredulo. Et primo quidem ostendit, quomodo in Christi corpore glorioso, „ duo mira (f) & juxta hu-

K 2

„ manam

- (a) *Ibid.* n. 1. (b) *Cant.* 3. 1.
(c) *Ibid.* n. 2. (d) *Ibid.* n. 6.
(e) *Ibid.* n. 10. (f) *Ibid.* n. 1.

S. GREG. M.

manam rationem sibi valde contraria copulata sunt: nimirum, quod corpus esset, & incorruptibile, & tamen palpabile. Nam & corrumpi necesse est quod palpatur: & palpari non potest quod non corrumpitur. Sed (subdit) miro modo atque inestimabili Redemptor noster & incorruptibile post resurrectionem, & palpabile corpus exhibuit; ut monstrando incorruptibile, invitaret ad præmium; & præbendo palpabile, firmaret ad fidem. Deinde de missione Apostolorum ad prædicandum, scribit: „Electos Apostolos (a) Dominus, non ad mundi gaudia, sed sicut ipse missus est, ad passionem in mundum mittit. Quia ergo & Filius amatur a Patre, & tamen ad passionem mittitur; ita & discipuli a Domino amantur, qui tamen ad passionem mittuntur in mundum. Itaque dicitur: *Sicut misit me Pater, & ego mitto vos*. Cur autem Spiritus S. Apostolis semel & iterum datus fuerit, explicat scribens: „Neque (b) alio in loco datus Spiritus Sanctus aperte monstratur, nisi nunc cum per insufflationem percipitur, & postmodum cum de cælo veniens, in linguis variis demonstratur. Cur ergo prius in terra discipulis datur, postmodum de cælo mittitur, nisi quod duo sunt præcepta caritatis, dilectio videlicet Dei, & dilectio proximi? In terra datur Spiritus ut diligatur Deus. Sicut ergo una est caritas, & duo præcepta: ita unus Spiritus, & duo data. Incredulitatem vero Thomæ nobis utilem fuisse ostendit scribens: „Egit miro modo (c) superna clementia, ut discipulus ille dubitans, dum in magistro suo vulnera palparet carnis, in nobis vulnera sanaret infidelitatis. Plus enim nobis Thomæ infidelitas ad fidem, quam fides credentium discipulorum profuit: quia dum ille ad fidem palpando reducitur, nostra mens omni dubitatione postposita, in fide solidatur. Denique hominiam clauduit, illorum errorem refutando, qui de carnis nostræ futura resurrectione suo tempore dubitabant.

Homil. 27.

Ad populum in Basilica S. Pancratii Martyris habita est hæc homilia super Evangelium Joannis cap. 15. a vers. 12. usque ad 16. ubi præceptum datur de amore proximi. Et primo quidem ostendit, „quod omne (d) mandatum de sola dilectione est, & omnia unum præceptum sunt: quia quicquid præcipitur, in sola caritate solidatur. Artes deinde exponit Sathanæ conantis in nobis odium excitare adversus proximum. Quomodo vero explorare possimus, num & inimicos diligamus, ostendit scribens: „Nos usque (e) ad mortem nemo persequitur. Unde ergo probare possumus an diligamus inimicos? Sed est quod in pace sanctæ Ecclesiæ fieri debeat, unde clarescat si persecutionis tempore mori pro dilectione valeamus. . . Qui tranquillitatis tempore non dat

„ pro

- | | |
|------------------------|------------------------|
| (a) <i>Ibid.</i> n. 2. | (b) <i>Ibid.</i> n. 3. |
| (c) <i>Ibid.</i> n. 7. | (d) <i>Ibid.</i> n. 1. |
| (e) <i>Ibid.</i> n. 3. | |

„ pro Deo tunicam suam, quando in persecutione daturus est ani-
 „ mam suam? Virtus ergo caritatis ut invicta sit in perturbatio-
 „ ne, nutriatur per misericordiam in tranquillitate: quatenus o-
 „ mnipotenti Deo primum discat sua impendere, postmodum se-
 „ metipsum “. Qui vero sunt Dei amicitiam consecuti, humi-
 „ litatem custodire debent. Quare subdit: „ Quisquis ad hanc per-
 „ venit dignitatem (a), ut amicus vocetur Dei, sese in se con-
 „ spiciat; dona autem quæ percipit, super se. Nihil suis meritis
 „ tribuat, ne ad inimicitias erumpat “. Quid autem sit petere
 in nomine Christi, explicat dicens: „ Ille in nomine (b) Salva-
 „ toris petit, qui illud petit, quod ad veram salutem pertinet.
 „ Nam si id quod non expedit petitur, non in nomine Jesu peti-
 „ tur Pater. Unde & eisdem Apostolis adhuc infirmantibus Do-
 „ minus dicit: *Usque modo non petistis quidquam in nomine meo.*
 „ Ac si aperte diceret: Non petistis in nomine Salvatoris, quia
 „ nescitis quærere æternam salutem “. Denique homiliam clau-
 „ dit, ad dilectionem inimicorum hortando, scribens: „ Nulla in (c)
 „ corde malitia maneat. Consideret omnipotens Deus erga pro-
 „ ximum caritatem nostram, ut nostris impendat iniquitatibus pie-
 „ tatem suam. Mementote quod monemur: *Dimittite, & dimi-*
 „ *tetur vobis.* Ecce debetur nobis, & debemus. Dimittamus ergo
 „ quod debetur nobis, ut dimittatur, quod debetur a nobis “.

In Basilica SS. Nerei & Achillei in die eorum natali habita est Homil. 29.
 hæc homilia, in qua Evangelium exponit S. Joannis cap. 4. a vers.
 46. usque ad 53. narrantis miraculum sanitatis restitutæ Reguli fi-
 lio, qui Capharnaum infirmabatur. Et primo quidem ostendit,
 Regulum etiam dum a Christo miraculum poscebat, in fide dubi-
 tasse: unde merito illi exprobratur a Christo: *Nisi signa & prodigi-*
um videritis, non creditis. Reguli vero dubitationem in eo appa-
 „ rere dicit, quia, „ poposcit (d) ut descenderet, & sanaret filium
 „ ejus. Corporalem ergo præsentiam Domini quærebat, qui per
 „ spiritum nusquam deerat. Minus itaque in illum credidit, quem
 „ non putavit posse salutem dare, nisi præsens esset & corpore.
 „ Si enim perfecte credidisset, proculdubio sciret, quia non es-
 „ set locus ubi non esset Deus “. Cur vero Christus a Regulo
 rogatus ut ad ejus filium veniret, ire corporaliter recusaverit,
 qui ad servum Centurionis sanandum invitatus, tamen se cor-
 „ poraliter ire pollicetur, rationem reddens scribit: „ In hoc
 „ (e) superbia nostra retunditur, qui in hominibus non natu-
 „ ram qua ad imaginem Dei facti sunt, sed honores & di-
 „ vitias veneramus. . . . Redemptor vero noster ut ostende-
 „ ret quia quæ alta sunt hominum, despicienda sunt; & quæ
 „ despecta sunt hominum, sanctis despicienda non sunt: ad filium

K 3

„ Reguli

- (a) *Ibid. n. 5.* (b) *Ibid. n. 6.*
 (c) *Ibid. n. 9.* (d) *Ibid. n. 1.*
 (e) *Ibid. n. 2.*

Reguli ire noluit, ad servum Centurionis ire paratus fuit. Nunc auditores ad humilitatem hortatur, & claudens homiliam monet, ne mundo ruenti inhaerentes, cum ipso gravi lapsu cadamus, scribens: „Ecce jam (a) mundus in seipso aruit, & adhuc in cordibus nostris florēt. Ubique mors, ubique luctus, ubique desolatio, unumque percutimur, undique amaritudinibus replemur, & tamen cæca mente carnalis concupiscentie ipsas ejus amaritudines amamus, fugientem sequimur, labenti inhaeremus. Et quia labentem retinere non possumus, cum ipso labimur, quem cadentem tenemus“.

Homil. 20. In ascensione Domini habita est hæc vigesima nona homilia in Basilica S. Petri ad populum super Evangelium S. Marci cap. 16, vers. 14. usque ad 20. ubi extrema recitantur verba a Christo Domino ante suam ascensionem ad Apostolos habita. Et primo quidem tarditatem discipulorum in credenda Christi resurrectione nobis utilem dicit ad confirmandam fidem nostram. Deinde veritatem resurrectionis a Christo confirmatam dicit sua comestione, „ut videret, licet (b) per effectum comestione veritas patesceret carnis“. Deinde mandatum dicit Apostolis, ut Evangelium prædicarent omni creaturæ, non quia ut insensatis rebus, vel brutis animalibus foret prædicandum, „sed quia omni creaturæ prædicatur (c) Evangelium, cum soli homini prædicatur: quia omnis creaturæ aliquid habet homo. Habet namque commune esse cum lapidibus, vivere cum arboribus, sentire cum animalibus, intelligere cum Angelis... Vel etiam potest omnis creaturæ nomine omnis natio Gentium designari. Ante enim dictum fuerat: *In viam Gentium ne abieritis* (d). Nunc autem dicitur: *Prædicare omni creaturæ*: ut scilicet prius a Judæa Apostolorum repulsa prædicatio, tunc nobis in adiutorium fieret, cum hanc illa ad damnationis suæ testimonium superba repulisset“. Ostendit postea, solam fidem ad salutem non sufficere, nisi & bonæ adiungantur opera, alioquin fides nostra non erit vera fides; unde scribit: „Fidei nostræ (e) veritatem in fidei nostræ consideratione debemus agnoscere. Tunc enim veraciter fideles sumus, si quod verbis promittimus, operibus implemus. In die quippe baptismatis omnibus nos antiqui hostis operibus atque omnibus pompis abrenuntiare promisimus“. De signis vero & miraculis a fidelibus patris observat, ea ostendere aliquando (f) sanitatem, non autem facere, & illa habere & malos posse. Conferens autem ascensionem Christi cum Eliæ in cælum ascensione scribit: „In cælum aereum (g) Elias sublevatus est, ut in secretam quamdam terræ regionem repente duceretur, ubi in magna jam carnis & spiritus quiete
„VIVE-

(a) *Ibid.* n. 3.(b) *Ibid.* n. 1.(c) *Ibid.* n. 2.(d) *Matth.* 10. 5.(e) *Ibid.* n. 3.(f) *Ibid.* n. 4.(g) *Ibid.* n. 5.

„viveret, quousque ad finem mundi redeat, & mortis debitum
 „solvat . . . At Redemptor nollet revertetur ubi erat, & inde
 „redibat, ubi remanebat: quia cum per humanitatem ascenderet
 „in cælum, per divinitatem suam & terram pariter & cælum
 „continebat“. Denique homiliam claudit hortando, ut Chri-
 „stum in cælum ascendentem sequi festinemus, & venturum iudicem
 „timeamus, scribens: „Oportet (a) ut illuc sequamur corde, ubi
 „eum corpore ascendisse credimus. Desideria terrena fugiamus,
 „nihil nos jam delectet in infimis, qui Patrem habemus in cælis.
 „Et hoc vobis est magnopere perpendendum: quia is qui placidus
 „ascendit, terribilis redibit; & quicquid nobis cum mansuetudine
 „præcepit, hoc in nobis cum districtione exigit“.

Homil. 10.

Gregorius ad populum in Basilica B. Petri Apostoli super Evan-
 „gelium Joannis cap. 14. a vers. 23. ad 31. ubi Apostolis adventus
 „promittitur Spiritus Sancti. Et primo quidem dicit, quod „ipse
 „Spiritus Sanctus (b) amor est; unde dicitur: *Deus caritas est*
 „(c). Deum vero amat, non qui verbo dicit, diligo Deum, sed
 „qui ejus mandata observat: nam probatio dilectionis, exhibitio
 „est operis. Unde vere Deum diligimus, si ad mandata ejus
 „nos a nostris voluptatibus coarctamus“. Deinde observat di-
 „ctum a Christo: *Venimus, & mansionem apud eum faciemus*,
 „quia „in quorundam corda venit (d), & mansionem non facit;
 „quia per compunctionem quidem Dei respectum percipiunt, sed
 „tentionis tempore hoc ipsum quod compuncti sunt, obliviscun-
 „tur; sicque ad perpetranda peccata redeunt, ac si ea minime
 „planxissent . . . In eo vero mansionem facit, quando sic eum
 „divinitatis amor penetrat, ut ab hoc amore, temptationis tempore
 „non recedat“. Ideo autem Spiritum Sanctum Paracletum ap-
 „pellari dicit, „quia vox illa græca, latine advocatum (e) vel
 „consolatore significat. Et quidem advocatus, quia pro errore
 „delinquentium apud justitiam Patris intervenit, quatenus eos quos
 „replet exorantes facit; ut postulare dicitur gemitibus inenarrabili-
 „bus; quia ad postulandum eos quos repleverit, inflammat. Con-
 „solator autem vocatur, quia de peccati perpetratione moerenti-
 „bus, dum spem veniæ præparat, ab afflictione tristitiæ mentem
 „levat“. Enumerat postea Spiritus Sancti dona ex Paulo Apo-
 „stolo, & eorum effectus in Apostolis ostendit (f), quorum corda
 „mutaverunt infirmitatem & timorem expulere: & Petrus qui prius
 „expavit ad verba, verbera non pertimuit (g); & Apostoli, qui
 „prius suis adversariis succumbebant formidine, eis jam prærant au-
 „thoritate (h). Denique homiliam claudit hortando, ut per cari-
 „tatem

K 4

- (a) *Ibid.* n. 11. (b) *Ibid.* n. 1.
 (c) 1. Joann. 4. v. 8. & 16. (d) *Ibid.* n. 2.
 (e) *Ibid.* n. 3. (f) *Ibid.* n. 7.
 (g) *Ibid.* n. 8. (h) *Ibid.* n. 9.

tatem erga Deum & proximum pervenire studeamus „ ad illam
 S. GREG. M. „ supernæ frequentiæ lætitiā (a), de qua nunc sancti Spiritus
 „ pignus accepimus. Ad istum finem toto amore tendamus, in
 „ quo sine fine lætabimur. Ibi supernorum civium societas san-
 „ cta; ibi solemnitas certa; ibi requies secunda; ibi pax vera, quæ
 „ nobis jam non relinquitur, sed datur per Dominum nostrum Je-
 „ sum Christum &c.

Monsil. 11. „ Ad populum in Basilica S. Laurentii martyris habita est hæc
 homilia Sabbato quatuor temporum Septembris, & exponitur E-
 vangelium Lucæ cap. 13. a vers. 6. ad 13. in quo habetur para-
 bola sterilis ficulneæ; & narratur sanatio mulieris a decem & octo
 annis infirmæ. Et primo quidem observat, tum sterilem ficulneam,
 tum mulierem infirmam ostendere Dei misericordiam, & pietatem,
 qui per similitudinem sterili ficulneæ subvenit dilationis tempus ad
 fructus faciendos concedendo, & mulieri vere & realiter sanitatem
 tribuendo (b). Et revera subdit: „ Quid arbor fici (c) nisi hu-
 „ manam naturam designat? Quid mulier inclinata, nisi eandem
 „ naturam significando denuntiat? Quæ & bene plantata est sicut
 „ ficus, & bene creata sicut mulier: sed in culpam propria spon-
 „ te lapsa neque fructum servat operationis, neque statum rectitu-
 „ dinis. In vineæ vero cultoribus designatos dicit, „ qui præ-
 „ sunt Ecclesiæ, & dominicæ vineæ curam gerunt (d). Hujus
 „ enim vineæ primus cultor Petrus Apostolus extitit. Hunc nos
 „ indigni sequimur, in quantum pro eruditione vestra; docendo,
 „ deprecando, increpando laboramus. Tres vero annos in qui-
 „ bus Dominus vineæ venit quærens fructus in ficulnea, significare
 „ dicit tres hominum status scribens: „ Venit ante (e) Legem;
 „ quia per naturalem intellectum quid unusquisque exemplo sui,
 „ qualiter erga proximum agere debuisset, innotuit. Venit in Le-
 „ ge; quia præcipiendo docuit. Venit post legem, per gratiam,
 „ quia pietatis suæ præsentiam exhibendo monstravit. Sed tamen
 „ in tribus annis fructum se non invenisse conqueritur: quia quo-
 „ rumdam pravorum mentes nec inspirata Lex naturalis corrigit, nec
 „ præcepta erudiunt, nec incarnationis ejus miracula convertunt.
 „ Illos vero terram frustra occupare dicit tamquam arbores infructuo-
 „ sas, „ qui (f) mentes alienas gravant, qui locum quem tenent in
 „ bonis operibus non exercent.

In muliere vero curva signatur, scribit, „ omnis peccator (g)
 „ terrena cogitans, cælestia non requirens, qui sursum respicere
 „ non valet; quia dum desideria inferiora sequitur, a mentis suæ
 „ rectitudine curvatur: & hoc semper videt, quod sine cessatio-
 „ ne cogitat. Hinc homiliam claudit sic hortando: „ Pu-
 „ deat

(a) Ibid. n. 10. (b) Ibid. n. 1.
 (c) Ibid. n. 2. (d) Ibid. n. 3.
 (e) Ibidem. (f) Ibid. n. 4.
 (g) Ibid. n. 6.

„ deat (a) ergo terrena concupiscere, & dorſa mentium aſcendentibus
 „ adverſariis præbere. Terram ſemper intuetur qui curvus eſt : S. GREG. M.
 „ & quo præmio ſit redemptus, non meminit qui ima quærit.
 „ Hinc etiam per Moylem dicitur, ut qui gibbo premitur, ne-
 „ quaquam ad ſacerdotium provehatur. . . A ſacerdotio ergo re-
 „ pellitur qui terrenis intentus eſt “.

In die natali SS. Proceſſi & Martiniani, & in eorum Baſilica Homil. 12.
 habita eſt trigeſima ſecunda homilia ſuper Evangelium Lucæ cap.
 9. verſ. 23. uſque ad 27. ubi ſermo habetur de ſui abnegatione,
 & de cruce tollenda. Et primo quidem quomodo malis noſtris
 Chriſtus remedia attulerit, explicat ſcribens: „ Cæleſtis (b) medi-
 „ cus ſingulis quiboſque vitiis obviantia adhibet medicamenta.
 „ Nam ſicut arte medicinæ calida frigidis, frigida calidis curan-
 „ tur: ita Dominus noſter contraria oppoluit prædicamenta pec-
 „ catiſ; ut lubricis continentiam, tenacibus largitatem, iracundis
 „ maſuetudinem, elatiſ præciperet humilitatem “ . Sanatiſ au-
 „ tem morbiſ animæ; exquirendas eſſe virtuteſ monet, unde ſub-
 „ dit: „ Qui jam (c) ſe a vitiis abnegat, exquirendæ ei virtuteſ
 „ ſunt in quiboſ creſcat. Nam cum dictum eſt: *Qui vult poſt*
 „ *me venire, abneget ſemetipſum*, protinuſ additur: *Et tollat*
 „ *crucem ſuam quotidie & ſequatur me*. Duobuſ etenim modiſ
 „ crux tollitur, cum aut per abſtinentiam afficitur corpus, aut per
 „ compaſſionem proximi affligitur animuſ “. Quod confirmat ex-
 „ emplo Apoſtoli Pauli, qui de ſe dicebat: *Caſtigo corpus meum,*
 „ *& in ſervitutem redigo (d)*. . . . Et etiam: *Quis infirmatur,*
 „ *& ego non infirmuſ?* . . . „ Perfectuſ quippe prædicator ut ex-
 „ emplum daret abſtinentiæ, crucem portabat in corpore. Et
 „ quia in ſe trahebat damna infirmitatiſ alienæ, crucem portabat
 „ in corde “. Explicat deinde quomodo tum paciſ, tum perfe-
 „ cutioniſ tempore perdenda ſit anima, ſcribens: „ Sancta Eccleſia
 „ (e) aliud tempuſ habet perſecutioniſ, atque aliud paciſ. Re-
 „ demptor noſter ipſa ejuſ tempora diſtinguit in præceptiſ. Nam
 „ perſecutioniſ tempore ponenda eſt anima: paciſ autem tempore
 „ ea quæ ampliuſ dominari poſſunt, frangenda ſunt deſideria ter-
 „ rena. . . Cum perſecutio ab adverſario deeſt, valde vigilantiuſ
 „ cor cuſtodiendum eſt. Nam paciſ tempore quia licet vivere,
 „ licet etiam ambire “. Deinde de ſanctiſ martyribuſ ſermonem
 „ habens oſtendit, eoruſ certamina future gloriæ præbere argumen-
 „ tum, unde ſcribit: „ Ad ſanctoruſ Martyruſ (f) corpora con-
 „ ſiſtimuſ, fratreſ mei. Numquid iſti carnem ſuam in mortem
 „ darent, niſi eiſ certiffime conſtiſſet eſſe vitam pro qua mori
 „ debuiffent? Et ecce quia ita crediderunt, miraculiſ coruſcant.
 „ Ad extincta namque eoruſ corpora, viventeſ agri veniunt,
 „ & ſa-

(a) Ibid. n. 8. (b) Ibid. n. 1.
 (c) Ibid. n. 3. (d) 1. Cor. 9. 27.
 (e) Ibid. n. 5. (f) Ibid. n. 7.

S. GREG. M.

„ & sanantur: perjuri veniunt, & a dæmonio vexantur: dæmo-
 „ niaci veniunt, & liberantur “. Et hic miraculum narrat cu-
 „ jusdam Matronæ, cui sancti Martyres oranti apparuerunt sub Mo-
 „ nachi specie, cui illa volens eleemosynam elargiri, auditiv sibi di-
 „ centes: „ Tu nos (a) modo visitas, nos te in die judicii requi-
 „ remus, & quidquid possumus, præstabimus tibi. Quo dicto,
 „ ab oculis ejus ablati sunt “. Hinc homiliam claudit adhortans
 „ fideles, ut eorum patrocinium sibi concilient, scribens: „ Hos ergo
 „ fratres carissimi, in causâ (b) vestri examinis quam cum di-
 „ stricto judice habetis, patronos facite: hos in die tanti terroris
 „ illius defensores adhibete . . . In illo conventu causâ nostrâ dis-
 „ cutitur, & tamen nos patronos modo non querimus, quos tunc
 „ defensores habeamus. Adsumt defensores nostri sancti Martyres:
 „ rogari volunt, atque, ut ita dixerim, querunt, ut querantur.
 „ Hos ergo adjutores vestræ orationis querite: hos protectores
 „ vestri reatus invenite: quia ne punire peccatores debeat, rogari
 „ vult & ipse qui judicat “.

Homil. 11.

Feria sexta quatuor temporum septembrium habita est hæc tri-
 „ gesima tertia homilia in Basilica S. Clementis super Evangelium
 „ Lucæ, in quo Magdalenz peccatricis conversio narratur cap. 7. a
 „ vers. 36. usque ad 50. Et primo pœnitentiam Mariæ ad lacrymas
 „ provocare dicit scribens: „ Cujus vel saxeum (c) pectus illæ hu-
 „ jus peccatricis lacrymæ ad exemplum pœnitendi non emol-
 „ liant? . . . Super convivantes ingressa est, non iussa venit, in-
 „ ter epulas lacrymas obtulit. Discite quo dolore ardet, quæ fle-
 „ re & inter epulas non erubescit “. Ejus conversionem divinæ
 „ gratiæ attribuit dicens: „ Quid miramur, fratres, Mariam veni-
 „ nientem, an Dominum suscipientem? Suscipientem dicam, an
 „ trahentem? dicam melius, trahentem, & suscipientem: quia ni-
 „ mirum ipse eam per misericordiam traxit intus, qui per man-
 „ suetudinem suscepit foris “.

Pharisæi vero superbiam expetens dolet eam imitari & christianos
 „ Sacerdotes, scribens: „ Sed inter (d) hæc nos gemitus cogit, quosdam
 „ nostri ordinis viros intueri, qui sacerdotali officio præditi, si
 „ quid fortasse iuste exterius, vel tenuiter egerint, protinus subje-
 „ ctos despiciunt, & peccatores quosque in plebe positos dedignantur,
 „ tur, eisque compati culpam suam confitentibus nolunt, ac vel-
 „ uti Pharisei more, a peccatrice muliere tangi despiciunt “.

Ostendit vero, peccati rubiginem igne caritatis tolli, scribens:
 „ Quid (e) esse dilectionem credimus nisi ignem? & quid cul-
 „ pam, nisi rubiginem? . . . Incendit plene peccati rubiginem,
 „ quia ardet valide per amoris ignem. Tanto namque amplius
 „ peccati rubigo consumitur, quanto peccatoris cor magno carita-
 „ tis igne concrematur “.

In

(a) *Ibid.* n. 8.

(b) *Ibid.* n. 9.

(c) *Ibid.* n. 1.

(d) *Ibid.* n. 3.

(e) *Ibid.* n. 4.

In Christi pedibus, quos Maria osculabatur, designatum dicit Incarnationis mysterium, scribens: „Potest (a) per pedes ipsum „mysterium Incarnationis ejus intelligi, quo divinitas terram te- „tigit, quia carnem sumpsit Osculamur ergo Redemptoris „pedes, cum mysterium Incarnationis ejus ex toto corde diligi- „mus. Unguento pedes ungimus, cum ipsam humanitatis ejus „potentiam sacri eloquii bona opinione prædicamus “. Exultat vero Dei misericordiam peccatores benigne suscipientis. Quare subdit: „Consideremus (b) gratiam misericordis Dei, & „damnemus multitudinem reatus nostri. Ecce peccatores videt „& sustinet, resistentes tolerat, & tamen quotidie per Evange- „lium clementer vocat. Confessionem nostram ex puro corde „desiderat, & cuncta quæ deliquimus relaxavit “. Quamobrem egregie homiliam claudit dicens: „Nemo tantæ (c) misericordiæ „tempus perdat, nemo oblata remedia divinæ pietatis abiciat. „Ecce superna benignitas aversos nos revocat, & nobis reverten- „tibus suæ clementiæ sinum parat. Unusquisque ergo penset „quo debito constringitur, quando illum Deus expectat, nec con- „temptus exasperatur “.

S. GRAD. M.

Habita est hæc homilia trigesima quarta ad populum in Basilica beatorum Joannis & Pauli Dominica tertia post Pentecosten de Evangelio Lucæ cap. 15. vers. 1. usque ad decimum, ubi habetur parabola Pastoris querentis ovem perditam, & mulieris drachmam amissam. Et primo quidem se excusat, quod longa mora interveniente de Evangelii expositione non sit locurus, ætivo calore sibi valde incommodo præpeditus (d). Distinctionem deinde veræ justitiæ a falsa sic explicat: „Vera justitia compassionem (e) habet, falsa justitia dedignationem, quamvis & justii soleant recte peccatoribus indignari. Sed aliud est quod agitur typo superbiæ, aliud quod zelo disciplinæ. Dedignantur etenim, sed non dedignantes . . . quia etsi foris increpationes per disciplinam exaggerant, intus tamen dulcedinem per caritatem servant . . . At contra hi, qui de falsa justitia superbire solent, ceteros quosque despiciunt, nulla infirmantibus misericordia condescendunt: & quo se peccatores esse non credunt, eo deterius peccatores sunt “.

Homil. 14.

Rationem deinde querens, cur Dominus plus gaudeat de uno peccatore poenitentiam agente, quam de nonaginta novem justis, quibus non est opus poenitentia, scribit: „Quia plerumque hi qui „nullis se oppressos (f) peccatorum molibus sciunt, stant quidem „in via justitiæ, . . . sed pigri remanent ad exercenda bona præcipua, quia valde sibi securi sunt quod nulla commiserint mala „graviora. At contra nonnunquam hi qui se aliqua illicita e-

„ gisse

(a) *Ibid.* n. 6. (b) *Ibid.* n. 8.
(c) *Ibidem.* (d) *Ibid.* n. 1.
(e) *Ibid.* n. 2. (f) *Ibid.* n. 4.

S. GREG. M.

„ gisse meminerunt, ex ipso suo dolore compuncti, inardescunt in
 „ amorem Dei, seseque in magnis virtutibus exercent, cuncta dis-
 „ scilia sancti certaminis appetunt, omnia mundi derelinquunt,
 „ honores fugiunt, acceptis contumeliis lætantur, flagrant deside-
 „ rio, ad cælestem patriam anhelant: & quia se errasse a Deo
 „ considerant, damna præcedentia lucris sequentibus recompen-
 „ sant “.

In sollicitudine vero mulieris evertentis domum, ut drachmam
 perditam reperiat, agnoscit conscientiæ discussionem ad pœni-
 tentiam inducendam, unde scribit: „ Domus (a) evertitur, cum
 „ consideratione reatus sui humana conscientia perturbatur. Qui
 „ eversionis sermo non discrepat ab eo quod in aliis codicibus le-
 „ gitur, *emundat*: quia nimirum prava mens si non prius per ti-
 „ morem evertitur, ab assuetis vitiis non emundatur “.

De Angelis vero loquens, novem eorum ordines enumerat (b),
 & eorum ministerium exponit (c) observans, „ Angelorum voca-
 „ bulum nomen esse officii, non naturæ. Nam sancti illi cælestis
 „ patriæ spiritus semper quidem spiritus sunt, sed semper vocari an-
 „ geli nequaquam possunt: quia tunc solum sunt Angeli, cum per
 „ eos aliqua nuntiantur... Qui vero minima nuntiant, Angeli: qui
 „ vero summa annuntiant, Archangeli vocantur “. Præcipua de-
 inde Angelorum nomina explicat. „ Michael (d) namque inter-
 „ pretatur: *Quis ut Deus*. Gabriel, fortitudo Dei. Raphael
 „ vero dicitur: *Medicina Dei* “. Auctoritatem etiam adducit Dio-
 nysii Areopagitæ, quem antiquum & venerabilem Patrem appel-
 lat. Verum num scripta illi tributa, ut genuina habuerit S.
 Gregorius, merito in dubium vocatur: quippe qui cum aliqua
 dubitatione illum citat dicens: „ Fertur vero (e) Dionysius A-
 „ reopagita dicere, quod ex minoribus Angelorum agminibus fo-
 „ ras ad explendum ministerium vel visibiliter, vel invisibiliter
 „ mittuntur “. Nam verbum *fertur*, non ad doctrinam referri
 posse videtur, quia cum liber de cælesti hierarchia in omnium ma-
 nibus versaretur, dubium legendo facile solvi poterat: ergo ad au-
 ctorem libri potius referendum. Unde S. Pontifex sic loquendo
 innuere videtur, se non propriam promere sententiam, sed vulga-
 rem sequi opinionem. Observat etiam, aliquando inferiorem An-
 gelum a superiore mitti (f).

Revertens postea ad moralem instructionem, pœnitentiæ modum
 explicat scribens: „ Pœnitentiam (g) agere est & perpetrata ma-
 „ la plangere, & plangenda non perpetrare. Nam qui sic alia
 „ deplorat, ut tamen alia committat, adhuc pœnitentiam agere,
 „ aut

(a) *Ibid.* n. 6. (b) *Ibid.* n. 7.
 (c) *Ibid.* n. 8. (d) *Ibid.* p.
 (e) *Ibid.* n. 12. (f) *Ibid.* n. 13.
 (g) *Ibid.* n. 15.

„ aut dissimulat, aut ignorat . . . Præterea qui se (a) illicita
 „ meminit commississe; a quibuldam etiam licitis studeat abstinere: quatenus per hoc Conditori suo satisfaciatur, ut qui commi-
 „ sit prohibita, sibi meripsum abscindere debeat etiam concessa: & se
 „ reprehendat in minimis, qui se meminit in maximis deliquisse.
 „ se “. Narrat in hujus veritatis confirmationem, veram & du-
 „ ram Victorini (b) poenitentiam, per quam audire meruit a Deo:
Dimissum est peccatum tuum. Et ita finem homiliæ imponit.

S. GREG. M.

Homil. 11.

In die natalis S. Mennæ martyris, & in ejus Basilica habita
 est hæc homilia ad populum super Evangelium secundum Lucam
 cap. 21. vers. 9. usque ad 19. ubi futura in Christi discipulos per-
 secutio prædicatur. Et quidem primo observat, Christum discipu-
 lis, præcurrentia mala denuntiare (c), ut eo minus perturbent
 „ venientia quo fuerint præcisa. Minus enim jacula feriunt quæ
 „ prævidentur “. Deinde consolatione eorum corda contra ven-
 „ tura mala præmunit, dum dicit: *Ego dabo vobis os & sapientiam,*
cui non poterunt resistere, & contradicere omnes adversarii vestri.
 „ Ac si aperte (d) membris suis infirmantibus dicat: Nolite terre-
 „ ri, nolite pertimescere: vos ad certamen acceditis, sed ego præ-
 „ lior: vos verba editis, sed ego sum qui loquor. Sed quia ad-
 „ huc (e) dura sunt quæ prædicantur de afflictione mortis, pro-
 „ tinus consolatio subditur de gaudio resurrectionis, cum dicitur:
 „ *Capillus de capite vestro non peribit* “.

Veræ autem patientiæ in tribulationibus signa hæc exhibet scri-
 bens: „ Plerumque (f) ideo patientes esse videmur, quia retribuere
 „ mala non possumus. Sed qui idcirco malum non retribuit,
 „ quia nequaquam valet, proculdubio, ut prædiximus, patiens
 „ non est: quia patientia non in ostensione inquitur, sed in cor-
 „ de “. Quomodo autem Dæmon ad impatientiam nos impel-
 „ lat, exponit scribens: „ Adversarius bellum (g) contra duos mo-
 „ vet, unum videlicet inflammans, ut contumelias prior inferat:
 „ alterum vero provocans, ut contumelias læsus reddat. Sed quia
 „ ejus jam victor extitit quem ad proferendas contumelias commo-
 „ vit: contra illum acrius dolet, quem ad reddendas injurias com-
 „ movere non potuit: unde fit, ut tota se virtute contra eum e-
 „ rigat, quem contumelias fortiter pertulisse considerat “.

Ostendit proinde, quomodo etiam in pace Ecclesiæ Martyrum
 patientiam consequi possimus, scribens: „ Si adjuvante nos Do-
 „ mino (h) virtutem patientiæ servare contendimus, & in pace
 „ Ecclesiæ vivimus, & tamen martyrii palmam tenemus. Duo
 „ quippe sunt martyrii genera, unum in mente, aliud in mente
 „ simul & actione . . . Mori quippe a persequente, martyrium
 „ in

(a) *Ibid.* n. 16.(b) *Ibid.* n. 18.(c) *Ibid.* n. 1.(d) *Ibid.* n. 3.(e) *Ibid.* n. 4.(f) *Ibid.* n. 5.(g) *Ibid.* n. 6.(h) *Ibid.* n. 7.

S. GREG. M.

„ in aperto opere est : ferre vero contumelias, odientem diligere,
 „ martýrium est in occulta cogitatione “. Confirmat autem in
 „ virtute patientiæ auditores suos exemplo patientiæ Stephani Abba-
 „ tis Monasterii juxta Reatinæ urbis mœnia, „ qui in virtute (a)
 „ patientiæ ita excreverat, ut eum sibi amicum crederet, qui sibi
 „ molestiæ aliquid irrogasset : reddebat contumeliis gratias ; si
 „ quod in ipsa sua inopia dânnum ei fuisset illatum, hoc ma-
 „ ximum lucrum putabat : omnes suos adversarios nihil aliud quam
 „ adjuutores æstimabat “. Deinde narrat, quomodo in die mor-
 „ tis visi sunt Angeli ad eum ingredientes, unde concludit : „ Qui-
 „ bus hunc credamus, nisi sanctis Martyribus sociatum, quem ma-
 „ testantibus corporeis quoque oculis a beatis spiritibus constat ef-
 „ se susceptum “ ?

Denique hac hortatione homiliam claudit : „ Servate fratres in
 „ mente (b) patientiam, eamque cum res exigit, exercete in o-
 „ peratione. Nullum vestrum ad odium proximi contumeliosa
 „ verba commoveant, nulla periturarum rerum damna pertur-
 „ bent . . . Tolerate adversarios vestros ; sed ut fratres diligite,
 „ quos toleratis. Æterna præmia pro damnis temporalibus quæ-
 „ rite. Nec quisque vestrum suis se viribus hanc implere posse
 „ confidat : sed obtinere precibus, ut ipse hanc qui imperat,
 „ præstet Christus Dominus noster.

Homil. 34.

Habita est hæc homilia in Basilica BB. Apostolorum Philippi
 & Jacobi ad populum Dominica secunda post Pentecosten de Evan-
 gelio secundum Lucam cap. 14. a vers. 16. usque ad 24. ubi ha-
 betur parabola de homine qui fecit cœnam magnam. Primo
 quidem discrimen assignat inter carnales & spirituales delicias ani-
 marum, „ quod corporales deliciæ (c) cum non habentur, grave
 „ in se desiderium accendunt : cum vero habitæ eduntur, come-
 „ dentem protinus in fastidium per satietatem vertunt. At con-
 „ tra spirituales deliciæ cum non habentur, in fastidio sunt : cum
 „ vero habentur, in desiderio ; tantoque a comedente amplius e-
 „ suriuntur, quanto & ab esuriente amplius comeduntur. In illis
 „ appetitus placet, experientia displicet : in istis appetitus vilis
 „ est, & experientia magis placet “.

Deinde in homine qui fecit cœnam magnam, Christum adum-
 bratum dicit, „ qui satietatem (d) nobis dulcedinis internæ præ-
 „ paravit. Qui vocavit multos, sed pauci veniunt : quia non-
 „ nunquam ipsi qui ei per fidem subjeçti sunt, æterno ejus con-
 „ vivio male vivendo contradicunt “. In servo autem ab eo mis-
 „ so ad accersendos invitatos, se ipsum designatum dicit S. Ponti-
 „ fex scribens : „ Servus sum Domini patrisfamilias (e). Cum vos
 „ admoneo ad contemptum sæculi, invitare vos venio ad cœnam
 „ Domi-

(a) *Ibid.* n. 8. (b) *Ibid.* n. 9.
 (c) *Ibid.* n. 1. (d) *Ibid.* n. 2.
 (e) *Ibidem.*

„ Domini. Nemo me propter me hoc in loco despiciat. Et si
 „ ad invitandum nequaquam dignus appareo, sed tamen magnæ S. GREG. M.
 „ sunt deliciae quas promitto “.

Dementiam vero illorum, qui oblatas delicias respiciunt, deplo-
 rat subdicens: „ Sed quid agimus (a) qui hoc quod subiungitur,
 „ adhuc fieri a multis videmus? Et cæperunt omnes simul excusa-
 „ re. Offert Deus quod rogari debuit; non rogatus dare vult
 „ quod vix sperari poterat, quia dignaretur largiri postulatus,
 „ contemnitur: Paratas vero delicias refectionis æternæ denuntiat,
 „ & tamen simul omnes excusant “.

Explicat deinde fuitiles recusantium excusationes. Et in emen-
 te villam illos designatos dicit „ qui sola (b) exteriora cogitant
 „ propter substantiam “. In emptore bovum, curiosos dicit in-
 dicatos, „ qui interna comprehendere nesciunt, sed sola exteriora
 „ cognoscunt, & deferentes intima, ea quæ extra sunt, tangunt “. In illo vero qui uxorem se duxisse dicit, carnis voluptatem (c)
 sectantes indicatos dicit. Prima itaque excusatio est avarorum;
 secunda curiosorum: tertia deditorum carnalibus voluptatibus,
 unde scribit: „ Ad cœnam vos æterni convivii summus paterfam-
 „ lias invitat; sed dum alius avaritiæ, alius curiositati, alius vo-
 „ luptati carnis est deditus, nimirum reprobi simul omnes excu-
 „ sant “.

In aliis vero, loco recusantium, invitatis agnoscit S. Pontifex
 illos quos despiciit mundus; „ quia (d) plerumque ipsa despectio
 „ hominem revocat ad semetipsum “. Gentiles etiam indicatos pu-
 tat, quia licet „ multi (e) ad cœnam dominicam ex Judæa col-
 „ lecti sunt, sed multitudo quæ ex Israelitico populo credidit, lo-
 „ cum superni convivii non implevit, sed adhuc locus vacat in re-
 „ gno, ubi suscipi debeat numerositas Gentium . . . Nam cum de
 „ vicis & plateis ad cœnam quosdam Dominus invitat, designat
 „ Gentilem populum “.

Illos vero ad intrandum compulsos dicit, qui temporalibus ad-
 versitatibus, vel longa ægritudine tabescentes, vel afflicti injuriis
 (f) ad Deum corda convertunt. Hinc adversitatum utilitates ad
 procurandam peccatorum conversionem ostendit. Reprobos vero di-
 cit signatos in illis de quibus dixit Dominus: *Nemo virorum illo-
 rum qui vocati sunt, gustabit cœnam meam*. Quamobrem sic au-
 ditores hortatur: „ Ecce vocat per se (f), vocat per Angelos,
 „ vocat per Patres, vocat per Prophetas, vocat per Pastores, vo-
 „ cat etiam per nos, vocat plerumque per miracula, vocat plerum-
 „ que per flagella, vocat aliquando per hujus mundi prospera,
 „ vocat aliquando per adversa. Nemo contemnat, ne dum voca-
 „ tus

(a) *Ibid.* n. 3. (b) *Ibid.* n. 4.
 (c) *Ibid.* n. 5. (d) *Ibid.* n. 7.
 (e) *Ibid.* n. 8. (f) *Ibid.* n. 9.
 (g) *Ibid.* n. 10.

„tus excusat, cum voluerit intrare non valeat, de quibus dictum
 S. GREG. M. „est: *Tunc invocabunt me, & non exaudiam, mane consurgent,
 „ & non invenient me (a)*“.

Homil. 37. In Basilica beati Sebastiani martyris ad populum habita est hæc
 homilia in die ejus natali, in qua exponitur Evangelium S. Lucae
 cap. 1. a vers. 26. usque ad 33. ubi sermo habetur de odio ha-
 bendis etiam parentibus, & Christo sequendo: Et primo ostendit,
 ex consideratione beatitudinis hæc omnia terrena vilescere, unde
 scribit: „Quæ lingua (b) dicere, vel quis intellectus capere suf-
 „ficit illa supernæ civitatis quanta sint gaudia, Angelorum choris
 „interesse, cum beatissimis spiritibus gloriæ Conditoris assistere,
 „incircumscriptum lumen videre, nullo mortis metu affici, incor-
 „ruptionis perpetuæ munere lætari? Ad hæc audita inardescit a-
 „nimus, jamque illic cupit assistere, ubi se sperat sine fine gau-
 „dere. Sed ad magna præmia perveniri non potest, nisi per ma-
 „gnos labores“.

Declarat postea qua discretionem propinquos, & parentes & odif-
 se debeamus, & diligere, scribens: „Simul & odisse & diligere (c)
 „per discretionem valemus, ut eos qui carnis cognatione nobis
 „conjuncti sunt, & quos proximos novimus, diligamus, & quos
 „adversarios in via Dei patimur, odiendo & fugiendo nescia-
 „mus“. Similiter docet, quomodo & animam nostram odisse
 possumus, scribens: „Tunc bene animam (d) nostram odimus,
 „cum ejus carnalibus desideriis non acquiescimus, cum ejus appe-
 „titum frangimus, & ejus voluptatibus reluctamur“. Quod
 confirmat exemplo S. Pauli qui dicebat: *Ego non solum alligari,*
 „*sed & mori in Jerusalem paratus sum pro nomine Domini Jesu*
 „*Christi: nec facio animam meam pretiosorem quam me (e)*: unde
 subdit: „Ecce quomodo (f) animam suam amando oderat, im-
 „mo odiens amabat, quam cupiebat pro Jesu morti tradere, ut
 „hanc ad vitam de peccati morte suscitaret“.

Modum autem ferendæ crucis Christi exponit scribens: „Cru-
 „cem Domini (g) bajulamus, cum aut per abstinentiam, carnem
 „afficimus, aut per compassionem proximi necessitatem illius no-
 „stram putamus. Qui enim dolorem exhibet in aliena necessita-
 „te, crucem portat in mente“. Addit tamen non sufficere Cru-
 „cem portare, sed & oportere Christum sequi, unde scribit: „Ba-
 „julare crucem & post Dominum ire, est vel carnis abstin-
 „tiam, vel compassionem proximo pro studio æternæ intentionis
 „exhibere. Nam quisquis hæc pro temporali intentione exhi-
 „bet, crucem quidem bajulat, sed ire post Dominum recusat“.
 Parabolam vero exponens de Rege ex æquæ veniente (f) ad
 præ-

(a) Prov. 1. 28.

(b) Ibid. n. 1.

(c) Ibid. n. 2.

(d) Ibidem.

(e) Act. 21. 13.

(f) Ibid. n. 3.

(g) Ibid. n. 5.

(h) Ibid. n. 6.

prælium, qui tamen perpendens se non posse sufficere, legationem mittit, & ea quæ pacis sunt, postulat, ostendit & nos illius prudentiam imitari debere, qui contra duplicem inimicum, interiorem scilicet, & exteriorem sufficere non posse conspicientes, legationem mittamus, & rogemus ea quæ pacis sunt. Quid autem mittere debeamus, declarat subdicens: „Mittamus (a) ad hunc legationem „lacrymas nostras, mittamus misericordiæ opera, mactemus in „ara ejus hostias placationis, cognoscamus nos cum eo in judicio „non posse contendere: pensemus virtutem ejus fortitudinis... Hæc „est nostra legatio, quæ regem venientem placat“. Et hic quasi occasionem nactus de efficacia sacrificii Missæ loquitur, & hoc ad hanc legationem mittendum dicit. Illius itaque effectum ostendit duplici exemplo. Primum scilicet cujusdam mariti in captivitatem deducti, pro quo uxor ejus, qui cum fato functum arbitrabatur, hebdomadibus singulis hostias (b) curabat offerre, cujus toties vincula solvebantur in captivitate, quoties ab ejus conjugē oblata fuissent hostiæ pro animæ ejus absolutione“. Alterum Cassi Narniensis Ecclesiæ Episcopi, cui mos erat quotidianas Deo hostias offerre... cui sacrificio etiam valde concordabat vita, & cui nuntiatum fuit a quodam Presbytero ad hoc nuntium afferendum etiam plagis & verberibus coacto, sibi mandatum fuisse in visione ut diceret S. Episcopo: „Age quod agis (c), operare „quod operaris, non cesset manus tua, non cesset pes tuus: nam „tali Apostolorum venies ad me, & retribuam tibi mercedem „tuam“: qui revera non eo quidem anno, sed post nuntium septimo spiritum emisit, sicque sancta illa anima ad gaudia æterna perveniens a carnis corruptione soluta est.

Habita est hæc homilia ad populum in Basilica beati Clementis martyris de Evangelio secundum Matthæum cap. 22. a vers. 1. usque ad 13. ubi sequitur parabola Regis qui nuptias fecit filio suo. Et quidem primo dicit, nomine regni cælorum plerumque in sacro eloquio designari Ecclesiam Dei (d). Rex autem, qui nuptias facit filio Regis, est Deus Pater qui Deo filio suo nuptias fecit (e), quando hunc in utero Virginis humanæ naturæ conjunxit. „Vel apertius atque securius (subdit) dici potest, quia „in hoc Pater Regi filio nuptias fecit, quo ei per incarnationis „mysterium sanctam Ecclesiam sociavit. Uterus autem Virginis „hujus sponsi thalamus fuit“.

In tauris & atrilibus ad convivium porrectis designatos dicit novi & veteris Testamenti Patres (f), quod late & allegorice explicat. In invitatis vero & venire reculantibus illos designatos dicit qui vocationis gratiam vel respuunt, vel etiam persequuntur (g),

Tricalet. Tom. VII.

L

proin-

(a) *Ibid.* n. 7.

(c) *Ibid.* n. 9.

(e) *Ibid.* n. 3.

(g) *Ibid.* n. 5.

(b) *Ibid.* n. 8.

(d) *Ibid.* n. 2.

(f) *Ibid.* n. 4.

proinde æternæ gehennæ flamma non in anima solum, sed & in corpore cruciandi.

S. GREG. M.

Ad nuptias autem convenisse & bonos, & malos dicit, „ quia „ (a) per has regis nuptias præfens Ecclesia designatur, in qua „ cum bonis & mali conveniunt “. Immo arbitratur multo plures esse malos quam bonos, reprobos quam electos, quod probat primo ex similitudine Arcæ Noë (b) & aræ „ in cujus tritura „ pauca sunt grana, quæ servantur horreis, & grandes acervi „ learum qui ignibus comburuntur “. Hinc infert quam verum sit Evangelii dictum: *Multi sunt vocati, pauci vero electi*. Proinde „ tremendum valde est (subdit) hoc quod (c) audivimus. „ Ecce omnes jam vocati per fidem ad cælestis Regis nuptias venimus . . . Quia vocati sumus, novimus: si sumus electi, nescimus. Nam alter pene totam vitam ducere in pravitate conspicitur, sed juxta finem vitæ per districtæ lamenta poenitentiae „ revocatur: alter electam videtur ducere vitam, & tamen hunc „ contingit ad erroris nequitiam juxta finem vitæ declinare “. Quam veritatem confirmat exemplo domestico trium sororum Patris sui, Tharsillæ, Gordianæ, & Æmilianæ, quæ (d) omnes ardore conversæ uno eodemque tempore sacratæ, sub districtione regulari degentes, in domo propria socialem vitam ducebant. At harum binæ, Tharsilla scilicet, & Æmiliana in sancto proposito perseverantes, felici morte temporalem vitam cum æterna commutarunt. At Gordiana a sancto proposito sensim sine sensu recedens, oblita Dominici timoris, oblita pudoris & reverentiæ, oblita consecrationis, conductorem agrorum suorum postmodum maritum duxit. Alterum ex opposito exemplum affert cujusdam monachi monasterii SS. Joannis & Pauli Romæ, „ qui (e) vixit levis eloquio, pravus actione, cultus vestibus, moribus incultus; ferre „ non poterat si quisquam illi de sancti habitus conversatione loqueretur . . . Aspernabatur valde si quis sibi aliquid de pravivitatis suæ correctione loqueretur. Bona non solum facere, sed etiam audire non poterat. Nunquam se ad sanctæ conversationis habitum venire, jurando, irascendo, deridendo testabatur . . . Perductus est ad mortem, & cum jam moriturus esset, coepit clamare fratribus orantibus pro eo: Recedite, recedite: ecce draconi „ ad devorandum datus sum, qui propter vestram præsentiam devorare me non potest. Caput meum jam in suo ore absorbit. . . Cumque fratres hoc audirent, prostrati in terra cum lacrymis coeperunt pro ereptione illius vehementius orare. Et ecce subito coepit melioratus ager quibus valebat vocibus exultare, dicens: Gratias Deo; ecce draco qui me ad devorandum acceperat, fugit: orationibus vestris expulsus, stare non potuit. Pro „ pec-

(a) *Ibid.* n. 7. (b) *Ibid.* n. 8.
(c) *Ibid.* n. 14. (d) *Ibid.* n. 15.
(e) *Ibid.* n. 16.

„ peccatis meis modo intercedite , quia converti paratus sum
 „ & revera reservatus ad vitam toto ad Deum corde conversus S.GREG. M.
 „ est “.

„ In Basilica S. Joannis, quæ Constantiniana dicitur, habita est hæc Homil. 39.
 homilia ad populum de lectione Evangelii secundum Lucam cap.
 19. vers. 41. usque ad 47. ubi narratur fletus Christi supra Jeru-
 salem. Observat itaque primo, Judææ everisionem a Christo prædi-
 ctam illam esse, quæ a Vespasiano & Tito Romanis Principibus
 facta est. Deinde ad moralem sensum transcurrens in Jerusalem
 subversione, animarum perditionem præfiguratam agnoscit scribens:
 „ Christus (a) semel fleuit, cum perituram esse civitatem nuntia-
 „ vit. Hoc quotidie Redemptor noster per electos suos agere
 „ nullatenus cessat, cum quosdam ex bona vita ad mores repro-
 „ bos pervenisse considerat. Plangit enim eos qui nesciunt cur
 „ plangantur . . . qui si damnationem quæ eis imminet, agno-
 „ vissent, semetipsos cum lacrymis electorum plangerent “. Sed
 hæc abscondita est ab oculis ejus, quia „ perversa anima rebus
 „ præsentibus dedita, in terrenis voluptatibus resoluta, abscondit
 „ sibi mala sequentia, quia prævidere futura refugit, quæ præsen-
 „ tem lætitiā perturbant: dumque in præsentis vitæ oblectatio-
 „ nibus se deserit, quid aliud quam clausis oculis ad ignem va-
 „ dit “ ?

„ Inimici animam angustantes, sunt „ maligni spiritus, qui (b)
 „ undique animam angustant, quando ei non solum operis, verum
 „ etiam locutionis, atque insuper cogitationis iniquitates replicant,
 „ ut quæ prius se per multa dilatavit in scelere, ad extremum de
 „ omnibus angustetur in retributione “.

Progrediens postea ad Christum ejicientem vendentes de templo,
 scribit: „ Vendentes (c) in templo sunt, qui hoc quod quibul-
 „ dam jure competit, ad præmium largiuntur. Justitiam enim ven-
 „ dere, est hanc pro præmii acceptione servare. Ementes vero in
 „ templo sunt, qui dum hoc persolvere proximo quod justum est
 „ nolunt, dumque rem jure debitam facere contemnunt, dato pa-
 „ tronis præmio emunt peccatum “.

Regrediens postea ad angustias animæ peccatricis, eam hortatur, ut
 horam mortis ante oculos semper habeat, de qua scribit: Cogitandum
 est, „ quantum (d) erit terribilis hora nostræ resolutionis, qui pavor
 „ mentis, quanta tunc omnium malorum memoria, quæ oblitio
 „ transactæ felicitatis, quæ formido & consideratio judicis. Quid
 „ ergo esse nobis de præsentibus ad delectationem debet, quando
 „ cunctis simul transeuntibus non valet transire, quod imminet?
 „ quando & hoc funditus finitur, quod diligitur, & illud incipi-
 „ tur, ubi dolor numquam finitur? Tunc maligni spiritus in e-

I. 2

„ gre-

(a) *Ibid.* n. 3.(b) *Ibid.* n. 4.(c) *Ibid.* n. 6.(d) *Ibid.* n. 8.

„grediente anima, sua opera requirunt; tunc mala quæ suaserunt,
S. GREG. M. „replicant, ut sociam ad tormenta trahant“.

Denique hominiam claudit hortans nos, ut per fidem & bona opera Christo adhæreamus scribens: „Constat enim (a), nec negare possumus, sed veraciter fatemur, quia princeps huius mundi habet in nobis multa: sed tamen mortis nostræ tempora jam nos rapere non valet, quia ejus membra effecti sumus, in quo non habet quidquam. Sed quid prodest quod eidem Redemptori nostro per fidem jungimur, si ab eo moribus disjungamur? Ipse enim dicit: *Non omnis qui dicit mihi, Domine, Domine, intrabit in regnum celorum* (b). Recta ergo opera rectæ fidei jungenda sunt. Mala quæ fecimus per quotidiana lamenta diluamus: transactas nostras nequitias surgentia ab amore Dei & proximi recta opera superent, nulla quæ possumus fratribus impendere bona recusemus“.

Homil. 40. Habita est hæc homilia ultima ad populum in Basilica S. Laurentii martyris Dominica secunda post Pentecostem de Evangelio secundum Lucam cap. 16. a vers. 10. usque ad 31. in quo parabola recitatur de divite Epulone, & Lazaro paupere & mendico. Totam parabolam allegorice exponit. Divitem dicit esse Judaici populi typum, qui acceptæ Legis deliciis (c) ad nitorem, non ad utilitatem usus est. Lazarum vero Gentilem populum figuraliter exprimere, qui dum conversus ad Deum peccata sua confiteri non erubuit, huic vulnus in cute fuit. Per canes lingentes pauperis ulcera, sacros Doctores intelligit scribens: „Canum etenim lingua vulnus dum lingit, curat: quia & Doctores sancti dum in confessione peccati nostri nos instruunt, quasi vulnus mentis per linguam tangunt: & quia nos loquendo a peccatis eripiunt, quasi tangendo vulnera ad salutem reducunt“.

Explicat vero, quomodo hic in sæculo bona haberi possint absque salutis detrimento, scribens: „Habere hic possunt (d) & iusti bona, nec tamen hæc in recompensatione recipere: quia dum meliora, idest æterna appetunt, eorum iudicio quælibet bona adfuerint, cum sanctis desideriis æstuant, bona minime videntur. Unde David Propheta, qui regni divitiis, multisque obsequiis fulciebatur, quamvis & hæc ad necessitatem bona esse conspiceret, uni tamen singulariter bono inhianter æstuabat, dicens: *Mihi autem adhærere Deo bonum est* (e).

Observat, divitem non ideo pœna multatum, quia aliena diripuit, sed quia propria non est largitus: quamobrem scribit: „Neque ergo securum se æstimet dicens: Ecce aliena non rapio, sed concessis licite rebus fruor: quia dives iste non idcirco punitus est, quoniam aliena abstulit: sed quia acceptis rebus semetipsum
„ ipsum

(a) *Ibid.* n. 9. (b) *Matth.* 7. 21.
(c) *Ibid.* n. 2. (d) *Ibid.* n. 1.
(e) *Psal.* 72, 28. (f) *Ibid.* n. 3.

„ ipsum male dereliquit “. Punitum etiam ob cultum pretiosarum vestium, unde scribit: „ Sunt nonnulli qui cultum subtilium pretiosarumque vestium non putant esse peccatum. Quod si videlicet culpa non esset, nequaquam sermo Dei tam vigilanter exprimeret, quod dives qui torquetur apud inferos, bysso & purpura indutus fuisset. Nemo quippe vestimenta præcipua nisi ad inanem gloriam quærit, videlicet ut honorabilior cæteris esse videatur “.

S. GREG. M.

In utriusque divitis & pauperis unione, Dei iudicium commendat scribens: „ Plenus ulceribus (a) mendicus Lazarus ante januam divitis jacet. Qua de re una Dominus duo iudicia explavit . . . nam ex visione pauperis, non miserenti diviti cumulum damnationis intulit, & rursus ex visione divitis tentatum quotidie pauperem probavit . . . & Lazarum pauperem ante januam divitis jacere permisit, ut & dives impius damnationis sibi augeret ultionem, & tentatus pauper cresceret ad remunerationem “.

Iustum etiam agnoscit Dei iudicium in poena divitis, scribens: „ Quia in hac vita (b) Lazarus cadentes micæ de mensa divitis quærebat, & nemo illi dabat: nunc de supplicio divitis dicitur, quia de extremo digito Lazari distillari aquam in ore suo concupiscit. Hinc ergo, hinc fratres, colligite quanta sit districtio severitatis Dei “. Beatos vero nulla erga damnatos commiseratione moveri docet, scribens: „ Iustorum (c) animæ quamvis in suæ naturæ bonitate misericordiam habeant, jam tunc auctoris sui iustitiæ conjunctæ, tanta rectitudine constringuntur, ut nulla ad reprobos compassione moveantur. Ipsi quippe iudici concordant, cui inhærent, & eis quos eripere non possunt, nec ex misericordia condescendunt . . . Hinc iusti (d) in tormentis semper intuentur injustos, ut hinc eorum gaudium crescat, quia malum conspiciunt, quod misericorditer evaserunt: tantoque majores ereptori suo gratias referunt, quanto vident in aliis quod ipsi perpeti, si essent relictæ, potuerunt “.

Hortatur denique auditores suos, ut apud Deum pauperes intercessores adhibeant, scribens: „ Vos & requiem Lazari (e) & poenam divitis cognoscentes, solerter agite, culparum veltrarum intercessores quærite, atque advocatos vobis in die iudicii pauperes procureate . . . Ecce importune se pauperes offerunt, rogant nos, qui tunc pro nobis intercessores venient. Certe nos omnino rogare debuimus, sed tamen rogamur . . . Nolite ergo misericordie tempora perdere, nolite accepta remedia dissimulare “. Homiliam claudit narrata vita, & pretiosa morte cuiusdam Romulæ (f) sanctimonialis, quæ licet vilis & pauper, in

L 3

infr-

(a) *Ibid.* n. 4. (b) *Ibid.* n. 5.
(c) *Ibid.* n. 7. (d) *Ibid.* n. 8.
(e) *Ibid.* n. 10. (f) *Ibid.* n. 11.

S. GREG. M. infirmitatibus oppressa semper pietatem & patientiam coluit; unde meruit choris Angelorum cantantium & psallentium ad cælum evocari, eoque deduci.

Homilias sequitur S. Gregorii Oratio de mortalitate ad populum Romanum habita paulo post mortem Pelagii Pontificis, quando lues, quæ tantum Pontificem sustulerat, adhuc violenter grassabatur. Hanc Orationem nobis servaverunt & S. Gregor. Turonensis (a), & Paulus Diaconus (b), & Joannes pariter Diaconus (c). Sic itaque exorditur. „Oportet, fratres carissimi, ut flagella Dei quæ metuere, ventura debuimus, saltem presentia & experta timeamus. Con-„versionis nobis aditum dolor aperiatur, & cordis nostri duritiam ipsa, jam quam patimur poena dissolvat... Ecce cuncta plebs cælestis, iræ mucrone percutitur, & repentina singuli cæde vastantur. Nec languor mortem prævenit, sed & languoris moras, ut certis, mors ipsa præcurrit. Percussus quisque ante rapitur, quam ad lamenta poenitentiae convertatur. Pensate ergo qualis ad conspectum districti judicis pervenit, cui non vacat flere quod fecit. Habitatores quippe non ex parte subtrahuntur, sed pariter corruunt. Domus vacuæ relinquuntur, filiorum funera parentes aspiunt, & sui eos ad interitum hæredes præcedunt. Unusquisque ergo nostrum ad poenitentiae lamenta confugiat, dum flere ante percussionem vacat. Revocemus ante oculos mentis, quidquid errando commisimus: & quod nequiter egimus, flendo puniamus... Dat profecto, dat tremori nostro fiduciam, qui per Prophetam clamat: *Nolo mortem peccatoris, sed ut convertatur & vivat* (d). Nullus autem de iniquitatum suarum immanitate desperet. Veterinosas namque Ninivitarum culpas triduana poenitentia absterisit, & conversus latro vitæ præmia etiam in ipsa sententia suæ mortis emeruit... Ipse sibi testis est, quia invocantibus misereri desiderat, qui monet, ut invocetur. Denique Orationem claudit suadens: „Nullus vestrum ad terrena opera in agros exeat, nullus quodlibet negotium agere præsumat“: sed omnes ad litanias & supplicationes accedant eo modo & ordine quo ibi statuit.

Dialogorum
libri Tom. 6.
Edit. Ven.

Dialogorum libros genuinum esse S. Gregorii Magni foetum ex sola ipsorum lectione luculenter apparet, & nullus ex antiquis Scriptoribus umquam de eorum veritate dubitavit; solum postremo sæculo quidam intemperantioris critices viri levibus, futilibusque argumentis seu potius conjecturis, aut omnino repudiaverunt, aut certe S. Gregorio abjudicarunt. Sed ex ipsis Dialogorum libris apparet primo, illorum Scriptorem Monachum fuisse (e), & quidem in Roma-

(a) Lib. 10. cap. 1.

(b) Lib. 3. hist. Longobard. cap. 25.

(c) In vita lib. 1. n. 42.

(d) Ezech. 33. 11.

(e) In Prolog. Dialog. & lib. 3. cap. 33.

Romano monasterio quod ipse construxerat. Secundo, in præfato monasterio Abbatem & Superiorem fuisse (a). Tertio, Apocriarii provinciam Constantinopoli obiisse (b), Romanum Pontificem electum fuisse, cum Pelagium Papam suum antecessorem appelleret (c). Plures ad populum homilias in Evangelia Romæ sedentem habuisse (d). Quæ omnia nullus est qui statim non perspiciat ita S. Gregorio convenire, ut nulli alteri valeant attribui.

S. GREG. M.

Nec movent quæ proferunt argumenta, primo scilicet, incredibile videri, sapientissimum Pontificem tot miraculis & visionibus hæc volumina replevisse. Verum si quid hoc argumentum valeret, evinceret, nec quadraginta ad populum habitas ab illo fuisse homilias, cum in pluribus ex illis & visiones narrentur, & miracula quæ in ipsis Dialogis reperuntur. Similiter & plura leguntur tum in ejus epistolis (e), tum in libro moralium in Job (f) miracula patrata a claviculis quæ SS. Apostolorum corpora tetigere, & a Monachis ab ipso in Angliam ad Evangelium prædicandum missis. Immo rejicienda forent aliorum Patrum scripta, Tertulliani, S. Cypriani, S. Athanasii, S. Hilarii, S. Severi Sulpitii, nec non plura acta Martyrum, puta SS. Felicitatis & Perpetuæ, S. Fructuosi, nec non Evagrii, Procopii, Agathæ historias & narrationes, cum & in illis omnibus & visiones & miracula recenscantur. Et quis tamen unquam vel Tertulliano libros de Idololatria, & de spectaculis, vel S. Cypriano libros de Mortalitate & de Lapsis, aut Sulpicio Severo Dialogos, aut S. Athanasio S. Ambrosii vitam vel subtraxit, vel denegavit, vel tantum in dubium revocavit? Acta quoque SS. Perpetuæ & Felicitatis ceu legitima ab omnibus eruditis habentur. Denique in libris tum veteris, tum novi Testamenti plura enarrantur miracula, quæ omni verisimilitudine carere videntur, & tamen ex infallibili divino testimonio ab omnibus creduntur.

Cæterum in his Dialogis Gregorius ea gesta refert, vel quibus ipse interfuerat, vel quæ a locupletibus testibus acceperat, nimirum a sanctissimis Episcopis sibi prorsus expertibus, & ab integerrimæ vitæ Monachis, aut monasteriorum Præfectis, vel a viris nobilibus, & ingenuis. Exaratis hisce libris, eos Theodelindæ Reginæ obtulit, quæ ipsa usa est ad suos subditos partim Arianos, partim Gentiles ad Catholicam fidem revocandos. Pleraque miracula in Dialogorum libris narrata ipsa spectante Longobardorum gente patrata sunt, quæ nisi certo constitissent, omniumque fuissent calcu-

L 4

lo com-

(a) *Dialog. lib. 4. c. 8.*

(b) *Ibid. lib. 3. c. 36.*

(c) *Ibid. lib. 7. c. 51.*

(d) *Ibid. lib. 4. c. 14. 15.*

(e) *Lib. 11. c. 28.*

(f) *Lib. 27. c. 6.*

S. GREG. M.

lo comprobata, Longohardos, quos Gregorius urbis magis quam hominibus propter ferocitatem assimilat, irritatent, majorique quam antea odio in Catholicam fidem, Ecclesiamque Romanam exarsissent. Contrarium autem contigisse refert ex eadem gente Paulus Diaconus (a), scilicet Agilulphum Regem, ceteris fere ejus exemplum sequentibus, catholicam fidem amplexum esse, Ecclesiis adempta bona restituisse, Episcopisque debitum honorem impendisse.

Tempus vero, quo Dialogos exaravit, dignosci potest ex his quæ scribit (b) de quodam facto ab eo narrato; scilicet contigisse in eo mortalitatem, quæ ante triennium hanc urbem vehementissima clade vastavit: scribebat itaque Dialogos quarto sui Pontificatus anno, idest anno 593. vel ad summum, ut nonnullis placet, anno insequenti 594. Occasionem scribendorum Dialogorum pandit ipse Gregorius in epistola ad Maximianum Syracusanum, scribens:

„ Fratres mei, qui mecum familiariter vivunt, omni modo me compellunt aliqua de miraculis Patrum, quæ in Italia facta audivimus, sub brevitate scribere. Ad quam rem solatio vestræ caritatis vehementer indigeo, ut ea quæ vobis in mente redeunt, mihi breviter indicetis. Cui operi ut etiam tranquillius incumberet, secessum quaesivit, ut ipse narrat scribens:

„ Quadam die (c) nimis quorundam sæcularium tumultibus depressus, quibus in suis negotiis plerumque cogimur solvere etiam quod nos certum est non debere, secretum locum petii amicium mœroris (monasterium scilicet S. Andreæ), ubi omne quod de mea mihi occupatione displicebat, se patenter ostenderet. . . .

„ Ibi itaque cum afflictus valde, & diu tacitus sederem, dilectissimus filius meus Petrus Diaconus adfuit, mihi a primævo juventutis flore amicitii familiariter obstrictus, atque ad sacri verbi indagationem socius. Qui gravi excoqui cordis languore me intuens, ait: Numquidnam novi tibi aliquid accidit, quod plus te solito mœror tenet? Cui inquam: Mœror, Petre, quem quotidie patior, & semper mihi per usum vetus est, & semper per augmentum novus. Infelix quippe animus meus occupationis suæ pulsatus vulnere, meminit qualis aliquando in monasterio fuit: quomodo ei labentia cuncta subter erant; quantum rebus omnibus quæ voluntur, eminebat; quod nulla nisi cælestia cogitare consueverat; quod etiam retentus corpore, ipsa jam carnis claustra contemplatione transibat; quod mortem quoque, quæ pene cunctis pœna est, videlicet ut ingressum vitæ & laboris sui præmium amabat. At nunc ex occasione curæ pastoralis, sæcularium hominum negotia patitur, & post tam pulchram quietis suæ speciem, terreni actus pulvere scædatur. Cumque se pro

„ con-

(a) *Lib. 4. de gest. Longob. c. 9.*(b) *Dial. lib. 4. c. 26.*(c) *In Prolog. Dial.*

„ condescensione multorum ad exteriora sparserit, etiam cum interiora appetit, ad hæc proculdubio minor redit. Perpendo itaque quod tolero, perpendo quod amisi. Dumque intueor illud quod perdidici, fit hoc gravius quod porro . . . Quæque adhuc gravius est, vix jam portum videre valeo quod reliqui . . . Nonnunquam vero in augmentum mei doloris adiungitur, quod quorundam vita qui præsens sæculum tota mente reliquerunt, mihi ad memoriam vocatur. Quorum dum culmen aspicio, quantum ipse in infimis jaceam agnosco. Ad hæc respondit Petrus: „ Non valde in Italia aliquorum vitam virtutibus fulsisse cognovi: ex quorum igitur comparatione accenderis ignoro. Et quidem bonos viros in hac terra fuisse non dubito, signa tamen atque virtutes aut ab eis nequaquam facta existimo, aut ita sunt hæcenus silentio suppressa, ut utrumne sint facta nesciamus. At illi respondit Gregorius. „ Si sola, Petre, referam, quæ de perfectis probatisque viris unus ego homuncio vel bonis ac fide libus viris attestantibus agnovi, vel per memetipsum didici, dies, ut opinor, ante quam sermo, cessabit. Deinde refert postulatam a Petro, ut quæ sciret facta mirabilia narraret ad eorum utilitatem, „ qui ad amorem patriæ cælestis plus exemplis quam prædicationibus accenduntur. Petri postulationi se annuere dicit S. Gregorius, & ea aggredi narrare quæ illi erant „ virorum venerabilium narratione comperta . . . sed (subdit) ut dubitationis occasionem legentibus subtraham, per singula quæ describo, quibus hæc auctoribus mihi comperta sint manifesto . . . in quibusdam sensum solummodo, in quibusdam vero & verba cum sensu teneo: quia si de personis omnibus ipsa specialiter verba tenere voluisssem, hæc rusticano usu prolata stylus scribentis non apte susciperet. „

Totum itaque Dialogorum Opus quatuor libris exponitur, in quibus semper cum Diacono Petro se loqui ostendens sanctorum vitas, gesta, & miracula narrat.

Librum itaque primum exorditur a vita & miraculis Honorati Abbatis monasterii Fundensis. Fundi Civitas est Episcopalis Italiæ in Samnii partibus. In eo ducentorum ferme Monachorum Pater extitit, ibique vita illius circumquaque (a) exempla eximie conversationis dedit. Nam multa ejus miracula narrat, & præcipue ingentis faxi, quod per devexum montis latus veniens, totius ruinam cellæ, omniumque fratrum interitum minabatur. Cui ruenti extensa dextera signum crucis opposuit, illudque in ipso devexi montis latere cadens fixit . . . & quia locus non fuerat quo inhærere potuisset, aspicitur ita, ut hucusque montem cernentibus, casurum pendere videatur. Obiit vero circa annum 550.

Hujus discipulus fuit Libertinus ejusdem monasterii Præpositus

Dialogorum
Lib. primus.

^{S. GREG. M.} tus (a), qui Totilæ Regis Gothorum temporibus se patientia & temporalium rerum contemptu clarum reddidit. Hic enim, dum Dardara Gothorum Dux cum exercitu in loco eodem venisset, cum ex caballo in quo sedebat, ab hominibus ejus projectus esset, jumentum perditum damnum libenter ferens, etiam flagellum quod tenebat, diripientibus obtulit dicens: Tollite, ut habeatis qualiter hoc jumentum minare possitis. Narrat deinde ab eo a morte suscitatum puerum cujusdam mulieris, quæ tantum miraculum ab eo cum juramento expetierat dicens; Nullatenus recedes, nisi filium meum suscitaveris. Sed ejus mansuetudinem & humilitatem magis imitandam dicit.

Sequitur narrata vita Hortulani Monachi ejusdem monasterii, qui tantæ virtutis fuit, qui inveniens hortum a furibus conculcatum, atque direptum, serpenti deprehenso in horto præcipiens dixit: Sequere me (b), & ad aditum furis perveniens, imperavit serpenti, dicens: In nomine Jesu præcipio tibi ut aditum custodias, ac furem huc ingredi non permittas, qui implevit quod iussit & latronem deprehensum tenuit, donec monachus hortulanus veniret, qui hora consueta veniens, & videns furem detentum dixit primum serpenti: Gratias Deo, implesti quod iussi: recede modo. Furi autem ait . . . Quare in labore monachorum furtum toties facere præsumpsisti? . . . Deinde secum blande deducens, olera quæ furto appetebat auferre, ei cum magna dulcedine præbuit, dicens: Vade, & post hæc furtum non facias: sed cum necesse habes, huc ad me ingredi, & quæ tu cum peccato laboras tollere, ego tibi devotus dabo.

Equitii deinde gesta narrat, quomodo magnæ sanctitatis vir fuerit & Abbas (c) ac Pater multorum monasteriorum in Valeriæ provinciæ partibus extiterit, qui cum juventutis suæ tempore acri certamine carnis fatigaretur, ad Deum oratione confugiens & liberationem petens, per visionem de concessa gratia certior factus est: nam nocte quadam assistente Angelo eunuchizari se vidit, ejusque visioni apparuit, quod omnem motum ex genitalibus ejus membris absclinderet: atque ex eo tempore ita alienus extitit a tentatione, ac si sexum non haberet in corpore. Narrat viris simul & mulieribus præfuisse: Magi cujusdam monachi hypocrisis detexisse, qui postea Romæ vivus combustus est: Ancillam febricitantem verbo sanasse, & Virginem a Dæmonio liberasse: & licet sacris ordinibus non initiatum, tamen tanto fervore prædicasse, ut corda audientium ad amorem patriæ celestis excitaret, & de hoc apud Pontificem postulatus quasi ministerium sibi minime conveniens usurparet, a Pontifice divinitus admonito, illum in officio prædicationis perseverare concessum est.

Sequi-

(a) *Ibid.* c. 2. (b) *Ibid.* c. 3.
(c) *Ibid.* c. 4.

Sequitur vita Constanii Mansionarii Ecclesiæ S. Stephani Urbis Anconæ, qui funditus terram despiciens (a) toto annu mentis ad sola caelestia flagrabat. Hic cum oleum deesset, unde lampades accenderet, eas replevit aqua, atque ex more in medio papyrum posuit: quas allato igne succendit, sicque aqua arsit in lampadibus ac si oleum fuisset.

S. GREG. M.

De Marcellino autem Anconitanæ urbis Episcopo narrat quod cum civitas Anconæ succensa esset, & vehementer arderet, ac omnes concurrerent ut ignem extinguerent (b), sed illis aquam certatim projicientibus ita crescebat flamma, ut jam totius urbis interitum minari videretur, venit Episcopus deductus manibus (nam podagra afflictus ambulare non poterat) & ante ignem positus, ubi tota vis flammæ videbatur incumbere, cepit miro modo in semetipsum incendium retorqueri. . . sicque factum est, ut flamma incendii illo termino refrenata in semetipsa refrigesceret, & contingere ulterius quidquam ædificii non auderet.

Nonnosum Præpositum monasterii in monte Soracte, narrat ingentis saxi molem (c), quam quinquaginta bovum paria movere non potuissent, oratione impetrasse, ut alio loco sola moveretur, tantumque spatii relinqueret quod ad hortum olerum construendum sufficeret. Lampadem quoque vitream per innumeras partes fractam, oratione integram reddidit. Olei quoque exiguum quantitatem mirum in modum multiplicasse, ut omnia monasterii vasa ad hoc repleverit.

Anastasio primo Romanæ Ecclesiæ Notarius, postea Abbas monasterii, quod Suppentonia vocatur (d), voce cælitus emissa simul cum aliis septem fratribus ex nomine nullo intervallo vocatis, de omnium morte præmonitus, ad æterna præmia invitatus fuit, quem secuti sunt cæteri eo ordine quo vocati fuerant. Cumque vox post breve silentium, & octavum fratrem vocasset, hic paucis diebus vixit, & tunc vitam finivit; ut aperte monstraretur, quia interjectum vocis silentium, parvum vivendi spatium signaverit.

Bonifacius Ferentinæ urbis Episcopatum officio tenuit, & moribus implevit (e). Hujus Ecclesiæ gravis valde paupertas inerat, quippe quæ nonnisi unam habebat vineam, quam grando irruens penitus ita vastavit, ut in ea paucis in vitibus vix parvi rarique racemi remanerent. Hos vir Dei suo tempore collegit, ad calcatorium detulit, ibique a parvulo puero eos calcari iussit, & quidquid vini destuebatur, per cuncta dolia, & omnia cellæ vasa cepit distribuere ita ut omnia usque ad summum impleta fuerint: & cum adhuc ex liquore vini parum aliquid in calcatorio superesse videretur, iussit pauperes adesse, ac tunc cepit vinum in calcatorio ita

cre-

(a) *Ibid.* c. 5. (b) *Ibid.* c. 6.
(c) *Ibid.* c. 7. (d) *Ibid.* c. 8.
(e) *Ibid.* c. 9.

S. GREG. M.

crescere, ut omnia quæ allata fuerunt pauperum vascula impleverit. Quod tamen miraculum omnino celari voluit: ideo uni Presbytero qui hoc solus sciebat, præcepit, ne quovis ipse in corpore viveret cuiquam indicaret. Joculatoris quoque cum simia & cymbalis Missarum solemniam perturbantis imminentem mortem prædixit, quæ statim secuta est: nam ingens faxum de tecto cadens ei in verticem venit, & die altera vitam finivit. Erucas quoque hortum vastantes ab eo iussit recedere, quæ statim ad viri Dei verbum ita omnes egressæ sunt, ut ne una quidem inter spatium horti remaneret. Immo & de hoc S. Episcopo adhuc puero narrat, quod cum triticum omne quod ad torius anni alimoniam ejus mater sepeliverat, pauperibus distribuisset: quamobrem mater de hoc acerbe conquereretur, ipse oratione obtinuit, ut horreum ita tritico plenum inveniretur, sicut ante fuerat. Vulpem quoque gallinas rapientem & eas restitueræ coegit, & morte punivit.

De Fortunato Episcopo Tudertinæ civitatis narrat primo quidem in effugandis spiritibus tam mira virtutis gratia claruisse, ut nonnunquam ab obsessis corporibus legiones dæmonum pelleret (a). Deinde cum Satanam sub peregrini specie conquerentem se a Fortunato Episcopo hospitio pulsum, quidam deceprus in domum suam recepisset, vidit parvulum ejus filium a maligno spiritu abreptum in prunas projectum & occisum; unde orbatus miser, vel quem ipse susceperit, vel quem Episcopus expulisset, agnovit. Ita autem punitum arbitratur S. Gregorius non quia hospitalitatem exercuit, sed quia de Antistitis Episcopi derogatione lætatus est. Cæco quoque visum restituisse narrat, & Gothum duos pueros auferentem, cum restituere nollet, de divina ultione admonuit, quæ paulo post secuta est: nam equo lapsus est, & ejus coxa ita fracta est, ut in duabus partibus os esset divisum. Quare ad se reversus & pueros liberavit, & ablutione aquæ a S. Fortunato benedictæ integram recuperavit sanitatem.

Narrat de Martyrio Monacho Provinciæ Valeriæ (b), quod cum Fratres panem cruce signare, ut mos erat, obliti essent, ipse panem prunis, & cineribus coopertum crucis signo contra prunas factum signavit, statimque crepitum panis dedit, & postmodum igne substractus ea cruce signatus inventus est, quam non contactus, sed fides fecerat.

De Severo autem ejusdem Provinciæ presbytero narrat (c), quod vocatus a quodam patrefamilias in extremis constituto, cum paulisper tardasset, interim agrotus defunctus est, quod ille audiens vehementer flere cœpit se illius interfectorem appellans, & tandiu in oratione & fletu perseveravit, donec qui defunctus fuerat animam recepit, aperte re-

(a) *Ibid.* c. 10.(b) *Ibid.* c. 11.(c) *Ibid.* c. 12.

te restatus se ejus precibus poenitentiae spatium obtinuisse, quam cum per dies septem egisset, octavo die de corpore latus exivit.

In secundo libro totam narrat S. Benedicti vitam ab infantia usque ad mortem. Primo itaque narrat (a), liberiori genere ex provincia Nursiae exortum liberalibus studiis Romae operam dedisse, sed postmodum soli Deo placere desiderantem, sanctae conversationis habitum quaesivisse, & a saeculo recessisse. Deinde ejus adhuc pueri miraculum narrat, quo capisterium (vas fictile ad purgandum triticum) fractum, oratione ad primam integritatem restituit. Postea vero deserti loci secessum petiit, cui Sublacus vocabulum est, ubi fuit omnibus ignotus, uno excepto Romano Monacho, ac tribus annis delituit, non alio usus cibo, quam pane sibi ab eodem monacho delato, & per funem immisso. Inibi cum pulsatus esset vehementi carnis tentatione, „exutus indumento (b) nudum se in „ spinarum aculeis, & urticarum incendiis projecit; ibique diu „ volutatus, toto ex eis corpore vulneratus exiit, & per cutis „ vulnera eduxit a corpore vulnus mentis; quia voluptatem traxit „ in dolorem“. Sed celebre jam praconio eximia conversationis nomen ejus habebatur. Quamobrem a quibusdam Monachis Abbas licet invitus & reluctans eligitur, quos cum corrigere & emendare studeret, tractare de ejus morte ceperunt, atque venenum vino miscuerunt, sed in vas ad benedictionem oblatum, cum extensa manu crucis signum edidisset, statim confractum est, unde intellexit vir sanctus quia potum mortis habuerat: quare leviter objurgatis fratribus, iisque relictis, ad dilectae solitudinis locum rediit. Sed cum multi ad eum accederent, duodecim monasteria construxit, in quibus statutis Patribus duodenos monachos deputavit. Coepere etiam a eum Romanae urbis nobiles & religiosi concurrere, suosque ei filios omnipotenti Deo nutriendos dare, & Equitius Maurum, Tertullus vero patricius Placidum tradidit. Narrat deinde, quomodo virga monachum percutiens (c) a daemonio liberavit, qui illum ab oratione revocabat. Aquam quoque oratione in montis vertice ab ipsoeductam narrat (d); & ferrum ex profundo aquae ad suum manubrium revocavit (e). Cumque puer Placidus in lacum lapsus esset, jussit S. Benedictus Mauro discipulo, ut puero auxiliaretur (f), qui benedictione accepta concitus perrexerit, atque usque ad eum locum, quo ab unda deducebatur puer, per terram se ire existimans, super aquam cucurrit, eumque per capillos tenens, rapido quoque cursu rediit.

Progreditur postea narrare, quomodo per invidiam a Florentio Presbytero vexatus (g), a quo etiam veneno infectus panis missus est, sed illum corvus de sancti viri manu abstraxit, invidiae locum cedens,

(a) Ibid. c. 1.

(b) Ibid. c. 2.

(c) Ibid. c. 4.

(d) Ibid. c. 5.

(e) Ibid. c. 6.

(f) Ibid. c. 7.

(g) Ibid. c. 8.

^{S. GREG. M.} cedens, habitationem loci mutavit. Casinum itaque Castrum in excelsi montis latere situm petiit, ibique cum sanum reperisset, in quo Apollo colebatur, & circum lucus succresceret, in quo sacrilegis sacrificiis populus infudabat, statim vir Dei subvertit aram, succendit lucum, & in ipso templo Apollinis, oraculum B. Martini, ubi vero ara ejusdem Apollinis erat, oraculum S. Joannis construxit, & commorantem circumquaque multitudinem predicatione continua ad fidem vocabat. Prosequitur vero plura enarrare sancti viri miracula, scilicet de ingenti saxo (a) per orationem facillime levato: de fraude Satanæ, qui phantastico igne (b) monachos turbare tentabat: & de puero monacho parietis ruina confraeto, & ejus oratione sanato (c): de comestione fratrum in quadam mulieris domo ab ipso detecta (d): quod miraculum & in fratre Valentino monacho (e) renovatum est.

Sed præsertim prophetiæ dono collustratum fuisse narrat, quo fraudem Totilæ detexit, qui exploraturus, num prophetiæ spiritum haberet, Riggonem spatharium suum milit regio cultu ornatum, qui se regem simularet, ac sociatum aliis comitibus qui ut regem colerent: „quem tamen venientem (f) conspiciens vir sanctus, cum jam ab eo audiri potuisset, clamavit dicens: Pone, „fili, pone hoc quod portas: non est tuum. Qui Riggo protinus in terram cecidit, & expavit, omnesque qui cum eo ad hominem Dei veniebant, terræ conspersi sunt. Surgentes autem „ad eum propinquare minime præsumplerunt, sed ad suum regem „reversi, nuntiaverunt trepidi in quanta velocitate fuerant deprehensi“. Ad eum postmodum venit Totila (g), qui ad tantum virum non ausus accedere, sese in terram dedit, ad quem accedens de terra levavit, de suis actibus increpavit, & cuncta quæ illi ventura erant prænuntiavit, scilicet Romanæ urbis ingressum, maris transitum, novem annorum Regnum, & in decimo mortem. Romanam quoque prænuntiavit non quidem a gentibus exterminandam, sed tempellatibus, coruscis, turbinibus, & terræ motu fatigandam.

Narrare prosequitur (h), quomodo Clericum liberavit a dæmone: illi tamen præcipiens, ne impostero carnem comederet, nec ad sacrum ordinem accedere præsumeret: quod mandatum cum post longum tempus violasset, atque ad sacros Ordines accessisset, eum iterum diabolus tenuit, ac vexare quousque animam ejus excuteret, non cessavit. Prædictam etiam narrat a S. Benedicto sui monasterii a gentibus destructionem (i): sicut & præcognitam absconsionem flaskonis vini (k) sibi dono missi: & mappularum acceptio-

- | | |
|-------------------------|-------------------------|
| (a) <i>Ibid.</i> c. 9. | (b) <i>Ibid.</i> c. 10. |
| (c) <i>Ibid.</i> c. 11. | (d) <i>Ibid.</i> c. 12. |
| (e) <i>Ibid.</i> c. 13. | (f) <i>Ibid.</i> c. 14. |
| (g) <i>Ibid.</i> c. 15. | (h) <i>Ibid.</i> c. 16. |
| (i) <i>Ibid.</i> c. 17. | (k) <i>Ibid.</i> c. 18. |

ptionem (a) cuiusdam monachi sibi a muliere donatarum; superbam quoque monachi cogitationem (b) detexit: & tempore famis ducentos farinæ modios sibi divinitus obtinuit (c): & quomodo per visionem fabricam monasterii Tarracienfis disposuit (d).

Narrare pergit, quomodo loquaces Moniales (e), ut corrigerent linguam suam, monuit, comminata excommunicationis pœna; quæ nihil mutata post paucos dies defunctæ in Ecclesia sepultæ sunt, sed nutrix earum vidit eas, inclamante Diacono inter Missarum solemniam, ut qui non communicat det locum, de sepulcris suis progredi, & exire de Ecclesia. Qua de re servum Dei monuit, qui iussit oblationem Deo offerri pro illis: qua facta non amplius de Ecclesia exire visæ sunt. Quomodo monachum (f) de Claustro egredientem visione draconis illum devorare minantis ad monasterium reduxit: & puerum a morbo elephantino curavit (g); ac debitorem data miraculosa pecunia a sui creditoris vexatione liberavit (h); & alium lepra a veneno inducta emundavit (i): quomodo fratrem avarum correxit, projecta ampulla vitrea, & oleo plena per fenestram, quin tamen ampulla in subiectis faxis illidens frangeretur (k): & dolium omnino vacuum oleo, orando replevit (l): Monachumque a daemonio vexatum liberavit (m); & rusticum ligatum vinculis solo aspectu solvit, & diri domini animum mitigavit (n): Mortuum quoque filium patri lacrymanti & mœrenti restituit (o). De S. Scholastica vero S. Benedicti sorore narrat, quomodo impetrato a Deo copioso imbri impedit, ne ad monasterium reverti posset, sed secum in sacro colloquio diutius permaneret (p): & quomodo ejus anima a S. Benedicto visa sit sub columbæ specie cælum penetrare (q); & Germani Capuant Episcopi spiritus in cælum rapi (r). Regulam quoque ab ipso Monachis datam appellat discretionem præcipuam, sermone luculentam (s). Denique librum claudit ejus sancta morte narrata, & visione, qua duo monachi illius animam in cælum conscendere viderunt, & sanitate recuperata a muliere furtim in ejus specum ingressa.

Tertium librum exorditur a S. Paulini Nolanæ urbis Episcopi facto, qui se in servitutem dedit, ut viduæ filium (t) a captivitate liberaret, cujus sanctitatem postea dominus agnoscens, ipsum & omnes cives suos a captivitate liberos dimisit, & quomodo sancte

Dialogorum
liber tertius.

- | | |
|-------------------------|-------------------------|
| (a) <i>Ibid.</i> c. 19. | (b) <i>Ibid.</i> c. 20. |
| (c) <i>Ibid.</i> c. 21. | (d) <i>Ibid.</i> c. 22. |
| (e) <i>Ibid.</i> c. 23. | (f) <i>Ibid.</i> c. 25. |
| (g) <i>Ibid.</i> c. 26. | (h) <i>Ibid.</i> c. 27. |
| (i) <i>Ibidem.</i> | (k) <i>Ibid.</i> c. 28. |
| (l) <i>Ibid.</i> c. 29. | (m) <i>Ibid.</i> c. 30. |
| (n) <i>Ibid.</i> c. 31. | (o) <i>Ibid.</i> c. 32. |
| (p) <i>Ibid.</i> c. 33. | (q) <i>Ibid.</i> c. 34. |
| (r) <i>Ibid.</i> c. 35. | (s) <i>Ibid.</i> c. 36. |
| (t) <i>Ibid.</i> c. 1. | |

S. GREG. M.

ste in Domino objerit (1). Deinde narrat (a) equum, cui inferat Joannes Summus Pontifex, non amplius voluisse Dominæ, cuius usui inferviebat, sessionem admittere, quasi indecens reputaret post membra Pontificis corpus mulieris ferre. Et Agapitum pariter Romanum Pontificem claudum, & mutum curasse (b). Datium quoque Mediolanensem Episcopum a domo diabolum expulisse, qui eam terroribus inhabitabilem reddebat (c). De Sabino Canulinæ civitatis Episcopo narrat, spiritu prophetiæ donatum, agnovisse vinum in calice porrectum veneno fuisse infectum ab Archidiacono suo, qui ejus Episcopatu succedere meditabatur: quod ramen bibere non recusavit dicens puero ministranti scyphum: Ego bibo: sed vade & dic ei qui tibi illud dedit: Ego quidem venenum bibo, sed tu Episcopus non eris. Deinde facto signo crucis venenum bibit securus. Eademque hora in loco alio quo inerat, Archidiaconus ejus defunctus est (d).

De aliis narrat duobus Episcopis Cassio Narniensi, & Andrea Fundano, quorum prior Totilæ Spatharium a dæmonio liberavit (e), unde Regi qui de illo perverse suspicatur, ejus sanctitas innotuit. Alter vero (f) quomodo per visionem a Judæo habitam, fuerit a periculo cum sanctimoniali scœmina peccandi liberatus, & ipsum Judæum ad fidem traxerit.

His tres alios addit Episcopos, quorum virtutes commendat, & miracula patrata pandit. Et primum de Constantio Aquinæ civitatis Episcopo, ipsum prophetiæ dono ornatum, in extremo vitæ constitutum, duos sibi futuros successores prædixisse, quorum alter mulio foret, alter fullo (g). De Frigidiano vero Episcopo Lucensi narrat, fluvium a proprio alveo abstraxisse, jubens illi ut eum rastro terram signante sequeretur, cui parens flumen consuetum cursum deseruit, & ibi sibi alveum, ubi tracto per terram rastro vir Dei signum fecerat, vindicaret, & quæque essent alimentis hominum profutura sata vel plantata, ultra non laderet (h). Quod miraculum in Sabino Episcopo Placentino alio mirabili modo renovatum narrat. Scripsit siquidem Pado flumini in hac verba: „Sabinus Domini J. C. servus commonitorium Pado. Præcipio tibi in nomine J. C. D. N. ut de alveo tuo in locis istis „ulterius non ex eas, nec terras Ecclesiæ lādere præsumas. Qua „char-

(1) Hac narratione abutuntur recentiores Critici ad hos libros D. Gregorio adjudicandos, cum nonnisi diu post S. Paulini obitum Vandali Africam occupaverint, & depopulati sint, sicut Italiam: proinde S. Paulinum Nolanum in captivitatem abducere nequiverunt. Sed respondetur hic Vandalos pro Gothis esse positos; quippe qui & ex eadem gente forent orti, eisdemque uterentur legibus. Legantur Chiffetius in Paulino illustrato, nec non Vindiciæ Gradonici cap. 4. Edit. Romanæ.

(a) *Ibid.* c. 2. (b) *Ibid.* c. 3.

(c) *Ibid.* c. 4. (d) *Ibid.* c. 5.

(e) *Ibid.* c. 6. (f) *Ibid.* c. 7.

(g) *Ibid.* c. 8. (h) *Ibid.* c. 9.

„chara in flumen projecta, statim flumen obsequens se a terris Ecclesiæ compescuit (a). De Cerbonio vero Populonii Episcopo narrat, expositum ferocissimo urso ad devorandum, nullum sensisse a fera detrimentum, qui submisso humiliter capite cœpit Episcopi pedes lambere (b).

S. GREG. M.

De Fulgentio vero Utriculano Episcopo narrat, coactum in arctissimo loco sub dio consistere a Totila, magna cadente pluvia, nec gutta fuisse respersum: quo miraculo Commodus Rex, illius mens effera ad magnam ejus reverentiam versa est (c). At contra cum Herculanium Perusinae civitatis Episcopum capite truncari jussisset, ejus corpus cum alterius pueri corpore sepultum post quadraginta dies incorruptum repertum est, licet pueri cadaver tabe foret corruptum: & præterea caput ita corpori iterum conjunctum, ac si minime fuisset abscissum (d).

Ab Episcopo ad servos Dei, & Monachos narrationem suam convertens: primo quidem de Isaaco servo Dei narrat fuisse in oratione assiduum, tresque integros dies ac noctes orando transisse, paupertatem coluisse, unde oblatas sibi possessiones recusasse, occulta penetrasse, fures a furtis miraculo retraxisse, alapa percussum, percussorem suum a Dæmonio, a quo in poenam obsessus fuerat, liberasse (e). Deinde de sanctis Eurychio & Florentio Dei servis narrat, primum quidem in monasterio Abbatem, monachos rexisse, & magna post mortem claruisse virtute signorum; Florentium vero in solitudine consistentem urso mandasse ut pecudes ad pascua duceret ac reduceret, & sedulo custodiret: & cum ursus per invidiam a monachis interfectus fuisset, occisoribus maledixit, sed videns illos elephantino morbo percussos misere interire, per totum vitæ suæ tempus flevit, se eorum interfectorem, & homicidam clamans. Qui etiam locum suæ cellulæ per circuitum serpentibus plenum, illis oratione interemptis, & eorum cadaveribus per aves longius delatis purgavit (f). De Martino vero Monacho narrat in Monte Marisco, pro cella foramen petrae quæ in semetipsa concava angustum specum fecerat, delegisse, & ex eadem petra aquæ stillam impetrasse, quæ ei in usu quotidiano sufficeret, nec plus adesset, nec necessitati deesset, & insuper cum serpente tribus annis & securus, & illæsus jacuit. Quique præterea cum sibi ferrea catena pedem ligasset, ut a cella discedere non posset, monitus a B. Benedicto illi scribente: Si servus Dei es, non teneat te catena ferri, sed catena Christi, eam abstulit, sed nunquam postmodum solum tetendit pedem ultra locum, quo ligatus tendere consueverat; atque in tanto se spatio sine catena coercuit, in quanto & antea ligatus mansit (g). De alio vero monacho montis Ar-

Tricalet. Tom. VII.

M

genta-

- | | |
|-------------------------|-------------------------|
| (a) <i>Ibid.</i> c. 10. | (b) <i>Ibid.</i> c. 11. |
| (c) <i>Ibid.</i> c. 12. | (d) <i>Ibid.</i> c. 13. |
| (e) <i>Ibid.</i> c. 14. | (f) <i>Ibid.</i> c. 15. |
| (g) <i>Ibid.</i> c. 16. | |

S. GREG. M. gentarii narrat, pulvere Altaris mortuum fuscitasse (a). Et Benedictum monachum a Gothis primo cella ejus incensa, & in clibanum incensum postea projectum nullo modo cremari potuisse, sed ab utroque incendio liberum evasisse (b).

Narrat postea, quomodo Arthesis flumen Veronæ excresecens, cum ad Ecclesiam B. Zenonis Martyris atque Pontificis venisset, licet janua aperta esset, aqua in eam minime intravit, sed paulisper excresecens usque ad fenestras Ecclesiæ pervenit, sicque stans, aqua Ecclesiæ janua clausit, ac si illud elementum liquidum in soliditatem parietis fuisset mutatum (c): & de virgine sanctimoniali quam, cum esset obfessa a dæmone, liberavit (d); ac de Presbytero defuncto, qui furem retinuit ne prædam posset secum deferre (e). Narrat quoque Prænestini Abbatis corpus in angusto sepulcro positum, se in latus vertisse, ut locum daret cadaveri cujusdam Presbyteri quocum sepeliri voluit (f): & quomodo Apostolus Petrus Conliberto custodi ejus Ecclesiæ, & luminaria ornanti apparuit (g): qui & puellam paralyticam ad suum sepulchrum orantem, ut sanitatem consequeretur, jussit ut ad Acontium ejusdem suæ Ecclesiæ Mansionarium confugeret, & ab eo suo nomine sanitatem peteret, & ita factum est (h).

Menæ monachi solitarii virtutes narrat, & præsertim altissimam ejus paupertatem, cum nihil haberet ad usum suum nisi paucula apum vascula, quæ cum quidam Longobardus rapere vellet, per malignum spiritum vexatus est, & urlos apes comedere volentes, solo baculo fugabat; oblationesque cujusdam impudici, licet cum aliis immixtas detexit, & rejecit (i). Martyrium quoque narrat quadraginta rusticorum a Longobardis interfectorum, quia carnes immolatas comedere recusarunt (k); & plurimorum captivorum pariter ab ipsis occisorum, quod capræ caput adorare noluerint (l): & Arianum Episcopum Catholicorum Ecclesiam sibi usurpare volentem subita cæcitate fuisse punitum (m). Dum e contra Arianorum Ecclesiam Catholicis restitutam, pluribus in ea factis miraculis de sua emendatione exultasse (n). Martyrium deinde narrat S. Hermenegildi a Patre Ariano diu vexari, & tandem ob fidei catholicæ confessionem interfecti, ad cujus sepulchrum multa facta miracula refert (o): & Episcopos Africanos nullum locutionis sustinuisse dispendium, licet eis ab Arianis abscissa lingua fuisset (p).

Eleutherium Abbatem narrat, mortuum fuscitasse, & puerum a „ dæmo-

-
- | | |
|-------------------------|-------------------------|
| (a) <i>Ibid.</i> c. 17. | (b) <i>Ibid.</i> c. 18. |
| (c) <i>Ibid.</i> c. 19. | (d) <i>Ibid.</i> c. 21. |
| (e) <i>Ibid.</i> c. 22. | (f) <i>Ibid.</i> c. 23. |
| (g) <i>Ibid.</i> c. 24. | (h) <i>Ibid.</i> c. 25. |
| (i) <i>Ibid.</i> c. 26. | (k) <i>Ibid.</i> c. 27. |
| (l) <i>Ibid.</i> c. 28. | (m) <i>Ibid.</i> c. 29. |
| (n) <i>Ibid.</i> c. 30. | (o) <i>Ibid.</i> c. 31. |
| (p) <i>Ibid.</i> c. 32. | |

dæmone liberaſſe, quem ob ejuſdem Abbatis jaſtantiam iterum in-
vaſit: iterum tamen ab ipſo de ſua jaſtantia compuncto fuit fuga-
tus (a). Hinc de duplici genere compunctionis tractat, ex timore
alterum, alterum ex amore conſurgens. Hinc docet, lacrymarum
gratiam, & ſummo ſtudio petendam & cuſtodiendam (b). Dein-
de in viam revertens miracula narrat ab Amantio Presbytero pro-
vinciæ Thuſciæ patrata, qui manus impoſitione ægros ſanabat, ſi-
gno crucis ſerpentes enecabat, & phreneticum etiam curavit (c).
Et de Maximiano Epifcopo Syracuſano narrat, quomodo ſe &
ſocios a naufragio liberavit, & navim licet aqua repletam in por-
tum deduxit (d). De Sanctulo quoque Presbytero narrat, quod
benedictione aquam in oleum convertit, & panes multiplicavit,
ſummoque ſe discrimini expoſuit, ut fratrem ſuum a morte libera-
ret, nec ipſum Longobardi occidere potuerunt, licet caput obtrun-
care niterentur (e). Denique librum claudit virtutes enarrando
Redempti Ferentinæ Civitatis Epifcopi, qui de imminente Longo-
bardorum in Italiam irruptione a S. Eutychio martyre, ad cujus
ſepulchrum orabat, certior factus eſt.

Exorditur quartum librum obſervando a carnalibus hominibus
ſpiritualia minus credi, quia ea quæ audiunt, per experimentum
minime cognoscunt: proinde eos aſſimilat (f) puero in carcere
nato, & inter tenebras educato, cui ſi mater ſolem, lunam, ſtel-
las, montes & campos, volantes aves, currentes equos nominet ...
ille cum nihil aliud quam tenebras carceris ſciat, licet hæc audiat,
quia ea per experimentum non novit, vera eſſe diffidit. Fidei ne-
ceſſitatem etiam in humano convictu neceſſariam oſtendit, cum nul-
lus ſit qui proprios parentes non agnoſcat, & honoret, licet certo
non noverit ſe ſe ab illis prognatum (g). Cum vero in hoc li-
bro eos præſertim illuminandos aſſumat, qui carnis reſurrectionem
vel inſciabantur, vel de ea dubitabant, primo oſtendit, hominem
medium eſſe inter Angelos & bruta: habet enim aliquid cum u-
troque commune, ſcilicet immortalitatem ſpiritus cum Angelo,
mortalitatem carnis cum jumento (h). Explicat deinde Salomo-
nis dictum: *Unus interitus eſt hominis, & jumentorum* (i), ob-
ſervans in eo libro Concionatorem agere „ qui ea per inquiſitio-
nem dicit, quæ fortaliſſis (k) per tentationem impetita mens ſen-
tiat . . . unde alia ſunt quæ per inquiſitionem moventur, atque
alia quæ per rationem ſatiſ faciunt: alia quæ ex tentati profert
animo . . . alia vero in quibus ea quæ rationis ſunt, diſſerat
Ibi enim ait: *Hoc itaque mihi viſum eſt bonum, ut comedat
quis & bibat, & fruatur lætitiâ ex labore ſuo*. Sed poſtea

Dialogorum
liber quartus.

M 2

ſubjun-

- | | |
|--------------------------|-------------------------|
| (a) <i>Ibid.</i> c. 33. | (b) <i>Ibid.</i> c. 34. |
| (c) <i>Ibid.</i> c. 35. | (d) <i>Ibid.</i> c. 36. |
| (e) <i>Ibid.</i> c. 37. | (f) <i>Ibid.</i> c. 1. |
| (g) <i>Ibid.</i> c. 2. | (h) <i>Ibid.</i> c. 3. |
| (i) <i>Eccle.</i> 3. 19. | (k) <i>Ibid.</i> c. 4. |

Subjungit: „*Melius est ire ad domum luctus, quam ad domum convivi* . . . Et rursum: *Letare juvenis in adolescentia tua*: „Et paulo post subditur: *Adolescentia enim & voluptas vana sunt*. Ita pariter carnalis hominis mentem aperiens dicit: *Unus est interitus hominis & jumentorum*, & æqua utriusque conditio. Sed tamen ex definitione rationis cum sapiente hunc errorem corrigi dicens: *Quid habet amplius sapiens a stulto . . . nisi ut pergat illuc ubi est, vita?* . . . Quibus verbis indicat quia hic hominum vita non est, quam esse alibi testatur. Habet ergo homo hoc amplius jumentis, quia ista post mortem non vivunt, ille vero tunc vivere inchoat, cum per mortem carnis hanc visibilem vitam consummavit. Ad hanc catholicam veritatem omnino certam confirmandam & rudioribus animis facile suadendam plures assert animarum apparitiones factas sive in ipsa ejus a corpore sejunctione, sive post.

Et primo quidem animam post mortem vivere probat ex miraculis, quæ ad sepulchra Martyrum operantur, scribens: „Ad extinguita (a) eorum corpora viventes agri veniunt, & sanantur; perjuri veniunt, & dæmonio vexantur: dæmoniaci veniunt & liberantur: leprosi veniunt, & mundantur: deferuntur mortui, & suscitantur. Pensa itaque eorum animæ qualiter vivunt illic ubi vivunt, quorum hic mortua corpora in tot miraculis vivunt. Deinde narrat S. Benedictum vidisse Germani Capuanæ urbis Episcopi animam in igneo globo ad cælum ab Angelis ferri (b). Et similiter Gregorium Monachum Speciosi germani sui longe a se positi animam de corpore exire conspexisse (c). Aliquos vero in mari navigantes vidisse cujusdam Servi Dei in Sarmnio inclusi animam ad cælum ferri (d). Spei quoque Abbatis, qui post quadraginta annorum cæcitatem visum recepit, animam viderunt Fratres qui ejus agoni adlabant ex ore ejus sub specie columbæ exire, quæ mox aperto testæ Oratorii egressa penetravit cælum (e). De sancto Presbytero Nursino narrat, quod mortui proximus clamare cœpit (f): Bene veniant domini mei, . . . venio, venio; gratias ago . . . Deinde subjunxit: Non videtis hic concurrisse Sanctos Apostolos beatum Petrum & Paulum primos Apostolorum? . . . atque inter hæc verba animam reddidit. Sanctos quoque Juvenalem, & Eleutherium martyres Probo Reatinæ civitatis Episcopo apparuisse narrat, & secum in cælum tulisse (g).

A sanctis viris ad pias mulieres sermonem convertens narrat, Gallam nobilissimam puellam Symmachi Consulis & Patritii filiam amisso post annum marito, in viduali continentia pie vixisse, &

mona-

- | | |
|-------------------------|-------------------------|
| (a) <i>Ibid.</i> c. 6. | (b) <i>Ibid.</i> c. 7. |
| (c) <i>Ibid.</i> c. 8. | (d) <i>Ibid.</i> c. 9. |
| (e) <i>Ibid.</i> c. 10. | (f) <i>Ibid.</i> c. 11. |
| (g) <i>Ibid.</i> c. 12. | |

monasticam viram fuisse amplexatam. Hæc a S. Petro de proxima sua morte fuit admonita, & de remissione suorum peccatorum certior facta: & denique in cælum recepta (a). Sanctam quoque mortem Romulæ eremitæ describit, quam in homilia 15. in Evangelia jam narraverat, & nos quoque indigitavimus (b). Subsequitur transitus S. Tharillæ Virginis. Hæc a Felice Romano Pontifice offensa mansionē perpetuæ claritatis sic invitata fuit: Veni, quia in hac te lucis mansionē suscipio. Et paulo post sursum respiciens, Jesum venientem vidit, unde cœpit clamare: Recedite, recedite, Jesus venit, & cum in eum intenderet quem videbat, sancta illa anima e corpore egressa est (c). Musæ quoque puellæ felicem mortem narrat. Et primo quidem illi Deiparam apparuisse cum puellis Musæ cœvis in vellibus albis, & invitasse, nūm illorum choro adungi vellent, cui annuenti jussit B. Virgo ut nihil ultra leve & puellare ageret, & sciret quod inter easdem virgines quas videbat, ad ejus obsequium die trigesimo veniret. Et ita revera contigit. Nam post vigesimum quintum diem febre correpta est, & die trigesimo cum hora ejus exitus propinquaret, eandem B. Dei Genitricem vidit cum puellis ad se venire, & clamare cœpit: Ecce, Domina, venio; in qua voce spiritum reddidit (d).

Hic lætis narrationibus tristem interfecit historiam de puerulo trienni, qui majestatem Dei blasphemare consueverat. Nam quadam die malignos ad se venisse spiritus, trementibus oculis aspicies cœpit clamare: Obsta, pater, obsta, pater: ac interrogatus, quid timeret, respondit; Mauri homines venerunt, qui me tollere volunt. Qui cum hoc dixisset, majestatis nomen protinus blasphemavit, & animam reddidit (e).

Deinde ad fausta revertens transitum narrat Stephani viri Dei, in cujus agone nonnulli Angelos viderunt, in quorum manibus excepta eius anima ad æternam beatitatem rapta fuit (f). Duos quoque Valentionis Abbatis Monachos a Longobardis arbori suspensos, & defunctos, clavis, ac apertis vocibus psallere cœpisse; ita ut ipsi qui eos occiderant, cum voces psallentium audirent, nimium mirati terrentur (g).

De animabus vero iustorum ex hac vita migrantium scribit: „Sunt quorundam (h) iustorum animæ, quæ a cælesti regno „quibusdam adhuc mansionibus differuntur. In quo dilationis damno quid aliud innuitur, nisi quod de perfecta iustitia aliquid minus habuerunt? Et tamen luce clarius constat, quia perfectorum animæ, mox ut hujus carnis claustra exeunt, in cælestis regni sedibus recipiuntur“. Quomodo autem beatorum gloria

M 3

ria

- | | |
|-------------------------|-------------------------|
| (a) <i>Ibid.</i> c. 13. | (b) <i>Ibid.</i> c. 15. |
| (c) <i>Ibid.</i> c. 16. | (d) <i>Ibid.</i> c. 17. |
| (e) <i>Ibid.</i> c. 18. | (f) <i>Ibid.</i> c. 19. |
| (g) <i>Ibid.</i> c. 21. | (h) <i>Ibid.</i> c. 25. |

S. GREG. M. ria post iudicii diem augenda sit, declarat scribens : „ Nunc ani-
 „ marum sola, postmodum vero etiam corporum beatitudine per-
 „ fruuntur; ut in ipsa quoque carne gaudeant, in qua dolores pro
 „ Domino, cruciatusque pertulerunt (a) “. De peccatoribus ve-
 „ ro in peccato suo morientibus docet : „ Oportet (b) per omnia
 „ credere iniquorum animas esse in inferno : quia ex retributione
 „ divinæ iustitiæ ex qua iusti jam gloriantur, necesse est per o-
 „ mnia ut & iniusti crucientur. Nam sicut electos beatitudo læ-
 „ tificat, ita credi necesse est quod a die exitus sui ignis reprobos
 „ exurat “. Quo pacto autem corporalis ignis incorporea possit
 „ torquere, exponit subdicens : „ Si viventis hominis (c) incorporeus
 „ spiritus tenetur in corpore, cur non post mortem, cum incorpo-
 „ reus sit spiritus, etiam corporeo igne teneatur “ ? De Purgato-
 „ rii vero poenis sic scribit : „ De quibusdam (d) levibus culpis ef-
 „ se ante iudicium purgatorius ignis credendus est, pro eo quod
 „ Veritas dicit, quia si quis in sancto Spiritu blasphemiam dixe-
 „ rit, neque in hoc sæculo remittetur ei, neque in futuro. In
 „ qua sententia datur intelligi quasdam culpas in hoc sæculo, quas-
 „ dam vero in futuro posse laxari “. Quam veritatem confirmat
 „ exemplo Paschalis Diaconi, qui in parte Laurentii contra Symma-
 „ chum sterit, cuius proinde anima a Germano Capuano Episco-
 „ po in Angulani thermis cruciari visa est, & ipsius precibus libe-
 „ rata fuit (e).

De sede autem, seu loco inferni se nihil temere definire velle
 pronuntiat; arbitratur tamen sub terra positum: quare subdit :
 „ Quid obitet (f) non video, ut sub terra infernus esse credatur “.
 Pœnarum vero æternitatem aperte prædicat & tuetur scribens :
 „ Constat, & incunctanter (g) verum est, quia sicut finis non
 „ est gaudio bonorum, ita finis non est tormento malorum “.
 Petro vero objicienti : „ Quid si quis dicat : Idcirco peccantibus
 „ Deus æternam pœnam minatus est, ut eos a peccatorum per-
 „ petracione compesceret “ ? respondet S. Gregorius : „ Si falsum
 „ est quod minatus est, ut ab iniustitia corrigeret, etiam falsum
 „ est pollicitus ut ad iustitiam provocaret. At quis hoc dicere vel
 „ insanus præsumat “ ? Interroganti vero „ quomodo iustum sit,
 „ ut culpa, quæ cum fine perpetrata est, sine fine puniatur “ : Re-
 „ spondet : „ quod iniqui cum fine deliquerunt, quia cum fine
 „ vixerunt. Nam voluissent utique, si potuissent, sine fine
 „ vivere, ut potuissent sine fine peccare Ad ma-
 „ gnæ ergo iustitiæ iudicantis pertinet, ut nunquam careant
 „ supplicio, qui in hac vita nunquam noluerunt carere pecca-
 „ to. Urgenti vero, nullum iustum crudelitate pasci, & delin-
 „ quen-

(a) *Ibidem.* (b) *Ibid.* c. 28.
 (c) *Ibid.* c. 29. (d) *Ibid.* c. 39.
 (e) *Ibid.* c. 40. (f) *Ibid.* c. 42.
 (g) *Ibid.* c. 44.

„quentem servum a iusto Domino idcirco cædi, ut emendari debeat: iniqui autem gehennæ ignibus traditi, si ad correctionem non perveniunt, quo sine semper ardebunt? Reponit, quod Deus quia pius est, miserorum cruciatu non pascitur: quia vero iustus est, ab iniquorum ultione in perpetuum non sedatur . . . ideo autem ardebunt, ut iusti omnes & in Deo videant gaudia, quæ percipiunt, & in illis respiciant supplicia quæ evaserunt. Cur autem iusti pro damnatis non orent, causam reddit scribens: „Non orant Sancti pro infidelibus impiis defunctis: quippe quia . . . eorum mentes per hoc quod iustissimo iudici inhaerent, omnino eis non libet quidquid ab illius aeternæ regulæ subtilitate discordat“.

S. GREG. M.

Quærit, an prosit animabus, si mortuorum corpora in Ecclesia fuerint sepulta, & prodesse dicit illis, quos gravia peccata non depriment (a), eo quod eorum proximi, quoties ad eadem sacra loca conveniunt, suorum quorum sepulchra conspiciunt recordantur, & pro eis Domino preces fundunt. At Altaris sacrificium multum defunctis prodesse docet, ac pluribus confirmat exemplis (b). Denique librum claudit ad sacræ Eucharistiæ frequentem sumptionem exhortans, scribens: „Debemus . . . quotidiana Deo lacrymarum sacrificia, quotidianas (a) carnis ejus & sanguinis hostias immolare. Hæc namque singulariter victima ab æterno interitu animam salvat . . . Ejus quippe ibi corpus sumitur, ejus caro in populi salutem partitur, ejus sanguis . . . in ora fidelium infunditur . . . Hinc ergo pensamus quale sit pro nobis hoc sacrificium, quod pro absolutione nostra passionem unigeniti filii semper imitatur. Quis enim fidelium habere dubium possit, in ipsa immolationis hora ad Sacerdotis vocem cælos aperiri, in illo Jesu Christi mysterio Angelorum choros adesse, summis ima sociari, terrena cælestibus jungi, unumque ex visibilibus atque invisibilibus fieri“?

Clarissimorum virorum epistolæ merito præferuntur aliis eorum scriptis, & operibus: quippe quia in illis apertius, clarius, & luculentius eorum ingenium, animi dotes, & studia apparent & elucescunt. Revera in suis epistolis ita se prodit D. Gregorius, ut ejus imago ab Historicis ejus vitæ delineata pulchre clarescat. Cernuntur siquidem in illis mira ejus in Ecclesiæ gubernio prudentia, zelus caritatis, animi magnitudo in adversis misericordia erga egenos & afflictos, fortitudo animi in sacris custodiendis conciliorum legibus & Canonibus, profunda humilitas; uno verbo omnes ejus virtutes in ipsis coruscant, quæ ipsum in omnibus admirabilem ostendunt. Epistolarum Regilrum nonnisi eas complectitur, quæ in ipso Pontificatu scripsit. In quatuordecim libros sunt distributæ: quorum

De Epistolis
S. Gregorii
generales
animadver-
siones T. I.
Edit. Ven.

M 4

rum

- (a) *Ibid.* c. 50.
(b) *Ibid.* c. 55. & seq.
(c) *Ibid.* c. 58.

S. GREG. M. rum quilibet omnes unius anni epistolas complectitur, postremo excepto, qui nonnisi postremorum sex mensium sui Pontificatus & vitæ epistolas exhibet. Primus itaque liber epistolas continet datas anno 590. Alter datas anno insequenti 591. & hoc ordine ceteri prosequuntur libri usque quarto Idus martii anni 604. unde exurgunt anni tredecim, & menses sex, initium sumendo a mense Septembris anni 590. in quo Pontifex consecratus fuit usque ad duodecimam Martii anni 604. in quo beato fine quievit. Indictionibus signantur, qui modus signandi licet & D. Ambrosii temporibus (a), & etiam antea in usu fuerit, tamen D. Gregorius primus fuit inter Pontifices, qui in suis epistolis morem hunc signandi adhibuerit, sicut & primus Romanorum Pontificum, qui ea usus sit formula: *Servus Servorum Dei* (b); quam constanter ejus humilitatem imitantes subsequentes omnes Pontifices custodiunt: immo & legitur adhibita etiam in aliquibus suis epistolis a SS. Augustino & Fulgentio.

Cum vero plurimæ sint S. Gregorii epistolæ, enumerantur enim supra octingentæ, illas dætaxat delibabimus, & indicabimus, quæ utilioris, majorisque momenti videbuntur.

Primi libri
epistolæ.

Primi libri epistolæ omnes datæ sunt Indictione nona, idest anno 590. Mos erat Pontificum Romanorum Vicarium in Sicilia (cujus Ecclesiæ speciali jure ad Sedem Apostolicam pertinebant, ut pote inter suburbicarias enumeratæ, & in sexto Nicænæ Concilii Canone, Romani Episcopi gubernio addictæ) constituere. Hanc itaque custodiens consuetudinem S. Gregorius, in sua prima epistola suum constituit Vicarium Petrum Subdiaconum, hujusque electionis certiores facit omnes Siciliæ Episcopos, ad quos literæ hæ datæ sunt, mandans, „ ut semel per annum (c) ad Syracusanam, „ sive Catanensem civitatem, universaliter honore, quo dignum „ est, sicut eidem iussimus, conveniant, quatenus quæ ad utilita- „ tem ipsius Provinciæ Ecclesiarum pertinent, sive ad necessitatem „ pauperum, oppressorumque sublevandam . . . congrua cum eo- „ dem Petro Subdiacono Sedis nostræ debeant moderatione dispo- „ nere “. Hinc videtur, nullum tunc in Sicilia fuisse constitutum Metropolitanum: quod confirmat etiam ejusdem S. Pontificis epistola 24. lib. 2. qua ordinandos pro Sicilia Episcopos Romam venire jubet. Episcoporum autem conventui præfatus Subdiaconus Petrus, seu Sedis Apostolicæ Legatus præsidebat, donec Maximinum Syracusanum Episcopum, suum & Sedis Apostolicæ Vicarium instituit, ut ex aliis epistolis constabit.

Præerat tunc in temporalibus Siciliæ Justinus, cui demandatum erat annonam frumenti necessariam mittere. Verum imminente jam hyeme, cum nondum missam rescivisset consuetam frumenti copiam, scribit

(a) *Ambr. Epist. 23. 1. Classis n. 16.*

(b) *Joan. Diac. lib. 2. n. 1.*

(c) *Epist. 1.*

scribit secunda epistola ad ipsum Justinum Siciliae Praetorem, monens ut „ ea de re (a) curam gerat: quia si quid minus huc „ transmittitur, non unus quilibet homo, sed cunctus simul populus trucidatur “. Quia, ut narrat Gregorius Turonensis lib. 10. c. 1. Ecclesiae horrea subverterat anno superiore Tiberis exundans, & nonnulla tritici modiorum millia perierant.

S. GREG. M.

In epistolis vero frequentibus usque ad 5. conqueritur 1. cum Paulo Scholastico (b), quod de honore Sacerdotalis officii gratuletur, & non potius doleat, quia optata quiete, ut maluisset, frui non fuisset sibi concessum; 2. cum Joanne Episcopo (c) Constantino-politano, quia electionem suam ab Imperatore potius confirmari sollicitaverit, & non potius ne Episcopatus pondus sibi imponeretur, obstitit; 3. cum Theodistia Imperatoris sorore (d), quia „ sub colore Episcopatus ad saeculum sit reductus, & tantis curis „ cogitur inservire, quantis se in vita laica nunquam deservisse recordabatur. Alta enim (scribit) quietis meae gaudia perdi- „ & intus corruens, ascendisse exterius videor . . . a rerum vertice „ tentationis hujus turbine impulsus, ad timores pavoresque „ corruui: quia etsi mihi nil timeo, eis tamen qui mihi commissi „ sunt, valde formido “. Epistolam vero in haec verba claudit: „ Ecce Serenissimus Dominus Imperator fieri simiam leonem iussit. Et quidem pro iussione illius vocari leo potest, fieri autem „ leo non potest. Unde necesse est, ut omnes culpas ac negligencias meas non mihi, sed suae pietati deputet, qui virtutis ministerium infirmo commisit “.

In sequentibus vero epistolis Narcae Patritio, & Anastasio Antiocheno Episcopo (e) datis eorum gratulatoriis literis respondet, semper tamen conquestus de sua elevatione, per quam a contemplationis delectatione se dejectum lamentatur; & Anastasio praeterea addit: „ Quod me os Domini, quod lucernam dicitis, quod multis prodesse perhiberis, hoc quoque mihi ad iniquitatum mearum cumulum accidit, ut, cum vindicari in me iniquitas debuit, laudes pro vindicta recipiam. Quibus autem hoc loco „ terrenarum rerum tumultibus premor, explere verbis nequeo “.

Supplicaverunt Hebraei Tarracinae degentes, ut locum quem Synagoga haecenus habuerunt, Pontificis auctoritate eum habendi licentia concederetur. Scribit itaque hac de re S. Gregorius Baucadae, & Agnello Episcopis mandans, ut (f) aspiciant, num verum sit quod alii detulerant, scilicet, quod locus Synagoga sic vicinus esset Ecclesiae, ut etiam ad eam vox psallentium perveniret; & si revera aliquid Ecclesiae ipsi videretur obesse, alium locum intra ipsum Castellum providerent, ubi praefati Hebraei con-

- (a) Epist. 2. (b) Epist. 3.
(c) Epist. 4. (d) Epist. 5.
(e) Ibid. epist. 6. 7.
(f) Epist. 10.

convenient, quo possint suas sine impedimento caeremonias celebrare . . . eis tamen christiana mancipia habere non liceat.

2. GREG. M.

In epistola decimaquarta scribit Demetrio Episcopo Neapolitano (a) illi mandans, ut quemdam Stephanum, aliosque de fide dubitantes, & jam catholicam fidem repetentes in communionem recipiat, eos quantum potest de tenebris ad lucem veritatis revocando. Balbino vero (b) Episcopo Rosellano jubet, ut Populonensem Ecclesiam, quam audierat ita Sacerdotis officio destitutam, ut nec poenitentia decedentibus ibidem, nec baptisma possit præstari infantibus, apostolica auctoritate munitus visitet, & unum Cardinalem Presbyterum & duos Diaconos illic ordinet. In Parochiis vero tres similiter Presbyteros ordinet, & constituat. Cardinales autem Presbyteri, sicut & Diaconi tunc temporis illi dicebantur, qui erant in cardine, idest qui primi erant sui ordinis hoc titulo perpetuo alicui Ecclesie affixi ad differentiam illorum, qui munus vel ex commissione vel ad tempus exercebant.

Schisma ob trium Capitulorum causam fovebat maxime (1) Severus Episcopus Aquilejensis. Illi itaque scribit D. Gregorius 1. dicens (c): Quod sicut ante gaudebat quia erat in unitate Ecclesie, ita abundantius nunc doleat cum audiat a catholica societate dissociatum. 2. Jubet, ut cum suis sequacibus ad B. Petri Apostoli limina veniat, ubi auctore Deo ab aggregata Synodo de ea quæ inter illos vertitur dubitatione, judicetur.

Anthemio Subdiacono, & ecclesiastici Patrimonii in Italia Economo plures dedit epistolas D. Gregorius, quæ illi mandat, ut ingravescantibus (d) publicis calamitatibus, pluribus indigentibus pecuniam distribuat ad eorum levandam inopiam. Et 1. quidem ut quibusdam Ancillis Dei, Nolam civitatem incolentibus quadraginta in auro eis solidos dare debeat, & deinceps succedentibus Indictionibus annuos viginti solidos ministrare, in suis deinde rationibus computandos. Præterea Paulino Presbytero (e) Monasterii S. Erasmi & duobus Monachis in oratorio S. Archangeli servantibus, binos in præsentem solidos impertiatur. Item ut Pateriæ (f) thiæ suæ offerat ad calciarium puerorum solidos quadraginta, & tritici modios quadringentos, & Domnæ Palatinæ relietæ Urbici, solidos viginti, & tritici modios trecentos: & Domnæ Vivianæ relietæ Feli-

(a) *Ibid. epist. 14.* (b) *Epist. 15.*

(1) *Tria Capitula*, quæ Schismati ansam præbuere, hæc erant: Scripta Theodori Mopsuesteni, Ithæ Episcopi Edesseni epistola ad Marim Perfam, & Theodoretæ Episcopi Cirenensis scripta adversus S. Cyrilli duodenos anathematismos. Damnata hæc fuere in quinto Concilio anno 553. Cui damnationi subscribere noluerunt plures Episcopi, quippe qui arbitrabantur ea damnatione labefactari fidem, & lædi Synodi Chalcedonenfis auctoritatem. Habiti tamen fuere tamquam schismatici.

(c) *Epist. 16.* (d) *Epist. 24.*

(e) *Ibidem.* (f) *Epist. 39.*

Felicis solidos viginti, & tritici modios trecentos largiatur. Item ^{S. GREG. M.} ut Palatinæ formicæ illustri, continua hostilitate pluribus necessitatibus subjectæ, pro ejus sustentatione annuos triginta solidos dare non differat. Item ut titulatam Petronii domum Theodoræ ejus relictæ sine mora restituat. Mandat præterea ut Monachos (a) minime permittat de monasterio in monasterium migrare... „ Sed „ si quilibet hoc præsumpserit, in monasterio in quo ab initio „ conversatus est, & sui Abbatis sub regula de qua fugerat, cum „ competenti coercitione reddatur“. Item ne sinat aut toleret Clericos ad monachismum conversos, „ ad eamdem, vel aliam „ Ecclesiam, quarum pridem milites fuerant, sua voluntate de- „ nuo remeare: nisi talis vitæ monachus fuerit, ut Episcopus cui „ antea militaverat, sacerdotio dignum præviderit“. Item mand- „ dat, ne cum monachis (b) permittat habitare mulieres, ne qui- „ dem obtentu necessitatis fugiendi barbaricam incursum, sed refu- „ gium sibi provideant monachi in locis vicinis ubi maluerint. Pro- „ hibet præterea, ne pueri in monasteriis ante decem & octo anno- „ rum tempora suscipiantur. Denique jubet ut Felici Abbati mille „ quingentas plumbi libras, de quo egere dignoverat, dare non dif- „ ferat.

Coegerat D. Gregorius Romæ anno 591. mense Februario Con- „ cilium, in quo epistolam (c) dedit encyclicam Patriarchis Orienta- „ libus. Quinque in titulo recensentur: licet enim Gregorius sedem „ jam teneret Antiochenam, adhuc tamen Anastasium e sua Sede „ ejectum a Justiniano, quod adversus ejus deliria de corporis Christi „ incorruptibilitate doctrinam orthodoxam strenue propugnaret, tam- „ quam Patriarcham habebat: unde illum Expatriarcham appellat. „ Alii vero sunt Joannes Constantinopolitanus, Eulogius Alexandri- „ nus, & Joannes Hierosolymitanus. Et primo quidem in hac epi- „ stola moerorem suum, & tristitiam declarat ob onus pastorale sibi „ impositum: quippe qui humiliter se tantæ dignitati imparem di- „ gnosceret, & ad munia rite obeunda minus idoneum. Hæc munia „ deinde exponit, eo ferme modo quo in sua Pastoralis Regula. De- „ inde juxta tunc temporis obtinentem consuetudinem, suæ fidei pro- „ fessionem emittit, in qua sicut sancti Evangelii quatuor libros, ita „ & quatuor Concilia se suscipere, & venerari profitetur. Quibus „ & quintum adjungit, „ in quo epistola (d) quæ Ibræ dicitur, er- „ roris plena, reprobatur. Theodorus personam Mediatoris Dei „ & hominum in duabus subsistentiis separans, ad impietatis perfri- „ diam cecidisse convincitur. Scripta quoque Theodoretæ, per quæ „ B. Cyrilli fides reprehenditur, ausu dementiæ prolata refutantur“; „ addens: „ Cunctas verò quas præfata veneranda Concilia personas „ re-

(a) Epist. 42.

(b) Epist. 50. (c) Epist. 25.

(d) Ibid. prop. fin.

S. GREG. M.

„respuunt, respuo; quas venerantur amplector, . . . Quisquis
 „ergo aliud sapit, anathema sit. Quisquis vero prædictarum Sy-
 „nodorum fidem tenet, pax ei sit a Deo Patre per Jesum Chri-
 „stum Filium ejus, qui cum eo vivit & regnat consubstantia-
 „lium Deus in unitate Spiritus Sancti, per omnia sæcula sæcu-
 „lorum “.

Sacra etiam dona illustribus Viris mittere solebat sanctissimus Pontifex. Hinc Andreæ illustri viro scribit, se illi dono mittere (a) „sacratissimam clavem a S. Petri Apostoli corpore, quæ
 „super ægros multis solet miraculis coruscare: nam etiam de ejus
 „catenis interius habetur. Eadem igitur catenæ quæ illa sancta
 „colla tenuerunt, suspensæ colla vestra sanctificent “. Quo dono etiam Joannem Exconsulem, Patricium, & Quæstorem honestavit, ut ex sequenti trigesima prima epistola innotescit.

Binas quoque epistolas dedit Venantio Patritio Syracusano, qui monastico habitu dimisso uxorem duxerat, & hortatur, ut quanto-
 „cius resipiscat, & ad monasterium redeat, scribens: „Si Ananias
 „(b) mortis periculo dignus fuit, qui eos quos dederat nummos
 „Deo abstulit; considera quanto periculo in divino judicio dignus
 „eris, qui non nummos, sed temetipsum Deo omnipotenti, cui re
 „sub monachico habitu devoveras, subtraxisti “. Addit: „Si au-
 „tem fortasse in causa Dei nimius credor, & pro zeli mei ardore
 „suspectus sum, cunctam simul Ecclesiam in consilio hujus disce-
 „pationis adhibeo; & quidquid omnibus fieri salubriter placet,
 „ego in nullo contradico, sed quod in commune decernitur, læ-
 „tus impleo, & subscribo “. Non resipuisse Venantius videtur,
 „quippe quia alia ad eum habetur epistola lib. 11. Ind. 6. n. 30.
 „in qua rursus D. Gregorius arrepta occasione podagræ tam se, quam
 „ipsum Venantium vexantis, hortatur „ut in iplis verberibus Dei
 „revocet ad memoriam & ejus munera, & nostri reatus da-
 „mina. Pensemus quanta bona super nostram malitiam fecerit
 „Dominus; & quanta mala sub ejus bonitate commisimus . . .
 „judicemur modo in nostra cogitatione cum Deo, ne districte post-
 „modum judicemur a Deo . . . Quisquis ergo festinat evadere
 „distinctionem sententiæ judicii sequentis, per amaritudinem pœ-
 „nitentiæ omnem sibi dulcedinem interimat vitæ præsentis “. Ve-
 „rum cum adhuc in sæculari statu permaneret Venantius jam mor-
 „ti proximus, aliam dedit epistolam Joanni Syracusano Episco-
 „po (c) in qua primo dolorem suum de desperato Venantii mor-
 „bo testatur: deinde eum hortatur, „ut de anima ejus cogitare
 „debeat, exhortando, rogando, Dei judicium terribile proponen-
 „do, ineffabilem ejus misericordiam promittendo, ut ad habitum
 „suum

(a) *Epist.* 30. *al.* 29.(b) *Epist.* 34.(c) *Lib.* 11. *epist.* 36.

„ suum redire vel in extremis debeat, ne ei tantæ culpæ reatus
 „ in æterno iudicio obstat (1) “. S. GREG. M.

Conquellus fuerat quidam (a) Judæus apud S. Gregorium, quod Petrus Episcopus Tarracinenſis, Judæos de loco in quo convenire conſueverant pro colendis ſuis feſtivitatiſus, expuliſſet. Sanctiſſimus Pontifex Episcopo reſcribit, ut ad locum quem ut congregarentur adepti fuerant, reducat, & eis ſicut mos fuit, liceat convenire.
 „ Nam, (ſubdit) eos, qui a religione chriſtiana diſcordant,
 „ manſuetudine, benignitate, admonendo, ſuadendo, ad unitatem
 „ fidei neceſſe eſt congregare: ne quos dulcedo prædicationis, &
 „ præventus futuri iudicis terror, ad credendum invitare poterat,
 „ minis & terroribus repellantur “.

Cum Petrum Subdiaconum ſuum conſtituiſſet in Sicilia Vicarium, Capitulare ſeu Inſtructionem illi dedit, quam (b) aſſidue ab eo relegendam in hac epistola monet; nonnullaque alia addit monita. Et 1. quidem ut illi ſit cura maxima de Episcopis, ne in cauſis ſæcularibus miſceantur, niſi in quantum neceſſitas defendendorum pauperum cogit. 2. Invigilet, ne a miniſtris Romanæ Eccleſiæ ſæcularibus violentia inferatur: conquelli enim quidam fuerant ſines ſuos violenter inſaſos, mancipia abſtracta, res etiam mobiles, manu, non iudicio aliquo ablataſ. 3. Quidquid invenerit violenter ablatum, vel ſub nomine Eccleſiæ iniuſte detineri, hoc ei cujus eſſe cognoverit, conſeſtim reſtituat. 4. Ut mancipia iniuſte detenta vel liberet, vel ſuis dominis reddat. 5. Caveat ne unquam quod juſte etiam conſpexerit juri eccleſiaſtico poſſe competere, unquam
 hoc

(1) Cancellarii in Italia dignitatem Venantio tribuit Scriptor Gallus. Verum ſi Notas animadvertiſſet, hæc ibi legiſſet. De Cancellarii dignitate, quam ei gratis conſerunt Editores, in omnibus MSS. tam epistolarum, quam Joannis Diaconi in vita S. Gregorii altum eſt ſilentium: unde reſecandam duximus Guſſanvillæi notam ad vocem *Cancellario*. Immo obſervat tum titulum *Exmonachi*, tum *Patricii* adſcitiſum eſſe. Primus quidem quia odioſus cum ſit, non a S. Pontifice poſitus, ſed aliena manu additus fuit. Alter vero, quia in epistolis ad Venantium nullibi *Gloria*, aut *Excellentiæ* tituli occurrunt, quibus tamen ſemper utitur S. Gregorius ad Patricios ſcribens. Cæterum Sanctum Pontificem de ſalute Venantii deſperaviſſe, niſi a conjugio recederet, & Monachus rurfum fieret, ex prima epistola apparet luculenter. Cur autem D. Gregorius Venantium excommunicationi latæ per Concilium Chalcedonenſe can. 16. contra Monachos uxorem ducentes, obnoxium non declaraverit, nec a communione Eccleſiæ ſeparaverit, illud fortaiſſis in cauſa fuit, quia non fuit ex Monachis Monasterio votoque addiſtis, ſed habitu tantum. Hinc verba quæ leguntur in data epistola: *Conſidera iudicium Dei, quid mereatur, qui ſemetipſum Deo vovit, continuoque mundi deſideriis irretitus mentitus eſt, quid vovit*, notant Mautini abeſſe a MSS. & ex margine in textum irrepreſſiſſe putandum.

(a) *Lib. 1. epist. 35.*

(b) *Epist. 36.*

S. GREG. M.

hoc manu studeat defendere, sed quidquid ratione pauperibus competit, ratione etiam debeat defendi. 6. Studeat „ ut laici nobiles „ vel vir gloriosus pro humilitate eum diligant, non pro superbia „ perhorrescant, sed illis obstitat, si forte injuste agere contra ino- „ pes velint, ut & bene agentibus subditus, & male agentibus „ adversarius existat “: ita tamen ut nec humilitas remissa sit, nec auctoritas rigida, quatenus & humilitatem reſtitudo condiat, & ipsam reſtitutionem humilibus blandam reddat. 7. Denique „ cum „ moris sit ad natalem Pontificis Episcopos convenire, prohibet „ Episcopos ad ordinationis suæ diem venire, quia vana & stulta „ superfluitas non delectat. Sed si eos convenire necesse est, in „ beati Petri Apostolorum Principis natalem conveniant, ut ei „ ex cuius largitate pastores sunt, gratiarum actiones solvant “. In alia vero epistola (a) plura contra jus facta emendari jubet; & præsertim cum coloni solerent aliquid solvere dominis, ut liceret ipsis nubere, indicit „ ut omnia commoda nuptiarum unius solidi „ summam nullatenus excedant, sed qui sunt pauperes etiam minus „ dare debeant: qui autem divites, præfati solidi summam nullatenus „ transgrediantur “. Deinde de Subdiaconorum cœlibatu sic decernit, ut qui ante Decretum, quo Subdiaconi omnium Ecclesiarum Siciliae prohibiti fuerant, ut more Romano nullatenus suis uxoribus misceantur, non compellantur a sua uxore separari; sed deinceps Episcopi nullum Subdiaconum facere præsumant, nisi qui se videturum caste promiserit, quatenus & præterita quæ per propositum mentis appetita non sunt, violenter non exigantur, & futura caute caveantur. Qui vero post præfatum Decretum continenter cum suis uxoribus vixerint, laudandi, atque remunerandi sunt: qui vero post prohibitionem factam, se a suis uxoribus continere noluerint, nolumus pervenire ad sacrum ordinem (Diaconatus); quia nullus debet ad ministerium altaris accedere, nisi cuius castitas ante susceptum ministerium fuerit approbata. Præterea nonnulla alia provide decernit circa hæredes, & pœnas reis infligendas, quia mos erat, ut si quis ex familia culpam fecerit, non in ipso, sed in ejus substantia vindicaretur, quam consuetudinem aboleri jubet, præcipiendo, „ ut quisquis culpam fecerit, in ipso quidem, ut dignum „ est, vindicetur. A commodo autem ejus omnino abſtineatur: „ nisi forte parum aliquid quod in usum exsecutoris qui ad eum „ transmissus fuerit, proficere possit “. Jubet etiam illata damna resarciri. Denique nonnullas largitiones loco elemosynæ fieri præcipit. In alia vero epistola (b) mandat „ ut Godiscalchi viri di- „ gnissimi filio, non solum amissione visus, sed etiam inopia vi- „ ctus egestatem patienti annis singulis viginti modios tritici, fabæ „ quoque modios duodecim, & vini decimatas viginti pro susten- „ tatione

{a} *Epist.* 44.{b} *Epist.* 46.

„tatione vitæ debeat ministrare“. Rursum alia epistola (a) jubet, ut Pastori visus imbecillitate laboranti, & egestate prelo, cum conjugē & duobus mancipiis, pro eorum sustentatione annuos tritici modios trecentos, nec non fabæ modios totidem elargiatur. Iterum in alia ad eundem epistola (b) illi præcipit, ut pro dedicatione Oratorii Beatæ Mariæ in Cella Fratrum constructi, ubi Marinianus Abbas præest, ad eam festivitatem celebrandam dare debeat ad erogandum pauperibus in auro solidos decem, vini amphoras triginta, agnos ducentos, olei orcas duas, berbices duodecim, gallinas centum. Alia MSS. habent, *annonæ trecenta sextaria . . . gallinas trecentas*. Ex qua varietate pronum est colligere, in huiusmodi dedicationibus consuevisse pauperibus dapes distribui, quæ Agapes antiquo Ecclesiæ more instruerent. Rursum in alia epistola mandat (c), ut negotia monasterii Joannis Abbatitis commendet Fausto, qui Romani viri magnifici ex prætoris cancellarius fuerat, cuius si pronam ad hanc rem compererit voluntatem, ei monasterii ipsius generaliter debeat, constituto salario, commendare negotia. „Expediit enim (subdit) parvo incommodo, do a strepitu caussarum servos Dei quietos existere; ut & utilitates cellæ per negligentiam non pereant, & Servorum Dei mentes ad opus Dominicum liberiores existant“. Item (d) illi commendat Cyriacum, & Joannam conjugem ejus ex Judæa Christianam factam, quatenus a nullo eos contra iustitiam opprimi, vel gravari permittat. Rursum præcipit, ut impediatur (e) Episcopos Siciliæ, ne ante hyemem Romam veniant, ne nimium fatigentur, sed solum Gregorium Agrigentinum, & Leonem Catanensem, & Victorem Panormitanum per omnia curet ante hyemem proficisci. Præterea, ut nova frumenta ab extraneis comparet, & Romam mittat, „quia tantum fuit (scribit) hic Romæ parva nativitas, ut, nisi auxiliante Deo frumenta de Sicilia congregentur, fames vehementer immineat“. Denique alia epistola (f) præcipit, ut domos, vel fines, atque possessiones Taurominitanæ juri Ecclesiæ pertinentes, si ab actionariis Romanæ Ecclesiæ contra rationis ordinem occupatas deprehenderit, in ante fatæ Ecclesiæ jura restituat.

Cum vero hostilis furor plures Episcopos e suis locis expulisset, qui refugii locum usque in Illyricum fugientes quæsierant, S. Gregorius ad universos per Illyricum Episcopos dedit epistolam (g), qua eos paterne hortatur, ut fratres Coepiscopos, quos captivitatis, diversarumque necessitatum angustiarum comprimunt, consolandos convivendosque secum in ecclesiasticis sustentationibus libenter suscipiant. Monet tamen nullam eis in eorum Ecclesiis auctoritatem tribue-

-
- | | |
|----------------|----------------|
| (a) Epist. 67. | (b) Epist. 56. |
| (c) Epist. 69. | (d) Epist. 71. |
| (e) Epist. 72. | (f) Epist. 73. |
| (g) Epist. 45. | |

S. GREG. M.

tribuere, ne per communionem episcopalis Throni dignitas dividatur, sed ut solum ab Ecclesia juxta possibilitatem sufficientia alimenta percipiant. Monachis vero Montis Christi in mari Tyrrheno sitis jubet (a), ut Horosium Abbatem suscipiant, & omnem ei obedientiam præbeant, & quidquid disposuerit, veluti a se dispositum cum debita reverentia custodiant.

Symmacho defensori tria jubet S. Gregorius (b). Primo quidem „ ut pro incertitudine temporis locum provideat, qui aut „ situs dispositione munitus existat, aut certe non magno labore „ muniri valeat, ut illuc monachos transmittat. 2. ut Horosium „ Abbatem in Gorgoniam insulam pergentem comitetur, & mala „ omnia quæ illic admissa sunt, ambo ita vindicent, ut per ultionem eorum præfata insula etiam imposterum maneat correctata. 3. Denique ut Sacerdotibus in Corsica commorantibus prohibeat, ne cum mulieribus conversentur, exceptis dumtaxat matre, sorore, vel uxore quæ caste regenda est. Hic tamen notandum, quod licet Galliarum Concilia hoc sæculo congregata, Sacerdotes, Diaconos, & Subdiaconos post conjugium ordinatos, venterant cum uxoribus suis conversari; nondum tamen in Italia id vetitum erat, modo turpis abesset suspicio, ut innuit S. Gregorius tum hic, tum epistola 59. lib. 9. & 4. Dialogorum cap. 2.

Cum vero Hebræi conquirerentur (c) Massiliæ vi magis ad fontem Baptismi quam prædicatione perducti, S. Gregorius Virgilio Arelatenfi, & Theodoro Massiliensi Episcopis scribit: „ Intentionem vestram, & laude dignam cenleo, & de Domini nostri dilectione descendere profiteor. Sed hanc eandem intentionem nisi competens Scripturæ Sacræ comitetur effectus, timeo „ ne aut mercedis opus exinde non proveniat, aut juxta aliquid, „ animarum quas eripi volumus, quod absit, dispendia subsequantur. Dum enim quispiam ad baptismatis fontem non prædicationis suavitate, sed necessitate pervenerit, ad pristinam superstitionem remeans, inde deterius moritur, unde renatus esse videbatur. . . Adhibendus ergo est illis sermo, qui & errorum in ipsis spinas urere debeat, & prædicando quod in his tenebre scit illuminet; ut pro his admonitione frequenti mercedem fraternitatis vestra capiat, & eos quantum Deus donaverit, ad novæ regenerationis vitæ perducatur.

Quantum a quocumque lucro abhorruerit D. Gregorius, patet ex ejus epistola (d) ad Felicem Episcopum Messanensem, cui sic scribit: „ Consuetudines quæ Ecclesiis gravamen noscuntur inducere, „ nostra nos decet consideratione remittere. . . Clericorum siquidem vel aliorum consuetudinem te oportet illibatam servare, „ eisque annis singulis quæ sunt consueta transmittere. Nobis autem de cætero, ne quid transmittere debeas, inhibemus. Et

„ quo-

(a) Epist. 51. (b) Epist. 52.
(c) Epist. 47. (d) Epist. 66.

„ quoniam non delectamur xeniis , Palmatianas (vestes scilicet
 „ palmis intextas opere , ut vocant , plumario , vel phrygio con- S. GREG. M.
 „ cinnatas) quas tua direxit fraternitas , cum gratiarum actione
 „ suscepimus ; sed eas ne quod exinde potuisses sentire dispendium ,
 „ digno fecimus pretio venundari , & id fraternitati tuæ transmi-
 „ simus singillatim . Sed quia caritatem tuam ad nos venire velle
 „ cognovimus , scriptis præsentibus admonemus , ut ad veniendum non
 „ debeas laborem assumere ; sed ora pro nobis , ut quanto nos iti-
 „ neris intervalla dissociant , tanto animis nostris ad invicem Chri-
 „ sto adjuvante simus in caritate conjuncti “ .

Sequuntur libri secundi epistolæ scriptæ decima Indictione inci- Liber Secun-
dus.
 piente Mense Septembris anni 591. idest anno sui Pontificatus se-
 cundo . Et in prima quidem (a) epistola , Petro Notario man-
 dat , ut Monachis Monasterii S. Archangeli , quod Tropæis est
 constitutum , ad victum necessaria suppeditet . Episcopo vero Urbis
 (b) veteris scribit , non esse addendam afflictionem afflictis , pro-
 inde non esse neganda Clerico Calumnioso ægrotanti subsidia ,
 quæ sano dabantur „ quia diversis in Ecclesia militantibus , varia ,
 „ sicut nosse , sepe contingit infirmitas . Et si hoc fuerint exemplo
 „ deterriti , nullus de cætero qui Ecclesiæ militet , poterit inveni-
 „ ri , sed secundum loci ejus ordinem quæque ei , si sanus esset ,
 „ poterant ministrari . . . ægrotanti præbere non desinas .

Sedis Episcopalis translationes fieri quandoque posse contendit ,
 dum Joanni Episcopo Velitrano (c) concedit , ut Sedem suam in
 locum Harenata dictum , ad Sanctum Andreæ , valeat translini-
 gere : quatenus ab hostilitatis incurso liberior existat . Sicut &
 alterius Ecclesiæ (d) visitationem posse alieno Episcopo committi
 probat , dum scribit Paulino Liparitanæ Ecclesiæ Episcopo , ut
 Ecclesiam Taurinensem , quoties opportunum tempus crediderit ,
 visitet . Ita pariter epistola vigesima quinta (e) Cumanæ Ec-
 clesiæ visitationem Benenato Episcopo , & Nepefinæ Joanni (f)
 Misenati committit . Ad Romanum Pontificem pertinere aliorum
 Episcoporum correctionem , & punitionem manifestat epistola data
 ad Antoninum Subdiaconum , in qua 1. Natalem Episcopum Sa-
 lonitanum hortatur , ut Honoratum Archidiaconum suo statim loco
 suscipiat . 2. Si hoc facere contumaciter forte distulerit , usum ei
 pallii , quod ab Apostolica Romana Sede concessum est , eadem au-
 thoritate illi interdicit . 3. Quod si etiam amisso pallio , adhuc
 in eadem pertinacia perseverare perspexerit , Dominici quoque cor-
 poris ac sanguinis participatione privet . Episcoporum quoque con-
 firmationem Romano Pontifici esse tribuendam ostendit epistola (g)
 ad universos Episcopos Illyrici , quibus sic scribit : „ Cum in per-

Tricalet. Tom. VII.

N

„ sona

- | | |
|----------------|----------------|
| (a) Epist. 1. | (b) Epist. 8. |
| (c) Epist. 14. | (d) Epist. 17. |
| (e) Epist. 25. | (f) Epist. 26. |
| (g) Epist. 22. | |

S. GREG. M.

„sona Joannis fratris, & coepiscopi nostri consensum omnium vestrum, & Serenissimi Principis convenisse cognovimus, magna nos exultatio habuit . . . proinde juxta postulationis vestræ desiderium, prædictum fratrem, & coepiscopum nostrum, in eo quo est sacerdotii ordine constitutus, nostri assensus auctoritate firmamus: ratamque nos ejus consecrationem habere . . . indicamus“. In sequenti vero epistola (a) præfato Joanni electo Episcopo primæ Justinianæ gratulatur, quod unanimi consensu, & Serenissimi Principis voluntate accedente, fuerit ad Episcopalem Sedem evectus. Pallium deinde illi ex more transmittit, & vices Apostolicæ Sedis agere concedit, hortatus, ut circa subiectos ita se debeat exhibere, ut ad illius dilectionem provocentur potius quam ad timorem. Hortatur deinde ut summa prudentia & caritate pastorale munus impleat, atque attendat: „Pastoris nomen non ad quietem, sed ad laborem esse suscipiendum . . . Sicut igitur laborantes, & circa animarum salutem sollicitos hoc nomen ante Deum æternam ducit ad gloriam: ita desides ac torpentes vergit ad pœnam“. Monet etiam, „ne unquam ordinationes facere tentet illicitas; sed si quos ad Clericatus ordinem, vel potiore forte gradum promoveri contigerit, non præmiis aut precibus, sed meritis ordinentur“. Denique epistolam claudit dicens: „Xenia autem vestræ sanctitatis suscipere omnino nolueram . . . sed Responsales vestri alio me argumento vicerunt, ad eum illa deferentes, a quo non possent oblationes vestræ fraternitatis repelli“: procul dubio ad Confessionem S. Petri oblata fuisse ea xenia credendum est.

Monachos sui status desertores esse retrudendos docet in epistola Gregorio Chartulario data, scribens: „Insinuaturn nobis est (b), „duos monachos fugisse a Monasterio S. Georgii, & unum quidem ex eis conjugem accepisse, alium autem laicum effectum seculariter vivere . . . Unde hortor, ut habita judicis æterni consideratione, monachos ipsos retrudi sine dilatione faciatis, ne eorum exemplo, cum vestro, quod absit, peccato, cæterorum monasteriorum distractio dissipetur, sed magis ut magnitudinis vestræ solatio aliis monachis spes gerendi talia submoveatur“. Monet etiam, ne Abbati permittat novas imponere consuetudines, quæ ex tempore conditi monasterii per triennale tempus hæcenus non fuerunt. Quomodo eligi debeant Episcopi, & ordinari, ostendit epistola (c) ad Benenatum Episcopum Misenatem, illi sic scribens: „Caritas tua ad Cumanam Ecclesiam ire properabit, & assiduus adhortationibus clerum, plebemque ejusdem Ecclesiæ admonere te volumus, ut remoto studio (diversarum partium) uno eodemque consensu expectant Sacerdotem, qui & tanto ministerio dignus valeat reperiri, & a venerandis canonibus nullatenus

(a) *Epist.* 23. (b) *Epist.* 28.(c) *Epist.* 25.

„tenus respuatur. Qui dum fuerit postulatus, cum solemnitate
 „decreti omnium subscriptionibus roborati, & dilectionis tuæ te- S. GREG. M.
 „stimonio ad nos sacrandus occurrat. Commonemus etiam fra-
 „ternitatem tuam, ut nullum de altera eligi permittas Ecclesia,
 „nisi forte inter Civitatis ipsius Clericos . . . nullus ad Episco-
 „patum dignus . . . potuerit inveniri “.

Militibus obedientiæ Tribuno suo præstandæ debitum inculcat
 in epistola (a) ad cunctos milites Neapolitanos data, scribens,
 „Scriptis vos præsentibus curavimus admonendos, ut Constantio
 „viro magnifico Tribuno, sicut & fecistis, omnem debeatis pro
 „Serenissimorum Dominorum utilitate, vel conservanda civitate
 „exhibere; quatenus quidquid a vobis hæctenus bene gestum a-
 „gnoscat, per præsentis temporis vigilantiam ac sollicitudinem
 „augmentetis “.

Pastoralis sollicitudo omnium Ecclesiarum luculentissime appa-
 ret in omnibus epistolis D. Gregorii, quas si hic recensere vel-
 lem, maximam profecto partem exscribere opus esset. Satis pro-
 inde erit nonnullas indicare, & quidem non ex sola hac indictio-
 ne, seu anno sui Pontificatus secundo, sed etiam ex subsequenti-
 bus. Primo itaque occurrit hujus secundi libri epistola (b) ad
 Joannem Episcopum Ravennatem, in qua illi curam commendat
 Episcoporum Siciliæ, scribens: „De Episcopis vero ad nos per-
 „tinentibus, qui tamen huc pro interpositione hostium venire non
 „possunt, curam vestra fraternitas gerat. Ita tamen ut pro cau-
 „sis suis ad Ravennatem urbem nullatenus revocentur, ne eos
 „hoc tempore vexare aut fatigare in aliquo videamur “. Episto-
 la (c) vero ad Joannem Episcopum Squillacinum illi concedit
 quidem, ut Squillacinum Episcopatum adeat, ea tamen lege, ut
 ad suam Lissitanam Ecclesiam revertatur, si illam ab hostibus li-
 beram fieri contigerit. Ad Castorium vero Episcopum mandat (d),
 ne ipse aut ejus successores ob mortem Abbatis Ariminensis, res
 monasterii aut describant, aut administrent: nec alium constituent
 Abbatem, nisi quem Monachorum Congregatio postulaverit; &
 prohibet, ne in eo cœnobio Missas publicas faciat. In epistola
 (e) ad Benenatum Episcopum scribit, unitas a se Cumanam &
 Misernatem Ecclesias, & utriusque curam illi committere. Ad
 Dominicum Carthaginensem Episcopum (f) scribit, se quidem ita
 Romanæ Ecclesiæ privilegia defendere, ut singulis Ecclesiis sua ju-
 ra illibata conservet. In epistola (g) ad Columbum illi jubet,
 ut si constet, Maximinianum Pudentianæ Ecclesiæ Antistitem pecu-
 nia corruptum, Donatistam Episcopum in sua civitate fieri permi-
 serit, coacto Concilio, deponat. Conqueritur Donatistarum hæ-
 resim

N 2

refim

- | | |
|----------------|----------------|
| (a) Epist. 31. | (b) Epist. 35. |
| (c) Epist. 37. | (d) Epist. 41. |
| (e) Epist. 45. | (f) Epist. 47. |
| (g) Epist. 48. | |

S. GREG. M. resim dilatarī, proinde ne ad illam catholici deficiant, solerter attendat. Epistola ad universos Episcopos (a) dicit, schismaticos frustra de persecutione gloriari. Ob damnationem trium Capitulorum, nullam esse in fide immutationem indutam, quod ut ostendat illis, Pelagii Papæ librum mittit, quem, scribit, si puro vigilantique corde sæpius relegere voluerint, eum illos per omnia secuturos, & ad unitatem reuersuros (1).

Liber tertius. Libro tertio indictione undecima Joannem Episcopum (b) primæ Justinianæ, quæ nunc Loctrida dicitur, sacra communione privat ob iniustam damnationem Hadriani Episcopi Thebanæ civitatis, eumque in locum & ordinem suum restituit. Et Joanni Episcopo Larissæ (c) nuntiat, iniquam præfati Hadriani damnationem fuisse iniquis artibus, & machinationibus Joannis Metropolitani procuratam: proinde illi mandat, ut impoſterum ab omni in illum jurisdictione abſtineat; minatus, nisi paruerit, sacræ communionis privationem. Natali quoque Episcopo Salonitano (d) jubet, ut Florentium Epidauritanæ civitatis Episcopum, abſque Concilii judicio depositum, ex eodem, in quo detrusus est, ejici faciat exilio, causamque ejus episcopali disceptatione perquiri. Et si in his in quibus accusatus est, canonica probatione fuerit convictus, canonica proculdubio est ultione plectendus. Quod si innocens repperit fuerit, in ipſo innocentia suæ ſerventur illibata ſuffragia. Causam Agrigentini Episcopi ad se revocat, & Maximiano Episcopo mandat (e), ut accuſatores, & cætera documenta, idest gesta, & petitiones, quæ data sunt, transſmittere ſeſtinet. Agnello vero Tarracinenſi Eccleſiæ (f) ita præſſe jubet, ut tamen ſupra Fundenſem Eccleſiam jura, poteſtatemque minime amittat. S. Anthemii Eccleſiam Numentanæ Eccleſiæ unitam declarat in epistola (g) ad Gratioſum Episcopum Numentanum, quem utrarumque Eccleſiarum Sacerdotem conſtituit, & ei permittit ut de ejus patrimonio vel Cleri ordinatione & promotione poſſit diſponere. Magnuſ preſbyterum Eccleſiæ Mediolanenſis (h) ab Episcopo iniuſte communione privatum, in officium ſuum, & ad communionem reſtituit in epistola ad eum data. Occaſione electionis Conſtantii Diaconi in Episcopum Mediolanenſem, Preſbyteris, & Clero Mediolanenſi ſcribens (i) quales eſſe debeant eligentium affectus & animi, egregie depingit. Deinde Joanni Subdiacono mandat,

(a) Epist. 51.

(1) Ideo Hiſtrici Episcopi trium Capitulorum damnationi ſubſcribere renuebant, quippe qui falſo credebant ea a Chalcedonenſi Concilio fuiſſe adprobata; cum tamen præſatum Concilium non de ſcriptis, ſed de eorum auctoribus tantum tulerit judicium.

(b) Epist. 6. (c) Epist. 7.

(d) Epist. 8. (e) Epist. 12.

(f) Epist. 13. (g) Epist. 20.

(h) Epist. 25. (i) Epist. 29.

dat, ut Mediolanensium (a) scrutetur vota; quæ si in Constan-
tium consentiunt, illum a propriis Episcopis consecrari faciat. De
criminibus accusatos Januarium Episcopum, & Epiphanium Pres-
byterum, ut Romam perducant (b), mandat Sabino defensori Sar-
dinie. Columbo Numidie Episcopo (c) jubet, ne pueros ad sa-
cerdos ordines admittat, ne tanto periculosius cadant, quanto ad al-
tiora citius conscendere festinant; & ne ulla sit in ordinatione ve-
nalitas, sicut nulla sit vel supplicatio, vel potentia Personarum,
quæ contra præfata decreta aliquid obtineant. Joanni Patriarchæ
Constantinopolitano (d), qui & Jejunator dicebatur, scribens, in-
stat acerrime, ut causam Anastasii, & Joannis Presbyterorum
juxta canones cognoscat, & finiat, atque eos in suis ordinibus sus-
cipiat, eisque quierem præbeat: aut si hoc fortasse noluerit, omni
altercatione postposita de eorum causa statuta majorum, & cano-
num terminos custodiat. Si vero neutrum facere noluerit, ipse
quidem rixam minime inferet, sed ad se venientes non devitabit.
Joannem Ravennatem Episcopum (e) reprehendit, qui extra Mis-
sarum solemniam in Litanis, & Processionibus Pallium contra Ec-
clesiæ universalis consuetudinem ferre præsumperit, unde scribit:
„Quomodo fieri potest, ut illud cineris, atque cilicii tempore
„per plateas, inter populorum strepitus agas licite, quod te agere
„in conventu pauperum, nobilium, & in secretario Ecclesiæ velut
„illicitum excusasti?.. Illud tibi non putamus ignotum, quod pe-
„ne de nullo Metropolitano in quibuslibet mundi partibus sit auditum,
„extra Missarum tempus usum sibi pallii vindicasse. . . Aut ergo
„mos omnium Metropolitanorum etiam a tua est Fraternitate ser-
„vandus, aut si tuæ Ecclesiæ aliquid specialiter dicis esse conce-
„sum, præceptum a prioribus Romanæ urbis Pontificibus, quo
„hæc Ravennati Ecclesiæ sunt concessa, a vobis oportet osten-
„di“. Illi tamen concedit, ut Pallio uti possit in Litanis qua-
tuor dumtaxat anni diebus, scilicet in natalitiis SS. Joannis Bapti-
stæ, Petri Apostoli, Apollinaris, & ordinationis suæ, lib. 5. ep.
11. Denique primis Ravennatis Ecclesiæ Diaconibus Mappula-
rum, sive Manipulorum usum concedit.

Sub anathematis poena, & de beati Petri Principis Apostolorum
auctoritate, præcipit universis Episcopis Dalmatiæ, ne absque con-
sensu & permisso suo, ullum Salonæ Episcopum ordinent (f). Il-
lis tamen concedit, ut si in aliquem alium, excepta dumtaxat
persona Maximi, de qua ad eum multa perlata fuerunt, ita om-
nium consensus accesserit, ut auctore Deo, dignus sit, & non
sit, qui ab ejus ordinatione dissentiat, possint illum consecrare. Ad
Gregorii judicium confugerat Adeodatus Presbyter, qui cum pro suis
ordinandis negotiis, & aegritudinis causa per duorum mensium spatium

Libet Quar-
tus indicio.
ne dividet.
ma.

(a) *Epist.* 30. (b) *Epist.* 36.
(c) *Epist.* 48. (d) *Epist.* 53.
(e) *Epist.* 56. (f) *Epist.* 10.

suæ defuerit Ecclesiæ, & a Quintiano Episcopo a suo fuerat dimotus officio, & alius Presbyter suo loco ordinatus (a). Mandat itaque SS. Pontifex Clementio Episcopo Primati Byzaceno, ut causam ejus sollicitè, districteque perquirat; & quidquid sibi secundum Deum visum fuerit, juvante Domino, ita studeat decernere, ut nulla de hac re quæstio ad eum ulterius revertatur. Ambitum severissima canonum districtione damnatum (b) reprimere volens, Maximum Præsumtorem in Episcopatu intrusum, obtentu iussionis, seu nominationis Serenissimorum Principum, ordinatoresque suos ab omni sacerdotali officio suspendit usque dum dominicis vel Responsalis Romani apicibus cognoverit non subreptitia, sed vera fuisse iussione ordinatum. Sublestat autem fidei iussionem Imperatoris sibi videri dicit S. Gregorius, qui scribit: „quia Serenissimi Imperatoris animum non ignoramus, quod se in causis sacerdotalibus, miscere non soleat, ne nostris in aliquo peccatis gravetur“. Nobiles, ac Possessores in Sardinia (c) objurgat, quia cum rusticos in suis possessionibus idololatriæ deditos habeant, illos ab idolorum cultu, & ad veri Dei agnitionem adducere non studeant, quod si agere vel nolint, vel non valeant, Felici Episcopo, & Cyriaco ad hoc opus missis, auxilium saltem, & opem ferant. Plura egregie statuit in epistola (d) ad Joannem Caralitanum Episcopum: & 1. quidem monet, ut Ecclesiam strenue regat, disciplinam Clericis tenere studeat, Archidiaconum, cui veterat, ne cum mulieribus habitaret, & sua iussa spreverat, sacro ordine privet. 2. Reprehendit, quia rusticos quos habet Ecclesia, in infidelitate remanere, sua negligentia permittat. 3. Clericos post acceptam pœnitentiam a sacro ordine ita repellendos, ut ad Altaris ministerium ulterius non accedant, sed solum communionem accipiant inter laicos, ut confirmat epistola 3. lib. 5. Quod si ad pristinum ministerium præsumpserint accedere, ita sacra communione priventur, & usque ad diem obitus in excommunicatione permaneant, nec nisi exitus sui tempore viaticum percipiant; in epistola 7. lib. 5. 4. Circa ordinationes statuit: „Ne umquam ii qui ordinati sunt, pereant, provideri debet, quales ordinentur, ut prius aspi-ciatur, si vita eorum continens in annis plurimis fuit, si studium, lectionis, & orationis, si eleemosynæ amorem habuerunt. Quærendum... ne forte bigamus fuerit... ne sine litteris... ne obnoxius curiæ“. 5. Cum vetuisset Presbyteris Sardiniae, ne baptizatos in fronte ungerent, idest Confirmationis conferrent sacramentum, quod Episcopis erat reservatum, hic tamen illis concedit, ut ubi Episcopi desint, etiam in frontibus baptizandos chrismate tangere debeant, ad tollendum aliquorum scandalum, qui de tali interdicto contristabantur. Ex quo patet, olim concessam fuisse,

(a) *Epist.* 13.(b) *Epist.* 20.(c) *Epist.* 25.(d) *Epist.* 26.

fuisse, & modo concedi posse Presbyteris Sacramenti Confirmationis administrationem, quæ concessio & modo in Ecclesia Græca locum obtinet, in qua cum hæc duo Sacramenta Baptismus & Confirmatio minime disjungantur, utrumque ab eodem confertur ministro. Quanto zelo canonum urgeret observantiam, patet ex epistola ad Narsen Patriarium (a), in qua dicit, se adversarium habere Joannem Patriarcham Constantinopolitanum, qui dicebat quidem in causa, quam cum suis Presbyteris habebat, se velle Canones custodire: at inquebat S. Gregorius: „Si videro Sedi A-
„ postolicæ canones non servari, dabit omnipotens Deus quid con-
„ tra contemptores ejus faciam“. Clericos ad aliam Diocesim confugientes, ad suum Episcopum, sub quo clericali militiæ infer-
vire cœperant, remittendos jubet in epistola ad Maximianum Epi-
scopum Syracusanum (b).

S. GREG. M.

Liber quin-
tus.

In libro quinto indictione decima tertia scriptæ epistolæ recen-
sentur. In quibus 1. jubet, ne Clerici (c) Ecclesiis deservientes
Monasteriis præponantur, quia inquit: „Nemo potest & Eccle-
„ siasticis obsequiis deservire, & in monachica regula ordinate persi-
„ stere; ut ipse monasterio distractionem teneat, qui quotidie in
„ ministerio ecclesiastico cogitur permanere“. Joannem Ravenna-
tem Episcopum (d) de superbia & arrogantia graviter objurgat,
& ad mores mutandos vehementer urget, in hæc verba episto-
lam claudens: „Ad hæc autem mihi non verbis, sed moribus re-
„ sponde“. At acrius Joannem Jejunatorem ob assumptum E-
cumenici Patriarchæ titulum reprehendit. Quæ egerit ejus Præde-
cessor Pelagius, ut a tam nefando elationis vocabulo abstergeret,
enarrat. Acta Synodi ob eam causam rescissa, Missarum solemniam
cum ipso celebrare tum Apocrisario Pelagii, tum Sabiniano Apo-
crisario suo, vetitum. Deinde iterum (e) ut ab eo abstineat, e-
nixius rogat, multisque argumentis urget scribens: „Eo tempore
„ quo Fraternitas Vestra in sacerdotalem honorem provecta est,
„ quantam Ecclesiarum pacem atque concordiam invenerit, reco-
„ lit. Sed quo ausu, quoque tumore nescio, novum sibi conata
„ est nomen arripere, unde omnium Fratrum corda potuissent ad
„ scandalum pervenire. Qua in re vehementer admiror, quia ne
„ ad Episcopatum venire potuisses, fugisse velle te memini. Quem
„ tamen adeptum ita exercere desideras, ac si ad eum ambitioso
„ desiderio cucurrisses. Qui enim indignum te esse fatebaris, ut
„ Episcopus dici debuisses, ad hoc quandoque perductus es, ut de-
„ spectis Fratribus, Episcopus appetas solus vocari. Et quidem
„ hac de re sanctæ memoriæ decessoris mei Pelagii gravia ad San-
„ ctitatem vestram scripta transmissa sunt. In quibus Synodi,
„ quæ apud vos de fratris quondam & coepiscopi nostri Gregorii
N 4 „ causa

(a) Epist. 32. (b) Epist. 44.
(c) Epist. 1. (d) Epist. 15.
(e) Epist. 18.

S. GREG. M.

„ causa congregata est, propter nefandum elationis vocabulum,
 „ acta dissolvit: & Archidiaconum, quem juxta morem ad vesti-
 „ gia Dominorum transiniferat, Missarum vobiscum solemnna cele-
 „ brare prohibuit. Post eius vero obitum, cum indignus ego ad
 „ Ecclesiæ regimen adductus sum, & ante per alios Responsales
 „ meos, & nunc per communem filium Sabinianum Diaconum
 „ alloqui Fraternalitatem vestram, ut a tali se præsumptione com-
 „ pelleret, non equidem scripto, sed nudo sermone curavi. Et si
 „ emendare nolles, cum Missarum solemnna cum Fraternalitate ve-
 „ stra delebrare prohibui. . . . Et quia resuscanda vulnera prius le-
 „ ni manu palpanda sunt: rogo, deprecor, & quanta possum dul-
 „ cedine expolco, ut Fraternalitas vestra cunctis sibi adulantibus,
 „ atque erroris nomen deferentibus contradicat, nec stulto ac su-
 „ perbo vocabulo appellari consentiat. Vere enim & flens dico,
 „ atque ex intimo viscerum dolore peccatis meis deputo, quod ille
 „ meus Frater nuncisque ad humilitatem reduci non valuit, qui
 „ ad hoc in Episcopatus gradu constitutus est, ut aliorum animas
 „ ad humilitatem reducat. Ostendit deinde, hac sua vanitate
 „ Ecclesiam turbare, Christi membra dividere, & talem titulum
 „ sibi usurpare, quando Sancti ante Legem, Sancti sub Lege, San-
 „ cti sub gratia . . . perficientes Corpus Christi . . . nemo se un-
 „ quam universalem vocari voluit. Et denique sic adhortatio-
 „ nem suam claudit: „ Ego per Responsales meos semel, & bis
 „ verbis humilibus hoc quod in tota Ecclesia peccatur, corripere
 „ studui. Quidquid facere humiliter debui, non omisi. Sed si in
 „ mea correptione despicio, restat ut Ecclesiam debeam adhibe-
 „ re. „ In sequenti vero epistola (a) ad Sabinianum Diaconum
 „ Apocrisarium suum mandat, ut superiorem epistolam in gratiam
 „ Imperatoris suavitate resperfam illi reddat. Ejus illi calliditatem
 „ exponit, qua Imperatorem rogaverat, ut ipsi Sabiniano committe-
 „ ret scribendum S. Gregorio, ut cum Joanne pacem haberet. „ Id-
 „ circo enim hoc ille fecit, ut aut audiretur Dominus Imperator,
 „ & ille in sua vanitate confirmatus esse videretur: aut non a me
 „ audiretur, & ejus animus contra me irritaretur. Se vero di-
 „ cit, nullo pacto posse a veritate & fide defendenda impediri:
 „ Postquam enim (scribit) pro amore Reipublicæ, argentum,
 „ aurum, mancipia, velles perdidimus, nimis ignominiosum est,
 „ ut per eos etiam fidem perdamus. In isto enim scelesco voca-
 „ bulo consentire, nihil est aliud quam fidem perdere. Quæ
 „ verba indicant, quo sensu Œcumenici titulum intelligeret S. Gre-
 „ gorius, videlicet significare unum tantum in Ecclesia Episcopum,
 „ quasi cæteri Ecclesiæ Episcopi ejus forent Vicarii: quo profecto in
 „ sensu ne summo quidem Pontifici convenire potest, cum certo certius
 „ sit Episcopos esse a Spiritu sancto positos regere Ecclesiam Dei (1).
 In

(a) Epist. 19.

(1) Revera in Chalcedonensi Synodo a. 451. refertur libelli suppli-
ces

In epistola (a) vero ad Mauricium Imperatorem, iterum Joannis vanitatem illi ostendit scribens: „ Ossa jejuniis atteruntur, & mente turgemus. Corpus despectis vestibus tegitur, & elatione cordis purpuram superamus . . . Doctores humilium, duces superbix, ovina facie lupinos dentes abscondimus . . . Ecce claves regni cælestis (Petrus) accepit, potestas ei ligandi ac solvendi tribuitur, cura ei totius Ecclesiæ committitur, & tamen universalis Apostolus non vocatur . . . Ecce cuncta in Europæ partibus Barbarorum juri sunt tradita, destructæ urbes, everla castra, depopulatæ provinciæ, nullus terram cultor inhabitat: sæviunt & dominantur quotidie in necem fidelium cultores idolorum; & tamen Sacerdotes, qui in pavimento & cinere flentes jacere debuerunt, vanitatis sibi nomina expectunt . . . Nunquid ego hac in re, piissime Domine, propriam causam defendo? Nunquid specialem injuriam vindico? causam omnipotentis Dei, causam universalis Ecclesiæ . . . Et certe multos Constantinopolitanæ Ecclesiæ in hæreseos voraginem incidisse novimus Sacerdotes, & non solum hæreticos, sed etiam hæresiarchas factos. Inde quippe Nestorius . . . inde Macedonius . . . Si igitur illud nomen in ea Ecclesia sibi quispiam arripit, quod apud bonorum omnium judicium fecit: universa ergo Ecclesia, quod absit, a statu suo corrui, quando is qui appellatur universalis cadit . . . Ego cunctorum Sacerdotum servus sum, in quantum ipsi sacerdotaliter vivunt. Nam qui contra omnipotentem Dominum per inanis gloriæ tumorem, atque contra statuta Patrum suam cervicem erigit . . . meam sibi nec cum gladiis flectit . . . Cogitet ergo Dominorum Pietas . . . ac secundum petitionem Sabiniæ Diaconi . . . ipsum dignetur judicare negotium, aut Joannem, ut ab hac tandem intentione cesset, inflectere . . . Ego autem Dominorum jussionibus obedientiam præbens, prædicto consacerdoti meo & dulciter scripsi, & humiliter, ut ab hac inanis gloriæ appetitione se se emendet, admonui. Si igitur me audire voluerit, habet devotum Fratrem. Si vero in superbia persistit, illum sibi adversarium invenit, de quo scriptum est: *Deus superbis resistit, humilibus autem dat gratiam* (b).
Ad Constantinam quoque Augustam scribens, eam hortatur, ut (c) nullius contra veritatem prævalere hypocrisim permittat. Hanc autem Joannis hypocrisim egregie pingit scribens: „ Qui veste quidem despecti sunt, sed corde tument. Et quasi in hoc mundo cuncta despiciunt, & cuncta simul adipisci quærunt. Qui

ces Romano Pontifici oblatis, in quibus *Œcumenicus*, seu universalis dicitur; quem tamen titulum Concilium minime reprobavit. Idem dicendum de oratione Paschasini in ea actione recitata, in qua Romanum Pontificem *Œcumenici* titulo exornat.

(a) Epist. 20. (b) Jac. 4. 6.

(c) Epist. 21.

S. GREG. M.

„ Qui indignos se omnibus hominibus fatentur . . . sed illud appetunt, unde omnibus digniores esse videantur . . . Triste enim valde est, ut patienter feratur, quatenus despectis omnibus, prædictus frater, & coepiscopus meus conetur solus appellari Episcopus. Sed in hac ejus superbia quid aliud nisi propinqua jam Antichristi esse tempora designatur? . . . Unde per omnipotentem Deum rogo, ne pietatis vestræ tempora permittatis unius hominis elatione maculari, neque tam perverso vocabulo ullum quoquo modo præbeatis assensum, atque hac in causa nequaquam me Pietas vestra despiciat: quia etsi peccata Gregorii tanta sunt, ut vestris temporibus pari talia debeat, Petri tamen Apostoli peccata nulla sunt, ut vestris temporibus pari ista mereatur “.

Cum vero Sanctus Pontifex arbitraretur, novo a Patriarcha Constantinopolitano usurpato titulo, cæteris quoque Orientis Patriarchis injuriam inferri, communem scripsit epistolam (a) & Eulogio Alexandrino, & Anastasio Antiocheno Patriarchis, in qua primo exponit studia, & curatum Prædecessoris sui Pelagii, tum suas ut Joannem ab assumpto tumido honoris vocabulo revocarent. Deinde eos hortatur, ut una mente insequantur in homine malum superbiæ . . . Proinde scribit: „ Propterea Sanctitas vestra in suis epistolis neminem unquam universalem nominet, ne sibi debitum detrahat, cum alteri honorem offert indebitum. Nec hac in re de serenissimis Dominis animum vestrum mordeat sinistra suspicio: quia omnipotentem Dominum metuit, & contra statuta Evangelica, & contra sacratissimos canones agere aliquid nullo modo consentit. Ego vero quamvis a vobis per longa terrarum atque maris intervalla disjunctus sim, sum tamen omnino vobis corde conjunctus, . . . Unica ergo mente insequamur in homine malum superbiæ, ut ab hoste suo, vide licet errore, prius homo ipse liberetur . . . Si hoc enim dici licenter permittitur, honor Patriarcharum omnium negatur. Et cum fortasse is in errore perit, qui universalis dicitur, nullus jam Episcopus remansisse in statu veritatis invenitur. . . Omnes Episcopos curæ vestræ subiectos ab hujus elationis iniquatione prohibete; ut universa vos Ecclesia Patriarchas, non solum in bonis operibus, sed etiam in veritatis auctoritate cognoscat (1).

„ Si

(a) *Epist.* 43.

(1) Nihil profecit cum Joanne Gregorius, qui titulum usque ad mortem retinuit. Obiit vero hoc ipso anno 595. Ipsum vero Sanctissimus Pontifex nunquam communione privavit, nam in epistola ad Mauricum Imperatorem data pro electione Cyriaci in ejus locum suspecti, sanctæ memoriæ Episcopum appellat. Immo & præfati Cyriaci Synodicam epistolam, in qua eundem titulum usurpabat, ne unitatem scinderet, recepit: admonuit tamen, ut profanum nomen deponeret. Licet vero ejus successor in

Ro-

„ Si qua autem forsan adversa subsequuntur, unanimiter persisten-
 „ tes, etiam moriendo debemus ostendere, quia in damno gene-
 „ ralitatis nostrum specialiter aliquid non amamus. . . Mihi enim
 „ credite, quia honorem, quem pro prædicanda veritate suscepi-
 „ mus, si necessitatis causa exigat, securius pro eadem veritate
 „ relinquimus, quam tenemus “. Apparet & in aliis epistolis
 „ universalis omnium Ecclesiarum sollicitudo, & suprema in omnes
 „ Episcopos Romani Pontificis iurisdicção, & auctoritas. Omnia ar-
 „ gumenta ex epistolis proferre nimis longum foret. Satis erit in
 „ sequentibus recensendis epistolis Indictionem indigitare. Ad semi-
 „ tam itaque revertamur.

Rusticianæ Patriciæ sceminæ nobilissimæ dedit epistolas S. Grego-
 rius, in quarum prima (a) eam reprehendit, quia cum invisendi
 loca sancta piam concepisset intentionem, eam implere nimium dis-
 ferat: nam inquit: „ Callidus insidiator animum irretire nititur,
 „ & subinde impedimenta suggerit, quibus ad effectum minime de-
 „ sideria sua mens occupationibus debilitata perducatur “. In altera
 „ vero (b), quod pium votum impleverit, laudat; sed arguit,
 „ quia festine nimium e monte Sina redierit, nec Patres, ac Reli-
 „ giosos viderit, eorumque virtutes, & pietatis opera non satis ac-
 „ curate inspexerit. „ Si enim vidissetis, scribit, tam celeriter ad
 „ Constantinopolitanam urbem redire minime poteratis “. In ter-
 „ tia (c) eam, ut Romam ad Principis Apostolorum revisenda li-
 „ mina venire festinet, hortatur. Addit, se decem auri libras in
 „ redemptionem captivorum sibi missas, accepisse. „ Sed peto (sub-
 „ dit), ut superna gratia, quæ vobis concessit, eas pro animæ
 „ vestræ mercede tribuere, mihi etiam concedat sine aliquo peccati
 „ contagio dispensare; ne unde vos peccata detergitis, nos inde
 „ maculemur “. In quarta (d) vero eam rogat, ne se illius an-
 „ cillam in sua epistola dicat. „ Ego enim (scribit eximia humi-
 „ litate) qui per Episcopatus onera servus sum omnium factus,
 „ qua ratione se illa mihi dicit ancillam, cujus ante susceptum
 „ Episcopatum, proprius (idest vel Vassallus, vel Cliens) fui “?
 „ Vela ab ea ex purissimo sincerissimoque corde B. Petro Apostolorum
 „ Principi transmissa, se suscepisse dicit, & præsentem omni Clero il-
 „ lic suspensa fuisse. De eleemosyna vero, quam beati Andreæ Apo-
 „ stoli monasterio fecerat, scribit; „ Quid necesse est aliquid me
 „ dicere, cum scriptum sit: *Abfconde elemosynam in sinu paupe-*
 „ „ ris,

Romana Sede Bonifacius tertius a Phoca Imperatore legem impetraverit,
 qua & Cyriaco, & aliis deinceps Constantinopolitanis Patriarchis vetaba-
 tur, ne ulterius Œcumenici titulum sibi usurparent, tamen hæc lex non
 multum vixit: nam in Synodis generalibus Sexta & Septima hoc titulo
 non minus ac Romani Pontifices insigniuntur, illumque sibi attribuit
 Constantinopolitanus Patriarcha.

- (a) Lib. 2. epist. 27. (b) Lib. 4. epist. 46.
 (c) Lib. 8. epist. 22. (d) Lib. 11. epist. 44.

S. GREG. M.

„vis, & hæc pro te exorabit (a)? Si ergo apud secretas aures Dei habet ipsa bona operatio vocem suam: sive nos clamemus, sive taceamus, hoc ipsum quod bene egillis, clamat“.

De conversione Judæorum, qui (b) in terris Ecclesiæ degebant, ipsique serviebant, sollicitus scribit Petro Subdiacono Patrimonii Ecclesiæ in Sicilia Rectori, ut Judæis notum faciat, quod si qui ex eis Christiani voluerint fieri, aliquantulum pensi sibi relaxabitur. Porro hanc relaxationem ita faciendam præscripsit in epistola ad Cyprianum Diaconum (c), „ut si solidi pensionem habet, remissis ei relaxari debeat: si tres vel quatuor, unus solidus relaxetur . . . Nec hoc (subdit) inutiliter facimus, si pro levandis pensionum oneribus, eos ad Christi gratiam perducamus, quia & si ipsi minus fideliter veniunt, hi tamen qui de eis nati fuerint, jam fidelius baptizantur. Aut ipsos ergo, aut eorum filios lucratur (1).“

Liber tertius
Epistolarum.

Huius libri epistolæ datæ sunt Indictione undecima, idest anno 592. In epistola (d) ad Joannem Abbatem se lætari dicit de inventione tunicæ S. Joannis, & sic illi scribit: „Studeat dilectio tua mihi ipsam tunicam, aut quod melius est, eundem Episcopum, qui eam habet, cum Clericis suis, & cum ipsa ad me transmittere: quatenus & benedictione tunicæ perfruamur, & de eodem Episcopo vel Clericis mercedem habere valeamus“. Hanc tunicam fuisse S. Joannis Evangelistæ, & positam Romæ in Basilica Constantiniana, & pluribus convascasse miraculis narrat Joannes Diaconus in vita S. Gregorii lib. 3. cap. 59.

Elegerant sibi Neapolitani in Episcopum Florentium Subdiaconum, qui ex humilitate eam ordinationem lacrymabiliter evitavit. Jubet igitur Scholastico Judici, „ut convocans (e) priores, vel populum civitatis de electione alterius cogitent, qui dignus possit cum Christi solatio ad Sacerdotium promoveri . . . Si autem non inveniunt in quam possint consentire personam; saltem tres viros rectos ac sapientes eligant, quos ad hanc Urbem generalitatis vice mittantur, quorum & iudicio plebs tota consentiat. Forſitan huc venientes . . . talem reperient, qui illis Antistes irreprehensibiliter ordinetur“. Habetur hic exemplum electionis per compromissum.

Cum Ecclesiæ bona esse pauperum probe nosset S. Gregorius, scri-

(a) Eccle. 19. 12. (b) Lib. 2. epist. 32.

(c) Lib. 5. epist. 8.

(1) Nemo putet Judæos ad baptismum admissos, quos ministri scirent minus fideliter venire. Non is unquam fuit Ecclesiæ sensus, in qua, ut inquit S. Augustinus, Catechumeni exorcizantur, scrutantur quanta vigilantia conveniant, quo studio ferveant, qua cura pendeant, & ideo scrutinia habeantur septies repetita, ut videre est apud Rupertum, Alcuinum, Amalarium Fortunatum, aliosque.

(d) Epist. 3. (e) Epist. 15.

scribens Paschali, Demetiano, atque Castorio Orphanis, pecuniam, quam (a) eorum parens Urbicus jam defunctus, & qui Sabinense patrimonium Ecclesiæ Romanæ administraverat, pro cuius administratione totam suam substantiam obligaverat, debebat, illis condonat, & concedit, ut patris sui substantiam sibi adhuc habeant, & possideant, quia, inquit, „ officii nostri est or-
 „ batis ita parentibus ferre consultum, quatenus aliquid de his
 „ quæ iuste debentur Ecclesiæ relaxantes, eorum possimus subveni-
 „ re miseris “.

S. GREG. XL.

Iustitiam misericordiæ iungebat: quamobrem Pantaleoni Notario mandat, ut sua (b) auctoritate suffultus ad Sipontinam civitatem proficiscatur, cogatque Felicem virginis stupratorem, „ ut
 „ aut uxorem factis nuptialibus instrumentis accipiat, aut corpora-
 „ liter castigatum in monasterium eum privatum communione detru-
 „ dat; ita ut nulla exinde ei sit quoquomodo egrediendi licentia “.
 Cumque desloratæ virginis frater, qui conquestus fuerat, esset Evangelus Diaconus, qui de hostibus se redemerat, ac proinde debi-
 tum contraxerat, jubet Felici Episcopo, ut ejus pretium de Eccle-
 sia dare non differat, quatenus Diaconus a debiti necessitate, cujus
 est suppositus, liberari possit.

Legem tulerat Mauritius Imperator, qua sanxerat, ut quis-
 quis (c) publicis administrationibus fuerit implicatus, ei ad eccle-
 siasticum officium venire non liceat. Et præterea nulli qui in ma-
 nu signatus est, in monasterium converti non liceat. Signabantur
 autem in manibus servi, & milites, ut internoscerentur. Hanc
 Legem Longinus Strator D. Gregorio publicandam nomine Impera-
 toris attulerat. Mauritio itaque Augusto scribit; & primo qui-
 dem dicit se priorem legis partem laudasse, „ evidentissime sciens,
 „ quia qui sæcularem habitum deferens, ad ecclesiastica officia ve-
 „ nire festinat, mutare vult sæculum, non relinquere “. At de
 altera legis parte se dicit, „ vehementer expavisse: quia per eam
 „ cælorum via multis clauditur, & quod nuncusque licuit, ne li-
 „ ceat, prohibetur. Multi enim sunt, qui possunt religiosam vi-
 „ tam etiam cum sæculari habitu ducere. Et plerique sunt, qui
 „ nisi omnia reliquerint, salvari apud Deum nullatenus possunt...
 „ Ad hoc autem potestas super omnes homines, Dominorum meo-
 „ rum pietati cælitus data est, ut qui bona appetunt, adjuven-
 „ tur, ut cælorum via largius pateat, ut terrestris regnum cælesti
 „ regno famuletur. Et ecce aperta voce dicitur, ut ei qui semel
 „ in terrena militia signatus fuerit, nisi aut expleta militia, aut
 „ pro debilitate corporis repulsus, Domino Jesu Christo militare
 „ non liceat. Ad hæc ecce per me servum ultimum suum, &
 „ vestrum respondebit Christus, dicens: Ego te de Notario Comi-
 „ tem excubitorum, de Comite excubitorum Cæsarem, de Cæsare
 „ Im-

(a) *Epist.* 21. (b) *Epist.* 41.
 (c) *Epist.* 65.

SGREG. M.

„ Imperatorem, nec solum hoc, sed etiam patrem Imperatorum
 „ feci. Sacerdotes meos tuæ manui commisi, & tu a meo servitio
 „ milites tuos subtrahis? Responde rogo, . . . quid venienti, &
 „ hæc dicenti responsum es in iudicio Domino tuo? Sed fortasse
 „ creditur, quia nullus eorum puro animo convertatur. Ego indi-
 „ gnus famulus vester scio, quanti his diebus in monasterio mili-
 „ tes conversi miracula fecerunt, signa & virtutes operati sunt.
 „ Sed per hanc legem jam ne quisquam talium converti debeat,
 „ prohibetur. Requirit rogo . . . quis prior Imperator talem
 „ legem dederit, & subtilius æstimet si debuit dari. Et quidem
 „ considerandum valde est, quia eo jam tempore prohibentur qui-
 „ que relinquere sæculum, quo appropinquavit finis ipse sæculo-
 „ rum “. Denique Augustum „ per tremendum iudicem deprecatur,
 „ ut . . . aut interpretando, aut immutando vigorem ejusdem
 „ legis inflectat: quia tunc magis Dominorum exercitus contra
 „ hostes crescit, quando Dei exercitus ad orationem creverit “. Denique sic epistolam claudit: „ Ego quidem jussioni subiectus
 „ eandem legem per diversas terrarum partes transmitti feci, &
 „ quia lex ipsa omnipotenti Deo minime concordat, ecce per fug-
 „ gestionis meæ paginam Serenissimis Dominis nuntiavi. Utrobique
 „ ergo quæ debui exsolvi, qui & Imperatori obedientiam præbui,
 „ & pro Deo quod sensi minime tacui “.

Non Imperator solum, sed & Aulicis ejus scripsit, ut Augustum ad revocandam legem hortarentur. Scripsit (a) itaque Theodoro Imperatoris Archiatro: ei iniquitatem latæ legis ostendit, & primum qui similem tulerit legem dicit esse Julianum, de quo omnes norunt, quantum Domino adversus fuerit. Sed Imperatoris Apostatæ exemplum ad se trahere non poterat pius Imperator. Addit, se noluisse epistolam suam per Responsalem suum publice dari, sed illi mittere ut opportuno tempore secrete ei offerat, quia (inquit) „ vos qui ei familiarius servitis, loqui ei liberius &
 „ apertius potestis, quæ pro ejus sunt anima . . . Tu ergo . . .
 „ pro Christo loquere. Si auditus fueris, lucrum est animæ prædicti domini tui, & tuæ “. Utrum operam suam præstiterit Theodorus, ut lex emolliretur, ignoratur. Illud tamen certum est, temperatam a Mauritio legem, & concessum militibus monasticam vitam amplecti, præmissa triennali probatione, ut idem testatur S. Gregorius ad plures Metropolitas scribens: „ Qua
 „ de re etiam Serenissimus & Christianissimus Imperator, mihi cre-
 „ dite, omni modo placatur, & libenter eorum conversionem fuscipit, quos in rationibus publicis implicitos non agnoscit “. Immo sunt qui putant cum Cardinali Baronio, ab ipso Gregorio hoc imperatorium edictum temperatum fuisse, antequam illud promulgarer, & ad Metropolitas transmitteret, usus videlicet potestate Præfecti prætorio, penes quem erat civiles leges ad se ob publicationem
 missas

missas vel aliquatenus immutare, vel suspendere, donec de emendatione, vel suspensione per epistolâs, vel per seipsos admonuissent. Verba tamen S. Gregorii nimis aperta sunt, & huic opinioni non omnino faventia.

S. GREG. M.

In quarto libro epistolâs recensentur datâ indictione duodecima. In hoc plures habentur epistolâs de trium Capitulorum damnatione. In secunda itaque epistola (a) Constantio Episcopo Mediolanensi scribit, Prædecessorem suum Laurentium dillictiſſimam cautionem emisſiſſe, in qua viri nobiliſſimi, & legitimo numero ſubſcripſerunt. Porro hæc cautio erat juratoria, & ſcripto exarata, qua ſubſcribentes pollicebantur ſe damnationi trium Capitulorum deinceps conſenſuros, nec unquam reſuctaturos. De hac cautione loquitur in ſuis epistolâs Gregorius. Cum vero ob ſuſpicionem huius cautionis a Constantio Mediolanenſi datâ Theodelinda Regina, & aliqui Episcopi ab ejus communionem reſciſſent, ipſum conſolatur Gregorius ſcribens, ſe ſperare præſatam Reginam & Episcopos ſulcepris ſuis epistolâs ad ejus communionem reſerſuros. In epistola (b) vero Theodelindæ ſcripta dolet quod a Constantii communionem ſe ſuſpenderit, & hortatur, ut ab ejus Eccleſiæ communionem in ſuo ſeparetur. Nam ſcribit: „ Teſte conſcientia, ſatemur de fide „ ſancti Chalcedonenſis Concilii nihil motum, nihil eſſe violatum: „ ſed quidquid Juſtiniani temporibus actum eſt, ita actum eſt, ut „ fides Chalcedonenſis Concilii in nullo relaxetur “. Quod & repetit epistola 38. ad eandem. Et in ſequenti trigefima nona (c) ad Constantium Mediolanenſem Episcopum ſcribit, ne Brixianorum petitioni conſentiat, qua illum urgebant, ut eis epistolam tranſmitteret, in qua juraret ſe tria Capitula minime damnaſſe, ſed ſufficere, ſi eis reſcribat conſentens „ ſub anathematis interpo- „ ſitione, neque ſe aliquid de fide Chalcedonenſis Synodi immi- „ nuere, neque eos qui imminuunt recipere, & quoscumque da- „ mnavit damnare, & quoscumque abſolvit abſolvere. Nam re- „ vera (ſubdit) in ea (Synodo Conſtantinopolitana) de perſonis „ tantummodo, non autem de fide aliquid geſtum eſt, & de his „ perſonis, de quibus in Chalcedonenſi Concilio nihil continetur: „ ſed poſt expreſſos canones facta contentio & extrema actio & „ perſonis ventilata eſt “. Cum vero conſtet de Theodoro, & Iba expreſſis verbis actum eſſe actione 8. 9. & 10. dicendum eſt, S. Gregorium aut non ſatis attendiſſe, aut inter Acta Concilii non niſi primas Actiones, in quibus fidei definitiones, & Canones continentur, admiſiſſe. Monet etiam data occasione, ne in Miſſarum ſolemnis Episcopum Ravennatem nominet niſi id vel ſerat conſue- tudo, aut ab illo ſoleat viciffim nominari. Paſſim occurrit in antiquis monumentis iſta nominum inter Miſſarum ſolemnia recita- tio,

Liber quartus.

(a) Epist. 2. (b) Epist. 4.
(c) Epist. 39.

tio, eaque ratione Episcopi suam invicem communionem testabantur.

S. GREG. M.

Mos erat in Ecclesia Romana ecclesiasticos redditus in quatuor partes dividere, scilicet in Episcopum, Clerum, pauperes, & sancta testā, ut patet ex pluribus epistolis S. Gregorii. Mos & in Sicilia custodiebatur, sed solum de antiquis redditibus Ecclesiæ: nova vero acquisita sibi Episcopi retinebant, Quamobrem S. Gregorius Maximiano Syracusano Episcopo sic scribit: „Pravam (a) „subintroducendamque consuetudinem Fraternitas tua vivaciter emendare festinet: ut sive de præteritis redditibus, sive de iis quæ nunc obvenerunt vel obvenerint, quartæ secundum distributionem „canonicam dispenſentur. Incongruum namque est unam eandem- „que Ecclesiæ substantiam duplici quodammodo jure censerī, idest usurpationis & canonum “.

Cum Constantina Augusta in honorem S. Pauli in palatio edificasset Ecclesiam, a S. Gregorio efflagitavit, ut caput ejusdem S. Pauli, aut aliud quid de corpore ipsius transmitteret. Illi vero responderet, „se (b) mœstitia teneri, quod illa præciperet se facere „nec posse, nec audere. Nam corpora Sanctorum Petri & Pauli „Apostolorum tantis in Ecclesiis suis coruscant miraculis atque „terroribus, ut neque ad orandum sine magno illuc timore possit „accedi. Denique dum beatæ recordationis decessor meus, quia „argentum, quod supra sacratissimum corpus beati Petri Apostoli „erat, longe tamen ab eodem corpore fere quindecim pedibus „mutare voluit, signum ei non parvi terroris apparuit. Sed & „ego aliquid similiter ad sacratissimum corpus sancti Pauli Apostoli „meliorare volui: & quia necesse erat ut juxta sepulcrum „ejus effodi altius debuisset, præpositus loci ipsius ossa aliqua „non quidem eidem sepulchro conjuncta reperit. Quæ quoniam „levare præsumpsit, atque in alium locum transponere, apparentibus quibusdam tristibus signis, subita morte defunctus est. „Præter hæc autem sanctæ memoriæ decessor meus, itidem ad „corpus sancti Laurentii martyris quædam meliorare desiderans, dum nescitur ubi venerabile corpus esset collocatum, effoditur „exquirendo, & subito sepulcrum ipsius ignoranter apertum est: „& ii qui præsentēs erant atque laborabant, Monachi & Mansionarii, qui corpus ejusdem martyris viderunt, quod quidem minime tangere præsumpserunt, omnes intra decem dies defuncti sunt . . . Cognoscat autem Domina, quia Romanæ consuetudo „non est, quando Sanctorum reliquias dant, ut quidquam tangere præsumant: sed tantummodo in pyxide brandeum (idest pannum, vel velum) mittitur, atque ad sacratissima corpora Sanctorum ponitur. Quod levatum, in Ecclesia, quæ est dedicata, „canda,

(a) Epist. 11.

(b) Epist. 30.

„canda, debita cum veneratione reconditur: & tantæ per hoc
 „ibidem virtutes fiunt, ac si illuc specialiter eorum corpora defe- S. GREG. M.
 „rantur. Unde contigit ut beatæ recordationis Leonis Papæ tem-
 „poribus, sicut a maioribus traditur, dum quidam Græci de tali-
 „bus reliquiis dubitarent, prædictus Pontifex hoc ipsum bran-
 „deum ellatis forficibus inciderit, & ex ipsa incisione sanguis efflu-
 „xerit. In Romanis namque vel totius Occidentis partibus omnino
 „intolerabile est atque sacrilegum, si Sanctorum corpora tangere
 „quisquam fortasse voluerit... Quis ergo, Serenissima Domina, tam
 „temerarius possit existere, ut hæc sciens eorum corpora non di-
 „co tangere, sed vel aliquatenus præsumat inspicere? Dum igitur
 „talìa mihi a vobis præcepta sunt, de quibus parere nullatenus
 „potuisssem, quantum invenio, non vestrum est; sed quidam ho-
 „mines contra me Pietatem vestram excitare voluerunt, ut mihi
 „(quod absit), voluntatis vestræ gratiam subtraherent... Su-
 „darium vero, quod similiter transmitti iussistis, cum corpore ejus
 „est, quod ita tangi non potest, sicut nec ad corpus illius acce-
 „di. Sed quia Serenissimæ Dominae tam religiosum desiderium
 „esse vacuum non debet, de catenis quas ipse S. Paulus Aposto-
 „lus in collo, & in manibus gestavit, ex quibus multa miracula
 „in populo demonstrantur, partem aliquam vobis transmittere fe-
 „stinabo, si tamen hanc tollere limando prævaluerò; quia dum
 „frequenter ex catenis eisdem multi petunt... affliscit Sacerdos,
 „& aliquibus petentibus ita concite aliquid de catenis ipsis excu-
 „titur, ut mora nulla sit. Quibusdam vero petentibus, diu per
 „catenas ipsas ducitur lima, & tamē ut aliquid exinde exeat,
 „non obtinetur (1).

Tricalet. Tom. VII.

O

Veræ

(1) Eruditissimi Editores in notis ad hanc epistolam scribunt lit. I. *Negare non possumus, Gregorium dum ad Constantinam scriberet, aliquando memoria lapsum. Sed quare? Quia, inquiunt, corpora SS. Apostolorum Petri & Pauli eodem loco remansisse scribit, quo fuerunt prius condita, cum tamen certo constet ex veteri Calendario ex Ruinaro, & Pagio eorum translationem factam fuisse anno 258. ipso die, quo eorum festivitas agebatur. At si quis attente legat præfatam ad Constantinam epistolam, nedum reperiet minime dictum a S. Gregorio eodem loco remansisse, quo prius condita sunt, idest in Catacumbis, quin immo inde transiata aperte testatur: Sic enim scribit: „De corporibus vero beatorum „Apostolorum constat, quia eo tempore quo passi sunt, ex Oriente fideles „venerunt, qui eorum corpora sicut civium suorum repeterent. Quæ „ducta usque ad secundum urbis milliarium in loco, qui dicitur Cata- „cumbas, collocata sunt. Sed dum ea exinde levare omnis eorum multitu- „do conveniens niteretur, ita eos vis tonitruī atque fulguris nimio me- „tu terruit atque dispersit, ut talia denuo nullatenus attentare præsume- „rent. Tunc autem exeuntes Romani eorum corpora, qui hoc ex Do- „mini pietate meruerunt, levaverunt, & in locis, quibus nunc sunt con- „dita, posuerunt“. En igitur quomodo S. Pontifex corpora SS. Apo- „stolorum e loco suo Catacumbis scilicet a Romanis levata dicat, & in locum, ubi suo tempore erant, condita: Nullus est igitur in S. Gregorio memorie lapsus.*

S. GREG. 18.

Veræ amicitiz exemplum præbet D. Gregorius in epistola ad Theodorum Augusti Archiatrum, cui primum gratias agit de transmissis pecuniis in redemptionem captivorum; deinde sic subdit: „Habeo (a) aliquam querelam de te, quia donum ingenii, donum verum, donum misericordiz atque caritatis a sancta Trinitate percepisti: sed tamen secularibus indefinenter causis adstringeris, assiduus processionibus occuparis, & quotidie legere negligis verba Redemptoris tui. Quid est autem Scriptura Sacra, nisi quædam epistola omnipotentis Dei ad Creaturam suam? Et certe sicubi esset Gloria vestra alibi constituta, & scripta terreni Imperatoris acciperet, non cessaret, non quiesceret, somnum oculis non daret, nisi prius quid sibi Imperator terrenus scripssisset, agnovisset. Imperator cæli Dominus hominum & Angelorum pro vita tua tibi suas epistolas transmisit: & tamen eas epistolas ardentè legere negligis. Stude ergo, quæso, & quotidie Creatoris tui verba meditare“.

Liber quintus.

Complectitur quintus hic liber epistolas indictionis decimæ tertiæ, idest anni 594. & Pontificatus S. Gregorii 5. Nonnullas ex his epistolis dedimus superius, ubi de S. Pontificis sollicitudine omnium Ecclesiarum sermonem habuimus. Nonnullas hic addimus. In epistola (b) ad Dominicum Carthaginensem ejus zelum commendat, „quia ita studuit Africanam servare provinciam (a Domino) natiarum peste“ ut nullatenus devias hæreticorum sectas cum „servore sacerdotali coercere negligeret“. Addit tamen, se probare non posse severiorem sententiam Africani Concilii, „quia dum pro investigandis illis hæreticis Episcopos monetis, subintulisti eos qui negligunt, substantiarum dignitatumque privatione plectendos. Nam (subdit) optimum est ut in his quæ foris corrigenda sunt, prius caritas interna fervetur, & simus mente subiecti . . . etiam personis dignitate minoribus“. Mortuo Maximiano Syracusano Episcopo, de ejus successore eligendo non conveniebant Electores, qui proinde ejus electionem S. Pontificis arbitrio commiserunt. Ad Nobiles itaque Syracusanos scribit (c) eos laudans quod electionis onus sapienter declinassent, & suo constituissent arbitrio. Addit proinde: „Sed quia a Clero, & plebe Ecclesiæ Syracusanæ Agatho, ab aliquibus autem alter eligitur: hunc qui a clero, & plebe electus est, ad nos iterum venire necesse est; ut utrisque cominus constitutis, ille qui Deo placuerit, & utilior visus fuerit ordinetur“. Castorio Notario (d) scribit, ut vacante Ravennatensi episcopali Sede curet, „ut Ecclesiæ ipsi Sacerdos sine mora, Christo auctore, ordinetur: eapropter Clerum, & populum studeat adhortari, ut consecrandum sibi non differant eligere Sacerdotem. Quos tamen & præ omnibus admonere te volumus, ut in generali“.

(a) Epist. 31. (b) Epist. 5.
(c) Epist. 22. (d) Epist. 23.

nerali causa utilitates proprias non attendant. Nulla ergo sit
 in hac electione venalitas . . . Specialiter enim & absolute co-
 gnoscant, quia non solum indignus est sacerdotio, sed & aliis
 profecto erit culpis obnoxius, quisquis Dei donum pretii præ-
 sumplerit venalitate mercari. Non itaque largus præmiis, sed
 dignus meritis eligatur “.

Miserat Imperator Mauritius S. Gregorio triginta auri libras.
 Illi itaque scribit: „Triginta libras Buxa confamulus meus (a)
 „Scribo, Sacerdotibus, egenisque, & aliis fideliter erogavit. Et
 „quia quædam in hanc urbem sanctimoniales scemina ex diversis
 „provinciis venerunt, post captivitatem fugientes, ex quibus quan-
 „tum locorum possibilitas recipit, aliquæ in monasteriis datæ
 „sunt: quæ vero in eis minime capi potuerunt, singulariter de-
 „gentes inopem vitam ducunt: placuit ut hoc quod cæcis, trun-
 „cis, aliisque debilibus superesse posset, eis erogari debuisset:
 „dummodo non solum Dominorum misericordiam indigentes indi-
 „genæ, sed advenientes etiam peregrini susciperent “. Addit:
 „Rogæ quoque militum ita per prædictum confamulum meum
 „Scribonem, præfente quoque glorioso Calto magistro militum fa-
 „ctæ sunt, ut dona Dominorum cuncti sub disciplina debitas gra-
 „tias agendo susciperent “. Cum vero Mauritius S. Gregorium
fatuum minus urbane appellasset in epistola ad eum data, quia
 scripserat Ariulphum toto corde ad Rempublicam venire (idest
 concordiam cum Imperatore inire) paratum esse, mansuete, hu-
 militerque hac epistola respondet. „Et quidem si terræ meæ (b)
 „captivitas per quotidiana momenta non excreceret, de despe-
 „ratione mea atque irrisione lætus tacerem. Sed hoc me vehemen-
 „ter affligit; quia ego unde crimen falsitatis tolero, inde Italia
 „quotidie ducitur sub Longobardorum iugo captiva. Dumque
 „meis suggestionibus in nullo creditur, vires hostium immaniter
 „excrefcunt. Hoc tamen piissimo Domino suggero, ut de me ma-
 „la omnia qualibet existimet, de utilitate vero Reipublicæ &
 „causa ereptionis Italiæ non quibuslibet facile pias aures præ-
 „beat, sed plus rebus quam verbis credat. Sacerdotibus autem
 „non ex terrena potestate Dominus nolter citius indignetur; sed
 „excellenti consideratione propter eum cuius servi sunt, eis ita
 „dominetur, ut etiam debitam reverentiam impendat. Nam in
 „divinis eloquiis aliquando Sacerdotes Dii, aliquando Angeli vo-
 „cantur “. Exemplum illi objicit; scribit enim: „Cum Constanti-
 „no Principi scripto oblatæ accusationes contra Episcopos fuissent,
 „libellos quidem accusationis accepit, sed eosdem, qui accusati
 „fuerant, Episcopos convocans, in eorum conspectu libellos, quos
 „acceperat, incendit, dicens: *Vos Dii estis, a vero Deo constitu-
 ti. Itē & inter vos causas vestras disponite: quia dignum non*
 „est ut

O 2

(a) Epist. 30.

(b) Epist. 40.

„ *est ut nos judicemus Deos* “. Addit præterea: „ Quid ergo
 S. GREG. M., „ mirum si Christianus Imperator veri Dei Sacerdotes dignetur
 „ honorare, dum pagani, qui verum Deum nescientes, Deos li-
 „ gneos & lapideos colebant, tamen eorum Sacerdotibus hono-
 „ rem maximum tribuebant “? Ejus vero uxori Constantinæ (a)
 „ scribens, eam hortatur, ut suggerat Imperatori, Corfos „ tanta
 „ nimietate exigentium, & gravamine premi exactiōum, ut ipsi
 „ qui in illa sunt, eadem quæ exiguntur complere vix filios suos
 „ vendendo sufficiant “. In Sicilia vero Stephanum (Augusti Mi-
 „ nistrum) „ tanta præjudicia, tantasque oppressiones operari ... ut si
 „ velim acta ejus singula, quæ ad me pervenerunt, dicere, magno
 „ volumine hic explere non possim “. Rogat itaque, „ ut Serenissi-
 „ ma Domina solerter aspiciat, & oppressorum gemitus compescat “.

Quanto studio Dei dignos ministros feligeret, ostendit S. Gre-
 gorius in epistola (b) ad Andream Scholasticum, in qua sic scri-
 bit: „ Quia valde periculosum est animæ temere cuiquam manum
 „ imponere, proinde quoniam multa inventa sunt in persona Do-
 „ nati Archidiaconi, . . . quæ eum procul ab Episcopatu remo-
 „ vent, Dei judicium metuentes, in ordinando eo non prævi-
 „ dimus consentire, Sed nec Joannem Presbyterum Psalmorum
 „ nescium præsumimus ordinare, quia hæc eum res minus sui
 „ profecto habere studium demonstrabat “. Romam vero ve-
 „ nire invitat (c) Petrum, & Providentium Histriæ Episcopos,
 „ promittens nullam illis esse inferendam molestiam, sed se illis fa-
 „ tisfacturum circa trium Capitulorum controversiam. Nam subdit;
 „ Illa quæ sanctissimæ quatuor Synodi sapuerunt atque definierunt,
 „ sicuti prædecessor noster sanctissimus Leo Papa, ita & nos sapi-
 „ mus, ac tenemus, nec ab earum fide aliquo modo dissentimus “.

Deinde sic epistolam claudit: „ Sed quia plus persona præsens,
 „ quam epistola facit, hortor vos ad me venire . . . dummodo
 „ ratione percepta a concordia sanctæ universalis Ecclesiæ dissensio
 „ vos nulla dissociet “.

Duo invaluerant in Galliis & Germania pravi abusus, Simonia
 scilicet, & Neophytorum ordinationes. Ad utrumque itaque con-
 vellendum S. Gregorius Virgilio Arlatensi Episcopo vices suas,
 & pallium illi concedit (d). Deinde hortatur, ut simoniacam
 labem adeo vigentem, ut in Galliarum vel Germaniæ partibus
 nullus ad sacrum Ordinem sine commodi datione perveniat, com-
 pescere studeat. „ Nam (scribit) cum prima simoniaca hæresis
 „ sit contra sanctam Ecclesiam exorta, cur non perpenditur, cur
 „ non videtur, quia eum quem quis cum pretio ordinat, prove-
 „ hendo agit ut hæreticus fiat “? Similiter vetat, ne quis ex laico
 habitu fiat subito Sacerdos. „ Cum enim (scribit) ad sacros
 „ ordines Paulus Apollolus neophytum venire prohibeat, sciendum
 „ nobis

(a) Epist. 41. (b) Epist. 48,
 (c) Epist. 51. (d) Epist. 53.

„ nobis est, quia sicut neophytus tunc vocabatur, qui adhuc no-
 „ viter erat plantatus in fide: ita nunc inter neophytos deputamus, S. GR. 80. 22.
 „ qui adhuc novus est in sancta conversatione“. Ut vero utramque
 „ pravam consuetudinem efficacius evellat, suggerit, ut „ præcellen-
 „ tissimum filium nostrum Childebertum regem admonere studeat,
 „ ut hujus peccati maculam a regno suo funditus repellat“. Qua
 „ de re ipsi Childeberto Regi scribit (a), ob oculis illi ponens,
 „ quam absurdum sit & neophytos & simoniacos fieri Episcopos,
 „ scribens: „ Certum est, non vos ante exercitui ducem præponere,
 „ nisi vobis labor ejus fidesque constiterit, nisi cum antea actæ vitæ
 „ virtus & sollicitudo aptum esse monstraverit. Si vero non aliis,
 „ nisi hujusmodi viris committitur gubernandus exercitus, qualis
 „ dux esse debeat animarum, ex istius bene rei comparatione colli-
 „ gitur... Simul autem quia pecciferum nimis est, & sanctæ
 „ Ecclesiæ universali contrarium, in sacrum quempiam ordinem
 „ non meritis, sed pretio collocari, hortamur ut tam detestabile
 „ facinus de regno suo Excellentia vestra prohiberi præcipiat“. Liber sex-
 „ Ideo autem Gallias & Germaniam in his epistolis S. Gregorius tus.
 „ jungit, quia Germaniæ provinciæ ultra Rhenum Australiarum
 „ Regi subiciebantur.

„ Datae sunt hujus libri epistolæ Indictione decima quarta, anno ab
 „ ordinatione S. Pontificis sexto, Christi vero 595. In earum prima
 „ (b) Mariniano Episcopo Ravennatenſi data testamentum rescin-
 „ dit Prædecessoris sui Joannis, in quo diversa in Ecclesiæ suæ gra-
 „ vamen scripserat, & sic statuit, „ ut ea quæ de Ecclesiæ suæ vel
 „ „ de acquisitis in Episcopatu rebus, contra legum fieri statuta dis-
 „ „ posuit, Fraternitas vestra nec auctoritatem præbeat, nec aliqua
 „ „ in his ratione consentiat. Si quid autem de propriis rebus, quas
 „ „ ante Episcopatum habuit, quod quidem prius Ecclesiæ suæ non
 „ „ contulit, fieri voluit, vel decrevit, firmum per omnia robur ob-
 „ „ tinere necesse est; nec quisquam Ecclesiasticorum id contra ra-
 „ „ tionem tentet qualibet excusatione convellere. Quia vero (sub-
 „ „ dit) dum viveret, sæpius a nobis expetiit, ut ea quæ in mo-
 „ „ nasterio illo contulerat, quod juxta Ecclesiam S. Apollinaris in
 „ „ ipse construxerat, nostra debuissimus auctoritate firmare, & nos
 „ „ facturos hoc esse promissimus: Fraternitatem vestram necessario
 „ „ prævidimus adhortandam, ut nihil de his quæ illic contulit atque
 „ „ constituit, aliquo modo patiatur imminui, sed omnia firma studeat
 „ „ stabilitate servari“. Ex hac epistola patet, non secus ac ex Aga-
 „ thenſi Concilio anni 506. can. 51. & Epaoenſi anni 517. can. 17.
 „ Veteres consuevisse Clericorum res proprias a rebus Ecclesiæ, quæ eis
 „ „ quasi Clericis competeant, distinguere. Quidquid in Clericatu de
 „ „ Ecclesiæ bonis acquirebant, non sibi nec hæredibus cedebat, sed Ec-
 „ „ clesiæ cujus erant ministri. Optime utique statutum, ne Ecclesiæ
 „ „ bonis ditescerent, aut hæredes ditarent, spreto pauperibus.

S. GREG. M.

Mittens S. Gregorius in Galliam Candidum Presbyterum, ut Ecclesiæ patrimonium in ea constitutum administraret, opportunum censuit illum Brunichildæ Reginæ commendare. Sic (a) itaque illi scribit: „Excellentiam vestram . . . paterno salutantes affectu, quæsumus ut propter amorem beati Petri Apostolorum Principis, quem toto vos scimus corde diligere, dilectissimum filium nostrum Candidum Presbyterum, præsentium portitorem, una cum patrimonio, ad cuius eum gubernationem transmisi-mus, auxilio vestri patrocinii foveatis“. Hinc quasi occasionem nactus eam laudat de optima Filii sui Childeberti educatione, „cui (scribit) non solum incolumem rerum temporalium gloriam provida sollicitudine conservastis, verum etiam æternæ vitæ præmia providistis, dum mentem ipsius in radice veræ fidei maternæ, ut decuit, & laudabili institutione plantastis . . . Sed ut laudabilius in eo fides cum operibus enitescat, adhortationis vestræ eum verba succendant: quatenus sicut sublimem illum inter homines potentia regalis ostendit, ita ante Deum magnum faciat bonitas actionum“. In sequenti vero epistola (b) ad ipsum Regem Childebitum data, primo illum monet: „Esse Regem, quia sunt & alii, non mirum est, sed esse catholicum, quod alii non merentur, hoc fatis est . . . Quidquid autem reges se ceteri gloriantur habere, habetis. Sed ipsi in hac re vehementius superantur, quoniam hoc principale bonum non habent, quod habetis. Ut ergo sicut fide, ita & actione vincantur, benignam se Excellentia vestra suis subiectis semper exhibeat. Et si qua sunt, quæ ejus animum offendere valeant, ea indiscussa non puniat“. Deinde & illi Candidum Presbyterum commendat petens, „ut si aliquod illic fortasse præjudicium factum est, aut res ejusdem patrimonii ab aliquo detinentur, potestatis suæ iustitia corrigatur“. Denique illi scribit, se dono mittere „Claves sancti Petri, in quibus de vinculis catenarum ejus inclusum est, quas collo suspensas deferens, a malis omnibus eum tueantur“. Ipsi vero Candido, epistola (c) sequenti jubet, ut ex patrimonio Ecclesiæ, quod est in Galliis gubernandum, dilectio tua, ex solidis quos acceperit, vestimenta pauperum, vel pueros Anglos, qui sunt ab annis decem & septem, vel decem & octo, ut in monasteriis dati Deo proficiant, compareret . . . sed quia pagani sunt qui illic inveniri possunt, volo ut cum eis Presbyter transmittatur, ne quid agri-tudinis contingat in via; ut quos morituros conspexerit, debeat baptizare“. Hos pueros Anglos ad Anglorum conversionem jam tunc præparabat.

Postulaverat Joannes Patriarcha Constantinopolitanus Athanasium Presbyterum, & monachum in monasterio S. Nili in Isauria,

(a) *Epist.* 5. (b) *Epist.* 6.
(c) *Epist.* 7.

ria, seu ut melius alii censent, in Lycæonia, & concellitas suos de crimine hæresis, quasi aliquid docuissent adversum canonibus Concilii Ephesini; quod ut probaret, librum miserat in cella ipsius Athanasii repertum, & epistolam, in qua eorum dicta tamquam hæretica arguebat. S. Gregorius librum accurate expendit, & in sua ad Narsetem epistola (a), dicit se comperisse illius auctorem in Manichæi dogma cecidisse. Sed addit, in censura doctrinæ Monachorum ipsum Joannem in hæresim Pelagianam impegissee, quippe qui propositionem ceu hæreticam traducebat, & in Ephesina Synodo damnatam agebat, quæ plane catholica erat, & errori Pelagianorum adversa. Propositio autem hæc erat: *Cum peccavit Adam, anima ejus mortua est*, de qua sic pronunciat: „Hoc quis, quis negat, catholicus non est. Deus enim dixerat: *Qua hora comederitis, morte moriemini* (b). Cum ergo comedit de ligno, vetito Adam, quia in corpore mortuus non est, novimus. . . Si itaque in anima mortuus non est, quod dici nefas est, ipse mentitus est, qui hunc prædixit, die qua peccasset moriturum. Sed sciendum est, quia mors duobus accidit modis, aut absentia vivendi, aut a qualitate vivendi. In hoc ergo quod comedendo vetitum, ejus anima dicitur mortua, non absentia vivendi, sed a qualitate vivendi, ut postmodum viveret in pœna, qui ad hoc creatus fuerat, ut beate viveret in lætitia. . . Pelagius vero, qui in Ephesina Synodo damnatus est, ea intentione hoc dixit, ut ostenderet nos a Christo vacue redemptos“. De Ephesina autem Synodo hæc subdit: „Eam Synodum perscrutantes, de Adelphio & Sava, & cæteris aliis, qui illic dicuntur esse damnati, omnino nihil invenimus: & existimamus, quia sicut Chalcedonenſis Synodus in uno loco ab Ecclesia Constantinopolitana falsata est, sic aliquid in Ephesina Synodo factum est. Caritas ergo vestra vetustos omnino codices ejusdem Synodi requirat, & illic inde videat si quid tale invenitur, mihiq; eundem codicem quem invenerit, transmittat. Novis enim codicibus passim non credat. . . Romani autem codices multo veriores sunt Græcis: quia non vestra sicut non acumina, ita nec impolluras habemus“. Pari pacto de imperitiâ redarguit in epistola sequenti (c) ad Joannem Constantinopolitanum Patriarcham accusatores Joannis Presbyteri, qui illi Marcionitarum hæresim improperabant. Nam interrogati quænam esset hæc hæresis Marcionitica, nescire se manifesta professione responderunt: „proinde ipsum Joannem, qui libellum ad ipsum delegatis a Pontifice obtulerat ceu veræ fidei omnino conformem ab iniqua damnatione absolvit, ac inſontem & catholicum declarat. De hac eadem re epistolas dedit (d) & Imperatori Mauritio, & Theodistio Impera-

S. GRÆG. M.

(a) Epist. 14.

(b) Gen. 2. 17.

(c) Epist. 15.

(d) Epist. 16. 17.

toris cognato, illos rogans, ut præfatum Joannem ab ulteriori molestia protegant, & tueantur.

S. GREG. M.

Anthemio Subdiacono & Defensori, idest Pontificis Ministro, in pauperum tutelam scribit (a), ut Pimenium Episcopum Amalphitanum, qui in sua Ecclesia minime residebat, sed foris vagabatur cum aliorum scandalo, qui ejus imitabantur exemplum, severe objurget, & præcipiat, quatenus hoc de cætero facere non præsumat, sed in Ecclesia sua sacerdotali more resideat. Quem si forte non emendari post talem interminationem cognoverit, in monasterio cum deputer. Candido vero Episcopo de Urbe veteri majore scribens licentiam (b) concedit, monachos de monasteriis in sua parochia positos, cum consensu Abbatis sui tollere, & Presbyteros ordinare. Monet tamen, ut vitam, ætatemque eorum, qui in hoc sunt officio constituendi, subtiliter inquiret, & tunc eos, si digni fuerint, ordinet. Mariniano vero Episcopo Ravennati verat (c), ne monasteria quæ sub eo sunt constituta, Clericorum importunitatibus & diversis eorum molestiis prægraventur. . . . quatenus monachis illic degentibus, libere in Dei laudibus liceat exultare. Secundum vero servum Dei Ravennæ rogat (d), ut sit sollicitus, & omni modo imminuat, ut pacem cum Agilulpho Rege habere possit. Sibi vero cognitam dicit Mariniani Episcopi avaritiam, qui cum vestes habeat, argentum habeat, cellaria habeat, quod pauperibus debet dare non habeat: proinde suo nomine illum corrigat, & moneat, ut mentem mutet. Nec sibi credat solam lectionem & orationem sufficere, ut remotus studeat sedere, & de manu minime fructificare; sed largam manum habeat, necessitatem patientibus succurrat, alienam inopiam suam credat; quia si hæc non habet, vacuum Episcopi nomen tenet. Cum quidam ignotus maligni spiritus consilio contra Castorium Responsalem Apostolicum in quodam civitatis loco contestationem, idest libellum famosum posuisset, Episcopo Ravennati, cæteris Fratribus Coepiscopis, Sacerdotibus, Levitis, Clero, Nobilibus, populo, militibus Ravennæ consistentibus scribit (e), ut ille qui hoc agere præsumpsit, vel consensum in tantæ iniquitatis consilio præbuit. . . . sancti Jesu Christi corporis, & sanguinis participatione privatus sit. Si vero quia latet, & quoniam nescitur, teneri a disciplina non valet tanti mali conscius, & jam prohibitus corpus & sanguinem percipere præsumpserit, anathematis ultione percussus sit, & ut fallax ac pestifer a Sanctæ Ecclesiæ corpore divisus.

Urbico Abbati monasterii S. Hermetis Panormi quemdam pium virum commendat, ut illum in Monasterio suscipiat, atque ad æternam

(a) *Epist.* 23. (b) *Epist.* 28. (c) *Epist.* 29.
(d) *Epist.* 30. (e) *Epist.* 31.

nam vitam ejus desiderium assidua (a) adhortatione succendat. Verum cum uxorem haberet, monet, ne aliter ipsum suscipiat, nisi & uxor ejus similiter converti voluerit. „Nam dum unum, „ utrorumque corpus conjugii copulatione sit factum, incongruum „ est partem converti, & partem in sæculo remanere “. Construxerat Palladius Episcopus Santonis in Gallia Templum, in quo tredecim altaria collocaverat, cum illud dedicasset in honorem SS. Petri & Pauli, nec non Laurentii atque Pancratii martyrum, eorumdem Sanctorum reliquias illi mittit (b), ut in dedicatione illas cum reverentia suscipiat & collocet, sed ante omnia provideat, ut fervientibus ibidem non desint alimentorum suffragia. Brunichildæ quoque Francorum Reginae (c) reliquias SS. Apostolorum Petri & Pauli dono mittit per Leuparicum ad hoc a Regina Romam missum.

S. GREG. M.

Iter arripuerant in Angliam profecturi Augustinus, alique Monachi mense Julio anni 596. Verum itineris labore, & timore non proficiendi perterriti, de reditu ad monasterium cogitabant: ideo Augustinum Romam ad sanctum Gregorium miserunt, rogantes ut illos ab itinere & missione in Angliam revocaret. Verum Sanctus Gregorius primo in bono proposito confirmat (d), ostendens minus malum esse bona non incipere, quam ab his quæ cœpta sunt, cogitatione retrorsum redire. Deinde hortatur, ne velint labore itineris, aut maledicorum linguis deterri, sed omni instantia, omni ferve, quæ incœperant, Deo auctore, prosequantur, scientes quod laborem magna æternæ retributionis gloria sequitur. Denique ipsum Augustinum ad illos remittit, eorum Abbatem ab ipso constitutum, cui proinde jubet, ut in omnibus humiliter obediant. De eodem argumento alias septem dedit ad ipsorum monachorum commendationem epistolas Episcopis Galliarum, videlicet Pelagio Turonensi, Sereno Massiliensi, Virgilio Arelatensi, Desiderio Viennensi, Syagrio Augustodunensi, Protasio Aquensi, nec non Stephano Abbati Lirineni, quem commendat pro bono ordine & prudenti regimine sui cœnobii, illique gratias agit pro cochlearibus, & circulis, idest patinis, quos dono miserat.

Complectitur liber septimus epistolas a D. Gregorio conscriptas anno sui Pontificatus septimo, indictione decima quinta, & Christi 596. Post obitum Joannis dicti Jejunatoris Patriarchæ Constantinopolitani suffectus est in ejus sedem Cyriacus, qui suam Synodalem epistolam suæ fidei, ut moris erat, professionem complectentem D. Gregorio mittit, cui pariter scribere de eadem electione Mauritius Imperator, qui eam procuraverat, & Petrus Domitianus, & Elpidius ejus Ordinatores. Latæ sunt hæ litteræ per Georgium Presbyterum, & Theodorum Diaconum, quos D. Gregorius

Liber septimus.

(a) Epist. 48. (b) Epist. 49.
(c) Epist. 50. (d) Epist. 51.

S. GREG. M.

gorius benigne excepit, & diu apud se detinuit, & diutius detinisset, nisi hyeme instante eos dimittere consultius judicasset. Bin-
 nas autem illis dedit epistolas pro Cyriaco, aliam publicam Syno-
 dali epistolæ respondentem, aliam privatam plane & familiarem in
 amicitiae argumentum, quam dudum contraxerat, cum esset Apo-
 stolicae Sedis Apocrisarius in regia urbe. In priori itaque illum
 consolatur (a), quia dum quietem requirebat, fuerit ad pastora-
 lem sollicitudinem raptus, scribens: „Quies quidem nobis & ex
 „corde appetenda est, & tamen pro multorum lucro aliquando
 „postponenda. Nam sicut toto desiderio debemus occupationem
 „fugere, ita si desit qui prædicet, occupationis onus libenti neces-
 „se est humero fubire“. Idem dicit, & sentiendum de serenitate
 mentis, & tranquillitate animi, quas dicit se nescire quomodo in
 Episcopatu constitutus possit pervenire; nam scribit: „Qui regen-
 „dam navem suscepit, tanto amplius necesse est vigilet, quanto
 „amplius litus relinquit: ut aliquando futuras procellas ex signis
 „prævideat: aliquando venientes, aut directo clavo, si parvæ
 „sint, superet; aut si vehementer intumescunt, dato in obliquum
 „latere, irruentes declinet; & sæpe solus vigilet, cum cuncti illi,
 „quibus nulla navis cura commissa est, quiescunt... Sed ma-
 „gnopere semper providendum est, ne hæc eadem cura modum
 „transcat... Illius ergo nobis virtus querenda est, & gratia
 „postulanda, sine quo nusquam absque culpa, cum quo nusquam
 „sine iustitia“. Deinde ejus fidei professionem laudat & ad-
 „probat, sed ad pacem conservandam hortatur, ut titulum Ecume-
 „nici, quem in hac ipsa epistola objicit, relinquat, & „repulsa va-
 „nitate verborum, sanctitatis locum cum sancta humilitate te-
 „neat. Ecce enim in nefandi appellatione nominis scandalizati
 „sumus, & non minimas querelas servamus in mente & promi-
 „mus in voce“. Cum vero inter hæreticos quemdam Eudo-
 „xium recensisset, quem dicebat per sanctissimas Synodos genera-
 „les damnatum, illi respondet, „hujus nomen in latina lingua ne-
 „que in Synodis, neque in libris beatæ memoriæ Episcoporum
 „Epiphani, Augustini, & Philastrii, quos contra hæreticos præ-
 „cipue disputasse novimus, positum reperimus. Quod si quis eum
 „veraciter de catholicis Patribus damnat, ejus proculdubio senten-
 „tiam sequimur“. Sed iterum de hoc argumento ad Eulogium
 Episcopum Alexandrinum (b) scribens subdit: „Canones quidem
 „Constantinopolitani Concilii Eudoxianos damnant, sed quis fue-
 „rit eorum auctor Eudoxius, minime dicunt. Romana autem
 „Ecclesia eosdem canones vel gesta Synodi illius hæcenus non
 „habet, nec accepit: in hoc autem eandem Synodum accepit,
 „quod est per eam contra Macedonium definitum... Caritas
 „ergo

(a) *Epist.* 4.(b) *Epist.* 34.

„ergo vestra, si quis apud Græcos probatorum Patrum de eo ser-
 „monem fecit, suis mihi epistolis innoscat (1). In alia vero S. GREG. M.
 epistola (a) familiari, illi commendat Joannem Chalcedonensem
 Presbyterum, & Athanasium monachum, „ut nullus (scribit)
 „vobis contra eos falsidica locutione surrepat; quia eorum fidem
 „subtiliter discussi, eosque rectos in suis confessionibus, quæ &
 „scripto datæ sunt, inveni“. Mauritio vero Augusto gratulatur
 de optima electione Cyriaci (b) in Episcopum regie urbis. In
 eadem epistola Joannem Jejunatorem, sanctæ memoriæ Episcopum
 appellat, qua assumptione ostendit, ut superius notavimus, eum a
 commotione minime sejunctum habuisse, & pium virum existimas-
 se. Episcopis vero Cyriaci ordinatoribus referens, illos repre-
 hendit (c), quia in ejus consecratione clamaverint: *Hæc dies quam*
fecit Dominus: cum in psalmo dicta sint verba illa de Christo
 Domino; unde scribit: „In creaturæ laudem vox illa dari non de-
 „buit, quæ soli convenit Creatori“. Illos tamen excusat „quia
 „eorum caritas magnam lætitiā genuit, quam mentis lætitiā
 „in favore lingua secuta est. Quod cum ita sit, laus ista culpa
 „jam dici non potest, quam caritas invenit“.

Dum vero Georgius Presbyter, & Theodorus Diaconus Legati
 Cyriaci Romæ commorabantur (d), docuerunt Christum Domi-
 num in suo descensu ad Inferos „omnes illos, qui illic confiten-
 „tur eum Deum esse, salvasse, & a pœnis liberasse“. Hoc non
 innotuit Gregorio nisi post illorum discessum. Georgio itaque Pres-
 bytero scribit, hunc ejus errorem corrigens, docens, & ostendens
 „solos illos per suam gratiam liberasse, qui cum & venturum esse
 „crediderunt, & præcepta ejus vivendo tenuerunt“. Quod con-
 firmat testimoniis sacræ Scripturæ dicentis: *Fides sine operibus*
mortua est (e). Unde subdit: „Si ergo fideles nunc sine bonis
 „operibus non salvantur, & infideles ac reprobi sine bona actione
 „Domino ad inferos descendente salvati sunt, melior illorum fors
 „fuit, qui incarnationem Domini minime viderunt, quam horum
 „qui post incarnationis ejus mysterium nati sunt“. Addit, S.
 Philastrium in suo de hæresibus libro sic scripsisse: „Sunt hæretici
 „qui dicunt Dominum in Infernum descendisse, & omnibus post
 „mor-

(1) S. Gregorio satisfecit Eulogius, ut videre est in epistola 30.
 lib. 8. ostendens Eudoxium a Basilio, Gregorio, atque Epiphano damna-
 tum fuisse. Fuit autem iste Eudoxius Episcopus Germaniciæ, & postea
 Antiochenam Sedem invasit; ac demum fraudibus suis & Constantinopoli-
 tanum Thronum conscendit. Ejus doctrina cum Ariana conveniebat.
 Ab eo dicti Eudoxiani, tum Eunomiani in Constantinopolitano 1. Con-
 cilio damnati. De eo narrat Theodoretus lib. 4. hist. cap. 12. Valen-
 tem Imperatorem ab eo baptizatum jurejurando obstrictuisse, ut in Ariano
 dogmate perseveraret.

(a) Epist. 5. (b) Epist. 6.
 (c) Epist. 7. (d) Epist. 15.
 (e) Jac. 2. 20.

S. GREG. M.

„ mortem jam ibidem se nuntiasse, ut confitentes ibidem salventur; cum hoc sit contrarium dicenti Prophetæ David: In inferno autem quis confitebitur tibi (a)? . . . Cujus verbis beatus quoque Augustinus in eo libro concordat, quem de hæresibus scripsit “.

Gregoria Augusta cubicularia post suorum peccatorum confessionem, de illorum remissione anxie scripserat Gregorio, se illi impertunam futuram, quoadusque scripserit sibi fuisse a Domino revelatum, quia erant illi peccata dimissa. Illi itaque (b) respondens, primo eam consolari studet exemplo Magdalene, quam Marthæ Sororem appellat, cui dicit *dimissa fuisse peccata multa, quia dilexerat multum*, cujus amorem & fervorem ut imitari studeat, hortatur. Deinde revelationem de peccatorum concessa remissione & difficilem dicit, & inutilem. „ Difficilem (scribit), quia „ ego indignus sum, cui revelatio fieri debeat: inutilem, quia secura de peccatis tuis fieri non debes, nisi cum jam in die vitæ tuæ ultimo plangere eadem peccata minime valebis. Quæ dies quousque veniat, semper suspecta, semper trispida metuere culpas debes, atque eas quotidianis fletibus lavare . . . Perpende „ quia mater negligentiae solet esse securitas. Habere ergo in hac vita non debes securitatem, per quam negligens reddaris . . . „ In paucis ergo hujus vitæ tempore mentem vestram necesse est „ ut tremor teneat, quatenus per securitatis gaudium sine fine „ postmodum exulter “.

Theophilus Patriciæ scribit (c) S. Gregorius. Et primo quidem gratulatur, & Deo gratias agit, quia licet in tumultu Aulae imperialis constituta „ sacri verbi ubertate plena sit, atque ad æternæ incessanter gaudia suspiret . . . & ad amorem celestis patriæ interius revocetur “ . Donum quoque lacrymarum sibi datum gaudet, in quo tamen subdit „ investigare debet utrum adhuc „ ex timore, an jam ex amore compungatur. Duo quippe sunt „ compunctionis genera . . . Unum quod æternas pœnas metuit, „ aliud quod de celestibus præmiis suspirat; quia Deum sitiens anima prius timore compungitur, post amore . . . Et qui prius flebat ne induceretur ad supplicium, postmodum flere amarissime incipit, quia differtur a regno . . . sicque fit ut perfecta compunctio formidinis trahat animum ad compunctionem dilectionis “ . Deinde eam hortatur „ ut parvulos Dominos quos nutrieat, præcipue moribus instruere curet, & gloriosos eunuchos „ qui eis deputati sunt, admoneat, ut ea illis loqui debeant, quæ „ eorum mentes in caritate circa se invicem, & erga subiectos in „ mansuetudine compungant “ . Denique triginta auri libras sibi ab ipsa transmissas se accepisse dicit a Sabiniano Diacono, quarum dicit „ dimidiam partem in redemptionem captivorum misit „ se “ :

(a) Psal. 6. 6. (b) Epist. 29.
(c) Epist. 26.

„ se “: de alia vero medietate scribit: „ Ancillis Dei, quas vos
 „ Græca lingua monastrias dicitis, lectissimè emere disposui, quia S. GREG. M.
 „ in lectis suis gravi nuditate in hujus hyemis vehementissimo fri-
 „ gore laborant . . . Harum vero vita talis est, atque in tantum
 „ lacrymis & abstinentia districta, ut credamus quia si ipsæ non
 „ essent, nullus nostrum jam per tot annos in loco hoc subsistere
 „ inter Longobardorum gladios potuisset “. Clavem postremo illi
 dono mittit a sacratissimo corpore sancti Petri Apostoli acceptam,
 in qua hoc miraculum patratum narrat. „ Quidam Longobardo-
 „ rum civitatem ingressus, cum eam invenisset, quia clavus esset
 „ sancti Petri despiciens: sed pro eo quod auream vidit, facere sibi
 „ ex illa aliquid aliud volens, eduxit cultellum, ut eam incideret.
 „ Qui mox cultellum, cum quo eam per partes mittere voluit, ar-
 „ reptus per spiritum, sibi in gutture defixit, eademque hora ex-
 „ tinctus cecidit. Et dum illic Rex Longobardorum Autharith,
 „ atque alii multi ejus homines adessent . . . factus est omnibus
 „ vehementissimus timor, ut eandem clavem de terra levare nul-
 „ lus præsumeret. Tunc quidam Longobardus catholicus, qui
 „ sciebatur orationi, & elemosynis deditus, Minulfus nomine,
 „ vocatus est, atque ipse hanc levavit de terra. Autharith vero
 „ pro eodem miraculo aliam clavem auream fecit, atque cum ea
 „ pariter ad sanctæ memoriæ decessorem meum transmisit, indi-
 „ cans quale per eam miraculum contigisset “. Similem clavem
 a corpore sancti Petri scribit in sequenti epistola (a) se mittere
 Theodoro Imperatoris medico, a quo elemosynas in captivorum
 & pauperum levamen missas non semel acceperat.

Primum Sedis S. Petri ostendit scribens Eulogio Episcopo A-
 lexandrino, qui multa in epistola sua (b) de sancti Petri Aposto-
 li Cathedra locutus fuerat dicens, „ quod ipse in ea nunc us-
 „ que in suis successoribus sedet “. Quod dictum laudans scri-
 bit: „ Quis nesciat sanctam Ecclesiam in Apostolorum Principis
 „ soliditate firmatam, qui firmitatem mentis traxit in nomine, ut
 „ Petrus a petra vocaretur? . . . Itaque cum multi sint Apostoli,
 „ pro ipso tamen principatu sola Apostolorum principis Sedes in
 „ auctoritate convaluit, quæ in tribus locis unius est. Ipse enim
 „ sublimavit Sedem, in qua etiam quiescere & præsentem vitam
 „ finire dignatus est. Ipse decoravit Sedem, in quam Evangelistam
 „ discipulum misit. Ipse firmavit Sedem, in qua septem annis,
 „ quamvis discessurus, sedit. Cum ergo unius atque una sit Se-
 „ des, cui ex auctoritate divina tres tunc Episcopi præfident,
 „ quidquid ego de vobis boni audio, hoc mihi impuro “. Episto-
 lam claudit scribens: „ Ligna transmittere volui: sed Beatitu-
 „ do vestra si essent necessaria non indicavit, & majora multo mit-
 „ tere possumus, sed nequaquam talis navis huc mittitur, quæ
 „ hæc

(a) Epist. 28.

(b) Epist. 40.

„ hæc capere valeat. Minora autem mittere verecundum puto .
 S. GREG. M. „ Beatitudo vestra suis mihi epistolis innotescat “ .
 Liber octa- „ Liber octavus epistolæ anni 597. Indictionis primæ complectitur.
 vus T. 6. In prima ad Petrum Episcopum Corsicæ data (a) primo quidem se „ magnas gratias egisse, scribit, omnipotenti Deo : quia de „ congregatione multarum animarum nos dignatus est relevare “ .
 „ Proinde illum hortatur, „ ut sollicite studeat opus quod coepit, au-
 „ xiliante Domino, ad perfectionem deducere. Et siue eos, qui
 „ aliquando fideles fuerunt, sed ad cultum idolorum, negligentia
 „ aut necessitate faciente, reversi sunt, festinet cum indicta poeni-
 „ tentia aliquantorum dierum ad fidem reducere, ut reatum suum
 „ plangere debeant, & tanto firmiter teneant hoc ad quod, Deo
 „ adiuvante, revertuntur, quanto illud perfecte desieverint unde
 „ discedunt : siue eos qui necdum baptizandi sunt admonendo, ro-
 „ gando, . . . rationem quoque reddendo, quia ligna & lapi-
 „ des colere non debent “ . Deinde subdit, se illi transmis-
 se quinquaginta solidos ad vestimenta eorum qui sunt baptizandi
 comparanda . Mos siquidem erat, baptizandos suis vestibus om-
 ni ex parte olim nudatos, ac post emersionem atque unctionem
 candida veste, quæ totum corpus tegeret, induere . . . In episto-
 la (b) secunda ad Anastasium Episcopum Antiochenum conqueren-
 tem se in senectute multis tribulationibus laborare, scribit : „ Per-
 „ pendat cuius Sedem teneat. Numquid non illius, cui voce Ve-
 „ ritatis dictum est : *Cum senueris, alius te cinget, & ducet quo*
 „ *tu non vis* (c) “ ? Vires etiam addit & roborat, ut prælietur
 strenue, dum „ nova hæreticorum bella insurgunt . . . itaut Pro-
 „ phetas, Evangelia, & dicta Patrum omnia evacuare moliantur .
 „ Sed permanente vita vestræ Sanctitatis, in protectoris nostri gra-
 „ tia speramus quod eorum ora citius obmutescant, quæ contra
 „ soliditatem veritatis aperta sunt ; quia & quamlibet acuti gladii
 „ immittantur, cum saxum feriunt, fracti resiliunt “ . Prohibet
 vero Dono Episcopo Massiliensi, ne loca humandi corporis pretio
 vendat (d) . „ Nam si gentiles, ut arbitramur, viri Sichimitæ
 „ Abrahæ pro Sara mortua, atque in loco proprio humanda se-
 „ pulturam gratis obtulerunt . . . nos qui Episcopi dicimur, de
 „ humandis fidelium corporibus pensâ facere quid debemus “ ? Ve-
 „ nantio Lunensi Episcopo consecrandi monasterii potestatem facit
 (e) ; caveat tamen „ ne ullum corpus ibidem constet humatum “ :
 & præterea omnia necessaria provideat, & præsertim calicem ar-
 genteum unum habentem uncias sex, patenam argenteam habentem
 libras duas. Certe oportebat primis sæculis patenam esse grandem,
 quæ plures oblationum coronas continerent, non tenuissimas ut
 nunc, sed longe spissiores, & ad panis communis formam acceden-
 tes .

(a) Epist. 1. (b) Epist. 2.
 (c) Joan. 21. 18. (d) Epist. 3.
 (e) Epist. 4.

tes. Mariniano Episcopo Ravennati scribens (a), multa privilegia concedit Monasterio Classenſi beatorum Joannis & Stephani, quæ privilegia poſtea ad omnia monaſteria extendit in Concilio Romæ habito apud Lateranum Indiſt. 4. Agnello autem Tarracinenſi Episcopo (b) jubet primo, ut idolorum cultores ſevere puniat: deinde mandat, ut ſolicitus ſit, ne quis ſe a murorum vigiliis eximat, ſed omnes generaliter compellat, licet Eccleſiæ nomen dederint.

S. GREG. M.

Poſtulaverat Eulogius Episcopus Alexandrinus a S. Gregorio, ut illi „ cunctorum Martyrum geſta, quæ piæ memoriæ (c) Conſtantini temporibus ab Eufebio Cæſarienſi collecta ſunt, transmitteret “: cui petitioni reſpondens ſic ſcribit: „ Ago gratias, quia ſanctiſſimæ veſtræ doctrinæ ſcriptis eruditus, cœpi ſcire quod neſciebam. Præter illa enim quæ in ejuſdem Eufebii libris de geſtis ſanctorum martyrum continentur, nulla in archivio hujus noſtræ Eccleſiæ, vel in Romanæ urbis bibliothecis eſſe cognovi, niſi pauca quædam in unius codicis volumine collecta (1). Nos autem pene omnium martyrum diſtinctis per dies ſingulos paſſionibus collecta in uno codice nomina habemus, atque quotidianis diebus in eorum veneratione Miſſarum ſolemnia agimus. Non tamen in eodem volumine quis qualiter ſit paſſus indicatur “ Indigitatur hic a S. Gregorio Martyrologium, quod ſub S. Hieronymi nomine editum eſt, quod tamen aut ab ipſo Hieronymo collectum, aut ex Eufebio translatum non ſatis adhuc liquet. Deinde epiſtola ſequenti narrat (d) Anglorum converſionem ad fidem S. Auguſtini & Monachorum prædicatione, & miraculis perfectam, ita ut „ in ſolemnitate Dominicæ nativitat. . . plus quam decem millia Angli fuerint baptizati “. Deinde cum laudat quod egregie errores in Conſtantinopolitana Eccleſia vigentes ſuis reſponſionibus conſutaſſet. Sed conqueritur, quia cum hortatus eſſet ne Patriarchæ Conſtantinopolitani ſuperbiam ſoveret, ac ut illi Patriarchæ Œcumenici titulum denegaret, reſpondere ſe feciſſe quod illi *juſſerat*, ſcribens: „ Quod verbum juſſionis, peto, a meo auditu removete, quia ſcio qui ſum, qui eſtis. Loco enim mihi fratres eſtis, „ mori-

(a) *Epist. 15.* (b) *Epist. 18.*

(c) *Epist. 29.*

(1) Præter ea, quæ de ſanctis Martyribus in hiſtoria Eccleſiaſtica reſert Eufebius, duos de illorum geſtis ſingulares libros edidit. Prior veterum Martyrum acta genuina complectitur, quantum ex iis quæ de hoc libro in hiſtoria habet lib. 4. c. 15. colligi poteſt, ubi loquens de epiſtola Eccleſiæ Smyrnenſi S. Polycarpi martyrium enarrantem ſubdit: *quam nos in opere de priſcis martyribus, quorum paſſiones collegimus, ordine ſuo inſeruimus*. In poſteriori autem quem de Martyribus Palæſtinæ inſcripſit, narrat ea quæ de ſuæ Provinciæ Martyribus ipſe rebus geſtis præſens viderat, & audierat. Hunc Eufebii librum habemus poſt ejus Eccleſiaſt. hiſt. lib. 8. At prior ſi penitus non excidit, omnino later.

(d) *Epist. 30.*

S. GREG. M.

Liber no-
rus.

„ moribus patres. Non ergo iussi, sed quæ utilia visa sunt, in-
dicare curavi. Non tamen invenio vestram Beatitudinem hoc
„ ipsum quod memoriæ vestræ intuli, perfecte retinere voluisse.
„ Nam dixi, nec mihi vos, nec cuiquam alteri tale aliquid scri-
bere debere: & ecce in præfatione epistolæ quam ad me ipsum
„ qui prohibui direxistis, superbæ appellationis verbum, universa-
lem me Papam dicentes, imprimere curastis. Quod peto dul-
cissima mihi Sanctitas vestra ultra non faciat: quia vobis sub-
trahitur, quod alteri plusquam ratio exigit, præbetur.

Indictionis secundæ anni 598. epistolas continet liber nonus. In
prima epistola (a) ad Januarium Caralitanum Episcopum data de
violenta ejus ira & indignatione edoctus a Cyriaco Abbate ipsum
acriter objurgat scribens: „ Dictum est mihi, quod Dominico die
„ priusquam Missarum solemnia celebrares, ad exarandam messum
„ cujusdam perrexisti, & post exarationem ejus Missarum solemnia
„ celebraisti. Post Missarum solemnia etiam terminos possessionis
„ illius eradicare minime timuisti. Quod factum quæ poena de-
beat insequi, omnes qui audiunt, sciunt. . . Et quia adhuc ca-
„ nis tuis parcimus, hortamur aliquando resipiscere, senex, atque a
„ tanta te levitate morum & operum perversitate compescas. . .
„ Et quidem pœnæ sententia in te fuerat jaculanda: sed quia sim-
plicitatem tuam cum senectute novimus, interim tacemus. Eos
„ vero, quorum consilio hæc egisti, in duobus mensibus excom-
municatos esse decernimus“. Hujus vero sententiæ executio-
nem mandat Vitali Defensori epistola sequenti (b). In tertia
iterum præfato Episcopo Caralitano scribens, jubet (c), ne quid
pro sepulturæ loco accipiat, „ sed si quando aliquem in Ecclesia
„ vestra sepeliri conceditis, siquidem parentes ipsius, proximi vel
„ hæredes pro luminaribus sponte quid offerre voluerint, accipere
„ non veramus. Peti vero, aut aliquid exigi, omnino prohibemus“. Cum
vero de commisso errore pœnituisset, ipsum S. Gregorius con-
fortat dicens: „ Hoc autem (d) quod objurgo, vel increpo, non
„ ex asperitate, sed ex fraterna scito dilectione descendere“. Hor-
tatur vero, „ ut officium quod gerit, sollicita mente consideret, &
„ quidquid gravare potest aut opinionem suam, aut animam, o-
mnino refugiat, & se committere illud nullius suasionem consen-
tiat. Nam non terrenarum rerum curam, sed animarum ducatum
Episcopus suscipit. Ibi ergo cor figere, ibi sollicitudinem,
„ ibi totum studium debet adhibere, atque de eorum lucro dili-
gentius cogitare“. Iterum vero eidem scribit (e), quod „ au-
disset quemdam Judæum recentem baptizatum Petri nomine as-
sumpto, adhibitis sibi quibusdam indisciplinatis, sequenti die ba-
ptismatis sui, Synagogam Judæorum occupasse, atque imaginem
„ illic

(a) Epist. 1. (b) Epist. 2.
(c) Epist. 3. (d) Epist. 4.
(e) Epist. 6.

„ illic genitricis Dei Dominique nostri, ac venerandam crucem, S. GREG. M.
 „ & birrum album, quo de fonte resurgens indutus fuerat, po-
 „ fuisse “. Quare primo ipsum laudat, quia ne hoc auderet Pe-
 „ tro prohibuisset, quia sic revera bonum decuit Sacerdotem. Deinde
 „ hortatur, „ ut sublata exinde cum ea qua dignum est veneratione
 „ imagine atque cruce, debeat quod violenter ablatum est refor-
 „ mare; quia sicut legalis definitio Judæos novas non patitur eri-
 „ gere Synagogas, ita quoque eos sine inquietudine veteres habere
 „ permittit “.

Brunichildæ Francorum Reginae scribens (a) dicit se ad ejus po-
 stulationem Syagrio Episcopo pallium concedere, cum hoc noverit
 etiam Serenissimo Imperatori gratum facturum, ac præterea ipsa
 Syagrius se hoc honore dignum reddiderit & vitæ sanctitate, &
 caritate qua usus est erga Augustinum in Angliam a S. Gregorio
 missum. Nonnulla tamen occurrere, quæ non statim pallii missio-
 nem permittunt. 1. Quia, scribit, „ is, qui eo uti desiderat, di-
 „ recta ad nos hoc sibi largiri speciali petitione poposcerat . . .
 „ cum prisca consuetudo obtineat, ut honor pallii nisi exigentibus
 „ causarum meritis, & fortiter postulanti dari non debeat. 2. Quia
 „ is qui pallium ipsum venerat accepturus, Schismaticorum tene-
 „ tur errore implicatus. 3. Quod nec ex ipsius Reginae petitione,
 „ sed ex transmissio nuntio cognoverit “. Quibus tamen defecti-
 bus ut obviet, dicit se pallium mittere Candido Presbytero, a
 quo Syagrius cum aliquantulis suis Episcopis petat, & ab eo postea
 accipiat. Deinde Reginam admonet, „ ne ullum qui sub regno
 „ suo sit ad sacrum ordinem ex datione pecuniæ, vel quarumlibet
 „ patrocinio personarum, seu proximitatis jure patiaturs accedere,
 „ sicut nec ullum ex laico Episcopum consecrari “. Hortatur ve-
 ro, „ ut eos quos ab unitate Ecclesiæ Schismaticorum error disso-
 „ ciat, ad unitatem studeat revocare concordia. Nam non ob
 „ aliud (scribit) in ignorantia suæ hætenus cecitate voluntur,
 „ nisi ut ecclesiasticam fugiant disciplinam, & perverse habeant,
 „ ut voluerint, vivendi licentiam . . . & ita illos erroris labe
 „ imbibit, ut ignorantia suæ credentes universam Ecclesiam, at-
 „ que omnes quatuor Patriarchas non ratione, sed malitiosa men-
 „ te tantummodo refugiant “. Gratias vero illi agit propter car-
 ritatem, quam erga Augustinum Episcopum in Angliam pergentem
 impenderat.

Joanni Episcopo Syracusano scribit (b): „ Veniens quidam de
 „ Sicilia mihi dixit quod aliqui amici ejus vel Græci vel Latini,
 „ nescio, quasi sub zelo sanctæ Romanæ Ecclesiæ de meis disposi-
 „ tionibus murmurarent, dicentes: Quomodo Ecclesiam Constantin-
 „ nopolitanam disponit comprimere, qui ejus consuetudinem per
 „ omnia sequitur? Cui cum dicerem: Quas consuetudines ejus se-
 „ Tricalet, Tom. VII. P „ qui-

(c) *Epist.* 11.(b) *Epist.* 12.

S. GREG. M. „ quimur? Respondit: Quia alleluja dici ad Missas extra Pente-
 „ costes tempora fecistis; quia Subdiaconos spoliatos procedere,
 „ quia Kyrie eleison dici, quia orationem Dominicam mox post
 „ canonem dici statuistis. Cui ego respondi: quia in nullo eorum
 „ aliam Ecclesiam secuti sumus. Nam ut alleluja hic diceretur,
 „ de Ierosolymorum Ecclesia ex beati Hieronymi traditione tem-
 „ pore beatæ memoriæ Damasi Papæ traditur tractum: & ideo
 „ magis in hac re illam consuetudinem amputavimus, quæ hic a
 „ Græcis fuit tradita: videlicet fortasse de canendo alleluja
 „ tempore quadragesimæ, & in exequiis defunctorum. „ Subdiaco-
 „ nos autem ut spoliatos procedere facerem, antiqua consuetudo Ec-
 „ clesiæ fuit. Sed placuit cuidam nostro Pontifici, nescio cui,
 „ qui eos vestitos procedere præcepit. Nam vestræ Ecclesiæ num-
 „ quid traditionem a Græcis acceperunt? Unde habent ergo ho-
 „ die, ut Subdiaconi lineis in tunicis procedant, nisi quia hoc a
 „ matre sua Romana Ecclesia perceperunt? Kyrie eleison autem
 „ nos neque diximus, neque dicimus, sicut a Græcis dicitur: quia
 „ in Græcis simul omnes dicunt, apud nos autem a Clericis dici-
 „ tur, & a populo respondetur, & totidem vicibus etiam Christe
 „ eleison dicitur, quod apud Græcos nullo modo dicitur. In quo-
 „ tidianis autem Missis aliqua quæ dici solent tacemus, tantum-
 „ modo Kyrie eleison & Christe eleison dicimus, ut in his depre-
 „ cationis vocibus paulo diutius occupemur. Orationem vero Do-
 „ minicam idcirco mox post precem dicimus: quia mos Apostolo-
 „ rum fuit ut ad ipsam solummodo orationem oblationis hostiam
 „ consecrarent. Et valde mihi inconueniens visum est, ut pre-
 „ cem quam Scholasticus composuerat, super oblationem dicere-
 „ mus, & ipsam traditionem quam Redemptor noster composuit,
 „ super ejus corpus & sanguinem non diceremus (1). . . . Ergo
 „ vestra Caritas cum occasio dederit ut ad Catanensem civitatem
 „ pergat, vel in Syracusana Ecclesia, eos quos credit aut intelli-
 „ git quia de hac re murmurare potuerunt, facta collatione do-
 „ ceat. . . . Nam de Constantinopolitana Ecclesia quod dicunt,
 „ quis eam dubitet Sedi Apostolicæ esse subjectam? Quod & piis-
 „ „ simus

(1) Ex omnibus liturgiis constat, morem fuisse Ecclesiæ universæ
 etiam ante Gregorii ævum, ut oratio Dominica in Missa diceretur, ut
 testatur Cyrillus Catech. mystagog. 5. Nil aliud itaque fuit a S. Grego-
 rio constitutum, quam ut oratio Dominica in Missa congruentiori loco
 diceretur. Dum vero dicit, morem Apostolorum fuisse, ut ad ipsam o-
 rationem Dominicam hostiam consecrarent, solum alias orationes ex-
 cludit, non vero evangelica verba. Immo a temporibus apostolicis lon-
 gas preces fuisse in liturgiæ celebratione recitatas testatur S. Justinus
 mart. Apolog. 2. in fine, scribens: *Eucharistiam prolixè exequitur, atque*
ubi ille preces & gratiarum actiones absolvit, populus qui adest omnis
fausta approbatione acclamat dicens, Amen. . . . Preses vero, (Episco-
pus) postquam gratiarum actionem perfecit (Eucharistiam). . . . qu;
apud nos vocantur Diaconi atque ministri distribuunt.

„simus dominus Imperator & Frater noster ejusdem Civitatis Episcopus assidue profitentur. Tamen si quid boni vel ipsa vel altera Ecclesia habet, ego & minores meos quos ab illicitis prohibeo, in bono imitari paratus sum“.

S. GREG. M.

Plura habentur in epistola (a) ad Secundinum inclusa salubria documenta. Et primo quidem eum fortiter ad pugnam cum spirituali hoste habendam, hortatur; cum ille eos potissimum aggrediatur, qui ad perfectiorem vitam anhelant. „Vos (scribit) autem qui solitariam vitam ducitis, quid aliud quam monachos dixerim, qui fervore virtutis etiam ante aciem exire festinatis? Cur ergo eum non singulariter hostis impetat, a quo se impet singulariter spectat? ... Vos qui viam vite presentis extra hominum frequentiam ducitis, tanto majora certamina pari necesse est, quanto ad vos ipse tentationum magister accedit“. Deinde monet omnes Orientales Ecclesias integram sequi S. Leonis, & Chalcedonensis Concilii fidem; unde scribit: „Certam dilectionem tuam esse desidero, quia sanctissimæ Orientales Ecclesie uno sensu, una doctrina fidem sanctæ memoriæ Leonis tenet, sanctamque Chalcedonensem Synodum ita nobiscum custodiunt atque venerantur, ut nullus esse Episcopus reputetur, qui ejusdem fidei defensor sectatorque non fuerit“. Hinc quasi occasionem natus, sic contra defensores trium Capitulorum invehitur: „Per-versi autem homines, qui trium Capitulorum occasione reperta, Ecclesiasticam disciplinam fugiunt, de suis carnalibus actibus re- prehendi pertimescunt, subesse Sedis Apostolicæ præceptis nolunt, & nos quasi de fide reprehendunt, quam nesciunt“. Ibi vero epistolam catholicæ doctrinæ, & sanctæ Synodi definitioni adversari ostendit. Clericos in Crimina lapsos, post peractam poenitentiam, posse in pristinum gradum restitui, pluribus adductis testimoniis ostendit. Illum etiam instruit circa peccati originalis doctrinam sic scribens: „De origine animæ inter sanctos Patres requisitio non parva versata est, sed utrum ipsa ab Adamo descenderit, an certe singulis detur, incertum remansit: eamque in hac vita insolubilem fassi sunt esse questionem. . . . Sed cum hoc sit incertum, illud incertum non est: quia nisi sacri baptismatis gratia fuerit renatus homo, omnis anima originalis peccati vinculis est obstricta“. Denique illi imagines Salvatoris, & sanctæ Dei Genitricis Mariæ, beatorum Apostolorum Petri & Pauli, quas petierat, mittens, sic illum instruit: „Scio quidem quod imaginem Salvatoris nostri non ideo petis, ut quasi Deum colas, sed ob recordationem Filii Dei in ejus amore recalescas, cujus te imaginem videre desideras. Et nos quidem non quasi ante divinitatem ante illam prosternimus, sed illum adoramus, quem per imaginem, aut natum, aut passum, sed & in throno

P 2

„sedent-

S. GREG. M.

„ sedentem recordamur. Et dum nobis ipsa pictura quasi scriptura
 „ ad memoriam Filium Dei reducit, animum nostrum aut de resur-
 „ rectione latificat, aut de passione demulcet “.

„ In quodam (a) crimine (scribit S. Gregorius) Byzacenus
 „ Primas fuerat accusatus, & piissimus Imperator eum juxta sta-
 „ tuta canonica per nos voluit judicari. Sed acceptis decem auri
 „ libris, tunc Theodorus magister militum oblitit, ut minime
 „ fieret. Tamen piissimus Imperator admonuit ut transmittere-
 „ mus, & quidquid esset canonicum faceremus. Sed videntes con-
 „ trarietates hominum, eandem causam finire nolimus “. His ita
 „ constitutis, scribit Joanni Episcopo Syracusano, quod cum mu-
 „ tata voluntate Primas sponte fateatur, „ se esse Sedi Apostolicæ
 „ subjectum “: & revera scribit S. Gregorius, „ si in Episcopis
 „ culpa invenitur, nescio quis ei Episcopus subjectus non sit “. Hinc illi mandat, ut negotium cum Martino Scholastico tractet & finiat. In sequenti vero epistola (b) cunctis Romanæ Ecclesiæ patrimonii defensoribus mandat, „ ut Episcopos & Clericos qui
 „ cum mulieribus degunt, omnino compellant, & de cætero eas
 „ illic habitare nullo modo patiantur, exceptis eis quas sacrorum
 „ canonum censura permittit, idest matre, amita, germana, &
 „ aliis hujusmodi, de quibus prava non possit esse suspicio “. Præ-
 „ terea Episcopos admoneant, „ ut subjectos sibi in sacris videlicet
 „ Ordinibus constitutos, quod ipsi servant, ad similitudinem sui
 „ modis omnibus servare commoneant: hoc tantummodo adjecto,
 „ ut hi, sicut canonica decrevit auctoritas, uxores quas caste de-
 „ bent regere, non relinquunt “.

Importunis fatigatus precibus Exarchæ Callinici in favorem Maxi-
 mi electi Salonitanæ Ecclesiæ Episcopi, scribit (c) Constantio
 Episcopo Mediolanensi, „ decreville ut Marinianus Episcopus Ra-
 „ vennatis ejus causam deberet cognoscere. Si autem (subdit)
 „ persona ejus suspecta forsitan habeatur, volumus, ut vestra quo-
 „ que Fraternitas, si ei laboriosum non est, ad eandem civitatem
 „ fatigare se debeat, & cum prædicto fratre in eodem judicio pariter
 „ sedere “. Maximus vero Decretum Pontificis sciens, Romam ve-
 nit, & impetravit epistolam (d) ad Castorium Notarium, qua S.
 Pontifex jubebat quod, „ si Maximus Salonitanus præstito jura-
 „ mento, firmaverit se simoniaca hæresi non teneri, atque de aliis
 „ ante corpus sancti Apollinaris tantummodo requisitus, innoxium
 „ se esse responderit, & de inobedientia sua poenitentiam, sicut
 „ deputavimus, egerit: volumus ut ad consolandum illum, epi-
 „ stolam quam ad eum scripsimus, ubi ei & gratiam nostram &
 „ communionem nos reddidisse signavimus . . . dare debeat “. Paruit Maximus, & Ravennam veniens ad Episcopum Marinianum
 jasta-

(a) Epist. 59. (b) Epist. 60.
 (c) Epist. 67. (d) Epist. 80.

„ iaculavit se (a) tensus intra civitatem in media silice, clamans
 „ & dicens: *Peccavi Deo, & beatissimo Papæ Gregorio*. Et aſta
 „ pœnitentia per tres horas, cucurrit Exarchus Callinicus, & Ca-
 „ ſtorius chartularius Eccleſiæ cum Archiepiſcopo Mariniano, &
 „ elevatus cœpit ampliorem pœnitentiam coram eis agere. Tunc
 „ duxit eum ad ſanctum corpus beati Apollinaris, & iuravit de
 „ omnibus quæ adverſus eum dicta de mulieribus vel ex ſchiſmate
 „ ſimoniaco fuerant, mixtum ſe non eſſe. Tunc revertens Caſto-
 „ rius chartularius adduxit ſecum Diaconum ejuſdem Maximi . . .
 „ relatorem omnium, quæ a Maximo ſatiſfacta eſſent. Tunc
 „ morus ad miſericordiam beatiffimus Papa Gregorius, direxit Pal-
 „ lium ad confirmationem ejuſdem Epifcopi “. Ita negotium
 „ iſtud completum eſt die 26. Auguſti anno 599. In epifſola (b) ve-
 „ ro communionis data a S. Gregorio Maximo pœnitenti, illi ſcri-
 „ bit, „ ut perſonam tranſmittat, quæ pallium illi deferendum ex
 „ more percipiat. Nam quemadmodum (ſcribit) illicita perpe-
 „ trari non patimur, ſic quæ ſunt conſuetudinis non negamus “. In alia (c), qua jam peti-
 „ tum pallium mittit, hortatur, ut quod in eo ſignificatur, moribus exprimat.

Ad Serenum Maſſilienſem Epifcopum ſcribens (d) eum laudat,
 „ quia quodſdam imaginum adoratores adſpiciens, eaſdem in Eccle-
 „ ſiis imagines conſegregit atque projecit “. Sed addit: „ Zelum
 „ vos, ne quid manuſactum adorari poſſet, habuiſſe laudavimus,
 „ ſed frangere eaſdem imagines non debuiſſe indicamus. Idcirco
 „ enim pictura in Eccleſiis adhibetur, ut hi qui literas neſciunt,
 „ ſaltem in parietibus videndo legant quæ legere in codicibus non
 „ valent “. Serenus vero dubitans de veritate epifſolæ S. Grego-
 „ ri, ejus monitum contempſit. Scripſit tamen Pontifici ſibi ſub
 „ ejus nomine redditam epifſolam, & quod de imaginibus fecerat, de-
 „ fendere conatur. Iterum illi reſpondens S. Gregorius ſcribit pri-
 „ mo (e), Cyriacum Abbatem primæ epifſolæ portitorem eſſe virum
 „ omni fide dignum, Deinde iterum de fractione imaginum repre-
 „ hendit ſcribens: „ Dic, Frater, a quo factum Sacerdote aliquando
 „ auditum eſt quod feciſti. Si non aliud, vel illud te non debuit
 „ revocare, ut deſpectis aliis fratribus, ſolum te ſanctum & eſſe
 „ crederes & ſapientem? Aliud eſt enim picturam adorare, aliud
 „ per picturæ hiſtoriam quid ſit adorandum addiſcere... Hinc autem
 „ dum in hoc animi tui incaute motus exequeris, ita tuos ſcanda-
 „ liſaſſe filios perhiberis, ut maxima eorum pars a tua ſe com-
 „ munionem ſuſpenderet . . . Convocandi igitur ſunt diſperſi Eccle-
 „ ſiæ filii, eiſque Scripturæ ſacræ eſt teſtimoniis oſtendendum,
 „ quia omne manuſactum adorari non licet . . . & quia tranſiſſe
 „ in adorationem videras, idcirco commotus es, ut eas imagines

P 3

„ frangi

(a) Tom. 9. In appendice pag. 15. Ed. in fol. T. 2. pag. 1296.

(b) Epifſ. 81. (c) Epifſ. 125.

(d) Epifſ. 105. (e) Lib. 11. epifſ. 13.

S. GREG. M.

frangi præciperes. Atque eis dicendum: Si ad hanc instructionem, ad quam imagines antiquitus factæ sunt, habere vultis in Ecclesia, eas modis omnibus & fieri & haberi permitto. . . . Atque in his verbis eorum mentes demulcens, eos ad concordiam tuam revoca. Et si quis imagines facere voluerit, minime prohibe: adorari vero imagines, modis omnibus veta. Sed hoc sollicitè Fraternitas tua admoneat, ut ex visione rei gestæ ardorem compunctionis percipiant, & in adoratione solius omnipotentis sanctæ Trinitatis homiliter prosternantur. Cuncta vero hæc & amore sanctæ Ecclesiæ, & tuæ Fraternitatis loquimur. Non ergo ex mea correptione frangatur a zelo rectitudinis, sed magis adjuvetur in studio piæ dispensationis (1). Plures abusus in Galliis irrepsisse dolens S. Pontifex epistolam dedit (a) præcipuis illarum Episcopis, videlicet Syagrio Augustodunensi, Ætherio Lugdunensi, Virgilio Arelatensi, & Desiderio Viennensi, illos hortans, ut eos eradicare toto studio curarent. Abusus autem enumerat 1. „Vulgatum est, quod in Galliarum partibus sacri ordines per simoniacam hæresim conferantur“. Monet itaque, ut „in Sacerdotibus ordinandis sinceritas vigeat, sit simplex sine venilitate consensus, pura præferatur electio; ut ad summam sacerdotii non suffragio venditorum provectus, sed Dei credatur esse iudicio. . . . Nam dum non attenditur quod divina voce præcipitur: *Gratis accepistis, gratis date* (b); agitur ut crescat, & gemina fiat in uno eodemque delicti contagio, ementis scilicet & vendentis“. 2. Dolet „quod quidam desiderio honoris inflati, defunctis Episcopis tonsurantur, & fiunt repente ex laicis Sacerdotes“. Unde subdit: „Quid putamus quod isti subjectis præstituri sunt, qui antequam discipulus limen attingant, tenere locum magisterii non formidant? Qua de re necesse est, ut & quamvis inculpati quisquam sit meriti, ante tamen per distinctos ordines Ecclesiasticis exerceatur officiis. . . . Sed ne forsitan se pravæ consuetudinis quisquam velit objectu defendere, Fraternitatis vestræ discretio rationis eos fræno coerceat, & labi in illicitis non permittat: quia quidquid ultione dignum est, non ad imitationis, sed ad exemplum potius debet correptionis adduci“. Tertius abusus, cohabitatio Clericorum cum mulieribus. Quamobrem iterum canonum hæc de re observantiam inculcat, „ne aliæ mulieres cum Sacerdotibus habitent, nisi hæc, quæ sacris, ut prædictum est, canonibus sunt permixtæ“. Ut vero hi abusus efficacius eliminentur, Synodo-

rum

(1) Verba S. Pontificis imagines adorari vetantis, eo sensu accipiendam docet S. Thom. 2. 2. q. 94. a. 2. ad 1. *Sanctorum imagines non absoluta adoratione etiam inferiori, sed respectiva tantum, possunt & debent adorari: sed adorari non dicuntur proprie, nec dici consueverunt antiquo usu.*

(a) *Lib. 9. epist. 106.* (b) *Matth. 10. 8.*

rum frequentiam inculcat scribens: „ Et quidem quia de habendo
 „ bis in anno Concilio Patrum sit regulis statutum, non later. S. GREG. M.
 „ Sed ne forte aliqua impleri hoc necessitas non permittat, semel
 „ tamen sine exultatione aliqua decernimus congregari, ut expecta-
 „ tione Concilii nihil prævum, nihil præsumatur illicitum. Nam ple-
 „ rumque etsi non amore iustitiæ, metu tamen examinis abstinetur
 „ ab hoc quod omnium notum est posse displicere iudicio “. Pro
 hac itaque Synodi annua congregatione scribit Syagrio Episcopo
 Augustodunensi (a) dicens: „ Curam congregandæ Synodi, quam
 „ vobis & aliis fratribus nostris pro illicitarum rerum prohibitione
 „ fiendam scripsimus, vestræ specialiter sollicitudini noveritis incum-
 „ bere “. Quam provinciam illi potius imponere dicit, „ quia
 „ præ excellentissimos filios nostros Francorum Reges magnam vobis
 „ novimus dilectionem impendere “. Quamobrem secundum po-
 stulationis suæ desiderium, pallii usum intra Ecclesiam suam ad
 sacra tantum Missarum solemnia largitur, & statuit Augustodu-
 nensem Ecclesiam primum locum post Lugdunensem obtinere, ser-
 vato tamen Metropolitæ suo per omnia loco & honore, Gratias
 etiam illi agit, quod adiutor fuerit Augustino Anglorum Missio-
 nario, eique operam strenue navaverit.

Epistolas complectitur liber decimus datas anno 599. indictione Liber deci-
mat.
 tertia. In prima epistola (b) Romano Ecclesiæ defensori in Si-
 cilia jubet, „ ut Lucillum, quondam insulæ Melitenis Episco-
 „ pum, qui non solum res Ecclesiæ . . . abstulerat, verum etiam
 „ plurima ejusdem Ecclesiæ competentia sibi retinebat, cogat si-
 „ ne mora restituere: quod pariter faciendum a Petro ejus filio,
 „ quia & ipse plurima prædictæ Ecclesiæ abstulerat “. Deinde
 concedit Trajano a Monachatu ad Episcopatum assumpto, „ ut
 „ de monasterio suo quod in civitate Syraculana situm est, quatuor
 „ vel quinque monachos secum habere possit; quia ad locum pro-
 „ ficiscens incognitum, si proprios quorum consolatione utatur,
 „ non habeat, mens affecta tristitia minus se ad ea quæ utilitatis
 „ sunt, erigit, & ante incipit seccumbere, quam laboret “. Quod
 tamen privilegium ita a se concessum dicit, ut tamen Joannis Sy-
 racusani Episcopi sit arbitrio reservatum. Insuper præfato Trajano
 concedit, „ ut pueros quos de propria pecunia comparavit, ac suos,
 „ Patrique sui Codices, aut res alias, quas in eodem monasterio
 „ habet, nec non quicquid postquam Abbatis remotus est officio,
 „ comparavit, vel quolibet titulo acquisivit, libera illi tollendi fa-
 „ cultas sit. Si quid autem dum adhuc ille Abbatis fungeretur of-
 „ ficio, acquisivit, non suum, sed monasterii ipsius esse cognoscat.
 „ Et ideo de jure illud ejusdem monasterii auferri ulterius quoli-
 „ bet modo non patimur “.

S. Eulogius Alexandrinus Patriarcha D. Gregorio scripserat quod-

P 4

dam

(a) *Enist.* 108.

(b) *Epist.* 1.

S. GREG. M.

dam monachos Palæstinos Romam venturos (a), ut a Sancto Pontifice discerent quid esset de hæresi Agnoitarum, qui quædam Christi Domini dicta in Evangelio aut non intelligentes, aut male interpretantes, eidem Christo ignorantiam attingebant, sentiendum. Plura præterea in sua epistola attulerat Græcorum Patrum testimonia, Agnoitarum hæresim profligantia. Illi itaque respondet dicens 1. nullos venisse de Jerosolymorum partibus monachos qui illum requirerent, sed ad Constantinopolitanam urbem talia requirentes perrexisse. 2. Dicit, „ se ante longum tempus, quam ejus scripta susciperet, contra eandem hæresim eadem respondisse, quæ postmodum in ejus epistola inveniret, „ atque omnipotenti Deo gratias retulisse, quia de cunctis inquisitionibus Romanorum atque Græcorum Patres, quorum sequaces utrique sunt, uno spiritu sunt locuti. In multis enim eandem epistolam vestræ Sanctitatis inveni, ac si contra prædictam hæresim scripta Latinorum Patrum legerem. Rursum in alia (b) ad eundem epistola explicationes ab ipso datas testimoniis Scripturæ, quibus sui defensionem erroris inferebant Agnoitæ, adprobat, & confirmat scribens: „ Quod de ficulnea dixistis, in eo sensu proprie beatus Augustinus loquitur, quia cum Evangelista subjunxit: *Nondum enim erat tempus ficorum* (c), aperte cognoscitur, quod per ficum Dominus in Synagoga fructum quæsierat, quæ folia Legis habuit, sed fructum operis non habebat. Non enim poterat Creator omnium nescire quia fructum scius non habuit; quod dum tempus ficorum non esset, omnes poterant scire. De eo vero quod scriptum est: *Quia diem & horam neque Filius, neque Angeli sciunt* (d), omnino recte vestra Sanctitas sensit, quoniam non ad eundem Filium, juxta hoc quod caput est, sed juxta corpus ejus quod sumus nos, est certissime referendum.... Dicit quoque & aliud quod de eodem filio possit intelligi, quia Deus omnipotens aliquando more loquitur humano, sicut ad Abraham dicit: *Nunc cognovi quia times Deum* (e). Non quia se Deus tunc timeri cognoverit: sed quia tunc eundem Abraham fecit agnoscere. Pari pacto & illa verba Christi in nuptiis Canæ Galilææ Matri dicentis: *Quid mihi & tibi est mulier? nondum venit hora mea* (f), explicat dicens: „ In miraculo quod ex tua natura non habeo, te minime recognosco. Cum hora mortis venerit, cognosco te matrem, quia unde mori possum, hoc ex te habeo. Similiter de loco in quo mulieribus de Lazaro dicit: *Ubi posuistis eum* (g)? ipsa specialiter sensimus, quæ sensitis: quia si negant scisse Dominum ubi fuerat Lazarus sepultus, atque ideo requisisse, procul, „ dubio,

(a) Epist. 35.

(b) Epist. 39.

(c) Marc. 11. 13.

(d) Ibid. 13. 32.

(e) Gen. 22. 12.

(f) Joan. 2. 4.

(g) Ibid. 11. 34.

„dubio compellentur fateri, quia nescivit Dominus in quibus lo-
 „cis se Adam & Eva post culpam absconderant, cum in Paradi-
 „so dixit: *Adam ubi es (a)*? aut cum Cain corripit, dicens:
 „*Ubi est Abel frater tuus (b)*? Qui si nesciebat, cur protinus ad-
 „junxit: *Sanguis fratris tui de terra clamat ad me (c)*“. Addit:
 „Res autem valde manifesta est, quia quisquis Nestorianus non
 „est, Agnoita esse nullatenus potest. Nam qui ipsam Dei sapien-
 „tiam fateretur incarnatam, qua mente valet dicere, esse aliquid
 „quod Dei sapientia ignoret“? Denique scribit, aliam esse adhuc
 „Agnoitarum solvendam objectionem, quam ipsi ex mente Agnoi-
 „tarum proposuerat Anatolius Diaconus, nimirum „quia sicut im-
 „mortalis mori dignatus est ut nos liberaret a morte, & æternus
 „ante tempora fieri voluit temporalis: ita Dei sapientia ignoran-
 „tiam nostram suscipere dignata est, ut nos ab ignorantia libera-
 „ret“. Cui objectioni, dicit, „necdum respondi, quia gravi
 „nunciusque infirmus detentus sum & si ita perfecte con-
 „valueram ut dictare valeam, adjuvante Domino, respondebo; de
 „quibus vobis mihi nihil dicendum est, ne videar docere quæ no-
 „tis“. Episcopum Thessalonicensem ad pacem & unitatem fer-
 „vandam hortatur (d). Quapropter cum Lucas Presbyter suus, &
 „Petrus Chalcedonensem Synodum nolle suscipere dixerint, atque ex
 „hoc orthodoxorum corda non leviter sunt perturbata, mandat, ut
 „hoc rimari omni cura non desinat. Et si in hoc eos fontes in-
 „venierit, scandalum de fidelium mentibus, habita eorum satisfac-
 „tione, removeat, atque inter omnes hæreses specialiter Nesto-
 „rium atque Severum anathematizet, ut quibus sinistra de eis sus-
 „picio dissensionem amore fidei genuit, signat purificatio carita-
 „tem“. Venantio vero Episcopo Lunensi scribit (e) se illi san-
 „ctimonialem ad ejus petitionem mittere, ut in Monasterio in sua
 „Civitate sito, Abbatissæ regere possit officium. Unde apparet &
 „tunc in more fuisse, ut ex aliis monasteriis sanctimonialis sumere-
 „tur, quotiescumque defuisset in aliquo monialis idonea ad Abbatif-
 „sæ munus obeundum. Unionem tamen monasteriorum in diversis
 „diocesisibus positurum sine Episcoporum consensu fieri nunquam con-
 „suevisse apparet ex epistola S. Gregorii ad Adeodatum Abbatem
 „(f), cui solum concedit, ut Gratterensi monasterio suum Neapolita-
 „num uniat quousque Neapoli ordinetur Antistes, qui cum fuerit
 „ordinatus „utrum (scribit) in perpetuum hæc unio extendi, an
 „temporalis esse debeat, maturius ac solidius cum Dei gratia
 „pertractabimus“. Mos erat S. Gregorii temporibus, ut Episco-
 „pi a Clero & populo eligerentur, & ad Summum Pontificem eo-
 „rum confirmatio ita pertinebat, ut si quos forte minus dignos ag-
 „novisset, ad alterius electionem Clerum, & populum urgeret. Id
 „patet

(a) Gen. 3. 9. (b) Ibid. 4. 9.
 (c) Ibidem. (d) Epist. 42.
 (e) Epist. 43. (f) Epist. 61.

patet ex epistola (a) ad Neapolitanos, quos reprehendit ob electionem Joannis Diaconi, qui parvulam filiam habebat, unde scribit: „Qua præsumptione ad Episcopatum audet accedere, qui adhuc longam corporis sui continentiam, filiola teste, convincitur non habere“? Similiter & electionem non adprobat Petri Diaconi, quia simplex erat, & solidos dederat ad usuram: „Nam, inquit, nos amatoribus usurarum nulla ratione manus imponimus“. Pellentiarum flagello Deus Italiam, sed multo magis Africam hoc anno 599. castigabat. Dominico itaque Episcopo Carthaginensi scribit (b) S. Gregorius, docens quo animo sint divinæ misericordiæ flagella sustinenda; quare sic scribit: „Creatori nostro in cunctis gratias referamus, atque de ejus misericordia confidentes, patienter omnia toleremus, quia satis minus patimur quam meremur. Quoniam tamen ita temporaliter flagellamur, ut sine æternæ vitæ consolatione minime relinquamur: necesse est ut... rationes nostras, quas in ejus judicii examinae fumus posituri, bonæ actionis studio, & fletu poenitentiarum muniamus; ut tantæ nobis percussiones, favente ejus gratia, non damnationis initium, sed beneficium purgationis existant“. Aspera oburgatione Opportunum Apruntinum reprehenderat S. Gregorius (c), sed audiens idcirco cum in gravem incidisse animi mœrorem, atque tristitiam, idcirco ad ejus solamen & quietem sic illi scribit: „Te, dilectissime Fili, volo cognoscere, quia ego illa verba non asperitate cordis, sed amore tuæ animæ sum locutus. Tu itaque ad omnipotentem Deum tota mente convertere.... Si contra veritatem injuriam pertuleris, lucrum puta; ut hæc agens, per temporalia quæ despiciendo pateris, ad cælestia regna pertingas“.

Liber undecimus.

Ad annum Christi 600. Indictione 4. pertineat hujus libri epistolæ. In quarum prima (d) Joannis Abbatis montis Sina orationibus se commendat summa humilitate scribens: „Vos qui in tanta quietis vestræ serenitate tranquillam vitam ducitis, & securi quasi in littore statis, nobis navigantibus, aut potius naufragantibus orationis vestræ manum tendite, & conantes ad terram ventium pergere, quantis potestis precibus adjuvate“. Deinde eorum necessitatibus compatiens, & liberaliter occurrens, illi se mittere dicit lectos, vel lectiliteria idonea; nec non pecuniam ad culcitra emendas. Cononem vero recenter electum Abbatem monasterii Lirinensis, quomodo cœnobium suum regere debeat, docet scribens: „Eos qui tibi (e) commissi sunt, a gula, a superbia, ab avaritia, a vaniloquio, & ab omni immunditia, Redemptoris nostri suffragante gratia, prohibere, ac studii tui sit per omnia custodire.... Itaque boni te dulcem, pravi sentiant corre-
cto-

- (a) Epist. 62. (b) Epist. 63.
(c) Epist. 68. (d) Epist. 1.
(e) Epist. 12.

„*Storem*. In qua videlicet correctione hunc esse ordinem noveris
 „observandum, ut personas diligas, & vitia persequaris: ne si a- S.GREG. M.
 „liter agere fortasse volueris, transeat in crudelitatem correctio,
 „& perdas quos emendare desideras. Sic enim vulnus debes ab-
 „scindere, ut non possis ulcerare quod sanum est. Ipsa enim in
 „se dulcedo cauta sit, non remissa: correctio vero diligens sit,
 „non severa. Sed sic alterum condatur ab altero, ut & boni
 „habeant amando quod caveant, & pravi metuendo quod dili-
 „gant“.

Epistolam ad Augustinum Anglorum Episcopum sic exultabun-
 dus (a) exorditur D. Gregorius: *Gloria in excelsis Deo, & in*
terra pax hominibus bonæ voluntatis (b). Olim hoc Evangelico,
 & angelico cantico utebantur fideles in lætitiæ argumentum, sicut
 modo canticum *Te Deum laudamus* usurpant. Deinde profectur:
 „Quis autem narrare sufficiat quanta hæc lætitia in omnium cor-
 „de fidelium fuerit exorta, quod gens Anglorum, operante omni-
 „potentis Dei gratia, & tua Fraternitate laborante, expulsi er-
 „rorum tenebris, sanctæ fidei luce perfusa est... Cujus hoc opus
 „est, nisi ejus qui ait: *Pater meus usque modo operatur & ego*
 „*operor* (c)? ... qui in Anglorum gente fortia dignatus est per
 „infirmos operari.... Unde necesse est ut de eodem dono cælesti
 „gaudeas, & gaudento pertimescas. Gaudeas videlicet, quia An-
 „glorum animæ per exteriora miracula ad interioram gratiam per-
 „trahuntur: pertimescas vero, ne inter signa quæ fiunt, infirmus
 „animus in sui præsumptionem se eleve... Meminisse enim de-
 „bemus, quod discipuli cum gaudio a prædicatione redeuntes,
 „dum cælesti Magistro dicerent: *Domine in nomine tuo etiam dæ-*
 „*monia nobis subiecta sunt* (d), protinus audierunt: *Nolite gau-*
 „*dere super hoc, sed potius gaudete, quia nomina vestra scripta*
 „*sunt in cælo* (e). In privata enim & temporali lætitia mentem
 „posuerunt, qui de miraculis gaudebant. Sed de privata ad com-
 „munem, de temporali ad æternam lætitiā revocantur... Non
 „enim omnes electi miracula faciunt, sed tamen eorum omnium
 „nomina in cælo tenentur adscripta.... Restat itaque, Frater
 „carissime, ut inter ea quæ operante Deo exterius facis, semper
 „te interius subtiliter judices: ac subtiliter intelligas & temetip-
 „sum qui sis, & quanta sit in eadem gente gratia, pro cujus
 „conversione etiam faciendorum signorum dona percepisti. Et si
 „quando te Creatori nostro seu per linguam, sive per opera re-
 „minisceris deliquisse, semper hæc ad memoriam revoces, ut sur-
 „gentem cordis gloriam memoria reatus premat. Et quidquid de
 „faciendis signis acceperis, vel accepisti, hæc non tibi, sed illis
 „deputes donata, pro quorum salute tibi collata sunt.... Certe
 „Moy-

(a) *Epist.* 28.(b) *Luc.* 2. 14.(c) *Joan.* 5. 17.(d) *Luc.* 10. 17.(e) *Ibid.* v. 20.

S. GREG. M.

„ Moyses dum Dei populum ex Ægypto educeret, mira in
 „ Ægypto operatus est Quanta autem post hæc per triginta &
 „ octo annos in deserto miracula fecerit, quis enumerare, quis
 „ investigare valeat? . . . Sed cum jam ad promissionis terram ven-
 „ tum fuisset, vocatus in montem est; & quam culpam ante an-
 „ nos triginta & octo, ut dixi, fecerat, audivit quia de educa-
 „ da aqua dubitavit. Et propter hoc quia terram promissionis in-
 „ trare non posset, agnovit Igitur si & illum cognoscimus
 „ post signa pro culpa mortuum, quem ab omnipotente Deo no-
 „ vimus præcipue electum, quanto nos debemus metu contremisce-
 „ re, qui necdum adhuc novimus si electi sumus? De reproborum
 „ vero miraculis quid dicere debeo, cum noveris quid in E-
 „ vangelio veritas dicit: *Multi venient in illa die dicentes: In*
 „ *nomine tuo prophetavimus, & in nomine tuo demonia ejecimus,*
 „ *& in nomine tuo virtutes multas fecimus. Sed dicam illis quia*
 „ *nescio qui estis. Recedite a me omnes operarii iniquitatis (a)....*
 „ Hæc autem dico, quia auditoris mei animum in humilitate ster-
 „ nere cupio. Sed ipsa tua humilitas habeat fiduciam suam. Nam
 „ peccator ego spem certissimam teneo, quia per omnipotentis
 „ Creatoris ac Redemptoris nostri Dei & Domini Jesu Christi
 „ gratiam jam peccata tua dimissa sunt, & idcirco electus es, ut
 „ per te dimittantur aliena. Nec habebis luctum de quolibet rea-
 „ tu in posterum, qui de multorum conversione gaudium conaris
 „ facere in cælo“. Profecto hæc S. Gregorii monita luculentissi-
 „ ma sunt testimonia veritatis miraculorum in Anglia a S. Augusti-
 „ no & sociis patratorum, & quæ illius gentis ad fidem conversio-
 „ nem sunt operata. Scripsit propterea D. Gregorius (b) Berthæ
 „ Anglorum Reginæ, de qua audierat a Laurentio Presbytero &
 „ Petro Monacho, qui ex illo regno Romam venerant, quanta solat-
 „ ia, & quantam exhibuerit caritatem S. Augustino. Gratulatur ita-
 „ que 1. & se Deum omnipotentem benedicere dicit, qui conversio-
 „ nem gentis Anglorum suæ mercedi reservaverit. Ipsam Helenæ
 „ Constantini matri assimilat subdens: „ Nam sicut per recordandæ
 „ memoriæ Helenam matrem piissimi Constantini Imperatoris, ad
 „ Christianam fidem corda Romanorum accendit; ita & per gloriæ
 „ vestræ studium in Anglorum gente ejus misericordiam confidimus
 „ operari“. Porro hæc Bertha, seu ut alii eam appellant, Adil-
 „ berga Ethelberti Cantiorum Regis uxor, filia erat Chariberti Fran-
 „ corum Regis, quæ ea conditione illi nupserat, ut fidem suam ca-
 „ tholicam aperte & libere profiteri posset, ideo catholicum Episco-
 „ pum secum duxerat; & primo quidem non multum sollicitam se
 „ ostendit de Mariti conversione, at postmodum, utpote, ut scribit S.
 „ Gregorius, recta fide munita, & litteris docta strenuam ad hoc opus
 „ navavit operam. Quamobrem S. Gregorius illi animum adjiciens
 „ sic

(a) Matth. 7. 22.

(b) Epist. 29.

sic eam hortatur scribens : „ Mentem gloriosi conjugis vestri in di-
 „ lectione Christianæ fidei adhortatione assidua roborate, vestra illi S. GREG. M.
 „ sollicitudo augmentum in Deum amoris infundat, atque ita ani-
 „ mos ejus, etiam pro subiectæ sibi gentis plenissima conversione
 „ succendat, ut & magnum omnipotenti Domino de devotionis ve-
 „ stræ studio sacrificium offerat, & ea quæ de vobis narrata sunt,
 „ & crescant & vera esse modis omnibus approbentur . . . Unde
 „ sicut nobis de christianitaris vestræ solatiis lætitia facta est, ita
 „ quoque de perfecta operatione vestra Angelis fiat gaudium in
 „ cælis “.

Licet gravissimis pressus infirmitatibus D. Gregorius, aliis tamen
 ægotantibus auxilium & solamen asserre sollicitè procurabat. Cum
 itaque audisset a quodam cive Ravennate Marinianum ejusdem ci-
 vitaris Episcopum de vomitu sanguinis ægotare, sollicitè (ut scri-
 bit) & singillatim (a) eos quos Romæ doctos lectione medicos
 inquiri fecit, & quidquid senserint, quidve dictaverint scriptum
 transmisit. Cum vero quietem & silentium præ omnibus dictarent,
 quam in sua Ecclesia haberi posse valde dubitabat, illi sic pera-
 manter scribit : „ Ideo mihi videtur ut ordinaria illic Ecclesia,
 „ vel qui Missarum solemnia explere valeant, vel qui Episcopii
 „ curam gerere, hospitalitatemque & susceptiones possint exhibe-
 „ re, quive monasteriis custodiendis præesse, tua Fraternitas ad me
 „ ante æstivum tempus debeat venire, ut ægritudinis tuæ ego spe-
 „ cialiter, in quantum valeo, curam geram, quietem tuam custo-
 „ diam; quia huic ægritudini æstivum tempus Medici vehementer
 „ dicunt periculosum. Et valde pertimesco, ne si curas aliquas
 „ cum adversitate temporis habueris, amplius ex eadem molestia
 „ pericliteris. Ego etiam ipse valde sum debilis, & omnino est u-
 „ tile ut cum Dei gratia sanus ad tuam redeas Ecclesiam: aut
 „ certe si vocandus es, inter tuorum manus voceris . . . Si igitur
 „ tur . . . venire disponis, cum paucis tibi veniendum est: quia
 „ mecum in Episcopio manens, quotidiana obsequia de hac Eccle-
 „ sia habebis. Præterea nec hortor, nec admonéo, sed districte
 „ præcipio ut jejunare minime præsumas; quia dicunt medici huic
 „ molestiæ valde esse contrarium, nisi forte si grandis solemnitas
 „ exigit, quinque in anni vicibus concedo. A vigiliis quoque tem-
 „ perandum est, & preces quæ super cereum in Ravennati Civi-
 „ tate dici solent, vel expositiones Evangelii, quæ circa Pascha-
 „ lem solemnitatem a Sacerdotibus fiunt, per alium dicantur “.
 In alia autem epistola (b), iterum illi jejunium prohibet; sed si
 Deo miserante adeo melioratum se esse, ac virtutem suam sufficere
 posse cognoscat, semel aut bis in hebdomada jejunare posse per-
 mittit.

Cum audisset Theodisiam Patriciam Imperatoris sororem levi-
 tate

(a) Epist. 33.

(b) Epist. 40.

tate populi tumultu contra eam detractiōnis exorto, ideo tæ-
 dio non modico fuisse contristatam; ut eam consoletur, scribit
 (b) illi 1. „ Qui vitæ suæ in cælo testem habet, iudicia homi-
 „ num in terra pertimescere non debet.... Boni enim si sine ma-
 „ lis fuerint, perfecte esse non possunt, quia minime pur-
 „ gantur“. 2. Addit quod „ cum sint plurimi, qui vitam bono-
 „ rum fortasse amplius quam debent laudant; ideo & ne qua elat-
 „ tio de laude surripiat, permittit omnipotens Deus malos in ob-
 „ trectationem & oburgationem prorumpere: ut si qua culpa ab
 „ ore laudantium in corde nascitur, ab ore viruperantium suffocetur“. 3.
 „ Monet „ quia sedari hoc ipsum stultorum hominum murmur
 „ tranquilla ratione potest: peccatum credo si bonum quod valet
 „ fieri, negligitur ut fiat. Nam cum placare insanas mentes, at-
 „ que ad salutem reducere possumus, scandalizare eos minime de-
 „ bemus“. 4. Hoc illi præbet consilium: „ Priores eorum (ob-
 „ murmurantium) sponte vobis secreto vocandi sunt, atque ipsis
 „ ratio reddenda; & perversa quædam capitula quæ teneri existi-
 „ mant, coram ipsis anathematizanda. Quod si etiam, sicut dici-
 „ tur, dari anathema fiste suspicantur, etiam iurejurando firman-
 „ dum est vos nunquam eadem capitula tenere, nunquam tenuisse.
 „ Nec vobis indignum videatur tali eis modo satisfacere, nec
 „ de imperiali genere sit contra eos aliquid in vestra mente fasti-
 „ dium. Omnes enim fratres sumus, unius Imperatoris potestate
 „ conditi, & sanguine redempti. Et ideo fratres nostros quantum-
 „ libet pauperes & abjectos, in nullo despiciere debemus. Certe
 „ enim Petrus potestatem regni cælestis acceperat, ut quæque in
 „ terra ligaret vel solveret, essent in cælo ligata vel soluta....
 „ Et quia ex admonitione Spiritus ad Cornelium gentilem fuerat
 „ ingressus, contra eum quæstio a fidelibus facta est cur ad genti-
 „ les intrasset... non ex potestate, sed ex ratione respondit, cau-
 „ sam per ordinem exposuit.... quanto magis nos peccatores cum
 „ de re aliqua reprehendimur, reprehensores nostros ratione humili
 „ placare debemus? Ad me cum apud vestigia Dominorum in re-
 „ gia urbe demorarer, multi ex eis venire consueverant, qui de
 „ prædictis capitulis accusabantur. Sed teste conscientia fateor,
 „ nunquam in eis aliquid erroris, aliquid pravitatis, aliquid de
 „ his quæ contra eos dicebantur, inveni. Unde & eos opinione
 „ contempta familiariter suscipere, & magis ab insequentibus de-
 „ fendere curabam.... Quia vero sunt multi fidelium qui imperio
 „ zelo succenduntur, & sæpe dum quosdam quasi hæreticos in-
 „ sequuntur, hæreses faciunt, eorum infirmitati consulendum est;
 „ & sicut prædixi, ratione & mansuetudine sunt placandi. Illis
 „ quippe sunt similes de quibus scriptum est: *Testimonium illis*
 „ *perhibeo, quod emulationem Dei habent, sed non secundum scien-*
 „ *tiam*

„tiam (a) “. 5. Oſtendit, religionis cauſa conjugia non debere
 diſſolvi: „quia eſſi hoc lex humana conceſſit, divina lex prohi-
 „buit. Per ſe enim Veritas dicit: *Que Deus conjunxit, homo*
non ſeparet (b) “. Illos quoque non audiendos monet, qui di-
 cebant „in baptiſmo peccata ſuperficie tenus dimitti. Nam, in-
 „quit, quid eſt hac prædicatione infidelius, in qua ipſum fidei ſa-
 „cramentum ſeſtinat ſolvere? In quo principaliter ad caeleſtis mun-
 „ditæ myſterium anima ligatur, ut abſoluta radicibus a peccatis
 „omnibus, ſoli Deo inhæreat “. Similiter & illos docentes de
 peccatis „quolibet triennio agendam pœnitentiam, & poſt trien-
 „nium in voluptatibus vivendum; nam anima quæ hoc ite-
 „rum facit quod plangit, nec per lamenta pœnitentiæ ad rectitu-
 „dinem juſtitie exurgit. Pœnitentiam enim vere agere, eſt com-
 „miſſa plangere, ſed iterum plangenda declinare “.

Plures abuſus corrigit in ſequentibus epiſtolis apoſtolico zelo D.
 Gregorius. Et primo quidem ad Hadrianum Notarium ſcribens (c)
 mandat, ut uxori maritus qui ea nolente monachus & conſuratus
 fuerat, ſine cunctatione reddatur: „quia eſſi mundana lex præci-
 „pit, converſionis gratia, utrolibet invito, poſſe ſolvi conjugium:
 „divina hoc tamen lex fieri non permittit “. Loquitur S. Grego-
 rius de matrimonio jam conſummato, vel longe ante rato. Nam
 in præſenti Eccleſiæ diſciplina matrimonium ratum ſolvitur reli-
 gionis ingreſſu, dato ad hoc deliberandum biſeſtri. Deſiderium
 Galliæ Epiſcopum reprehendit (d), quod artem grammaticam do-
 ceret, „quia, inquit, in uno ſe ore cum Jovis laudibus Chriſti
 „laudes non capiunt & grave nefandumque eſt Epiſcopis ca-
 „nere, quod nec laico religioſo conveniat “. Verum cum & ipſe
 S. Gregorius lib. 5. Comment. in 1. Regum cap. 3. n. 30. gram-
 maticæ ſtudium, aliarumque artium, ut vocant, liberalium non le-
 viter laudat, quia in intelligentia ſacræ Scripturæ non parum pro-
 deſſe poſſunt, credendum eſt non rem ipſam, ſed modum ejus in E-
 piſcopo reprehendere. Plures ſequentur epiſtolæ ad Epiſcopos Gal-
 liæ (e) Virgilio Arelatenſi, Ætherio Lugdunenſi, Arigio Vapin-
 cenſi, & Theodorico, Theodeberto, Clotario, & Brunichildæ
 Francorum Regibus & Reginæ, eos ſolicitans & urgens ad Syno-
 dum congregandam, in qua ſimoniaca pravitas eradicetur, dolet ſe
 geſta & ſcripta S. Irenæi licet ſolicite quæſita, a ſe tamen reperi-
 ri minime potuiſſe. Iiſdem Epiſcopis commendat nonnullos mona-
 chos quos tunc Melito Abbas in Angliam ad S. Auguſtinum mit-
 tit, qui ob Chriſtianorum frequentiam novos & plures eſſlagirabat
 Miſſionarios, qui populum inſtruerent, illique præſent. Non ad
 omnes quidem laudatos Epiſcopos divertere debeant monachi, ſed
 cum plurimum crederent apud Reges & Reginam Galliæ, pluri-
 mum

(a) Rom. 10. 2. (b) Matth. 19. 6.

(c) Epiſt. 50. (d) Epiſt. 54.

(e) Epiſt. 55. 56. 57. 58. 60. 61. 63.

S. GREG. M. mum etiam ad eorum securitatem & celerem expeditionem poterant prodesse: proinde mirum non est si & illis Missionarios enixe commendat.

S. Augustinus Anglorum Apostolus, & primus Archiepiscopus, ut recenter erectam Ecclesiam sanctissime regeret, plura proposuit per epistolam (a) D. Gregorio quæsitæ, ad quorum singula respondet S. Pontifex. Primo itaque postulat, „ quomodo Episcopus „ debeat cum suis Clericis conversari, & fidelium oblationes distribuere “. Respondit: „ Non debere seorsim a suis Clericis „ vivere, sed esse debere illi omnia communia. De omni vero „ stipendio, quatuor fieri debere portiones. Una Episcopo & familiæ ejus . . . alia Clero, tertia vero pauperibus, quarta Ecclesiis reparandis “. 2. Num Clerici possint matrimonium contrahere? Et respondet, Clericis extra sacros Ordines constitutis „ fortiri uxores posse, & stipendia sua exterius accipere . . . & „ sub Ecclesiastica regula esse tenendos, ut bonis moribus vivant, „ & canendis Psalmis invigilent, & ab omnibus illicitis cor, & „ linguam, & corpus Deo auctore conservent. 3. Cur cum una „ sit fides, tamen sint tam diversæ Ecclesiarum consuetudines? Respondet, sibi placere ut sive in Romana, sive in Gallicana, „ sive in qualibet alia Ecclesia aliquid invenerit, quod plus omni „ potenti Deo possit placere, solcite eligat, & in Anglorum Ecclesia, quæ adhuc in fide nova est, institutione præcipua quæ „ de multis Ecclesiis colligere potuit, infundat. 4. Quomodo puniendi fures rerum Ecclesiasticarum? Respondet, puniendos pro „ modo culpæ vel ex malitia, vel ex inopia commissæ. Unde necesse est, ut quidam damnis, quidam verberibus, & quidam „ districtius, & quidam levius corrigantur . . . Sed absit quod Ecclesia cum augmento recipiat quod de rebus terrenis videtur amittere, & lucra de damnis quærat. 5. Num liceat duobus fratribus duas sorores accipere? Et respondet hoc fieri modis omnibus licere. 6. Usque ad quam generationem fideles possint cum propinquis suis copulari: num & novercis, & cognatis id liceat? Respondet: Ut jam tertia, vel quarta generatio fidelium licenter jungi possint. Cum noverca misceri grave est „ facinus. Cum cognato (idest mariti fratre) misceri prohibitum est, quæ per conjunctionem priorem caro fratris facta est. 7. Num turpiter conjunctis, idest in gradibus vetitis sit indicenda „ separatio, & neganda communio? Respondet: nefando (idest „ illicito) conjugio admixtos, ad fidem venientes admonendos, ut „ ut se abstineant, & grave hoc esse peccatum cognoscant. Non „ tamen pro hac re corporis ac sanguinis Domini communionem „ privandos, ne in eis illa ulcisci videamur, in quibus se per ignorantiam ante lavacrum baptismatis atrinxerunt. In hoc enim „ tempore sancta Ecclesia quædam per fervorem corrigit, quædam „ per

„ per fervorem corrigit, quædam per mansuetudinem tolerat, ut sæpe
 „ malum quod adverlatur, portando, & diflimulando compelcat. O- S. GREG. M.
 „ mines autem qui ad fidem veniunt... fi hoc perpetraverint, corpo-
 „ ris & fanguinis Domini communione privandi funt. 8. Quærit, num
 „ ex neceffitate liceat Epifcopum ab uno confecrari fine aliorum Epi-
 „ fcoporum præfentia? Refpondet: In Anglorum Ecclefia, in qua
 „ adhuc folus tu Epifcopus inveniris, ordinare Epifcopum non ali-
 „ ter nifi fine Epifcopis potes. Nam quando de Galliis Epifcopi
 „ venient, illi in ordinationem Epifcopi teftes tibi affiftent. Sed
 „ Fraternitatem tuam ita volumus in Anglia Epifcopos ordinare,
 „ ut ipfi tibi Epifcopi longo intervallo minime difjungantur: qua-
 „ tenus nulla fit neceffitas, ut in ordinatione alicujus Epifcopi
 „ convenire non poffint... Cum igitur ita fuerint Epifcopi etiam
 „ in propinquis tibi locis ordinati, per omnia Epifcoporum
 „ ordinatio fine aggregatis tribus vel quatuor Epifcopis fieri non
 „ debet. 9. Quærit, qualiter debeat cum Galliarum, & Britan-
 „ norum Epifcopis agere. Refpondet: In Galliarum Epifcopos
 „ nullam tibi auctoritatem tribuimus: quia ab antiquis prædecef-
 „ ſorum meorum temporibus pallium Arelatenfis Epifcopus acce-
 „ pit, quem nos privare auctoritate percepta minime debemus. Si
 „ igitur contingat, ut fraternitas tua ad Galliarum provincias tranf-
 „ eat, cum eodem Epifcopo Arelatenfi debet agere, qualiter fi
 „ qua funt in Epifcopis vitia corrigantur... Cui etiam epifto-
 „ las fecimus, ut cum tuæ fanctitatis præfentia in Galliis fuerit,
 „ ei ipfe tota mente fubveniat... Ipfe autem auctoritate pro-
 „ pria Epifcopos Galliæ judicare non poteris: fed fuadendo, blan-
 „ diendo, bona quoque tua opera eorum imitationi monitrandi,
 „ pravorum mentes ad fanctitatis ftudia reformando, quia fcriptum
 „ eft in lege: *Per alienam meffem tranfiens falcem mittere non*
 „ *debet; fed manu fpicas conterere, & manducare (a)*...
 „ Britannorum vero omnium Epifcoporum curam tuæ Fraternitati
 „ committimus, ut indocti doceantur, infirmi perfuafione roboren-
 „ tur, perversi auctoritate corrigantur“. Hi vero erant Epi-
 „ fcopi Britannorum qui antiquitus infulam incolebant, fed igno-
 „ rantia & morum perversitate non minus quam fide corrupti. Ro-
 „ gat etiam Auguftinus S. Pontificem, ut illi reliquias S. Sixti mar-
 „ tyris tranfmittat. Cui petitioni benigne annuit, „ quatenus populus
 „ qui in loco quodam S. Sixti martyris corpus dixerunt venerari,
 „ quod... nec verum nec veraciter fanctum videtur, certa fan-
 „ ctiffimi & probatiffimi martyris beneficia fufcipiens, colere in-
 „ certa non debeat“. Addit: „ Si corpus quod a populo cu-
 „ jufdam martyris eſſe creditur, nullis illic miraculis coruſcat, ne-
 „ que aliqui de antiquioribus exiſtunt, qui ſe a parentibus paſſio-
 „ nis ejus ordinem auſiſſe fatentur... reliquæ vere ſeorum con-
 „ dende ſunt, ut locus in quo præfatum corpus jacet, modis o-
 „ Tricalet. Tom. VII. Q „ mni-

(a) *Deut.* 23. 25.

S. GREG. M.

mnibus obstruatur, ne permittatur populus certum deferere, & incertum venerari.

In decima petitione plura agglomerat quæsitæ, scilicet: „Si prægnans mulier debeat baptizari, aut postquam genuerit, post quantum tempus possit Ecclesiam intrare. . . Mater filium post quot dies liceat baptizare. Post quantum temporis post partum vir possit uxori copulari. An cum menstrua consuetudine tenetur mulier, et liceat Ecclesiam introire & sacre communionis sacramentum recipere. An vir suæ conjugi permixtus possit Ecclesiam intrare, & ad communionem accedere antequam lavetur aqua.“ Respondet: „Mulierem prægnantem posse baptizari, cum non sit culpa fecunditas carnis. Mulierem, si eadem hora qua genuerit, actura gratias intret in Ecclesiam, nullo peccati pondere gravari. Baptizari vel enixam mulierem, vel hoc quod genuerit sine mora, si mortis periculo urgetur. . . nullo modo prohibetur. Ad uxoris concubitum vir accedere non debet, quousque qui gignitur ablaçetur. . . Mulieres vero quæ filios suos ex prava consuetudine aliis ad nutriendum tradunt, nisi purgationis tempus transierit, viris suis non debent admisceri. . . Sicut cum consuetis menstruis detinentur, viris suis misceri prohibeantur, ita ut morte lex sacra feriat, si quis vir ad menstruam mulierem accedat. . . non tamen illi Ecclesiam intrare prohibetur, quia ei naturæ superfluitas in culpam non valet imputari. . . Sanctæ quoque communionis mysterium in eisdem diebus percipere, non debet prohiberi. Si autem ex veneratione magna percipere non præsumit, laudanda est; sed si perceptorit, non iudicanda. Dormiens cum propria uxore, nisi lotus aqua intrare Ecclesiam non debet, sed neque lotus intrare statim debet. . . Sed de hac re diversæ hominum nationes diversa sentiunt, atque alii alia custodire videntur. Romanorum tamen semper ab antiquioribus usus fuit, post admixtionem propriæ conjugis, & lavacri purificationem quærere, & ab ingressu Ecclesiæ paululum reverenter abstinere. . . Qui ergo suæ conjugæ non cupidine voluptatis captus, sed solummodo liberorum creandorum gratia utitur, ille profecto de ingressu Ecclesiæ, seu de sumendo corporis Domini sanguinisque mysterio, suo est relinquendus iudicio.“ Undecimo interrogat: „Nun post illusionem nocturnam liceat vel corpus Domini accipere; vel Sacerdoti sacra mysteria celebrare?“ Respondet: „Si illusio est: naturæ superfluitate vel infirmitate evenit, non est timenda. . . Si vero ex gula, & crapula, habet exinde animus aliquem reatum: non tamen usque ad prohibitionem percipiendi sacri mysterii, vel Missarum solemniam celebrandi, cum. . . aut dies festus exigit, aut alius Sacerdos desit. . . nam si adsunt alii. . . illusio per crapulam facta a perceptione sacri mysterii prohiberi non debet, sed ab immolatione sacri mysterii abstineri. . . humiliter debet. . . Si vero ex turpi cogitatione vigilantis oritur illusio in mente dormientis, patet animo suus reatus.“ In sequenti

quenti vero epistola (a) ad eundem Augustinum scribit se illi ^{S. GREG. M.} pallii usum concedere, & mandat ut per loca singula duodecim Episcopos ordinet, qui ejus ditioni subiaceant. Londinensis vero Episcopus a Synodo ordinatus, pallium ab Apostolica Sede petitur accipiat. Eboracensis Metropolitanus honore fruatur. Ipsum vero Augustinum totius Angliæ Prælatum constituit.

Interrogatus a Quirico Episcopo, & cæteris Episcopis in Hibernia, quæ Asiæ regio est Armeniæ majori contermina, & Georgia dicitur, num a Nestoriana hæresi ad Ecclesiam catholicam reverentes sint baptizandi, an sola manuum impositione purgandi, respondet (b): „ Ab antiqua Patrum institutione didicimus, ut „ quilibet apud hæresim in Trinitatis nomine baptizantur, cum ad „ sanctam Ecclesiam redeunt, aut unctione chrismatis, aut impositione manuum, aut sola professione fidei ad sinum matris Ecclesie revocentur. Unde Arianos per impositionem manuum Occidens, per unctionem vero sancti chrismatis ad ingressum sanctæ Ecclesie catholicæ Oriens reformat. Monophysitas (qui sunt „ Eutychiani, qui non nisi unam agnoscebant in Christo naturam) „ & alios ex sola vera confessione recipit Hi vero qui in „ Trinitatis nomine minime baptizantur, sicut sunt Bonosiaci, & „ Cataphrygæ: quia & illi Christum Dominum non credunt, & „ isti sanctum Spiritum perverso sensu esse quendam pravum hominem Montanum credunt . . . cum ad sanctam Ecclesiam veniunt, baptizantur: quia baptismus non fuit, quod in errore positi in sanctæ Trinitatis nomine minime perceperunt. Nec potest hoc ipsum iteratum dici baptismus, quod, sicut dictum est, in „ Trinitatis nomine non erat datum. Nestoriani vero quia in sanctæ Trinitatis nomine baptizantur, sed eos Judaicæ perfidiæ similes, Incarnationem unigeniti non credentes . . . ad sanctam Ecclesiam catholicam venientes, de veræ fidei firmitate & confessione docendi sunt, ut unum, eundemque Dei & hominis filium, Deum Dominum nostrum Jesum Christum credant, ipsum existentem in divinitate ante sæcula, & ipsum factum hominem „ in fine sæculorum . . . & Nestorium cum omnibus sequacibus „ suis, & reliquis hæreses anathematizantes, venerandas Synodos „ quas universalis Ecclesia recipit, se recipere & venerari promittant; & absque ulla dubitatione servatis eis propriis Ordinibus „ in catholico cœtu recipiat “.

Missum superius vidimus in Angliam ad illius gentis conversionem, & in auxilium Augustini a S. Gregorio Mellitum Abbatem cum aliquot monachis; verum cum de illorum itinere & appulsu in Angliam nihil certo audivisset, illi scribit, animi sui sollicitudinem exponens; & nonnulla suggerit Augustino suo nomine dicenda (c), nimirum, „ ne fana idolorum destruat, sed solum quæ „ in

Q 2

(a) Epist. 65.

(b) Epist. 67. (c) Epist. 76.

S. GREG. M.

in ipsis sunt idola destruantur. Aqua benedicta fiat, in eisdem fanis aspergatur, altaria construuntur, reliquæ ponantur: quia si sana eadem bene constructa sunt, necesse est ut a cultu dæmonum in obsequium veri Dei debeant commutari: ut dum gens ipsa eadem sana non videt destrui, de corde errorem deponat, & Deum verum cognoscens ac adorans, ad loca quæ consuevit, familiaris concurret. Superstitiosos etiam ritus immutandos monet, non omnimode abrogandos subdens: „Quia boves solent in sacrificio dæmonum multos occidere; debet his etiam hæc de re aliqua solemnitas immutari; ut in die dedicationis vel natalitiis sanctorum Martyrum . . . tabernacula sibi circa eandem Ecclesias . . . de ramis arborum faciant, & religiosi convivii solemnitatem celebrent. Nec diabolo jam animalia immolent, sed ad laudem Dei in esum suum animalia occidant, & donatori omnium satietatem sua gratia referant: ut dum eis aliqua exterius gaudia reservantur, ad interiora gaudia consentire facilius valeant . . . quia is qui locum summum ascendere nititur, necesse est ut gradibus vel passibus, non autem saltibus elevetur. Sic Israelitico populo in Ægypto Dominus se quidem innouit: sed tamen eis sacrificiorum ulus, quos diabolo solebant exhibere, in cultu proprio reservavit, ut eis in sacrificio suo animalia immolare præciperet“. Data legitur in fine hæc epistola 15. Kal. Juliarum, imperante Mauritio Tiberio Augusto, anno 19. post consulatum ejusdem an. 18. Indictione 4. idest 600.

Liber duodecimus.

Paternæ suæ viscera caritatis pandit S. Gregorius in epistolis hujusce duodecimi libri, dum ad Dominicum Carthaginensem Episcopum de ejus recuperata sanitate post periculosa & gravissimam infirmitatem gratulatur (a) & gessit, monens simul ut consideret, quia quando de periculo mortis eripimur, ad quid reservemur, incertum est: induciarum tempus ad utilitatem animæ convertamus . . . Nam & in causis secularibus ad hoc frequenter benignus concedit iudex inducias, ut qui ante paratus non fuerat, postmodum paratus ad judicium veniat. Anthemio Subdiacono scribit (b), ut Mattheo clarissimo scholastico in sui sublationem duodecim solidos largiatur. Mariniano quoque Ravennati Episcopo, & Theodoro Curatori Maurentii homines commendat (c), ut illis militare stipendium solvi sollicitent. Anthemio Subdiacono scribit (d), ut Adeodato seni & pauperi relaxet ex annuis solidis duobus unum. Præcipit (e) Fantino Defensori, ut urgeat hæredes Isidori illustris memorie viri, ut Xenodochium, quod auctor eorum per ultimæ suæ voluntatis arbitrium fieri constituit, implere festinent. Quod si deputata pro ædificando Xenodochio non sufficiant, alteri Xenodochio S. Theodori applicetur. Passi-

(a) *Epist.* 1. (b) *Epist.* 2.
(c) *Epist.* 5. 6. (d) *Epist.* 9.
(e) *Epist.* 10.

Passivo Episcopo Firmano scribit (a), ut Oratorium ab Anione Comite in quodam castro suæ diocesis in honorem beati Petri Apostolorum Principis constructum solemniter consecret, & Presbyterum Cardinalem constituat, qui Missas celebret, quoties præfatus conditor voluerit, vel concursus fidelium exegerit. Monet tamen, ne ullum corpus sit ibi sepultum, & necessaria suppeditentur ad divinum cultum in Oratorio conservandum. Sed cum misericordia iustitiam quoque conjungebat Gregorius: quomobrem Columbo Numidiæ Episcopo mandat (b), ut Paulinum Tegessis civitatis Episcopum in Clericos suos sævientem coerceat, & etiam si opus sit, canonica ultione puniat, præsertim si comperiat ipsum sacros ordines per simoniacam hæresim dedisse. Similiter omnibus Episcopis Byzacenæ Provinciæ in Africa scribens (c), jubet ut Clementii Primatis crimina, de quibus fuerat accusatus, expendant, ut si vera sunt, canonica ultione resercentur; aut si falsa, ejus innocentia diu sub nefandæ opinionis dilaceratione non jaceat. Desiderium Viennensem Episcopum rogat (d), ut Pancratium suæ quidem Ecclesiæ Diaconum, sed qui divina inspiratione compunctus, gratiam monasticæ conversationis appetierat, & monasterii etiam Diaconus electus fuerat, a tam sancto proposito minime impediatur.

Decimo tertio Pontificatus S. Gregorii, & Christi 602. Indictione sexta, datæ sunt hujus Libri epistolæ. In prima epistola data Romanis civibus suis eos instruit (e) & monet, ne assentiantur nonnullis perversi spiritus hominibus, qui in Sabbato aliquid operari prohibebant, & diem illum æque ac Dominicum custodiendum dicebant. Hos Antichristi prædicatores vocat, & docet, postquam gratiam omnipotentis Dei & Domini nostri Jesu Christi apparuit, præcepta Legis quæ per figuram dicta sunt, juxta literam servari non posse. Nam, subdit, si quis dicit hoc de Sabbato esse servandum, dicat necesse est etiam carnalia sacrificia persolvere: da: dicat præceptum quoque de circumcisione corporis adhuc usque retinendum... Immo idem Dominus & Redemptor noster multa in die Sabbati legitur operatus, itaut Judæos reprehenderet, dicens: *Quis vestrum bovem aut asinum non solvit in die Sabbati, & ducit adquare* (f)? Si ergo ipsa per se Veritas non custodiri juxta literam Sabbatum præcepit, quisquis otium Sabbati secundum Legis literam custodit, cui alteri nisi ipsi Veritati contradicit? Lavacrum quoque corporis quod pariter prohibebatur, dicit, quod si pro luxu animi atque voluptate, quis lavari appetit, hoc fieri nec reliquo quolibet die concedi. Si autem pro necessitate corporis, non esse nec die Dominico prohibendum... Nam (scribit) si Dominico die corpus la-

Liber tertius
Decimus.

Q 3

,, vare

(a) *Epist.* 11. (b) *Epist.* 28.
(c) *Epist.* 32. (d) *Epist.* 33.
(e) *Epist.* 1. (f) *Luc.* 14. 5.

S. GREG. M.

„vare peccatum est, lavari ergo die eodem nec facies debet. Si
 „autem hoc in corporis parte conceditur, cur hoc exigente neces-
 „sitate toti corpori negatur? Dominico vero die a labore terrene
 „cessandum est, atque omni modo orationibus insistendum: ut si
 „quid negligentiae per sex dies agitur, per diem resurrectionis Do-
 „minicæ precibus expietur“.

Brunichildæ Francorum Reginae, quæ construxerat monasteria an-
 cillarum Dei in suburbano Augustodunensi, & Xenodochium in ea-
 dem urbe, scribens (a) plura impartitur privilegia pro quiete &
 munitione illic degentium. Porro privilegia Xenodochio concessa
 leguntur in epistola (b) data Senatori Presbytero & Abbati ejus-
 dem Xenodochii, & privilegia monasterio monialium concessa le-
 guntur in epistola (c) ad Thalassiam Abbatissam. In quibus clau-
 sula illa notanda est, qua dicit: „Si quis vero Regum, Sacer-
 „dotum, Judicum, atque secularium personarum, hanc constitu-
 „tionis nostræ paginam agnoscens, contra eam venire tentaverit,
 „potestatis, honorisque sui dignitate careat, reumque se iudicio
 „divino existens, de perpetrata iniquitate cognoscat. Et nisi vel
 „ea, quæ ab illo male ablata sunt, restituerit, vel digna poeni-
 „tentia illicitæ acta desseverit, a sacratissimo corpore ac sanguine
 „Dei & Domini nostri Redemptoris Jesu Christi alienus fiat, at-
 „que in æterno examine districtæ ultionis subiaceat“. Ob quam
 clausulam severiores quidam critici has epistolas vel spurias,
 vel interpolatas arbitrati sunt. At immerito, cum in omni-
 bus MSS. Codicibus legantur. Melius itaque verba illa inter-
 pretatur Mabillonius (d), scilicet eam non fuisse mentem Grego-
 ri, ut deturbandi Reges potestas resideret penes Pontifices Ro-
 manos, sed formulam illam comminatoriam esse, non decretoriam,
 eodem modo intelligendam, quo aliæ complures, nempe ut Char-
 tarum violatores interirent morte Antiochi consumpti a vermi-
 bus. Mauritio Imperatore a Phoca immaniter interempto, ipse
 Phoca Imperium arripuit, cum prius nonnisi Centurio, & ex
 Centurione postea Exarchus fuisset. Imperiale diadema assumpsit
 decimo Kal. Decembris anno 602. indictione sexta. Ejus & Leontie
 Augustæ uxoris ejus imagines de more ad Urbem delatæ sunt 7.
 Kal. Maji anno 603. Eas Senatus & Clerus consuetis recepit ac-
 clamationibus, & jussu S. Gregorii in Oratorio S. Casarii in
 Palatio appensæ fuerunt. Huic itaque Augusto pro sua exalta-
 tione gratulatoriam hanc dedit epistolam (e) dicens: „Ali-
 „quando cum misericors Deus multorum corda sua decrevit con-
 „solatione refovere, unum ad regiminis culmen provehit, & per
 „eius misericordiæ viscera in cunctorum mentibus exultationis suæ
 „gratiam infundit, De qua exultationis abundantia roborari
 „nos

(a) *Epist.* 6. (b) *Epist.* 8.
 (c) *Epist.* 9. (d) *De Re dipl. lib.* 2. p. 106.
 (e) *Epist.* 31.

„ nos citius credimus, qui benignitatem vestræ pietatis ad imperiale fastigium pervenisse gaudemus. *Latentur cali, & exultet terra (a)*, & de vestris benignis actibus universus Reipublicæ populus nuncusque vehementer afflictus hilarescat “. Illum deinde hortatur, ut comprimat superborum mentes, & relevet contritos & depressos animos. „ Cessent (subdit) testamentorum infidiæ, donationum gratiæ violenter exactæ. Redeat cunctis in rebus propriis secunda possessio, ut sine timore habere se gaudeant, quæ non sunt eis fraudibus acquisita. Reformetur jam singulis sub iugo imperii pii libertas sua. Hoc namque inter Reges gentium & Reipublicæ Imperatores distat, quod Reges Gentium Domini servorum sunt; Imperatores vero Reipublicæ, domini liberorum “. Ex qua epistola pater, D. Gregorio Mauricii regnum non omnino placuisse; & quidem non injuria: nam in multis S. Pontifici adversarius fuit Mauritius, nempe in controversia cum Joanne Constantinopolitano Œcumenici titulum sibi usurpante, in Maximi Salonitani ordinatione, in pace cum Longobardis ineunda; & præsertim quia Exarchos misit, qui impotentia sua & avaritia plura quam ipsi hostes damna Italiæ attulere. Quod etiam apparet ex alia epistola ad eundem Augustum data, qui conquestus fuerat se Constantinopoli Pontificium Apocrisarium non reperisse, cui sic (b) respondet: „ Quod permanere in palatio, juxta antiquam consuetudinem apostolicæ Sedis Diaconum vestra Serenitas non invenit, non hoc meæ negligentia, sed gravissimæ necessitatis fuit; quia dum ministri omnes hujus nostræ Ecclesiæ tam contrita asperaque tempora cum formidine declinarent, atque refugerent, nulli eorum poterat imponi, ut ad urbem regiam in palatio mansurus accederet. Sed postquam vestram Clementiam, omnipotentis Dei gratia disponente, ad culmen imperii pervenisse cognoverunt, ipsi quoque suadente lætitia ad vestra vestigia venire festinant, qui prius illuc accedere valde timuerant “. Addit propterea, se mittere Bonifacium Diaconum, „ quem sibi longa assiduitate compertum, vita, fide, ac moribus approbatum, aptum ad hoc munus judicavit . . . cui (subdit) rogo ut Serenitas vestra pias aures inclinare dignetur “. Hinc quasi occasionem nactus, illum hortatur, ut auxilium Italiæ præbeat adversus Longobardorum incursiones (1). Ad

Q 4

Leon-

(a) *Psal.* 95. 11. (b) *Epist.* 38.

(1) Non desunt audaces Critici, qui S. Gregorium arguunt; quippe qui de Mauritio iniquius, de Phoca adulatorie scripserit: sed immerito, quippe qui, ut diximus, Mauritium sibi in pluribus adversarium habebat: tum quia Phoca in ipsis sui Imperii primordiis clementiam in subditos & liberalitatem ostentabat, sicque quidem, & fraudulenter. At quantum postea futurus esset & impudicitiis obscœnus, & immanitate crudelis, divinare non poterat. Legatur historia Eccles. Eminent. Orsi italice scripta Tom. 21. lib. 46. n. 24.

Leontiam quoque Augustam epistolam dedit (a), qua de adepto gratulatur Imperio, illi spiritum veræ pietatis, clementiæ & religionis precatur, scribens: „Det nobis in vestra pietate Pulcheriæ Augustæ clementiam, quæ pro zelo catholicæ fidei in sancta Synodo Helena nova vocata est“. Exorat deinde, „ut Ecclesiam beati Petri, quæ nunciusque gravibus infidiis laboravit, habere velit specialiter commendatam“. Cyriaco quoque Constantinopolitano Patriarchæ scribit, & quidem illi Bonifacium Diaconum ad Imperatorem missum commendat, sed præcipue hortatur, ut „pacis studio prophanam elationem, quæ animabus semper adversa est, cordis pede calcantes, perversi superbiq; vocabuli scandalum (in titulo scilicet usurpando Patriarchæ Eumenici) auferre de medio satinet: ne a pacis societate divisus possit inveniri“.

Bini Hispaniarum Episcopi, Januarius scilicet Episcopus Malacitanus, & alius Stephanus ignotæ Ecclesiæ Episcopus ad S. Gregorium confugerant conqueſti, injuste & violenter se fuisse a suis Ecclesiis pulſos. Eapropter ad rectam causæ cognitionem Joannem defensorem delegat, qui iudiciū instituatur, & quomodo iudis care debeat, instruit scribens (b): „Si nulla contra Januarium Episcopum criminalis causa, quæ exilio, vel depositione digna est, mora sive probata est, is qui eo superſtite Episcopus perversè ac contra canones in Ecclesia ejus ordinari præsumpsit, Sacerdotio privatus, ab omni Ecclesiastico ministerio repellatur. Qui etiam eidem . . . Januario . . . tradendus est ut ab ipſo in custodia habetur, aut certe ab eo ad nos per omnia transmittatur. Episcopi vero qui eum ordinaverunt, vel ordinationi ejus consentientes interfuerunt, in sex mensibus Dominici corporis & sanguinis communioni privati, agere pœnitentiam decernantur in monasterio“. Præterea illi quoddam Capitulare Legum Imperialium tradit pro immunitate Clericorum, ex quibus valeat dignoscere, quomodo in supradictis Episcoporum causis sit procedendum. Leges præcipuæ hæc recensentur. 1. Clericos a proprio Episcopo judicandos (c). Injuriam in Episcopum illi in propria Ecclesia irrogatam crimen esse capitale & publicum, & tamquam læsæ Majestatis habendum (d). 2. Nullum Episcopum invitum trahi posse ad iudicem laicum, nec esse ab Episcopis alieni Concilii judicandum (e). Sed quia opponi poterat, præfatum Episcopum Stephanum non habere nec Patriarcham, nec Metropolitanum, per quos sit judicandus, responderet S. Gregorius a Sede apostolica, quæ omnium Ecclesiarum caput est, ejus causam fuisse audiendam,

(a) *Epist.* 39. (b) *Epist.* 45.

(c) *Ex Instit. Novel.* 123.

(d) *Cap. de Episc. & Cler. lit. Si quis. Et Cod. Theod. lib. 16. tit. 2. cap. 41.*

(e) *Ibidem.*

dam, & dirimendam, sicut ipse petierat. 3. Non esse audiendos ser-
vos aduersus Dominum suum deponentes, proinde non debuisse au-
diri in causa Stephani testes vilissimos contra eum deponentes (a).
Denique exemplum exhibet sententiæ ferendæ in favorem Joannis
Malacitani, proculdubio si innocens compertus fuerit iuxta modum
& ordinem in alia epistola constitutum.

Complectitur hic postremus liber epistolas anni 603. & 604. in-
cipientis, qui fuit postremus Pontificatus S. Gregorii. In episto-
la (b) ad Vitalem Defensorem Sardinie illum monet ad plura
corrigen-
da in Januario Episcopo; & primo quidem quod Sardinie
Xenodochia sint ab ipso & ob simplicitatem & infirmitatem ne-
glecta, jubet propterea ut Oeconomum constituat, qui eadem Xe-
nodochia in periculum suum sollicitè ac utiliter studeat ordinare.
2. Ne ex sola sua Ecclesia Clericosumat qui ad Episcopatum e-
legantur, sed sic convenit cum alias ordinare, ut Ecclesiæ suæ de
personis quæ in ea possint proficere, necessitatem non faciat. 3.
Ne in Abbates elegantur qui cum adhuc in monachico & minori
ordine constituti essent, lapsi sunt, & qui susceperunt officium de
vita & moribus ac sollicitudine eorum magna cura gerenda sit. 4.
Ipsam hortatur, ut quoties aliquam molestiam senserit, non proce-
dat in sacrificium offerendum in publico, ne ex hoc se despicien-
dam præbeat, & infirmorum animis scandalum faciat. Siquidem
laudatus Episcopus talem aliquando patiebatur angustiam, ut vix
post longa intervalia ad locum Canonis redire valeret quem reli-
querat, atque ex hoc multos dubitare, si communionem deberent
de ejus consecratione recipere, quos tamen monet, ne ullo modo
accipere pertimescant, quia ægritudo personæ sacri mysterii bene-
dictionem nec mutat, nec polluit. Primus fuit, aut certe inter
primos S. Gregorius qui partem illam liturgiæ, quæ Trisagion con-
sequitur, *Canonem* absolute vocavit, cum ante ipsum preces cano-
nicæ dicerentur, ut constat ex epistola Vigilii Papæ ad Profuturum
Episcopum Bracharensem.

Quanta cura & studio Episcoporum ordinationes rite ac recte
fieri curaret S. Gregorius, manifeste patet ex epistola (c) ad quem-
dam ignotæ Ecclesiæ Episcopum Joannem. In ea illi jubet, ut as-
sumpto Armenio Visitatore Ecclesiæ Anconitanæ, diligenter in-
quirat de vita ac moribus trium Clericorum qui ad Episcopatum
præfatæ Ecclesiæ Anconitanæ postulati fuerunt. Et primo quidem
de Florentino Archidiacono inquirat, num verum sit dictum de
eo „ quia nunquam amicus domum ejus ingressus est . . . & utrum
„ ex necessitate, an ex tenacia talis sit, aut si ita senex sit, ut
„ ad regendum non possit assurgere: vel si tactis sacrosanctis Evan-
„ geliis . . . jusjurandum præbuerit, nunquam se ad Episcopatum
„ accedere “. De Rustico vero Diacono inquirat, num, ut dicitur,
vigi-

(a) *Lib. 9. leg. Si quis, de iis qui accusate possunt.*

(b) *Epist. 21* (c) *Epist. 11.*

S. GREG. M. vigilans quidem homo sit, sed Psalmos ignoret. De altero vero Florentino Ravennatis Ecclesiæ Diacono scribit: „Solicutum esse novimus, sed qualis sit interius, omnino nescimus, de quo tamen si nullum sit crimen, quod obsit, apud Episcopum ejus agi necesse est, ut ei debeat cessionem concedere: non tamen ex nostro mandato vel dicto, ne contra suam voluntatem eum cedere videatur“.

Filium pepererat Theodelinda Longobardorum Regina, quem baptismo abluit in die sancto Paschæ 7. Idus Aprilis anni 603. & Adulouvaldi nomine donavit Secundus Abbas ipsi Reginar ob pietatem acceptus carusque. Hac de re certiore fecit S. Gregorium, cui simul scriptum misit ejusdem Abbatis Secundi de quinto Concilio rogans, ut illi respondere dignaretur. Regina itaque respondens (a) S. Pontifex, primo gratias illi agit, quia gaudii sui participem illum fecerit, nuntians omnipotentis Dei gratia filium sibi donatum, & quod magis est laudabile, catholicæ fidei sociatum. „Nec enim (subdit) de christianitate vestra aliud credendum fuerat, nisi id vos studere, ut quem divino munere suscepistis, catholicæ rectitudinis auxilio muniretis: ut & Redemptor noster familiarem te suam famulam cognosceret, & Longobardorum genti novum Regem in timore suo feliciter enutritet . . . quatenus sicut hic inter homines jam magnus est, sic quoque & bonis actibus ante Dei nostri oculos sit gloriosus“. De scriptis vero Secundi Abbatis dicit, ad ea se subtilius respondere debuisse, si ægritudo non obstitisset. „Sed tanta (subdit) nos podagræ infirmitas tenuit, ut non solum non dictare, sed etiam ad loquendum vix possemus assurgere, sicut & præsentium portitores legati vestri cognoverunt . . . Sed si omnipotente Deo disponente convaluero, ad cuncta quæ scripsit subtiliter respondebo. Eam tamen Synodum, quæ piæ memoriæ Justiniani tempore facta est, per latores præsentium transmissi, ut prædictus filius meus dilectissimus ipsam legens, agnoscat quia falsa sunt omnia, quæ contra Sedem apostolicam, vel catholicam Ecclesiam audierat. Absit enim nos cujuslibet sensum hæretici recipere, vel a tomo sanctæ memoriæ Leonis prædecessoris nostri in aliquo deviare“. Denique epistolam claudit scribens, se dono mittere neonato regio infanti crucem cum ligno sanctæ crucis Domini, & lectionem sancti Evangelii theca Persica inclusam. Sorori vero ejus tres annulos mittere gemmatis, quæ eis per ipsam petit dari, ut apud eos communis caritas ex sua Excellentia condiiatur. Serenissimo vero Regi conjugi gratias habeat pro pace data, & ad eam servandam impofterum per omnia provocet.

Messanæ Ecclesiæ Episcopus Felix tria exhibuit D. Gregorio postulata (b), nimirum 1. cur Augustino in Anglia Legato responderit

(a) *Epist.* 12.

(b) *Epist.* 16.

derit licere matrimonium celebrare conjunctis in quarto gradu, cum semper in Sicilia usque ad septimum originis gradum a sanctis Antecessoribus Episcopis, & a cæteris SS. Patribus, tam in Nicæna Synodo, quam & in aliis Conciliis congregatis fuerit prohibitum? 2. Num iterum consecrandæ sint Ecclesiæ, de quarum dedicatione dubitabatur, & tam propter antiquitatem quam & propter eorum custodum incuriam nesciebatur, utrum dedicatæ ab Episcopis fuerint? 3. Conquerebatur, in Sicilia Episcopos per sæculares & laicos nimis esse turbatos, atque animo afflictos super immoderatis actibus eorum pro quibus & aliqua injulta eis impingebantur. Ad primum itaque respondet (a), soli Anglorum genti, quæ nuper ad fidem venerat, specialiter, & non generaliter matrimonia in quarto gradu concessisse. „Unde (subdit) „mihi omnis Romana civitas extitit testis, nec ea intentione hæc „illis scriptis mandavi, ut postquam firma radice in fide fuerint „solidati, si infra propriam fuerint consanguinitatem inventi non „separentur, aut infra affinitatis lineam, idest usque ad septimam „generationem jungantur.... nam juxta Apostolum qui ait: „*Lac vobis potum dedi, non escam* (b), ista illis modo, non „posteris.... temporibus tenenda indulsimus“. Ad alteram vero quæstionem de Ecclesiarum consecratione reponit: „Vos recte „tenere debetis quod ab antecessoribus nostris traditum accepimus; idest, ut quoties tam de baptismo aliquorum vel confirmatione, quam de Ecclesiarum consecratione dubitatio habetur, „& nec scriptis nec testibus ratio certa habetur utrum baptizati „vel confirmati, siue Ecclesiæ consecratæ sint: ut baptizentur tales ac confirmentur, atque Ecclesiæ canonicè dedicentur, ne talis dubitatio ruina fidelibus fiat: quoniam non monstratur iteratum, quod non certis indiciis ostenditur rite peractum“. Ad tertium vero respondet „quia a nullis vita Præsulum perturbari „debet excessibus, quia valde indignum est, ut hi qui Throni „Dei vocantur, aliqua motione a regibus vel subditis turbentur“. Quod confirmat pluribus Scripturæ testimoniis: Psalm. 104. *Nolite tangere Christos meos, & in Prophetis meis nolite malignari*. Et Exodi 22. *Diis non detrahes, & populi tui Principi non maledices*. Addens: „Valde prævidendum est subditis tam Clericis quam „laicis, ne Episcoporum aut Præpositorum suorum vitam temere „reprehendere audeant, si quid eos fortasse agere reprehensibiliter „vident; ne unde mala redarguant, inde per elationis impulsum „in profundiora mergantur (1).

Subse-

(a) *Epist.* 17. (b) 1. *Cor.* 3. 2.

(1) Nonnulli dubitarunt hanc epistolam esse S. Gregorii: verum ab eo scriptam evincit Joannes Diaconus, qui ejus ferme tertiam partem exscribit lib. 2. c. 37. Et de ipsa mentionem faciunt & Hincmarus epist. 37. & 59. & in tract. de divort. Lotharii Inter. 5. & 12. & Regino Abbas

S. GREG. M.

De Sacramentario S. Gregorii.

Subsequuntur Sacramentarium S. Gregorii, & alia ejus scripta pro divinorum Officiorum celebratione. Et quidem non ipse fuit huius generis scriptorum auctor, sed ante ipsum scripsere Summi Pontifices ejus Prædecessores, & præsertim Gelasius Papa, qui Orationes, & Præfactiones rum a se, tum a suis Prædecessoribus compositas collegit in unum Sacramentarium, quod & Gelasianum dicitur in plures libros divisum. In hoc Sacramentario Gelasii ordinando laboravit D. Gregorius, in quo, ut testatur Jo. Diaconus lib. 2. n. 27. nonnulla abstulit, plura adjecit, unde Sacramentarium novum emerit, sic dictum, quia preces in administratione Sacramentorum, & Missæ sacrificio celebrando dicendæ continentur. A Gelasiano discriminatur hocce Gregorianum Sacramentarium in numero præsertim & varietate Collectarum sive Orationum. Canon enim Missæ nonnisi hæc adjunxit verba S. Gregorius, *dies quoque nostros in tua pace disponas*, quæ & modo in Liturgia recitamus. Immo totius Liturgiæ præsentis ritus ille omnino est, qui in hocce Sacramentario describitur, si præfactiones excipias, quæ in majori numero inibi habentur, quam modo sint in usu; quas tamen recitamus, in ipso leguntur.

Sacramentarium Gregorianum distributio.

Porro Sacramentarium sic distribuitur. Primo ritus sive Ordo Missæ occurrit. Incipit ab Antiphona, quæ ab introitu Sacerdotis ad Altare hoc nomen accepit, & diversa erat pro diversitate temporum & Festorum. Omnes hæc antiphonæ cum initio psalmi subsequenter pro omnibus anni Dominicis, & Festis diebus habentur in Antiphonario S. Gregorii aptatæ mysterio vel solemnitati. Subsequitur Kyrie, & dicitur a Clericis, & a populo respondetur. Deinde Gloria in excelsis, dicitur, si Episcopus fuerit, die Dominico, sive diebus festis: a Presbyteris autem minime dicitur nisi in solo Pascha. Quando vero Litania agitur, neque Gloria in excelsis, neque Alleluja canitur. Postmodum dicitur Oratio sive Collecta diei, quam sequitur epistola plerumque ex Apostolo desumpta. Item Graduale vel Alleluja. Postmodum legitur Evangelium: deinde Offertorium, & dicitur Oratio super oblata. Qua completa dicit Sacerdos excelsa voce "Præfactionem, quæ hymno Sanctus, Sanctus, Sanctus clauditur. Sequitur Canon Missæ idem plane qui modo recitatur. Quo completo subsequitur Dominica Oratio, & precatio pacis populo, & semel dicto Agnus Dei, Missa in hoc Sacramentario completur. Nulla in illo mentio Acolythorum, Diaconorum, Subdiaconorum, vel aliorum Ministrorum Papæ celebranti solemniter adstantium: recensentur tamen in Ordine Romano, eorumque ministeria pro die Paschatis sic in Ordine Romano describuntur.

Missæ Pontificalis.

Imperator Augustus Romam in quatuordecim Regiones partiti fuerat

has Prumiensis, qui floruit anno 900. in append. ad librum de Ecclesiasticis disciplinis, & alii. Reperitur etiam in pluribus MM. SS.; proinde illi merito a Maurinis tributa, qui eam Gregorio dignam judicarunt.

fuerat (a), at in Ecclesiastica divisione septenarium numerum non superabant, in quo omnes colligebantur Ecclesiar, & earum Clerici & Ministri, qui pro vicibus suis Pontifici inserviebant: incipiebant autem Ministerium in die Dominico Clerici tertiæ Regionis: feria secunda sequebantur quartæ Regionis Clerici, & sic in reliquis diebus ceteri (b). „Die itaque S. Paschæ Acolythi regionis tertiæ, & Defensores omnium Regionum convenientes diluculo, in patriarchio Lateranensi præcedunt Pontificem pedestres ad stationem (quæ eo die est apud S. Mariam Majorem). Pontifex vero equitat, & cum eo ob viæ longitudinem præcipui Ministri Vicedominus, Vestarius, Nomenclator atque Sacellarius. Unus autem ex Acolythis Stationariis præcedit pedester equum Pontificis gestans sanctum Chrisma manu & mappula involuta cum ampulla. Alii Acolythi gestant Evangelia, Sindones, & Sacculos, & aquamanus patenam quotidianam, calicem, scyphos & pupillares (idest fistulas ad hauriendum sanguinem Domini) & cætera in ministerium adhibenda. Cum venerit Pontifex prope Ecclesiam, exeunt Acolythi & Defensores ex regione illa cujus dies ad officium fuerit. Cum Ecclesiam introierit.... intrat in Sacrarium sustentatus a Diaconibus, qui eum suscipiant de Sellario descendentem. Ubi dum intraverit sedet in sella sua, & Diaconi.... egrediuntur Secretarium, & ante fores ejusdem mutant vestimenta sua, & parat Evangelium qui lecturus est referato sigillo.... quo facto Acolythus Evangelium usque ante Altare in presbyterium deferit.... Subdiacono sequente, qui eum suscipiens honorifice super altare ponit. Pontifex autem per manus Subdiaconorum regionariorum mutat vestimenta sua.... qui accipiunt ad induendum Pontificem ipsa vestimenta alius lineam, alius cingulum, alius anagolajum (idest amictum), alius lineam dalmaticam, alius majorem dalmaticam, & alius planetam.... Primicerius autem, & Secundicerius componunt vestimenta ejus ut bene sedeant.... De Diaconibus, vel Subdiaconibus cui ipse jusserit sumit de manu Subdiaconi pallium & induit super Pontificem.... Deinde Subdiaconus Regionarius porrigit ei manipulum dicens: *Servi Domini mei talis Subdiaconus regionarius legat Apostolum, & talis de Schola cantabit*.... Cum innuit Pontifex ut psallant, Subdiaconus statim egreditur ante fores Secretarii, & dicit, *accendite*. Tunc illi elevantes se per ordinem vadunt ante Altare.... & mox incipit Prior scholæ Antiphonam & Introitum quam sequebatur integer Psalmus, cujus modo non nisi unus versiculus recitatur.... Tunc Pontifex elevans se dat manum dexteram Archidiacono, & sinistram secundo: tunc Subdiaconus sequens cum thymiamaterio procedit ante ipsum, & septem Acolythi portant septem Cerostrata ac-

„ censa

(a) Fleury Tom. 8. lib. 26. p. 180. E. G.

(b) Mabil. Comment. in Ord. Rom. Tom. 2. Musæ Ital. p. 3. & f. 4.

GREG. M.

Lectiones, &
Oblationes.

„ censa ante Pontificem usque ante Altare. Sed priusquam veniat
 „ ante altare, Diacones in Presbyterio exuuntur planctis . . . &
 „ tunc duo Acolythi tenent capsas cum Sanctis (idest Eucharistia)
 „ apertas, & Subdiaconus sequens cum ipsis ostendit Sancto Pontifi-
 „ ci . . . tunc inclinato capite Pontifex salutat Sancta, & con-
 „ templatur, ut si fuerit superabundans præcipiat, ut ponatur in
 „ conditorio . . . Pertransit Pontifex, & inclinat caput ante alta-
 „ re . . . & respiciens ad Priorem Scholæ annuit ei, ut dicat Glo-
 „ ria . . . Diaconi surgunt . . . ut salurent altaris latera . . . &
 „ surgens Pontifex osculatur Evangelia, & altare, & accedit ad
 „ Sedem suam, & stat versus ad Orientem . . . Schola vero, fi-
 „ nita antiphona imponit Kyrie eleison . . . quando vero finierit,
 „ dirigens se Pontifex contra populum incipit: *Gloria in excelsis*
 „ *Deo*, & statim regirat se ad Orientem usque dum finiatur. Post
 „ hoc dirigens se iterum ad populum dicens: *Pax vobis*, & regi-
 „ rans se ad Orientem dicit *Oremus*, & sequitur Oratio: post fi-
 „ nitam sedet: similiter Episcopi, vel Presbyteri sedent statuentes
 „ se ad dexteram, sive ad sinistram altaris . . . Subdiaconus vero
 „ qui lecturus est mox ut viderit post Pontificem Episcopos, &
 „ Presbyteros residentes ascendit in ambone & legit. Porro tres
 „ erant ambones, duo a dextris, unus pro epistola versus altare, a-
 „ lius pro legendis Prophetiis versus populum, a sinistris vero tertius
 „ ambon tantisper altior & ornatior pro evangelio cum duplici gra-
 „ du; uno pro ascensu, altero pro descensu. „ Lecta autem epistola
 „ Cantor cum cantatorio, idest Graduali vel Responso. Graduale
 „ appellatur ob gradus, Responsale, quia Chorus Cantori alter-
 „ natim respondebat. Diaconus deinde osculans pedes Pontificis,
 „ tacite dicit ei Pontifex: *Dominus sit in corde tuo & in labiis tuis*
 „ &c. Deinde venit ante altare, & osculatis Evangelii, levat in
 „ manus suas codicem, & procedunt ante ipsum duo Subdiaconi
 „ regionarii levantes thymiಾಮeterium . . . & ante se habent duos
 „ Acolythos portantes duo Cereostrata . . . Diaconus in loco le-
 „ ctionis ascendit ad legendum, & dum legit Evangelium vertitur
 „ ad meridiem, non ad aquilonem ubi scemine consilunt; hæ e-
 „ nim sejunctæ habitant a viris. Lecto Evangelio Subdiaconus
 „ recipit Evangelia, porrigit osculandum omnibus per ordinem
 „ graduum qui steterint. Et post hoc in capsâ ponit Subdiaconus
 „ Evangelium, ut sigilletur. Post Evangelium nulla symboli men-
 „ tio, quia Romana Ecclesia non fuit aliquando ulla hæreseos sæce
 „ infecta. Si a Pontifice habenda erat concio, ut solebat S. Grego-
 „ rius, post Evangelium recitabatur. Dein dicto a Pontifice Domi-
 „ nus vobiscum, & Oremus, Diaconus pergit ad altare stante Acoly-
 „ tho cum calice & corporali super eum, & porrigit Diacono cor-
 „ porale quod ponit super altare a dextris, projecto capite altero
 „ ad Diaconum secundum ut extendat. Erat siquidem corpora-
 „ le magna quædam mappa, quæ totum amiciebat altare. Pontifex
 „ deinde descendit ad Senatorium tenente manum eius dexteram
 „ Primicerio Notariorum, & Primicerio Defensorum sinistram, &
 „ „ susci-

„ fufcipit oblationes Principum per ordinem Archium (dignitas
 „ fcilicet). Oblatio vero erat panis & vinum, panis oblationem
 „ fufcipit a Pontifice Subdiaconus regionarius, & porrigit alteri
 „ Subdiacono, qui ponit in Sindone quam tenent duo Acolythi.
 „ Archidiaconus vero fufcipit ammulos & refundit in calicem ma-
 „ jorem tenente eum Subdiacono quem fequitur cum fcypho Aco-
 „ lythus. Reliquas oblationes poft Pontificem fufcipit Epifcopus
 „ hebdomadarius, & ipfe manu fua mittit in Sindonem quæ eum
 „ fequitur. Similiter ascendens Pontifex in partem fceminarum,
 „ ordine quo fupra, omnia explet. Similiter & Presbyteri, fi ne-
 „ cefle fuerit (ob populi multitudinem) poft eum vel in Presbyte-
 „ rio faciunt “. Panes vero oblati erant orbiculares; quamobrem
 „ illos appellat S. Gregorius Coronas; fiebant autem manibus offe-
 „ rentium, ut colligere eft ex narratione Pauli Diaconi in vita S.
 „ Gregorii de quadam Matrona, quæ communionem accipiens de ma-
 „ nu S. Pontificis dicentis de mote: *Corpus D. N. J. C.* fubrifit au-
 „ diens dici Corpus Chrifti panem quem ipfa manu fua confecerat,
 „ cujus ut incredulitatem evinceret S. Gregorius (referente ipfo Pau-
 „ lo) communionem (a) retraxit, & fuper altare pofuit, & exple-
 „ ta communionem populi, ipfo ad Deum orante ostendit mulieri panis
 „ particulam in carnem & fanguinem mutatam.

„ Expleta oblatione populi Pontifex redit ad fedem fuam,
 „ abluit manus fuas, quod & facit Archidiaconus, qui annuen-
 „ te Pontifice, oblata fuper altare componit, porrigentibus Sub-
 „ diaconis, deinde fumat amulam Pontificis, & refundit fuper
 „ colum (ut mundum fit vinum) in calicem. Deinde descendit
 „ Subdiaconus accipere fontem (id eft vas aquæ) & defert Archi-
 „ diacono, & ille infundit faciens crucem in calice. Tunc fur-
 „ gens Pontifex a Sede descendit ad altare, & falutat altare, &
 „ fufcipit oblata de manu Presbyteri hebdomadarii, & Diacono-
 „ rum. Deinde Archidiaconus fufcipit oblata Pontificis de obla-
 „ tionario, & dat Pontifici “. Ex quo patet tunc confueviffe
 „ omnes offerre, nimirum populum, Clerum, & ipfum Pontificem.
 „ Verum a pluribus fæculis defuit mos offerendi facrificii materiam a
 „ populo. „ Poftea levat calicem Archidiaconus de manu Subdia-
 „ conis regionarii, & ponit eum fuper altare juxta oblata Pontifi-
 „ cis a dextris, involutis intus (calicis) cum Offertorio (velo
 „ fcilicet), & stat poft Pontificem. Schola tunc offertorium sa-
 „ nit (id eft Pfalmum, aut Antiphonam) quo finito Pontifex in-
 „ clinans fe paulum ad altare orationes recitat, quas fecretas dici-
 „ mus, quia fílenter dicuntur, quibus expletis fubfequitur Prafa-
 „ tio, quæ terminatur hymno angelico, id eft Sanctus, Sanctus,
 „ Sanctus, & bis repetitur Ofanna.

„ Surgit poftea Pontifex & intrat in Canonem quem folus re- Canon Mif-
 „ citat ftans erectus. Epifcopi vero, Diaconi, Subdiaconi, & fa & Com-
 „ „ Pres- munitio.

S. GREG. M.

„ Presbyteri permanent in presbyterio inclinati, non genuflexi, nam
 „ die Dominico non flectuntur genua “. Canon vero integer ha-
 „ betur in Sacramentario S. Gregorii, qui idem omnino est ac ille,
 „ quem modo recitamus cum iisdem crucis signis, iis dumtaxat exce-
 „ ptis, quæ porrigimus in principio Canonis ad illa verba: *Hæc dona,*
 „ *hæc munera, hæc sacrosancta sacrificia,* quæ tamen in aliquibus
 „ codicibus signanda dicuntur. „ Post consecrationem in Ordine Romano
 „ in altum a Sacerdote hostia, itemque calix elevanda non præ-
 „ scribuntur. Sed cum diceret Sacerdos: *Per quem hæc omnia*
 „ *Ec.* erigebat se Archidiaconus solus, & cum diceretur: *Per i-*
 „ *psum, & cum ipso,* levabat cum offertorio calicem per ansas,
 „ & tenebat exaltans illum juxta Pontificem: Pontifex autem tan-
 „ git a latere calicem cum oblatis, & ponit Pontifex oblationes in
 „ loco suo. Sub Canonis initium Acolythus habens sindonem in
 „ collo ligatam accipit patenam tenens eam ante pectus suum in
 „ parte dextera, quam, finito Canone, accipit Subdiaconus regio-
 „ narius, & ea osculata dat tenendam Diacono secundo. Cum ve-
 „ ro dixerit *Pax Domini sit semper vobiscum* faciens crucem tribus
 „ vicibus manum suam super calicem mittit Sancta in eum, illa
 „ videlicet in præcedenti die consecrata, & pro sequenti reserva-
 „ ta, quam ut vidimus in principio Missæ duo Acolythi tene-
 „ bant, & Subdiaconus ostenderat Pontifici. Dein Archidiao-
 „ nus pacem dat Episcopo priori, deinde cæteris per ordinem &
 „ populo “. Porro fractio hostiæ oblatae & consecratae hoc modo
 „ fiebat. Pontifex frangebatur oblatam ex latere dextero, & parti-
 „ culam quam rumpebat super altare relinquebat; reliquas vero
 „ oblationes suas ponebat in patena quam tenebat Diaconus, & ad
 „ suam sedem redibat. . . Archidiaconus vero levabat calicem, &
 „ dabat eum Subdiacono regionario qui tenebat illum juxta cornu
 „ altaris dexterum, & deinde oblata accipiebat, ea ponens in sac-
 „ culis quæ portabantur ab Acolythis, qui ea deferabant frangenda
 „ ad Episcopos & Presbyteros. At duo Subdiaconi Regionarii pa-
 „ tenam deferabant oblata Pontificis continentem, quæ a Diaconi-
 „ bus, annuente Pontifice, frangebantur. Archidiaconus vero eva-
 „ cuato Altare oblationibus, præter particulam quam Pontifex de
 „ propria oblatione contractam reliquerat (ut dum Missarum sole-
 „ mnia peraguntur, altare sine sacrificio non sit) annuebat Scholæ
 „ ut diceret *Agnus Dei*. Expleta autem contrafractione, Diaconus mi-
 „ nor levata de Subdiacono patena deferabat ad Sedem, ut comuni-
 „ carer Pontifex. Qui dum communicaverit stans & conversus ad
 „ Orientem, de ipsa Sancta quam momorderat ponit in manus Ar-
 „ chidiaconi (qui eam in calicem mittebat) dicendo: *Fiat commixtio*
 „ *& consecratio Ec.* unde duplex fiebat commixtio, una ante *Agnus*
 „ *Dei* de priori sacrificio, alia post communionem Pontificis ex præ-
 „ senti. Deinde venit Archidiaconus cum calice ad cornu altaris,
 „ & Pontifex communicabat, qua communione absoluta, Archidia-
 „ conus futuram stationem annuntiabat, & refundebat parum de cali-
 „ ce seu de sanguine consecrato in scyphum quem tenebat Acoly-
 „ thus,

thus, non tamen semper, sed solum quando advertebant Ministri, non suffecturum sanguinem purum omnibus communicaturis (a). S.GREG. M.
 Mox accedebant Episcopi & Presbyteri, ut a Pontifice communionem acciperent, utrosque Archidiaconos sanguine Dominico confirmabat, idest communicabat. Episcopus vero sequentes ordines, Diaconos videlicet, Subdiaconos, & inferiores Clericos communicabat. Qua expleta communione, Archidiaconus recepto de manu Episcopi calice reliquum sanguinis infundebat in scyphum Acolythi, cujus mox meminimus, aut certe in calicem majorem in quo pariter vinum ex oblatione contentum erat, tunc Pontifex e sede descendebat in Senatorium, ubi Magnates Eucharistia reficiebat, & in adversam partem ubi Matronæ consitebant, eis communionem præbaturus subsequente Archidiacono cum scypho prædicto ad utroque communicandos, seu voce adhibita in Ordine Romano *confirmandos*. Interim Episcopi & Presbyteri, annuente Primicerio, populum hinc inde participem communionis faciebant, Diaconis ex scypho confirmantibus. Mox ut Pontifex cæpit in Senatorio communicare, statim schola incipit antiphonam ad communionem per vicem cum Subdiaconis, & psallunt usque dum communicetur omnis populus. Redibat deinde Pontifex ad sedem suam, & communicabat regionarios per ordinem, & illos qui in filo steterunt, idest ei ministraverunt: deinde contemplans populum, si jam omnes communicati essent, annuebat ut diceret schola, *Gloria Patri*, & tunc repetita antiphona quiescebat. Hæ antiphonæ, sicut & psalms, in S. Gregorii Sacramentario habentur: modo vero antiphona quidem dicitur, at psalms omittuntur.

„ Finita antiphona surgit Pontifex cum Archidiacono, & veniens ante altare dicit *Dominus vobiscum*, non tamen ad populum convertens, & dicit Orationem ad complendum (quæ oratio nunc dicitur Postcommunio) directus ad Orientem“. Hæ orationes in præfato Sacramentario duplicatæ habentur ad mutationem. „ Finita vero oratione cui præceperit Archidiaconus de Diaconibus, aspicit ad Pontificem, ut ei innuat, & dicat ad populum: *Ite Missa est*, respondent, Deo Gratias. Tunc septem Cerostrates præcedunt Pontificem, & Subdiaconum regionarius cum thuribulo ad Secretarium. Descendente autem illo in Presbyterium, Episcopi primum dicunt: *Jube Domne benedicere*. „ Resp. *Benedicat nos Dominus*. Resp. *Amen*. Post Episcopos Presbyteri, deinde Monachi, deinde schola, & reliqui omnes benedictionem petentes eo modo accipiunt“. Et hæc est unica benedictio quæ in hoc Ordine assignatur. Nullus habetur liber de ritibus Ecclesiæ Romanæ antiquior hoc Ordine, & merito a quiboldam revocatur ad tempora vel Gelasii Pontificis, vel saltem S. Gregorii (b), licet aliqua illi addita fuisse subsequenter temporibus

Tricalet. Tom. VII.

R

bis

(a) *Mabil. Com. præc. c. 51. & 93.*

(b) *Mabil. Com. præc. p. 8.*

S. GREG. M. bus non inficiamur. Et certe octavo sæculo obtinuisse tellis est Amalarius, qui libellos de ordine Romano passim laudat, eosque commentatus est. Ne vero ad tempora Innocentii illum referamus obstat, quod in eo nulla sit mentio de fermento ad Urbis titulos mittendo ex præscripto ejusdem Pontificis (a), tamen Eucharistia ipsa fermenti nomine donetur, & in præfato Ordine Romano. Mos vero deferendi Eucharistiam in vase ante Pontificem ad Altare celebraturum procedentem pariter antiquissimus est, ut patet ex vetustiore Liturgia S. Germano Parisiensi Episcopo, qui obiit anno 576. tributa, ubi indicitur, ut ante oblationem panis & vini (b) deferatur Eucharistia super altare in vase ad formam Turris composito. Præter hunc Ordinem Romanum Mabillonius alios quatuordecim enumerat, & exponit a diversis auctoribus collectos, & diversis temporibus usurpatos. Postremus Petri Amelii describit ritum divinatorum Officiorum usurpatum temporibus Bonifacii VIII. idest circa annum 1390.

Sed ad Sacramentarium S. Gregorii revertentes, Missæ Pontificalis Ritum & Ordinem subsequuntur Orationes, seu Collectæ per totum annum dicendæ, nec non Præfationes peculiares quasi pro qualibet Missa. Nunc non nisi novem usurpamus. Primo igitur loco ponitur Missa in Vigilia Nativitatis Domini. Tres sequuntur pro ipso die Natalis; tres enim eo die dici, & tunc continebantur, sed in diversis Ecclesiis. Leguntur & Missæ propriæ pro diebus festis S. Stephani, S. Joannis Evangelistæ, SS. Innocentii, & Sylvestri. Subsequuntur Missæ in die octava Nativitatis Domini, in Dominica post Nativitatem, in Epiphania, & ejus die octava, & in sequentibus quoque Dominicis, nec non in Festis diebus S. Felicis, & S. Marcelli Papæ. Nec solum Missæ propriæ assignantur pro omnibus Dominicis totius anni, verum & pro omnibus Quadragesimæ diebus, nec feria quinta excepta, pro qua nulla habebatur Missa in Sacramentario Gelasii. In feria quarta majoris hebdomadæ Officium incipiebat hora tertia, idest nona matutina. Recitabantur Orationes solennes & Sacerdotales pro omnibus Ordinibus, & cœtibus, ut modo fit, in feria sexta in Parasceve eodem ordine & iisdem genuflexionibus. Qui tamen ritus non in omnibus Sacramentariis S. Gregorii legitur, sed solum in uno Codice Vaticano. In Sacramentario vero præscribitur, n in octava Oratione, quæ est pro perfidis Judæis, genuflectatur, cujus ritus hanc affert congruentiam Alcinus, quia scilicet Judæi ad Christi irrisum genuflexerint (c). Quo officio expleto Sacerdos osculabatur Altare, & ab Ecclesia recedebat non reversurus nisi hora octava, idest secunda pomeridiana, & tunc legebatur Missa. Feria vero quinta Missa habebatur hora tertia, nona scilicet matu-

(a) *Epist. ad Decent. n. 22.*

(b) *Mart. Tom. 5. Anecd. p. 95.*

(c) *In notis ad hunc locum.*

matutina. In ea completo Canone ante Orationem Dominicalem incipiebatur Oleorum sacrorum benedictio, quæ post Communio-
nem complebatur. Qua completa benedictione, populus commu-
nicabat. Feria sexta in Paralceve isem plane ritus scribitur qui
& modo servatur, sicut & ille Sabbati Sancti, & in vigilia Pente-
costes. Tres assignantur Missæ in tribus diebus Ascensionem Domini
precedentibus, & major in eis habetur Orationum, sive Collecta-
rum numerus, quam in aliis Missis, sicut & in Sabbato Quatuor
temporum. Subsequitur Missa in Dominica Octavæ Pentecostes,
deinde illæ omnium Sanctorum in Romano Calendario signatorum
a prima Junii usque ad 21. decembris. Nec omittuntur Missæ
propriæ in Vigilia & Festo Assumptionis B. Virginis, & pro aliis
vigiliis & festis, nec non habetur Commune Martyrum, Confesso-
rum, & Virginum; pro consecratione Monialis & Abbatissæ. Vi-
ginti sex recensentur pro Dominicis post Pentecosten, & quinque
pro Dominicis Adventus. Subsequuntur Orationes sive Collectæ
pro singulis diebus Adventus & matutinæ & vespertinæ. Plures
Missæ votivæ pro omnibus necessitatibus, & variis personarum cœ-
tibus. Præscribuntur & recensentur ritus pro Ordinibus omnibus ab
Ostiaratu usque ad Episcopatum. Ritus quoque dandæ extremæ
unctionis, nec non benedictionis aquæ, novæ Domus, novorum fru-
ctuum, & Missæ etiam pro Defunctis Episcopis, Presbyteris, &
popularibus, & pro tertia & septima die, ac anniversario deposi-
tionis.

Genuinum vero esse hocce Sacramentarium S. Gregorii scætum,
ostendit epistola Hadriani Papæ ad Carolum Magnum, qui ab eo
sibi postulaverat per Petrum Grammaticum S. Gregorii Sacramen-
tarium, cui sic scribit: „ De Sacramentario a sancto Prædecesessore
„ nostro Deifilio Gregorio Papa disposito, jam pridem Paulus Gram-
„ maticus a nobis cum pro vobis petiit, ut secundum sanctæ no-
„ stræ Ecclesiæ traditionem per Joannem Monachum Abbatem...
„ vestræ commissimus Excellentie“. Titulus vero ejusdem libri in
ipso Codice ad Carolum misso ita se habebat: *In nomine Domini.
Incipit liber Sacramentorum de circulo anni expositus a S. Grego-
rio Papa Romano editus.* Quem titulum legisse se refert doctissi-
mus Lambecius in Codice Bibliothecæ Cæsareæ pertinente ad Car-
olum Magnum.

Nec solum Ritus observandos, & orationes recitandas in admi-
nistratione Sacramentorum, & præcipue Eucharistiæ ordinavit, &
descripsit, sed etiam Ecclesiasticum cantum reformavit. Antipho-
narium itaque digessit, ubi omnia colliguntur quæ erant in Missis
cantanda, Introitus, Graduale, Offertorium, & Postcommunio.
Extabat ante S. Gregorii Pontificatum, ut colligere est ex Joanne
Diacono, Antiphonarium in usum Ecclesiæ. Hoc S. Pontifex &
melius ordinavit sive corrigendo, sive reformando antiphonas visas
sibi minus aptas, nec non ex gravioribus musicæ regulis ad accu-
ratorem harmoniam & modulationem revocando: erat siquidem
Musicæ peritus. Ideo & scholam Cantorum constituit, eique cum

nonnullis prædiis duo habitacula, alterum sub gradibus Basilicæ beati Petri Apostoli, alterum vero sub Lateranensis Patriarchii domibus fabricavit, ubi usque hodie lectus ejus, in quo recumbens modulabatur (nam propter podagram aliasque infirmitates stare non poterat) & flagellum ipsius, quo pueris minabatur veneratione congruum, cum antiphonario authentico reservatur. Ità scribit Joannes Diaconus (a). Immo cantus modulatio a S. Gregorio in suo antiphonario instituta in pluribus Occidentis provinciis fuit adoptata. Unde teste eodem Diacono (b), Augustino Britanniam adeunte per Occidentem quoque Romanæ institutionis Cantores dispersi barbaros insigniter docuerunt. Quibus defunctis Occidentales Ecclesiæ susceptum modulationis organum vitaverunt. Ideo Carolus Rex Francorum dissonantia Romani & Gallicani cantus offensus duos suos industrios Clericos Hadriano tunc Episcopo Romæ reliquit, quibus tandem satis eleganter instructis Metensem Metropolim ad suavitatem modulationis pristinx revocavit, & per illam totam Galliam suam correxit. Licet vero S. Gregorii antiphonarium quidquid in Missa cantari solet complectatur, nomen tamen antiphonarii restituit, ex illa antiphona, quæ Introitum Missæ, ut modo appellatur, constituit. Cæterum antiphonæ omnes, sicut & Graduales, Offertoria, & Postcommuniones quæ modo usurpantur, eadem plane sunt, quæ in S. Gregorii Antiphonario leguntur. Incipit vero præfatum antiphonarium a prima adventus Dominica, & desinit in vigesima tertia post Pentecosten.

Alia Opera
D. Gregorii
dubia.

Hæc quidem sunt genuina omnia S. Gregorii Opera: extant tamen & alia, quæ vel dubia, vel incerta, vel ut spuria habentur; proinde in calcem Editionum amandata, de quibus pauca præloqui operæ pretium duco ad Lectorum eruditionem & utilitatem. Hæc autem sunt Opuscula, 1. Variæ expositiones in librum 1. Regum. 2. Expositio super Cantica Canticorum. 3. Expositio in septem Psalmos Pœnitentiales. 4. Concordia quorundam locorum Sacræ Scripturæ per interrogationes & responsiones.

Expositio in
lib. 1. Re-
gum.

Primum opusculum expositiones complectens in lib. 1. Regum a censu genuinorum Operum S. Gregorii absolute expungendum censuit Petrus Guffanvillæus; illud tamen in editione a se curata sub nomine S. Pontificis retinuit; immo fatetur candide dignissimum esse Gregorio, quamobrem scribit: „Utinam tam pium, tam sanctum „opus S. Gregorio vindicare possemus salva veritate“! Ex opposito alii viri eruditi, Gregorium pro vero indubitatoque ipsius opusculi auctore habendum esse constanter affirmant. Huic opinioni favent quamplurimi eruditi viri nedum Catholici, sed & Heterodoxi, qui Operum S. Gregorii catalogum texuerunt, ut videre est apud Gulielmum Cave in historia literaria Scriptorum Ecclesiasti-

(a) Lib. 2. n. 6.

(b) Num. 8. 9.

fiasticorum. Alii denique media via incedentes arbitrantur, laudatum Commentarium ex homiliis a S. Gregorio habitis de lib. 1. Regum collectum fuisse, & confarcinatum a Claudio ejus discipulo, postea Monasterii Clavensis Abbate. Hanc amplectuntur sententiam plerique Viri docti, inter quos Thomassinus (a), & Dupinius (b). Et certe valido hæc opinio confirmatur argumento, testimonio scilicet ejusdem S. Gregorii, qui epistola 24. Joanni Subdiacono data (c) sic scribit: „Carissimus quondam Filius meus „Claudius aliqua me loquente de Proverbiis, de Canticis Cantorum, de Prophetis, de libris quoque Regum, & de Heptateucho audierat, quæ ego scripto tradere præ infirmitate non potui, ipse ea suo sensu dictavit, ne oblivione deperirent, ut apto tempore hæc eadem mihi inferret, & emendatius dictarentur. Quæ cum mihi legisset, inveni dictorum meorum sensum valde inutilius fuisse permutatum. Unde necesse est, ut tua Experientia omni excusatione atque mora cessante, ad ejus monasterium accedat, convenire fratres faciat, & sub omni veritate quantasque de diversis Scripturis chartulas detulit, ad medium deducant: quas tu suscipe, & mihi celerrime transmittite“. Ex his liquet S. Gregorium aliqua ex libris Regum, non scripto, sed viva voce exposuisse; Claudium ea tum excepsisse, tum digessisse, sed non ubique Magistri sui sensum assecutum esse, immo nec styllum; quamobrem S. Doctorem, ne ea in lucem prodirent, obstitisse, & ad se deferenda exemplaria curasse, ut per otium ab ipso emendarentur; quam tamen emendationem Gregorius tot morbis afflictus, tot distractus, & cruciatus curis & solitudinibus perficere non potuit: unde ejus consilium fuit illud perpetuis tenebris opprimere. Hanc expositionem voce tradidit, non quidem homiliis ad populum habitis, ut putat Guffanvillæus, sed, ut melius censent Maurini Editores, sermonibus ad Monachos sibi subditos, cum post reditum ex urbe regia majori otio in Monasterio frueretur.

Alterum Opusculum complectens Expositionem Cantici Canticorum D. Gregorio tribuendum esse, nemo inficiari potest, cum ex superius allato ipsius S. Pontificis testimonio constet plura locutum de Canticis Canticorum: propterea ipsi S. Doctori illud attribuit S. Ildephonsus Toletanus, qui sexaginta solum annis Gregorio junior fuit, immo & S. Paterius ipsius S. Gregorii discipulus, & S. Columbanus Abbas, nec non Joannes Trithemius. Verum cum & hanc expositionem Claudius Abbas exceperit, & digesserit, mirum non est si & a stylo Gregoriano discrepans inveniatur, & plura in eo habeantur minus recte exposita, sed ab ipso Claudio ob me-

Expositio
Cantici Can-
ticorum.

R 3

morix.

(a) *Discipl. Eccles. part. 2. lib. 2. c. 28. n. 2.*

(b) *Tom. 4. secul. 6. in Gregorio M.*

(c) *Lib. 12. indist. 5. epist. 24.*

S. GREG. M. moriæ lapsus suppleta, eapropter a S. Gregorio minime pro suo agnitum & adprobatum. Ita quidem senserant Monachi Editores in sua Præfatione.

Expositio in
sep. c. Plal-
mos Pœni-
tentiales.

Hanc quoque expositionem S. Gregorio non indignam fatentur omnes eruditi viri; quamobrem tamquam ejus legitimum sœctum agnoverunt omnes Operum S. Doctoris Editores postquam Bertho Remboldus e tenebris erutam in lucem edidit anno 1512. uno excepto Guffanvillæo, qui inter spuria amandavit. Et revera antiquorum silentium, immo & ipſus Gregorii, qui inter opera sua a Claudic excepta, & inemendate exarata hanc expositionem minime recenſet, dubitationi locum relinquit, præter nonnulla de ſimonia & perſecutione Eccleſiæ dicta, quæ S. Gregorii temporibus minime congruere videntur. Fatendum tamen nonnulla reperiri a S. Patro relata, quæ credi poſſunt ex hoc Commentario deprompta.

Concordia
Teſtimonio-
rum S. Scri-
pturæ.

Opusculum denique de concordia quorundam teſtimoniorum ſacrae Scripturæ in pauciſſimis antiquioribus Codicibus extat. Non enim repertum fuit niſi in uno Codice majoris monaſterii prope Turones, & in alio Vaticanæ Bibliothecæ. Tertiſ quoque Codicis extantis in Bibliotheca Collegii Lucemburgici meminit Alexander Wilkenſius in epiſtola ad Sirmondum data, & extat inter ejuſdem Sirmondi opuscula. Joannes quoque Gillotius in ſua editione anni 1681. Pariſienſi Operum S. Gregorii ſcribit ſe reperiſſe hunc librum in exemplari quodam pervetulo Bibliothecæ D. Dionyſii; immo addit ſe minime dubitare eſſe Gregorii, non tantum quia ejus habeat nomen, ſed etiam quia ſtylus facilis, popularis, ſimplex illius eſt, & mens ipſa atque ſententia tota Gregorii; proinde merito addit, „ quod (a) ſi de Auctore dubitaremus, dignum „ tamen judicaremus, ut in lucem ederetur, quod tam exiguo vo- „ lumine tam multam doctrinam contineat.

Editoris Ve-
neti ſenten-
tia exponi-
tur.

Verum de hiſce Operibus aliter ſentit eruditus Gallicciolli in ſua Veneta Editione in Præfatione Maurinam ſubſequenti. Putat ſiquidem ex epiſtola S. Gregorii ad Joannem Subdiaconum colligi non poſſe S. Pontificem prolixiorẽ habuiſſe explanationem, ſive in primum librum Regum, ſive in Cantica, cum exaratas a Claudio Monacho collectiones, aliqua & chartulas appellat, quæ nomenclatura profeſto convenire minime poſſe videtur editis Commentariis, quæ & plurima continent & plurimo elaborata ſunt ingento. Verum hoc non contentus argumento, quod infringi poteſt dicendo, ideo aliqua, & chartulas a Gregorio dicta, non ob tenuitatem, ſed ob contemptum Operis, & fortasſe etiam ex modeſtia, addit aliud, non poſuiſſe ſcilicet præſata Commentariâ a S. Pontifice recenſeri, & corrigi ob breve quod decurrit tempus ab acceptione chartarum ad ejus obitum, præſertim ſi attendantur curæ,

(a) In Præfat. ad hunc lib.

curæ, afflictiones, & infirmitates quibus postremis duobus vitæ annis distentus fuit. At hoc quoque argumento non valde Maurini Editores premi videntur, cum sponte fateantur in sua Præfatione, *Gregorio tot morbis afflicto, tot distracto, & cruciato curis, vix integrum fuisse Opus tantæ molis recognoscere, & ad incudem revocare, & eapropter non negant plura reperiri in illis Commentariis, quæ a doctrina & mente S. Gregorii dissonant. Deinde elevare studet testimonia a Maurinis allata S. Ildephonsi, S. Isidori, S. Columbanii, ostendens ea nimis infirma esse, ut persuadere possint, cum de S. Ildephonso ipsi Maurini Editores in præfatione ad epistolam dixerint, ipsum fuisse in lectione Operum S. Gregorii prorsus peregrinum. S. vero Isidorus licet amicus, & suppar S. Pontifici de hisce Commentariis nec verbum habet, cum solum dicat libros morales scripsisse, & ipsam Evangeliorum expositionem sibi ignotam fateatur. S. autem Columbanus a D. Gregorio solum postulavit, ut partem illam Canticorum: *Ibo ad mortem myrrhe, & ad collem thuris*, usque ad finem vel alienis, vel suis sententiis exponeret, quod num præstiterit, ex S. Columbano non constat. Inscriptionem quoque nominis S. Gregorii pluribus codicibus præfixam hisce Commentariis non evincere, cum certo etiam minime genuinis Operibus præfixa legatur. Auctoritatem vero S. Paterii elevat ostendens, secundam & tertiam partem Operis S. Paterio tributi non esse ejusdem genuinum factum, ut ex ipso Gallicciollio dicemus postea, immo addit ex ipso Paterio colligi posse S. Gregorium numquam Commentaria in Cantica Canticorum elucubrasset. Quamobrem concludit S. Gregorium nonnulla quidem sive in libros Regum, sive in Cantica fuisse proloquutum, quæ Claudius temere satis amplificavit & evulgavit: Commentarios autem, ut hodie habemus, S. Gregorium nunquam edidisse, sed solum quosdam viros ex acceptis fortasse quibusdam memorialibus chartulis, maxime autem ex auditu, vel assidua lectione Operum S. Doctoris hujusmodi Commentarios sibi confinxisse, & ejus nomine inscripsisse, quam asseritionem latè probat pluribus argumentis in laudata præfatione legendis.*

S. Gregorii Operibus in omnibus editionibus additur S. Paterii S. Paterii
Opera. Expositio Veteris & Novi Testamenti, & non immerito. Fuit siquidem S. Paterius S. Gregorii discipulus, & habitus velut alter S. Gregorius, a quo constitutus est Ecclesiæ Romanæ Notarius, & Secundericius, ut constat ex Joanne Diacono lib. 11. c. 11. In suo vero Opere collegit S. Paterius omnia divinæ Scripturæ testimonia, per quæ Gregorius obscura suæ Expositionis dilucidavit, & in tres libros rem totam ita divisit, ut duo Testimonia Veteris Testamenti, & unus Testimonia novi Testamenti complecterentur. Et prima quidem pars publicam lucem aspexit anno 1553. complectens plura testimonia veteris Testamenti, quæ subinde sæpius recusa fuit duabus aliis partibus in Bibliothecis sordescentibus, & latentibus, quas tamen postea se reperisse arbitrati sunt Maurini

S. GREG. M. Editores in antiquioribus Codicibus. Verum genuina non esse ipsius Paterii Opera ostendit laudatus Gallicciollius in sua Veneta Editione non continendis rationibus apud ipsum legendis.

ARTICULUS TERTIUS.

Precipua D. Gregorii documenta, dogmata, mores & disciplina spectantia.

De Sacra
Scriptura, e-
jusque divina
inspirazione.

PRÆFATIONE in librum Job docet, „supervacue (a) re-
„quiri, quis fuerit auctor libri Job: cum auctor libri Spiri-
„tus Sanctus fideliter credatur. Ipse igitur hæc scripsit, qui
„scribenda dictavit. Ipse scripsit, qui & in illius opere inspira-
„tor existit, & per scribentis vocem imitanda ad nos ejus facta
„transmisit“.

De Prophe-
tarum inspi-
ratione.

Monet tamen non omnia quæ a Prophetis dicuntur, semper esse
illis a Deo inspirata; nam scribit (b): „Aliquando Prophetæ
„sancti dum consuluntur, ex magno usu prophetandi, quædam
„ex suo spiritu proferunt, & se hæc ex prophetiæ spiritu dicere
„suspiciuntur; sed quia Sancti sunt, per S. Spiritum citius correcti
„ab eo quæ vera sunt, audiunt, & semetipsos quia falsa dixe-
„runt, reprehendunt“. Quod confirmat exemplo Nathan, „qui
„David Regem de culpa aperte reprehendit, & quæ ei pro cul-
„pa eadem essent ventura, nuntiavit; quem tamen dum idem
„David quia templum Dei veller construere, requisisset, illico
„respondit: (c) *Omne quod est in corde tuo, vade & fac, quia*
„*Dominus tecum est*; qui tamen postmodum per Prophetæ spiri-
„tum edoctus, hoc fieri non posse denuntians & regis consiliis,
„& suis sermonibus contradixit“.

De libris Ca-
nonicis.

Sacræ Scripturæ libros eo nomine designat quod in Bibliis no-
stris obtinent, excepto tamen Ecclesiastici Libro, quem sub *cujus-
dam Sapientis* titulo allegat (d). De libris vero Machabæo-
rum sic scribit (e): „Non inordinate agimus, si ex libris, li-
„cet non canonicis, sed tamen ad ædificationem Ecclesiæ editis,
„testi-

(a) *Pref. in lib. Job. Edit. Maur. Tom. 1. Edit. Venet. Tom. 1. n. 2. pag. 7.*

(b) *Homil. 1. in Ezech. n. 16. Edit. Maur. Tom. 1. Edit. Venet. Tom. 4. pag. 132.*

(c) *2. Reg. 7.*

(d) *In Job lib. 11. c. 14. n. 65. Edit. Maur. Tom. 1. Edit. Venet. Tom. 2.*

(e) *Ibid. lib. 19. c. 29. n. 34.*

„testimonium proferamus. Eleazar namque in prælio elephantem feriens stravit, sed sub ipso, quem extinxit (a), occubuit (1)“. Epistolæ quindecim D. Paulum scripisse dicit, sed sanctam tamen Ecclesiam non amplius quam quatuordecim tenere (b): ex quo videtur, S. Pontificem quintamdecimam epistolam ad Laodicensis scriptam admisisse, licet probabilius sit, epistolam, quæ ad Ephesios inscribitur, etiam ad Laodicensis missam fuisse, & alios finitimos populos, quorum Metropolis erat Ephesus, quemadmodum secunda ad Corinthios scripta, *omnibus etiam Sanctis qui erant in Achaia*, cujus Metropolis Corinthus, dirigitur, ut ex ejus inscriptione liquet. De epistola vero S. Petri secunda scribit (c): „Fuerunt quidam, qui secundam Petri epistolam, in qua Pauli epistolæ laudatæ sunt, ejus dicerent non fuisse. Sed si ejusdem epistolæ verba pensare voluissent, longe aliter scribere potuerant. In ea quippe scriptum est, *hanc vocem nos audivimus cum essemus cum ipso in monte sancto* Petrus Apollolus in monte (Thabor) cum Domino stetit. Ipse ergo hanc epistolam scripsit, qui hanc vocem in monte de Domino audivit“. Putat etiam Mariam Magdalenam Lazari sororem (d) quæ sedebat ad pedes Jesu, verbumque de ore illius audiebat, eandem esse mulierem, quæ fuerat in civitate peccatrix. Adolescentem (e) vero illum qui in Christi captura sequebatur amictus sindone, qua relicta profugit a militibus illum capere volentibus, putat fuisse Joannem Apollolum, cui stanti ad Crucis pedes, dixit Christus: *Ecce Mater tua*. Dicit (f) Petrum in Judæa, Andream in Achaia, Joannem in Asia, Thomam in India Evangelium prædicasse. Pro certo habet Cephæ a D. Paulo reprehensum non alium esse a Petro Apostolorum Principe, & nonnullos aliter sentientes sic refellit (g): „Si Pauli studiosius verba legissent, ista non dicerent. Dicturus enim Paulus: *Cum venisset Petrus Antiochiam, ei in faciem restitit* (h), ut de quo Petro loqueretur ostenderet, in ipso suæ narrationis initio præmisit: *Creditum est mihi Evangelium præputii, sicut Petro circumcisionis*..... Patet ergo de quo Petro Paulus loquitur, quem & Apostolum nominat, & præfuisse „Evan-

(a) Machab. 1. c. 6. v. 46.

(1) Non canonicos appellat S. Gregorius Machabæorum libros, quia non sunt canonici Hebræorum inserti, utpote non hebraice scripti, secutus S. Augustinum qui scribit, *Machabæorum libri non Judæi, sed Ecclesiæ pro canonicis habet*.

(b) In Job lib. 35. in cap. 42. n. 48. Edit. M. Tom. 1. Edit. Vener. T. 3. pag. 432.

(c) Lib. 2. in Ezech. bom. 6. n. 11. Edit. M. T. 1. Ven. T. 5. pag. 64.

(d) In Evang. lib. 2. bom. 25. n. 1. & 10. Edit. M. T. 1. Ven. T. 5. pag. 256. & 262.

(e) In Job. lib. 14. in cap. 19. n. 57. Edit. M. T. 1. Ven. T. 2. p. 97.

(f) In Evang. lib. 1. bom. 17. n. 17. Edit. M. T. 1. Ven. T. 5. p. 215.

(g) In Ezech. lib. 2. bom. 6. n. 10. Edit. M. T. 1. Ven. Tom. 5. p. 64.

(h) Ad Galat. 2. c. 11.

S. GREG. M. „Evangelio circumcisionis narrat“. In sacra Scripturæ citandis textibus, modo S. Hieronymi versionem, quam novam vocat, sequitur, modo antiquam seu veterem Italam, unde scribit (a): „Novam translationem dissero, sed cum probationis causa exigit, nunc novam, nunc veterem per testimonia assumo, ut quia Sædes Apostolica, cui, Deo auctore, præsideo, utraque utitur, mei quoque labor studii ex utraque fulcitur“. Veteri tamen translationi novam præfert, quia ex hebræo, arabicoque eloquio cuncta verius transfudisse perhibetur. Aliquando vero etiam Septuaginta, Aquilæ, Symmachi, nec non Theodotionis versionibus utitur (b).

**De Sacra
Scripturæ
lectione.**

Fideles ad sacra Scripturæ lectionem & meditationem hortatur scribens: „Ibi (c) invenimus prædicamenta operis, & exempla virtutis: ibi jubetur quid agere etiam corporaliter debemus: ibi hoc quod ad operandum præcipitur, in sanctorum virorum, ac fortium actione monstratur... Studete, quæso, fratres charissimi, Dei verba meditari, nolite despiciere scripta nostri Redemptoris, quæ ad nos missa sunt. Multum valde est, quod per ea animus refrigeratur ad calorem, ne iniquitatis suæ frigore torpescat“. Hinc vero duabus nobilibus puellis scribit: „Opto (d) ut sacram Scripturam legere ametis, ut quamdiu vos omnipotens Deus viris conjunxerit, sciatis qualiter vivere, & donum vestrum quomodo disponere debeatis“. Et Theodoro Augusti Archiatro, scribit: „Erga (e) dulcissimam mentem Filii mei domni Theodori habeo aliquam querelam, quia donum ingenii, donum rerum, donum misericordiæ, atque caritatis a S. Trinitate percepit: sed tamen secularibus indelenter causis adstringitur, assiduus processionibus occupatur, & quotidie legere negligit verba Redemptoris sui. Quid est autem Scriptura sacra, nisi quædam epistola omnipotentis Dei ad creaturam suam? Et certe sicubi esset gloria vestra alibi constituta, & scripta terreni Imperatoris acciperet, non cessaret, non quiesceret, somnum oculis non daret, nisi prius quid sibi Imperator terrenus scripsisset, agnovisset. Imperator cæli Dominus hominum & Angelorum, pro vita tua tibi suas epistolas transmisit, & tamen... easdem epistolas ardentem legere negligis? Stude ergo quæso, & quotidie verba Creatoris tui meditare. Disce cor Dei in verbis Dei, ut ardentius ad æterna fuspices, ut mens vestra ad cælestia gaudia majoribus desideriis accendatur“.

De Concilio.

Priora quatuor Œcumenica Concilia ita venerabatur S. Gregorius

(a) *Epist. ad S. Leand. cap. 5. Edit. Maur. Tom. 1.*

(b) *Lib. 1. in Ezech. hom. 7. Edit. M. T. 1.*

(c) *In Ezech. lib. 2. homil. 3. n. 18. Edit. M. T. 1. Venet. T. 5. pag. 33.*

(d) *Lib. epist. 11. ep. 78. Ed. M. T. 2. Ven. T. 8. p. 239.*

(e) *Lib. epist. 4. ep. 31. Ed. M. T. 2. Ven. T. 7. p. 261.*

rius ut scriberet: „ Si quis (a) contra horum quatuor Synodorum
 „ fidem aliquid unquam loqui præsumit, anathema sit “. S.GREG. M.
 Addit (b): „ Sicut sancti Evangelii quatuor libros, sic & quatuor
 „ Concilia suscipere, & venerari me fateor Quintum quoque
 „ Concilium pariter veneror Cunctas quas præfata veneranda
 „ Concilia personas respuunt, respuo; quas venerantur, ample-
 „ ctor “. Episcopalia quoque Concilia (c) habenda esse per Pro-
 vincias, ut Patrum providentia sancitum est, præcipit. Eorum uti-
 litates exponit scribens: „ Ne qua inter fratres dissensio, ne qua
 „ inter Præpositos & subiectos sint fomenta discordiæ, in unum
 „ convenire Sacerdotes necesse est, ut & de ingruentibus causis di-
 „ scepsatio, & sit salubris de Ecclesiastica observazione collatio:
 „ quatenus dum per hoc & præterita corriguntur, & regulam fu-
 „ tura suscipiunt, omnipotens ubique Dominus fratrum concordia
 „ collaudetur. Cujus vobis adesse præsentiam... scitote, quia scri-
 „ ptum est: *ubi fuerint congregati duo aut tres in nomine meo*,
 „ *ibi sum in medio eorum* (d). Si ergo adesse dignabitur, ubi duo
 „ vel tres fuerint, quanto magis non deerit, ubi plures conven-
 „ rint Sacerdotes? “ In Diocesana Synodus Presbyteri cum Epi-
 scopis sedebant, immo antiquitus sententiam dicebant, & subscribe-
 bant vel ipso præsentem Summo Pontifice, sed Diaconi cum reli-
 quis Clericis stabant (e). Conciliorum vero præsertim Generalium
 Acta summa cura servabantur, quod tamen minime obstabat, quin
 aliquando corrumperentur, ut in Chalcedonensi Synodo, & fortas-
 sis etiam in Ephesina contigisse dicit S. Gregorius scribens: „ Exi-
 „ stimamus (f) quia sicut Chalcedonensis Synodus falsata est, sic
 „ aliquid in Ephesina Synodo factum est “. Quamobrem mandat
 Gregorio Comiti „ ut vetustos omnino codices ejusdem Concilii
 „ requirat Novis enim Codicibus passim non credat ... Ro-
 „ mani autem Codices multo veriores sunt Græcis; quia nos vestra
 „ sicut non acumina, ita nec imposturas habemus “. De Ecclesia.
 „ Sancta Ecclesia (scribit S. Gregorius) sic consistit (g) uni-
 „ tate fidelium, sicut corpus nostrum unitum est compage membro-
 „ rum sola est (h) per quam sacrificium Dominus libenter
 „ accipit, sola quæ pro errantibus intercedit sola est, quæ
 „ intra se positos valida caritatis compage custodit. Unde & aqua
 „ diluvii Arcam quidem ad sublimiora sustulit: omnes autem, quos
 „ extra Arcam invenit, extinxit “. Hinc de hæreticis scribit (i):
 „ Sæpe

(a) *Epist. lib. 6. ep. 2. Ed. M. T. 2. Ven. T. 7. p. 350.*

(b) *Ibid. lib. 1. ep. 25. Ed. M. T. 2.*

(c) *Ibid. lib. 9. ep. 106. Ed. M. T. 2. Ven. T. 8. p. 137.*

(d) *Matth. 18. 20.*

(e) *In Decretis ac Notis Ed. M. T. 2.*

(f) *Lib. 6. epist. ep. 14. Edit. M. T. 2. V. T. 7. p. 361.*

(g) *Moral. lib. 19. n. 43. Edit. M. T. 1. Ven. T. 2. p. 268.*

(h) *Ibid. lib. 25. n. 13. Ed. M. T. 1. Ven. T. 3. p. 415.*

(i) *Ibid. lib. 18. n. 40. Edit. M. T. 1. Ven. Tom. 2. p. 214.*

S. GREG. M.

„ Sæpe pro Jesu Christi Domini ac Redemptoris nostri nomine
 „ multa patiuntur, seseque eisdem passionibus ejus fieri martyres
 „ sperant. Quibus Sancti Viri (Job) voce nunc dicitur : *Auro*
 „ *locus est in quo conflatur*. Nam quisquis extra Ecclesiæ
 „ unitatem patitur, poenas pati potest, martyr fieri non potest ;
 „ quia *auro locus est in quo conflatur*. Quid itaque ad hæc hære-
 „ tici dictis? Conflari per afflictionem carnis, vel etiam per mar-
 „ tyrium vultis, sed locum in quo conflari debeatis, nescitis “ .
 „ Quibus constat exponit dicens (a) : „ Quia a bonis malisque hæc
 „ vita communiter ducitur, nunc Ecclesia ex utrorumque numero
 „ visibiliter congregatur; sed Deo invisibiliter judicante discerni-
 „ tur, atque in exitu suo a reproborum societate separatur. Mo-
 „ do vero esse in ea nec boni sine malis, nec mali sine bonis pos-
 „ sunt. Hoc enim tempore conjuncta utraque pars sibi necessario
 „ congruit; ut mali mutantur per exempla bonorum, & boni pur-
 „ gentur per tormenta malorum “ .

De Primatu
S. Petri .

„ Primatum S. Petri agnoscit, & prædicat scribens (b) : „ Cun-
 „ ctis Evangelium scientibus liquet quod voce Domini Sancto &
 „ omnium Apostolorum Principi Petro Apostolo totius Ecclesiæ
 „ cura commissa est. Ipsi quippe dicitur : *Petre, amas me? Pasce*
 „ *oves meas*. Ipsi dicitur : *Ecce Satanas expetivit cribrare vos sic-*
 „ *ut triticum, & ego pro te rogavi, Petre, ut non deficiat fides*
 „ *tua*. Ipsi dicitur : *Tu es Petrus, & super hanc petram ædifica-*
 „ *bo Ecclesiam meam, & portæ inferi non prævalebunt adversus*
 „ *eam* Ecce claves regni cælestis accepit, potestas ei ligandi
 „ atque solvendi tribuitur, cura ei totius Ecclesiæ committitur,
 „ & tamen universalis Apostolus non vocatur “ . Quæ postrema
 „ verba addit ad typhum Joannis Constantinopolitani titulum Patriar-
 „ chæ Œcumenici ulurpantis comprimendum. Et iterum scribit (c) :
 „ Cum multi sint Apostoli, pro ipso tamen principatu sola Apo-
 „ stolorum Principis Sedes in auctoritate convaluit, quæ in tribus
 „ locis unius est. Ipse enim sublimavit Sedem, in qua etiam quie-
 „ scere, & præsentem vitam finire dignatus est. Ipse decoravit Se-
 „ dem, in qua Evangelistam discipulum misit. Ipse firmavit Se-
 „ dem, in qua septem annis, quamvis discessurus, sedet. Unius
 „ ergo una est Sedes, cui ex auctoritate divina tres nunc Episcopi
 „ præident “ . Designat autem Alexandrinam Ecclesiam, cui præse-
 „ dit S. Marcus Evangelistam. Antiochenam, in qua primum sedet
 „ Apostolorum Princeps : & Romanam, quam vigintiquinque annis
 „ rexit, & martyrio decoravit. Rationem vero reddit (d) „ cur o-
 „ mnipotens Deus eum qui cunctæ Ecclesiæ præferre disposuerat,
 „ ancillæ vocem pertimescere, & seipsum negare permisit „ di-
 „ cens :

(a) *Ibid. lib. 31. n. 48. Ed. M. T. 1. V. T. 3. p. 279.*(b) *Epist. lib. 5. ep. 20. Ed. M. T. 2. V. T. 7. p. 301.*(c) *Ibid. lib. 7. ep. 40. Ed. M. T. 2. V. T. 7. p. 453.*(d) *In Evang. bom. 21. n. 4. Ed. M. T. 1. Ven. T. 5. p. 238.*

cens: „Magnæ actum esse pietatis dispensatione.... ut is qui fuerat Pastor Ecclesiæ, in sua culpa disceret qualiter aliis misereri debuisset. Prius itaque eum ostendit sibi, & tunc præposuit cæteris, ut ex sua infirmitate cognosceret quam misericorditer aliena infirma toleraret “.

Innumera pene sunt D. Gregorii testimonia quibus declarat, Sedem Apostolicam, nedum honore, sed jurisdictione & potestate cæteris omnibus universi Orbis christiani Ecclesiis præfisse. Non multa delibabimus. De Constantinopolitana Ecclesia sic fidenter scribit Joanni Syracusano Episcopo (a): „De Constantinopolitana Ecclesia... quis dubitet Sedi Apostolicæ esse subjectam? Quod & piissimus Dominus Imperator, & Frater noster ejusdem civitatis Episcopus assidue profitentur “. Jurisdictionem etiam se habere supra Primatem Bizaceni provincie ostendit scribens (b): „In quodam crimine Bizacenus Primas accusatus fuit, & piissimus Imperator eum juxta statuta canonica per nos voluit judicari “. Immo quod idem Primas confiteretur se Apostolicæ Sedi subiaci, non illi laudi vertit; nam inquit: „Si qua culpa in Episcopis invenitur, nescio quis ei Episcopus subjectus non sit “. Difficiliores controversias præsertim ad fidem spectantes esse ad Sedem Apostolicam ita deferendas, ut prius servato ordine a Metropolitibus & a Vicario ab ipsa Sede Apostolica constituto judicentur, docet scribens Vigilio Episcopo Arelateni, quem suum Vicarium in Galliis constituerat (c): „Fraternitati vestræ, cui nostris in Ecclesiis, quæ sub regno sunt præ excellentissimi Filii nostri Childebiti juxta antiquum morem curam commisimus, singulis siquidem Metropolitibus secundum priscam consuetudinem proprio honore servato... Si qua vero inquisitio de fide, vel fortasse aliarum rerum inter Episcopos causa emerferit, quæ discerni difficilius possit, collectis duodecim Episcopis ventiletur, & decidatur. Si autem decidi nequiverit, discussa veritate ad nostrum judicium deferatur “. Denique super omnes Ecclesias Sedis Apostolicæ sollicitudinem versari debere pluries & agnoscit, & prædicat: quare modo scribit: „Cunctarum (d) Ecclesiarum conjuncta nobis sollicitudinis cura constringit “. Et rursus (e): „Pastoralis nos cura constringit Ecclesiis Sacerdotis moderamine, destitutis sollicita consideratione concurrere “. Appellationem ad Sedem Apostolicam & licitam esse, & servandam scribit Episcopo Mediolanensi (f): „Quando sententiam tales causæ (Episcoporum)

De Sedis Apostolicæ auctoritate.

(a) *Epist. lib. 9. ep. 12. Ed. M. T. 2. V. T. 8. p. 56.*

(b) *Ibid. lib. 9. ep. 59. Ed. M. T. 2. V. T. 8. p. 98.*

(c) *Ibid. lib. 5. ep. 54. Ed. M. T. 2. V. T. p.*

(d) *Ibid. lib. 1. ep. 29. Ed. M. T. 2.*

(e) *Ibidem.*

(f) *Ibid. lib. 10. ep. 29. Ed. M. T. 2. V. T. 8. p. 198.*

S. GREG. M.

De Divina-
rum Perfo-
narum Mis-
sione & S. S.
processione.

rum) suscipiunt, & ad Sedem Apostolicam appellatur, distri-
ctissime ab omni latere veritas quæritur “
Dum Christus dicit Apostolis: *Sicut misit me Pater, & ego*
mitto vos, ista Filii missio (ut observat S. Gregorius) juxta na-
turam divinitatis potest intelligi (a): „ Eo ipso enim a Patre
Filius mitti dicitur, quo a Patre generatur. Nam sanctum quo-
que Spiritum, qui cum sit coæqualis Patri & Filio, non tamen
incarnatus est, idem se Filius mittere perhibet, dicens: *Cum*
venerit Paraclitus, quem ego mittam vobis a Patre. Si enim
mitti solummodo incarnari deberet intelligi, sanctus proculdu-
bio Spiritus nullo modo diceretur mitti qui nequaquam incar-
natus est. Sed ejus missio ipsa processio est, qua de Patre
procedit & Filio. Sicut itaque Spiritus mitti dicitur, quia pro-
cedit: ita & Filius non incongrue mitti dicitur, quia genera-
tur “. Observat Jo. Diaconus in translatione græca Dialogo-
rum fraude Græcorum corruptum fuisse S. Pontificis dictum (b).
Ubi enim latine legitur: *Cum confisset quia Paraclitus Spiritus a*
Patre semper procedit & Filio; Græcus interpres, seu interpola-
tor vertit: *Manifestum est quod Paraclitus Spiritus ex Patre pro-*
cedit, & in Filio manet, ut Spiritus S. Processionem a Filio
impugnaret.

De duabus in
Christo natu-
ris & una
Persona.

Duas in Christo admittit naturas, non tamen duas Personas,
sed unam tantum; unde scribit (c): „ Tunc Deus Pater Deo
Filio suo nuptias fecit, quando hunc in utero Virginis humanæ
naturæ conjunxit... Sed quia ex duabus Personis fieri solet ista
conjunctio, absit hoc ab intellectibus nostris, ut personam Dei &
hominis Redemptoris nostri Jesu Christi ex duabus Personis cre-
damus unitam. Ex duabus quippe aut in duabus hunc naturis
existere dicimus; sed ex duabus personis compositum credi, ut
nefas, vitamus “. Dicitur in Evangelio Joannis, „ quia rece-
dente Diabolo (d) Angeli ministrabant ei. Ex qua re quid al-
liud quam unius personæ utraque natura ostenditur? Quia & ho-
mo est, quem diabolus tentat, & idem ipse Deus est, cui ab An-
gelis ministratur “. Et rursum scribit (e) Nestorii errorem re-
fellens: „ Non purus homo conceptus atque editus, post per me-
ritum ut Deus esset accepit; sed nuntiante Angelo, & adve-
niente Spiritu, mox Verbum in utero, mox intra uterum Ver-
bum caro, & manente incommutabili essentia, quæ ei est cum
Patre, & cum S. Spiritu coætæna, assumpsit intra virginæ vi-
scera,

(a) In Evang. lib. 2. homil. 26. n. 1. Ed. M. T. 1. V. T. 5. p. 266.

(b) In Vita S. Gregor. lib. 4. c. 75. Ed. M. T. 4.

(c) Homil. in Evang. lib. 2. homil. 38. n. 3. Ed. M. T. 1. V. T. 5. p. 348.

(d) Ibid. lib. 1. homil. 16. n. 4. Ed. M. T. 1. V. T. 5. p. 205.

(e) Mor. lib. 18. n. 85. Ed. M. T. 1. V. T. 2. p. 239. & 240.

„ scera, unde & impassibilis pati, & immortalis mori, & æternus
 „ ante sæcula temporalis posset esse in fine sæculorum: ut per S. GREG. M.
 „ ineffabile sacramentum, conceptu sancto, & partu inviolabili se-
 „ cundum veritatem utriusque naturæ, eadem Virgo & ancilla Do-
 „ mini esset & Mater. Sic quippe ei ab Elisabeth dicitur: *Unde*
 „ *hoc mihi ut veniat mater Domini mei ad me?* Et ipsa Virgo
 „ concipiens dicit: *Ecce Ancilla Domini* . . . & quamvis ipte
 „ aliud ex Patre, aliud ex Virgine, non tamen alius ex Patre,
 „ alius ex Virgine “.

Gratiæ necessitatem ad omne opus bonum adstruit S. Gregorius De Gratia
necessitate.
 scribens: „ Ad bona (a) assurgere perfecte non possumus nisi
 „ Sanctus Spiritus & præveniendò eleve, & sublequendo confortet.
 „ Quia (b) qualibet occulta loca sine Dei gratia animam salvare
 „ non possunt . . . Quid enim Paradiso jucundius? Quid cælo se-
 „ curius? & tamen homo ex Paradiso, Angelus de cælo peccando
 „ cecidit. Illius ergo nobis virtus querenda est, & gratia postulanda,
 „ sine quo nusquam absque culpa, & cum quo nusquam sine ius-
 „ titia. Hinc divina vox (c) jacenti Prophete jussit ut surge-
 „ ret. Sed surgere omnino non posset, nisi in hunc omnipotentis
 „ Dei spiritus intrasset; quia ex omnipotentis Dei gratia ad bona
 „ opera conari quidem possumus, sed hæc implere non possumus,
 „ si ipse non adjuvat qui jubet. Sic Paulus cum discipulos ad-
 „ moneret dicens: *Cum metu & tremore salutem vestram opera-*
 „ *mini* (d); illico quis in eis ipsa bona opera operaretur adun-
 „ xit, dicens: *Deus est enim qui operatur in vobis velle, & per-*
 „ *ficere pro bona voluntate*. Hinc est quod ipsa Veritas discipulis
 „ dicit: *Sine me nihil potestis facere* (e). Sed in his consideran-
 „ dum, quia sic bona nostra si omnipotentis Dei dona sunt, ut in
 „ eis aliquid nostrum non sit, cur nos quasi pro meritis æternam
 „ retributionem querimus? Si autem ita nostra sunt, ut dona Dei
 „ omnipotentis non sint, cur ex eis omnipotenti Deo gratias agi-
 „ mus? Sed sciendum est, quia mala nostra solummodo nostra
 „ sunt; bona autem nostra, & omnipotentis Dei sunt, & nostra;
 „ quia ipse aspiciendo nos prævenit, ut velimus, qui adjuvando
 „ sublequitur, ne inaniter velimus, sed possumus implere quæ vo-
 „ lumus. Præveniente ergo gratia & bona voluntate sublequente,
 „ hoc quod Dei donum est, fit meritum nostrum. Quod bene Pau-
 „ lus brevi sententia explicat dicens: *Plus omnibus laboravi*; qui
 „ ne suæ videretur virtuti tribuisse quod fecerat, adjunxit: *Non*
 „ *autem ego, sed gratia Dei mecum*. Quia enim cælesti dono
 „ præventus est, quasi alienum se a bono suo opere agnovit di-
 „ cens:

-
- (a) In Ezech. lib. 1. bom. 10. n. 45. Ed. M. T. 1. V. T. 4. p. 234.
 (b) Epist. lib. 7. ep. 4. Ed. M. T. 2. V. T. 7. p. 411.
 (c) In Ezech. lib. 1. bom. 9. n. 2. Ed. M. T. 1. V. T. 4. p. 203.
 (d) Philip. 2. 12.
 (e) Jaan. 15. 5.

S. GREG. M.

cens: *Non autem ego*. Sed quia præveniens gratia liberum in eo arbitrium fecerat in bonum: quo libero arbitrio eandem gratiam est subsecutus in opere, adjunxit: *Sed gratia Dei mecum*. Ac si diceret: In bono opere laboravi non ego, sed & ego. In eo enim quod solo Domini dono præventus sum, non ego: in eo autem quod donum voluntate subsecutus, & ego. Quid vero præster in homine absentia gratiæ, explicat scribens: „Fit plerumque (a) ut idem qui sublevaverat parumper Spiritus deserat, quatenus ipsum sibi hominem ostendat. Quod S. Vir (Job) protinus exprimit cum subiungit: *Et in pulverem reduces me*. Quia enim per subtractionem spiritus mens aliquantum in tentatione deseritur, quasi ab humore pristino terra siccat, ut infirmitatem suam derelictus sentiat, & sine infusione supernæ gratiæ quantum homo aruit, cognoscat. Observat etiam quod „Omnipotens Deus (b) eos, quos in æternum deligit, aliquando ad tempus relinquit. . . Hinc Psalmista deprecabatur dicens: *Non me derelinquas usquequaque*. Derelinquitur igitur sese ad modicum posse priliter noverat, qui ne usquequaque relinqueretur, petebat. Sanctos etenim suos Dominus veniendo adjuvat, relinquendo probat, donis firmat, tribulationibus tentat. Et rursum idem confirmat scribens: „Omnipotens Deus (c) humanum cor destruit cum relinquit, ædificat dum replet. Neque enim humanam mentem debellando destruit, sed recedendo; quia ad perditionem suam sufficit sibi dimissa. Unde plerumque fit, ut cum audientis cor exigentibus culpis omnipotentis Dei gratia non repletur, incassum exterius a prædicatore moneatur: quia mutum est os omne quod loquitur, si ille interius in corde non clamet, qui aspirat verba quæ audiuntur. Hinc Propheta ait: *Nisi Dominus ædificaverit domum, in vanum laborant qui ædificant eam* (d). Hinc Salomon dicit: *Confidera opera Dei, quod nemo possit corrigere, quem ille despexerit* (e). Nec mirum si a corde reprobo prædicator minime auditur, dum nonnunquam ipse quoque Dominus in his quæ loquitur, resistentium moribus impugnatur. Sic omnibus iustum de sua salute timorem habendum suadet scribens: „Obtineri nequaquam (f) possunt quæ prædestinata non fuerint, sed ea, quæ sancti viri orando efficiunt, ita prædestinata sunt, ut precibus obtineantur. Nam ipsa quoque perennis regni prædestinatio ita est ab omnipotenti Deo disposita, ut ad hoc electi ex labore perveniant: quatenus postulando mercantur acci-

„pere

Semper timendum de æterna salute.

- (a) *Mor. lib. 9. n. 80. Ed. M. T. 1. V. T. 1. p. 330.*
 (b) *Ibid. lib. 20. n. 51. Ed. M. T. 1. V. T. 2. p. 303.*
 (c) *Ibid. lib. 11. n. 12. Ed. M. T. 1. V. T. 2. p. 7.*
 (d) *Psal. 126. 1.*
 (e) *Eccl. 7. 14.*
 (f) *Dial. lib. 1. c. 8. Ed. M. T. 2. V. T. 6. p. 81.*

„pere quod eis omnipotens Deus ante sæcula disposuit donare...
 „(a) *Multi sunt vocati, pauci vero electi*. Tremendum valde
 „est quod audivimus. Ecce nos omnes jam vocati per fidem ad
 „cælestit Regis nuptias venimus Quia vocati sumus novi-
 „mus; si sumus electi, nescimus. Tanto ergo necesse est, ut
 „unusquisque nostrum in humilitate se deprimat, quanto si sit ele-
 „ctus ignorat. Nonnulli enim bona nec incipiunt; nonnulli ve-
 „ro in bonis quæ inceperunt, minime persilunt. Alter pene to-
 „tam vitam ducere in pravitare conspicitur, sed juxta finem vitæ
 „a pravitare sua per districtæ poenitentiae lamenta revocatur: al-
 „ter electam videtur vitam ducere, & tamen hunc contingit ad
 „erroris nequitiam juxta finem vitæ declinare Tanto ergo
 „unusquisque sibi sollicitè metuat, quanto ignorat quod restat:
 „quia quod sæpe dicendum est, & sine oblivione retinendum: *Multi
 „sunt vocati, pauci vero electi* “. Quam veritatem confirmat
 „exemplo trium lororum Parentis sui, „uno omnes ardore (b)
 „conversæ, uno eodemque tempore sacratæ, sub districtione re-
 „gulari degentes, in domo propria socialem vitam ducebant. Dux
 „in sancta conversatione usque ad mortem perseverarunt, sed eo-
 „rum altera oblita Dominici timoris, oblita pudoris & reveren-
 „tiæ, oblita consecrationis, conductorem agrorum suorum post-
 „modum maritum duxit. Ecce omnes tres uno prius ardore con-
 „versæ sunt, sed non in uno eodemque studio permanserunt, quia
 „juxta Domini vocem *multi sunt vocati, pauci vero electi* . . .
 „Nemo (c) vero discutiatur, cur stante Judaico populo, dudum in
 „infidelitate Gentilitas jacuit; & cur ad fidem Gentilitate sur-
 „gente Judaicum populum infidelitatis culpa prostravit. Nemo
 „discutiatur cur alius trahatur ex dono, alius repellatur ex meri-
 „to. Si enim Gentilitatem miraris assumptam, ipso concedente pa-
 „cem quis est qui condemnet? Si Judæam obtupefiscis perditam
 „ex quo absconderis vultum suum, quis est qui contempletur eum?
 „Itaque consilium summæ & occultæ virtutis, satisfactio sit aper-
 „tæ rationis. Unde in Evangelio Dominus, cum de hujus rei
 „causa loqueretur, ait *Ita Pater*; atque mox tamquam
 „rationem quamdam absconsonis ac revelationis adjungens, *quia
 „sic fuit placitum ante te*. Quibus nimirum verbis exempla hu-
 „militatis accipimus, ne temere discutere superna consilia de alio-
 „rum vocatione, aliorum vero repulsionem præsumamus “. Quod
 „confirmat exemplo, scribens: „Duo ad hanc lucem (d) parvuli
 „veniunt, sed uni datur ut ad redemptionem per baptismum redeat,
 „alter ante subtrahitur quam hunc regenerans unda perfundat. Et
 „sæpe fidelium filius sine fide rapitur, sæpe infidelium concessio
 „Tricalet. Tom. VII. S „fidei

(a) In Evang. lib. 2. hom. 38. n. 14. Ed. M. T. 1. V. T. 5. p. 344.

(b) Ibid. n. 15.

(c) Mor. lib. 25. n. 32. Ed. M. T. 1. V. T. 3. p. 70.

(d) Ibid. lib. 27. n. 7. Ed. M. T. 1. V. T. 3. p. 129.

„ fidei sacramento renovatur. Sed fortasse aliquis dicat, quod hunc
 S. GREG. M. „ Deus aſſurum prave etiam poſt baptiſma noverat, & ideo
 „ eum ad baptiſmatis gratiam non perducit. Quod ſi ita eſt,
 „ peccata quorundam proculdubio priuſquam ſint perpetrata, pu-
 „ niuntur. Et quis iſta recte ſentiens dixerit, quia omnipotens
 „ Deus, qui alios a perpetratis facinoribus liberat, hæc in aliis et-
 „ iam non perpetrata condemnet? Occulta itaque ſunt ejus judi-
 „ cia, & quanta obſcuritate nequeunt conſpici, tanta debent hu-
 „ militate venerari “.

De Angelis
 bonis & ma-
 lis.

De natura Angelorum ſic docet: „ Ipſi angelici (a) ſpiritus mu-
 „ tabiles ex natura ſunt conditi, quatenus aut ſua ſponte caderent,
 „ aut ex arbitrio flarent. Sed quia humiliter elegerunt ei inhære-
 „ re a quo creati ſunt, hanc ipſam in ſe mutabilitatem ſuam ſtan-
 „ di, jam immutabilitate vicerunt: ut hoc ipſum merito tranſcen-
 „ derent, quod naturæ ſuæ ordine mutabilitati ſubefſe potuiſſent “.
 „ Docet „ duas a Deo (b) factas creaturas, angelicam videlicet &
 „ humanam ſed una tegmen carnis habuit, alia vero nihil
 „ infirmum de carne geſtavit. Angelus namque ſolummodo ſpiri-
 „ tus, homo vero & ſpiritus eſt & caro “. Demones tamen licet
 „ ſpirituales, torqueri igne corporeo dicit, ſcribens: „ Si viventes
 „ (c) hominis incorporeus ſpiritus tenetur in corpore, cur non poſt
 „ mortem cum incorporeus ſit ſpiritus, etiam corporeo igne tenea-
 „ tur? ... Teneri autem ſpiritum per ignem dicimus, ut in tor-
 „ mento ignis ſit videndo atque ſentiendo “. Novem diſtinguit An-
 „ gelorum ordines, ſcribens: „ Novem Angelorum (d) ordines dixi-
 „ mus, quia videlicet eſſe, teſtante ſacro eloquio, ſcimus, Ange-
 „ los, Archangelos, Virtutes, Potēſtates, Principatus, Domina-
 „ tiones, Thronos, Cherubim, atque Seraphim. Eſſe namque
 „ Angelos & Archangelos, pene omnes ſacri eloquii paginæ te-
 „ ſtantur; Cherubim vero, atque Seraphim ſæpe, ut notum eſt,
 „ libri Prophetarum loquuntur. Quatuor quoque ordinum nomi-
 „ na Apoſtolus Paulus ad Ephēſios enumerat dicens: *Super omnem*
 „ (e) *Principatum & Potēſtatem, & Virtutem & Dominationem*.
 „ Qui ruruſ ad Coloſſenſes ſcribens ait: „ *Sive Throni (f), ſive Po-*
 „ *teſtates, ſive Principatus, ſive Dominationes* Dum ergo il-
 „ lis quatuor quæ ad Ephēſios dixit, ideſt Principatibus, Pote-
 „ ſtatibus, Virtutibus, & Dominationibus conjunguntur Throni,
 „ quinque ſunt ordines qui ſpecialiter exprimuntur. Quibus dum
 „ Angeli, & Archangeli, Cherubim, atque Seraphim adjuncta
 „ ſunt, proculdubio novem eſſe Angelorum Ordines inveniuntur “.
 „ Obſervat etiam „ vocabulum Angeli, nomen eſſe officii, non natu-
 „ ..

(a) *Ibid.* l. 25. n. 11. Ed. M. T. 1. V. T. 3. p. 65.

(b) *Ibid.* l. 4. n. 8. Ed. M. T. 1. V. T. 1. p. 113.

(c) *Diut.* l. 4. c. 29. Ed. M. T. 2.

(d) *In Evang.* l. 2. bom. 34. n. 7. Ed. M. T. 1. V. T. 5. p. 316.

(e) *Ephes.* 1. 21. (f) *Colloſſ.* 1. 16.

re . . . Angeli (a) nuntii, Archangeli summi nuntii vocantur. 3. GREG. M.
 „ Hinc sancti illi caelestis patriæ spiritus semper quidem sunt spi-
 „ ritus, sed semper vocari Angeli nequaquam possunt: quia tunc
 „ solum sunt Angeli, cum per eos aliqua nuntiantur: unde & per
 „ Psalmistam dicitur: *Qui facit Angelos suos spiritus* “. De dia-
 „ bolo autem scribit: „ Et si actionis (b) suæ merito infra homines
 „ cecidit, omne tamen humanum genus naturæ angelicæ conditione
 „ transcendit. Quamvis enim internæ felicitatis beatitudinem per-
 „ didit, naturæ tamen suæ magnitudinem non amisit, cujus adhuc
 „ viribus humana omnia superat . . . Sed Dei celsitudinis culmen
 „ aspiciens jus perversæ libertatis appetiit, ut & præesset cæteris,
 „ & nulli subesset, dicens: *Ascendam super altitudinem nubium*,
 „ & *similis ero Altissimo* (c); cujus eo ipso similitudinem perdidit,
 „ quo esse ei superbe similis in celsitudine concupivit Dum
 „ privatam celsitudinem superbe appetiit, jure perdidit participa-
 „ tam Relicto eo qui vere illi sufficere poterat, se sibi suffi-
 „ cere posse judicavit, & tanto magis infra se cecidit, quanto ma-
 „ gis se contra gloriam sui conditoris erexit. Nam quem exaltabat
 „ libera servitus, dejecit captiva libertas “.

De primi vero hominis conditione sic docet: „ Ad hoc in Para- De primo
homine.
 „ diso (d) homo positus fuerat, ut si se ad conditionis sui obedien-
 „ tiam in vinculis caritatis adstringeret, ad caelestem Angelorum pa-
 „ triam quandoque sine carnis morte transiret. Sic namque immor-
 „ talis est conditus, ut tamen si peccaret, & mori posset, & sic
 „ mortalis est conditus, ut si non peccaret, etiam non mori posset,
 „ atque ex merito liberi arbitrii beatitudinem illius regionis atin-
 „ geret, in qua vel peccare, vel mori non posset “. Ejus condi-
 „ tionem securi sunt polleri: „ Hinc (e) nos sancti efficiuntur, non
 „ sancti nascimur; quia ipsa naturæ corruptibilis conditione con-
 „ stringimur, ut cum Propheta dicamus: *Ecce enim in iniquitati-
 „ bus conceptus sum, & in peccatis concepit me mater mea*. Ille
 „ solus veraciter sanctus natus est, qui ut ipsam conditionem na-
 „ turæ corruptibilis vinceret, ex commixtione carnalis copulæ con-
 „ ceptus non est “.

Originale peccatum in Adæ posteris propagari agnoscit scribens: De peccato
originali.
 „ Numquid (f) si egressus ex utero statim periisset (Job), retri-
 „ butionis meritum ex hac ipsa perditione conciperet? Numquid
 „ æterna requie abortivi perfruuntur? Quisquis enim regenerationis
 „ unda non solvitur, reatu primi vinculi ligatus tenetur. Quod
 „ vero apud nos valet aqua baptismatis, hoc egit apud veteres,
 „ vel

(a) In Evang. l. 1. hom. 34. n. 8. Ed. M. T. 1. V. T. 5. p. 316.

(b) Mor. l. 34. n. 39. & 40. Ed. M. T. 1. V. T. 3. p. 401.

(c) Isai. 14. 14.

(d) Mor. l. 4. n. 54. Ed. M. T. 1.

(e) Ibid. l. 18. n. 84. Ed. M. T. 1. V. T. 1. p. 239.

(f) Mor. lib. 4. n. 3. Ed. M. T. 1.

S. GREG. M.

„ vel pro parvulis sola fides, vel pro majoribus virtus sacrificii,
 „ vel pro his qui ex Abraham stirpe prodierunt mysterium circum-
 „ cisionis. Nam quia unusquisque cum primi parentis culpa conci-
 „ pitur, Propheta testatur dicens: *Ecce enim in iniquitatibus con-*
 „ *ceptus sum*. Et quia is, quem salutis unda non diluit, originalis
 „ culpæ supplicia non amittit, aperte per semetipsam Veritas per-
 „ hihet dicens: „ *Nisi quis renatus fuerit ex aqua & Spiritu san-*
 „ *cto, non habebit vitam æternam* (a) “. Puniri etiam poena sen-
 „ sus arbitratur scribens: „ Nonnulli (b) prius a præsentī luce
 „ subtrahuntur, quam ad proferenda bona malave merita activæ
 „ vitæ perveniant. Quos quia a culpa originis Sacramenta non li-
 „ berant: & hic ex proprio nihil egerunt, & illuc ad tormenta
 „ perveniunt. Quibus unum vulnus est corruptibiliter nasci, aliud
 „ carnaliter emori. Sed quia post mortem quoque æterna mors se-
 „ quitur, occulto eis iustoque iudicio etiam sine causa vulnera mu-
 „ ltiplicantur. Perpetua quippe tormenta percipiunt & qui nihil
 „ ex propria voluntate peccaverunt “.

De baptismo
Joannis &
Christi.

De utilitate baptismatis Joannis sic scribit: „ Cunctis (c) le-
 „ gentibus liquet, quia Joannes non solum baptismum poenitentiae
 „ prædicavit, verum etiam quibusdam dedit: sed tamen baptismum
 „ suum in remissionem peccatorum dare non potuit. Remissio ete-
 „ nim peccatorum in solo nobis baptismo Christi tribuitur. No-
 „ tandum itaque quod dicitur: *Prædicans baptismum poenitentiae in*
 „ *remissionem peccatorum* (d); quoniam baptismum quod peccata
 „ solveret, quia dare non poterat, prædicabat “. At longe ex-
 „ cellentiori modo prædicat Christi baptismum scribens: „ Ab origi-
 „ nali culpa per baptismum liberamur “, & ita ab aliis omnibus:
 „ ut si (e) qui sunt, qui dicant, peccata in baptismo superficie
 „ tenus dimitti, quid est hac prædicatione infidelius, in qua ipsum
 „ fidei Sacramentum festinant solvere? In quo principaliter ad cæ-
 „ lestis munditiæ mysterium anima ligatur, ut absoluta radicatus a
 „ peccatis omnibus, soli illi inhæreat, de quo Propheta ait: *Mihi*
 „ *autem adherere Deo bonum est* (f)? Ideo omnes (g) baptizatos
 „ infantes, atque in eadem infantia morientes ingredi regnum ex-
 „ leste credendum est “. De ritu autem conferendi baptismatis per
 „ unam vel trinam immersionem sic scribit S. Leandro Hispalensi Epi-
 „ scopo: „ De trina (h) vero immersione baptismatis, responderi nil
 „ verius potest, quam ipsi sensistis; quia in una fide nihil officit
 „ sanctæ Ecclesiæ consuetudo diversa, Nos autem quod tertio mer-
 „ gitur,

(a) Joan. 3. 5.

(b) Mor. l. 9. n. 32. Ed. M. T. 1. V. T. 1. p. 309.

(c) In Evang. l. 1. bom. 20. n. 2. Ed. M. T. 1. V. T. 5. p. 228.

(d) Luc. 3. 3.

(e) Epist. l. 11. ep. 45. Ed. M. T. 2. V. T. 8. p. 275.

(f) Psalm. 72. 28.

(g) Dial. l. 4. c. 18. Ed. M. T. 2. V. T. 6. p. 285.

(h) Epist. l. 1. ep. 43. Ed. M. T. 2. V. T. 7. p. 55.

„simus, triduanæ sepulturæ sacramenta signamus Quod si
 „quis forte etiam pro summæ Trinitatis veneratione æstimet fie- S. GREG. M.
 „ri, neque ad hoc aliquid obstitit, baptizandum semel in aquis
 „mergere; quia dum in tribus subsistentiis una substantia est, re-
 „prehensibile esse nullatenus potest, infantem in baptismate vel
 „ter, vel semel mergere, quando & in tribus personis perso-
 „narum Trinitas, & in una potest divinitatis singularitas desi-
 „gnari. Sed quia nunc usque ab hæreticis (Arianis) infans in
 „baptismo tertio mergebatur, sciendum apud vos esse non censeo:
 „ne dum personæ numerant, divinitatem dividant, dumque quod
 „faciebant faciunt, se morem nostrum vicisse glorientur.”

Mos erat ut baptismus solum in Paschate & Pentecoste conferre-
 tur, nec nisi ex speciali indulgentia, & ad nascentis populi utili-
 tatem a S. Augustino Anglorum Apostolo, ut narrat D. Gregorius,
 „in solemnitate (a) Dominicæ nativitatis plusquam decem mil-
 „lia Angli baptizati sunt”: Ideo in epistola ad Fantinum De-
 fensorem scribit, ut Judæos Agrigentinum territorium, ad christia-
 nam fidem conversos, incolentes „si illis (b) longum & triste
 „videatur sollemnitatem sustinere Paschalem, & eos nunc ad ba-
 „ptisma festinare cognoscat; ne, quod abest, longa dilatio eorum
 „retro possit animos revocare, cum fratre nostro Episcopo loci
 „ipsius loqui, ut pœnitentia ac abstinencia quadraginta diebus in-
 „dicta, aut die dominico, aut si celeberrima festivitas fortassis oc-
 „currerit, eos omnipotentis Dei misericordia protegente bapti-
 „zet Si vero sanctum Pascha elegerint expectare, iterum
 „cum Episcopo loquere, ut modo quidem Catechumeni hiant . . .
 „ut quanto quæ expectatur elongatur festivitas, tanto se præpara-
 „re, & cum desiderio ferventi debeant sustinere. Mulier (c) et-
 „iam prægnans debet baptizari, cum ante omnipotentis Dei ocu-
 „los culpa non sit fecunditas carnis immo baptizari & hoc
 „quod genuerit sine mora, si periculo mortis urgetur, nullo modo
 „prohiberi docet. Quoties vero de baptismo (d) aliquorum du-
 „bitatio habetur, & nec scriptis nec testibus ratio certa habetur
 „utrum baptizati sint, baptizentur tales, ne talis dubitatio ruina
 „fidelibus fiat, quoniam non monstratur iteratum, quod non cer-
 „tis indiciiis ostenditur rite peractum. Quilibet vero (e) apud
 „hæresim in Trinitatis nomine baptizantur, cum ad sanctam Ec-
 „clesiam redeunt, aut unctione christiatis, aut impositione man-
 „nus, aut sola professione fidei ad sinum Matris Ecclesiæ revo-
 „cantur Qui vero in Trinitatis nomine minime baptizantur,
 „cum ad sanctam Ecclesiam veniunt baptizantur, sicut fit cum

De Ministro,
 & tempore
 baptismi.

S 3

„Bo-

(a) *Epist. l. 8. ep. 30. Ed. M. T. 2. V. T. 8. p. 32.*

(b) *Ibid. ep. 23. Ed. M. T. 2. V. T. 8. p. 24.*

(c) *Ibid. l. 11. ep. 64. Ed. M. T. 2. V. T. 8. p. 301.*

(d) *Ibid. l. 14. ep. 17. Ed. V. T. 8. p. 437.*

(e) *Ibid. l. 11. ep. 67. Ed. M. T. 2. V. T. 8. p. 315.*

„ Bonofacis, & Cataphrygis, quia & illi Christum Dominum non
 S.GREG. M. „ credunt, & isti S. Spiritum perverso sensu esse quemdam pra-
 „ vum hominem Montanum credunt “.

De Sacra-
 mento Con-
 firmationis „ Confirmationis Sacramentum agnoscit, & prædicat scribens :
 „ Fideles (a) ad sanctum Baptisma venientes nostris, precibus be-
 „ nedicuntur, & per impositionem nostrarum manuum Spiritum S.
 „ percipiunt “. De dubitantibus num sint confirmati, idem dicit
 „ præstandum quod & de dubitantibus num sint baptizati, ut superius
 „ diximus. Urget Episcopos ad Diocesis visitationem ut confirment,
 „ scribens: „ Ecclesiis, ad quas (b) sine labore potestis accedere,
 „ Fraternitas vestra officium visitationis impendat, ut ii qui illic,
 „ Deo proptito, baptizantur, inconfignati non debeant remanere “.

Monet tamen „ ut subjectos (c) minime gravent, & si qua
 „ sunt gravamina temperent “. Addit etiam: „ Episcopi (d) ba-
 „ ptizatos infantes signare bis in frontibus chrismate non præsu-
 „ mant; sed Presbyteri baptizandos ungant in pectore, ut Episco-
 „ pi postmodum ungere debeant in fronte “. Ex quo apparet, so-
 „ los Episcopos agnitos a D. Gregorio Confirmationis ordinarios mi-
 „ nistros, & ideo Presbyteris Sardinie hoc munus sibi usurpantibus ex
 „ antiqua consuetudine primum vetat, deinde conditionate concedit
 „ scribens Januario Episcopo: „ Pervenit (e) quoque ad nos, quos-
 „ dam scandalizatos fuisse quod Presbyteros chrismate tangere,
 „ eosque baptizando prohibuimus. Et nos quidem secundum
 „ usum veterem Ecclesie nostræ fecimus; sed si omnino hac de re
 „ aliqui contristantur, ubi Episcopi desunt, ut Presbyteri etiam in
 „ frontibus baptizandos chrismate tangere debeant, concedimus “. Hæc concessio negotium facessivit Theologis docentibus solum Epi-
 scopum esse posse Sacramenti Confirmationis ministrum. Hinc plu-
 res docuere, licet Episcopus sit ordinarius hujus Sacramenti mini-
 ster, posse tamen Summi Pontificis dispensatione & Presbyteros ad
 hoc ministerium assumi, ut moris est in Ecclesia Græca. Ita re-
 vera S. Gregorii concessionem est interpretatus D. Thomas (f). Et
 indigitavit Eugenius IV. dicens aliquando (g) concessum Presbye-
 ris ut confirmarent chrismate ab Episcopo accepto. Et Pallavicinus
 (h) pluribus exemplis hanc facultatem concessam ostendit a Summis
 Pontificibus Hadriano V. Nicolao IV. Joann. XXII. Urbano V.
 Leone X. Verum si verba S. Gregorii attendantur, videtur hic nul-
 lam haberi de Confirmationis Sacramento mentionem, cum solura
 loquatur de unctione facienda in fronte non baptizatorum, sed ba-
 ptizan-

- (a) In Evang. J. 1. hem. 17. Ed. M. T. 1.
 (b) Epist. l. 10. ep. 45. Ed. M. T. 2. V. T. 8. ep. 214.
 (c) Ibid. l. 13. ep. 18. Ed. M. T. 2. V. T. 8. p. 387.
 (d) Ibid. l. 4. ep. 9. Ed. M. T. 2. V. T. 7. p. 234.
 (e) Ibid. l. 4. ep. 26. Ed. M. T. 2. V. T. 7. p. 252.
 (f) 3. p. quest. 72. a. 11. ad 1.
 (g) Decret. ad Arqueops Tom. 9. Concil. Ardum. p. 438.
 (h) Hist. Concil. Trid.

præmandorum, ut haberetur in pluribus emendatioribus codicibus. Videtur proinde hic solum sermonem haberi & concedi Presbyteris Sardinie æremonialem quandam unctionem ab ipsis in fronte baptizandorum habitam, quæ a Presbyteris Romanis in pectore fieri consueverat (1).

De Eucharistiæ Sacramento sic docet: „ Singulariter (a) ad absolutionem nostram oblata cum lacrymis, & benignitate mentis sacri altaris hostia suffragatur; quia is qui in se resurgens a mortuis jam non moritur, adhuc per hanc in suo mysterio pro nobis iterum patitur. Nam quoties ei hostiam suæ passionis offerimus, toties nobis ad absolutionem nostram, passionem illius reparamus. Hæc namque (b) singulariter victima ab æterno interitu animam salvat, quæ illam nobis mortem Unigeniti per mysterium reparat, qui licet resurgens a mortuis jam non moritur, & mors ei ultra non dominabitur; tamen in semetipso im-

De Eucharistiæ transubstantiatione.

S 4

„ mor-

(1) Miror Auctorem non legisse Notam a Mautinis Editoribus huic epistolæ adjunctam, quorum tamen Editione ipse utitur. Hi itaque sic ejus ineptam explicationem reserunt. Hoc sane argumento prima fronte arietari nobis videbatur communis Theologorum opinio de collato, vel confirmato Presbyteris a Sanctissimo Pontifice privilegio infantem vice absentium Episcoporum consignandi, & confirmandi. Verum ut cum eisdem ita quoque sentiamus hæc nos coegerunt. Constat S. Gregorium epistola posteriori scilicet 26. illud concessisse, quod priori (nempe nona) prohibuerat, unctionemque ac consignationem permissam, quæcumque fuerit secundum usum veterem Romane Ecclesiæ, imo Ecclesiæ tere omnium Occidentalium non a Presbyteris adhibitam unquam, sed a solis Episcopis, nec alia lege illam administrandi ius collatum nisi ubi deessent Episcopi. At quænam alia potest excogitari præter sacramentalem chrismationem? Unctio enim in pectore vel in vertice baptizandorum ex chrismate ad Presbyteros pertinet in qualibet Ecclesiâ, adcoque & in Romana.... At inquires: Agit Gregorius de infantibus baptizandis, qui cum Baptismi expertes adhuc sint, ad Confirmationem recipiendam nondum erant idonei. Agit S. Doctor de infantibus qui baptizabantur, & eodem tere tempore consignabantur pro illorum temporum more. Certe ubi legitur epistola 9. *Sed Presbyteri baptizandos ungant in pectore, ut Episcopi postmodum ungere debeant in fronte*; scilicet infantem, quos supra dixit baptizandos; eadem ratione quis arguet: Ergo Episcopi nondum baptizatos, sed tantum baptizandos consignabant, & confirmabant. Itaque de Catechumenis ante immersionem chrismate in fronte tangendis Gregorius intellegit nemo: quippe baptizandos antequam immergerent simplici quidem oleo inunctos legimus, at numquam chrismate.... Deinde, ut observavimus, Gregorius de illa frontis chrismatione loqui quæ Episcopis reservabatur, nec nisi super baptizatos fiebat, evincit concessionis ejus hæc restrictio ubi Episcopi defunt. Etenim ut declarat Innoc. I. epist. 1. ad Decentium c. 3. *Presbyteris seu extra Episcopum, seu presente Episcopo cum baptizant chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare quod solis debetur Episcopis cum tradunt Spiritum Paracletum*. Legatur Theologia Patristica T. 6. Dissert. 1. cap. 8. n. 4.

(a) In Evang. l. 2. hom. 37. n. 7. Ed. M. T. 1. V. T. 5. p. 344.

(b) Diss. l. 4. c. 52. Ed. M. T. 2. V. T. 6. p. 352.

S. GREG. M.

„ mortaliter atque incorruptibiliter vivens, pro nobis iterum in
 „ hoc mysterio sacræ oblationis immolatur. Ejus quippe ibi cor-
 „ pus sumitur, ejus caro in populi salutem partitur, ejus sanguis
 „ non jam in manus infidelium, sed in ora fidelium funditur . . .
 „ Quis enim fidelium habere dubium possit, in ipsa immolationis
 „ hora ad Sacerdotis vocem celos aperiri in illo Jesu Christi my-
 „ sterio . . . summa imis sociari, terrena caelestibus jungi, unum-
 „ que ex visibilibus, & invisibilibus fieri? “ Sacrificii vero Missæ
 „ vim & efficaciam exemplo comprobat scribens: „ Non longe (a)
 „ a nostris temporibus fertur factum, quod quidam ab hostibus ca-
 „ ptus; cum diu teneretur in vinculis, eum uxor sua cum a ca-
 „ ptivitate non reciperet, extinctum putavit. Pro quo velut mor-
 „ tuo hostias hebdomadibus singulis curabat offerre. Cujus toties
 „ vincula solvebantur in captivitate, quoties ab ejus conjugē obla-
 „ tæ fuissent hostiæ pro animæ ejus absolutione. Nam longa post
 „ tempora revertens, admirans valde suæ indicavit uxori, quod
 „ diebus certis, hebdomadibus singulis, ejus vincula solvebantur.
 „ Quos videlicet dies ejus uxor atque horas discutiens tunc eum
 „ recognovit absolutum, cum pro eo sacrificium meminerat obla-
 „ tum. Hinc ergo, fratres charissimi, hinc certa consideratione col-
 „ ligite, oblata a nobis hostia sacra quantum in nobis solvere va-
 „ leat ligaturam cordis, si oblata ab altero potuit in altero solve-
 „ re vincula corporis “. Et mortuis hoc sacrificium prodesse osten-
 „ dit scribens: „ Si insolubiles culpæ (b) non fuerint, ad absolu-
 „ tionem prodesse etiam mortuis victimæ sacræ oblationis potest.
 „ Sed sciendum est, quia illis sacræ victimæ mortuis prosint, qui
 „ hic vivendo obtinuerunt, ut epi etiam post mortem bona adju-
 „ vent, quæ hic pro ipsis ab aliis fiunt “.

De Orato-
 riis . De
 Missarum
 celebratione,
 & commu-
 nione.

Non in solis Templis, sed & in privatis domibus Missæ Sacrifi-
 cium celebrabatur. Hinc cum Joannes Episcopus Venantio Patri-
 tio iratus ejus oblationem refutasset, & Missas in ejus domo ce-
 lebrari veruisset, S. Gregorius illi scripsit (c) „ ut oblationes Ve-
 „ nantii sicut ante susceperet, & Missam in domo ejus non solum
 „ celebrari permetteret, sed etiam ipse perageret “. Episcopi in suis
 domibus Oratorium in quo Sacrificium peragerent habebant, ut ap-
 pareret ex Cassio Narniensi Episcopo, de quo narrat S. Gregorius (d)
 ipso die exitus sui in Episcopii Oratorio Missas fecisse, & manu
 sua Corpus Dominicum, pacemque omnibus tribuisse. Plura etiam
 erant in uno Templo altaria: nam Palladius Episcopus (e) Ec-
 clesiam in honorem B. Petri & Pauli Apostolorum, nec non Lau-
 rentii atque Pancratii martyrum construxit, atque in ea tredecim
 alta-

-
- (a) In Evang. l. 2. bom. 37. n. 8. Ed. M. T. 1. V. T. 5. p. 344.
 (b) Dial. l. 4. c. 57. Ed. M. T. 2. V. T. 6. p. 351.
 (c) Epist. l. 6. ep. 43. Ed. M. T. 2. V. T. 7. p. 385.
 (d) In Evang. bom. 37. n. 9. Ed. M. T. 1. V. T. 5. p. 344.
 (e) Epist. l. 6. ep. 49. Ed. M. T. 2. V. T. 7. p. 388.

altaria collocavit. Tempore S. Gregorii mos invaluerat immittendi Eucharistiam in os communicantis: unde narrat mutum a S. Agapito sanatum immittendo Dominicum corpus in os ejus. Deferebatur (a) etiam in itinere tam terrestri, quam marino: quare narrat Maximianum Episcopum Syracusanum (b) in mari Adriatico navigantem, & in presenti naufragii periculo constitutum pacem, & corpus ac sanguinem Redemptoris simul cum focis accepisse. Dabatur etiam per modum Viatici in extremo vitæ constitutis: quamobrem narrat (c) Sanctum Benedictum Monachorum Parentem ingravescente morbo se in Oratorium a Discipulis portari fecisse, ibique exitum suum Domini corporis & sanguinis perceptione munivisse: & similiter de Eleutherio venerabili Sene narrat (d) ad horam mortis veniente, mysterium Domini corporis & sanguinis accepisse. Mos etiam erat ponendi Eucharistiam super pectus cadaveris, ut cum eo sepeliretur. Narrat siquidem S. Gregorius (e) S. Benedictum jussisse, ut Dominicum corpus super pectus poneretur defuncti fratris a terra bis projecti, & inhumati, quo præstito susceptum corpus ejus terra tenuit, nec ultra projecit (1).

S. GREG. M.

Dictum est Apostolis: *Quorum (f) remisieritis peccata, remittuntur eis, & quorum retinueritis retenta sunt.* Unde subdit D. Gregorius: „ Ecce (g) non solum de semetipsis securi fiunt, sed etiam alienæ obligationis potestatem relaxationis accipiunt, principatumque superni Judicii, ut vice Dei quibusdam peccata retineant, quibusdam relaxent.... Horum profecto nunc in Ecclesia Episcopi locum tenent. Ligandi atque solvendi auctoritatem suscipiunt, qui gradum regiminis sortiuntur. Grandis honor, sed grave pondus istius est honoris..... Causæ pensandæ sunt, & tunc ligandi atque solvendi potestas exercenda. Videndum est quæ culpa præcessit, aut quæ sit pœnitentia secuta post culpam, ut quos omnipotens Deus per compunctionis gratiam visitat, illos Pastoris sententia absolvat. Tunc enim vera est absolutio præsentis, cum interni arbitrium sequitur iudicis “.

De Pœnitentia, Confessione, & potestate clavium.

„ Pœ-

(a) *Dial. l. 3. c. 3. Ed. M. T. 2. V. T. 6. p. 176.*(b) *Ibid. cap. 36.*(c) *Ibid. l. 2. c. 37. Ed. M. T. 2.*(d) *Ibid. l. 4. c. 35. Ed. M. T. 2.*(e) *Ibid. l. 2. c. 24. Ed. M. T. 2. V. T. 6. p. 148.*(1) Multis exemplis a Menardo adductis in Notis ad Sacramentarium S. Gregorii constat olim Sacrum Corpus Christi super pectus quorundam defunctorum in sepulchro fuisse positum. Solemnis hic mos erat in sepeliendis Episcopis. Nec hoc adversatur Decretis Conciliorum Carthaginensis 2. & Altiſiodorensis, quæ prohibent Eucharistiam dari mortuis: hoc enim intelligi debet de Communione quæ concedi non debet mortuis, cum dictum sit: *Accipite & manducate.* Unde liquet eos solum accipere posse qui & manducare.(f) *Joan. c. 20. 22.*(g) *In Evang. l. 2. bom. 26. n. 4. & seq. Ed. M. T. 1. V. T. 5. p. 267.*

S. GREG. M.

De vera
Pœnitentia.

„ Pœnitentiam agere (scribit S. Gregorius) est perpetrata (a)
 „ mala plangere , & plangenda non perpetrare . Nam qui sic alia
 „ deplorat , ut tamen alia committat , adhuc pœnitentiam agere
 „ aut dissimulat , aut ignorat . Hinc scriptum est : *Canis (b) re-*
 „ *versus ad suum vomitum , & sus lota in volutabro luti .* Canis
 „ quippe (c) cum vomit , profecto cibum , qui pectus deprimebat
 „ projicit ; sed cum ad vomitum revertitur unde levigatus fuerat ,
 „ rursus oneratur . Et qui admissa plangunt , profecto nequitiam ,
 „ de qua male satiati fuerant , & quæ mentis intima deprimebat ,
 „ confitendo projiciunt , quam post confessionem dum repetunt , re-
 „ sumunt . Sus vero in volutabro luti cum lavatur , sordidior red-
 „ ditur . Et qui admissa plangit , nec tamen deserit , pœnæ gra-
 „ vioris culpæ se subijcit : quia & ipsam quam flendo potuit im-
 „ petrare veniam contemnit , & quasi in lurosa aqua semetipsum
 „ volvit , quia dum fletibus suis vitæ munditiam subtrahit , ante
 „ Dei oculos sordidas ipsas etiam lacrymas facit ... At contra ...
 „ sunt qui admissa deserunt , nec tamen plangunt ; ne jam relaxa-
 „ tas æstiment culpas , quas etsi agendo non multiplicant , nullis
 „ tamen fletibus mundant . Neque enim scriptor , si a scriptione
 „ cessaverit , quia alia non addidit , etiam illa quæ scripserat dele-
 „ vit ... nec debitor absolutus est , quia alia non multiplicat , nisi
 „ & illa quæ ligaverat , solvat . Ita & cum Deo delinquimus , ne-
 „ quaquam satisfacimus si ab iniquitate cessamus , nisi voluptates
 „ quoque quas dileximus , e contrario appositis lamentis insequa-
 „ mur . Neque enim Deus nostris cruciatibus pascitur , sed delictorum
 „ morbos medicamentis contrariis medetur , ut qui voluptati-
 „ bus delectati discessimus , fletibus amaricati redeamus : & qui per
 „ illicita defluendo cecidimus , etiam a licitis nosmetipsos restrin-
 „ gendo , surgamus : & cor quod insana lætitia insuderat , salubris
 „ tristitia exurat : & quod vulneraverat elatio superbix , curet ab-
 „ jectio humilis vitæ .

De Censuris.

„ Sub magno moderamineque , scribit S. Gregorius , Pastores Ecclesiæ
 „ vel solvere studeant , vel ligare (d) . Sed utrum iuste , an iniuste
 „ obliget Pastor , Pastoris tamen sententia gregi timenda est : ne is
 „ qui subest , & iniuste forsitan ligatur , ipsam obligationis suæ sen-
 „ tentiam ex alia culpa mereatur . Pastor ergo vel absolvere indi-
 „ screte timeat , vel ligare . Is autem qui sub manu Pastoris est ,
 „ ligari timeat vel iniuste : nec Pastoris sui iudicium temere repre-
 „ hendat : ne etsi iniuste ligatus est , ex ipsa tumidæ reprehensionis
 „ superbia , culpa quæ non erat , fiat . Hinc non semel iniuste
 „ censuris ligatos absolvit , ut videre est in epistola ad Magnum Pres-
 „ byterum Ecclesiæ Mediolanensis , cui sic scribit : „ Sicut (e) exi-
 „ „ gente

(a) *Ibid. hom. 34. n. 15. Ed. M. T. 1. V. T. 5. p. 321.*(b) *2. Pet. 22.*(c) *Reg. Past. 3. p. c. 30. Ed. M. T. 2. V. T. 4. p. 94. & seq.*(d) *In Evang. l. 2. b. 26. n. 6. Ed. M. T. 1. V. T. 5. p. 268.*(e) *Epist. l. 3. ep. 26. Ed. M. T. 2. V. T. 7. p. 183.*

„ gente culpa quis a Sacramento communionis digne abigitur, ita
 „ infontibus nullo modo talis debet irrogari vindicta. Comperimus S. GREG. M.
 „ siquidem, quod Laurentius quondam frater & coepiscopus no-
 „ fter nullis te culpis extantibus communione privaverit: ideoque
 „ hujus præcepti nostri auctoritate munitus, officium tuum securus
 „ perage, & communionem sine aliqua sume formidine “.

Ordinis sacri nomine designantur etiam minores Ordines, ut pa-
 tet in Clerico a daemonio per S. Benedictum liberato (a), ea lege
 ut ad sacrum Ordinem numquam accedere præsumeret; qui tamen
 cum ad minores accedere post multos annos præsumpsisset, mox
 eum is qui reliquerat diabolus tenuit. Subdiaconatus inter sacros
 Ordines minime numerabatur ævo S. Gregorii (b). Indicta tamen
 per ipsum S. Gregorium impostero illi lege continentæ, unde
 scribit: „ A præsentī die Episcopis omnibus dicatur, ut nullum
 „ Subdiaconum facere præsumant, nisi qui se victurum caste pro-
 „ miserit . . . Eos vero qui post prohibitionem factam se a suis
 „ uxoribus continere noluerint, nolumus pervenire ad sacrum
 „ Ordinem: quia nullus debet ad ministerium altaris accedere, nisi
 „ cujus castitas ante susceptum ministerium fuerit approbata “.
 Semel ordinatos iterum ordinare non licet, sicut nec baptizatos
 iterum baptizare (c). Unde scribit: „ Illud autem quod di-
 „ citis, ut is qui ordinatus est, iterum ordinetur, valde ridicu-
 „ lum est . . . Absit autem a Fraternitate vestra sic facere. Sicut
 „ enim baptizatus semel, iterum baptizari non debet: ita qui
 „ consecratus est semel, in eodem iterum ordine non valet conse-
 „ crari. Sed si quis forsitan cum levi culpa ad Sacerdotium ve-
 „ nit, pro culpa poenitentia indici debet, & tamen ordo serva-
 „ ri “. Addictus Ecclesiæ Romanæ servitio Clericus ad aliam Ec-
 clesiam revocari non poterat, ut apparet ex D. Gregorio ad Eliam
 Abbatem Isauriæ sic scribente: „ Dilectissimum (d) filium meum
 „ Epiphanium Diaconum quia huic Ecclesiæ Diaconatu interve-
 „ niente ligavimus, Sanctitatem tuam non debet contristare, quod
 „ S. Petro Apostolorum Principi . . . per filium tuum ipse deser-
 „ vias “. Juber (e) ne Episcopi, bigamum „ aut qui virginem non
 „ est sortitus uxorem, ad sacros Ordines permittat accedere, sicut
 „ & ignorantes literas, vel in qualibet parte corporis vitiatum,
 „ vel poenitentem, vel cuilibet conditioni obnoxium, sicut & in-
 „ cognitos, & peregrinos “. Quibus addit & nimium juvenes;
 scribit enim Adeodato Numidiæ Primati (f): „ Ad sacros Ordines
 „ nisi provectiores ætate, & mundos opere nullatenus admittatis “.

Et

(a) *Dial. l. 2. c. 16. Ed. M. T. 2. V. T. 6. p. 134.*

(b) *Epist. l. 1. ep. 44. Ed. M. T. 2. V. T. 7. p. 59.*

(c) *Ibid. l. 2. ep. 46. Ed. M. T. 2. V. T. 7. p. 143.*

(d) *Ibid. l. 5. ep. 38. Ed. M. T. 2. V. T. 7. p. 318.*

(e) *Ibid. l. 2. ep. 37. Ed. M. T. 2. V. T. 7. p. 134.*

(f) *Ibid. l. 3. ep. 49.*

De sacris
 Ordinationi-
 bus, & Cle-
 ricorum re-
 sidentia.

~~Gregorius~~ Et in epistola ad Neapolitanos (a) sceneratores a sacris Ordinibus repellit. Abusum compescit, quo laici ad Episcopatum statim assumebantur, scribens Childeberto Francorum Regi (b): „Pervenit ad nos, obeuntibus Episcopis, quosdam ex Laicis tonsurari, „atque ad Episcopatum præcipiti saltu conscendere; & qui discipulus non fuit, inconsiderata ambitione magister efficitur „Talis enim pastor non munit gregem, sed decipit“. Hinc etiam jubet & indicit Clero, & Plebi Hortonæ, ut provideant ante omnia (c), ne cujuslibet vitæ vel meriti laicam personam ad Episcopatum præsumant eligere, & non solum ille ad Episcopatus apicem nulla ratione provehatur; verum etiam nulla intercessione eos veniam promereri possit, sed omnes, quos ex illis de laica persona aspirare conspicerit, a communione alienos faciendos proculdubio noverint. Illos etiam inter Neophytos enumerat scribens (d) ad Virgilium Episcopum: „Cum ad sacros Ordines Paulus Apostolus Neophytum venire prohibeat, sciendum nobis est, quia „sicut Neophytus tunc vocabatur, qui adhuc noviter erat plantatus in fide: ita nunc inter neophytos deputamus, qui adhuc „novus est in sancta conversatione“. In electione Clericorum sic instruit Etherium Episcopum Galliarum (e): „Nihil in dandis „Ecclesiasticis ordinibus auri sæva fames inveniat, nihil blandimenta surripiant, nil gratia conferat: honoris præmium vita „sit, provectus incrementum modestia: ut obtinente hujusmodi „observantia, & indignus qui præmiis quærit ascendere judicetur, „& digne cui bonum testimonium actio perhibet, honoretur“. In Episcopis postulabat Gregorius, ut integrum Psalterium memorizæ tenerent: quamobrem ab Episcopatu repulit Joannem Presbyterum (f) Psalmorum nescium.

De vita &
conversatio-
ne Episcopo-
rum.

„Quid de Episcopis (scribit S. Gregorius) qui verberibus immeri volunt (g), canones dicant, bene Fraternalis vestra novit. „Pastores enim facti sumus, non persecutores Nova vero, „atque inaudita est ista prædicatio, quæ verberibus exigit fidem“. Eleemosynam erogare ita proprium dicit Episcopi (h), „ut non „sibi credat solam lectionem & orationem sufficere, ut remotus „studeat sedere, & de manu minime fructificare; sed largam manum habeat, necessitatem patientibus concurrat, alienam inopiam suam credat; quia si hæc non habet, vacuum Episcopi „nomen tenet“. Episcopos præsertim exules sive ob bellum, sive

(a) *Ibid.* l. 10. ep. 62. Ed. M. T. 2. V. T. 8. p. 226.

(b) *Ibid.* l. 5. ep. 55. Ed. M. T. 2. V. T. 7. p. 342.

(c) *Ibid.* l. 4. ep. 41. Ed. M. T. 2. V. T. 7. p. 272.

(d) *Ibid.* l. 5. ep. 53. Ed. M. T. 2. V. T. 7. p. 338.

(e) *Ibid.* l. 11. ep. 56. Ed. M. T. 2. V. T. 8. p. 287.

(f) *Ibid.* l. 5. ep. 48. Ed. M. T. 2. V. T. 7. p. 333.

(g) *Ibid.* l. 3. ep. 53.

(h) *Ibid.* l. 6. ep. 30. Ed. M. T. 2. V. T. 7. p. 375.

sive ob fidem hospitio suscipere debent & providere: quamobrem scribit Episcopis per Illyricum (a): „Oportet vos. . . fratres „Coepiscopos nostros, quos captivitatis, diversarumque necessitatum angustiae comprimunt, consolandos convivendosque vobiscum „in ecclesiasticis sustentationibus libenter suscipere“. Apparet etiam ex epistola ad Joannem Episcopum Syracusanum (b), in more possum apud Episcopos, ut in mensa sacri libri legerentur.

S. GREG. M.

Jam superius vidimus indictam a S. Gregorio Subdiaconis continentiam, & quidem hæc in Ecclesia Romana usque a S. Leonis temporibus a Subdiaconis custodiebatur; at hæc disciplina non ubique tenebat, & præsertim in Sicilia. Jubet proinde ut impositum nullus Subdiaconus fiat, nisi continentiam polliceatur. Vetat etiam Clericis cum mulieribus in una domo conversari; proinde scribit: „Si qui (c) Episcoporum. . . cum mulieribus degunt, hoc omnino compescas, & de cætero eas illic habitare nullo modo „patiaris, exceptis eis quas sacrorum canonum censura permittit, „idest matre, amita, germana, & aliis hujusmodi, de quibus prava non possit esse suspicio. Melius tamen faciunt, si etiam a „talem se cohabitatione contineant. Nam legitur quod beatus „Augustinus nec cum sorore sua habitare consenserit, dicens: *Quæ cum sorore mea sunt, sorores meæ non sunt*“. Quamobrem Januario Calaritano Episcopo scribit: „Archidiaconum (d) tuum, „ut audio, cum mulieribus habitare prohibuisti, & nunc usque in „ea prohibitionem despiceris. Qui nisi jussioni tuæ paruerit, eum „sacro ordine volumus esse privatum.

De Clericorum continentia & coelibatu.

De Clericis vero incontinentibus sic præfatus Episcopo scribens statuit: „Pervenit ad nos (e), quosdam de sacris ordinibus lapsos „vel post pœnitentiam, vel ante, ad ministerii sui officium revocari, quod omnino prohibuimus, & in hac re sacratissimi quoque canones contradicunt. Qui igitur post acceptum ordinem „lapsus in peccatum carnis fuerit, sacro ordine ita careat, ut ad „altaris ministerium ulterius non accedat. . . ideo provideri debet quales ordinentur, ut prius aspiciatur si vita eorum continens „in annis plurimis fuerit, si studium lectionis, si elemosynæ amorem habuerint“. In hac autem servanda disciplina constans semper fuit S. Gregorius, ut in ejus epistolis videre est, & præsertim dum Venantio Episcopo Lunensi sic scribit: „Statuimus (f) „Diaconum & Abbatem de portu Veneris, quem indicas æcidisse, se, ad sacrum Ordinem non debere vel posse ullo modo revocari. Quem quidem sacro Ordine privatum in pœnitentiam de-

Pœna in Clericos incontinentes.

„puta-

(a) Ibid. l. 1. ep. 45. Ed. M. T. 2. V. T. 7. p. 65.

(b) Ibid. l. 7. ep. 9. Ed. M. T. 2. V. T. 7. p. 418.

(c) Ibid. l. 9. ep. 60. Ed. M. T. 2. V. T. 8. p. 99.

(d) Ibid. l. 4. ep. 26.

(e) Ibid. l. 4. ep. 26.

(f) Ibid. l. 5. ep. 3. Ed. M. T. 2. V. T. 7. p. 280.

S. GREG. M.

De Matrimo-
nio.

„putare te convenit . . . Subdiaconi quoque, quos similis culpa
 „constringit, ab officio suo irrevocabiter depositi, inter laicos
 „communione accipiant“. Saturnicum vero Expresbyterum,
 „ut numquam ad sacrum Ordinis ministerium præsumat accedere,
 „scriptis severe decrevimus“. Rigidiorem hanc disciplinam con-
 „stantissime retinuit ejus successor Martinus Papa, qui sic Amando
 „Trajectensi (apud Harduinum T. 3. Concil. pag. 946.) scribit :
 „Nullatenus in hujusmodi peccato (carnis) delinquentibus ad de-
 „structionem canonum compositionem exhibeas. Nam qui semel
 „post suam ordinationem in lapsum ceciderit, deinceps jam de-
 „positus erit, nullumque gradum Sacerdotii poterit adipisci, sed
 „sufficiet ei lamentationibus, fletibusque assiduis quousque id vixe-
 „rit in eadem poenitentia perdurare, ut commissum delictum di-
 „vina gratia extinguere valeat. Si enim tales querimus ad sacros
 „Ordines, quibus nulla ruga, nullumque vitæ contagium mentes
 „& corpora præpediat, quanto magis si post ordinationem suam
 „quisquam in lapsum ceciderit, & prævaricationis peccato deprehen-
 „datur obnoxius, omnino prohibendus est cum manibus luvulentis at-
 „que pollutis mysterium nostræ salutis tractare? Sitque hujusmodi
 „semper juxta sacrorum canonum statuta in hac vita depositus“.
 De Matrimonii indissolubilitate sic docet. S. Gregorius (a) :
 „Si dicunt Religionis causa conjugia debere dissolvi, sciendum
 „est, quia etsi hoc lex humana concessit, divina lex tamen pro-
 „hibuit. Per se enim Veritas dicit: *Quæ Deus conjunxit, homo*
 „*non separet* (b). Quæ etiam ait: *Non licet dimittere uxorem,*
 „*excepta causa fornicationis* (c). Quis ergo huic cælesti legisla-
 „tori contradicat? Scimus quia scriptum est: *Erunt duo in car-*
 „*ne una* (d). Si ergo vir & uxor una caro sunt, & religionis
 „causa vir dimittit uxorem, vel mulier virum in hoc mundo re-
 „manentem, vel etiam fortassis ad illicita migrantem; quæ est
 „ista conversio, in qua una eademque caro & ex parte transit ad
 „continentiam, & ex parte remanet in pollutione? Si vero utrif-
 „que conveniat continentem vitam ducere, hos quis audeat accu-
 „sare, quando certum est quod omnipotens Deus qui minora con-
 „cessit, majora non prohibuit? Duos germanos fratres singulas
 „sorores accipere nequaquam in sacris eloquiis vetitum inveni-
 „tur (e)“. Lege humana ac jure civili, concedentibus Arca-
 „dio, & Honorio, licita erant matrimonia inter consobrinos; at in-
 „do lex sacra vetat. Unde scribebat S. Gregorius: „Quædam ter-
 „rena (f) lex in Romanæ Republica permittit, ut live fratris
 „live

(a) *Epist. l. 11. ep. 45. Ed. M. T. 2. V. T. 8. pag. 275.*(b) *Matth. 19. 6.*(c) *Ibid. v. 9.*(d) *Genes. 2. 24.*(e) *Ibid. l. 11. ep. 64. Ed. M. T. 2. V. T. 8. p. 298.*(f) *Ibid. p. 299.*

„ sive sororis, seu duorum fratrum germanorum, vel duarum for-
 „ rum filius & filia misceantur. Sed experimento didicimus, ex tali
 „ conjugio sobolem non posse succrescere. Et sacra lex prohibet
 „ cognationis turpitudinem revelare. Unde necesse est ut jam ter-
 „ tia vel quarta generatio fidelium licenter sibi jungi debeat. Nam
 „ secunda quæ diximus, a se omnimodo debet abstinere. Hoc
 „ tamen scribit S. Gregorius concessum Anglis, ea intentione (a)
 „ ut postquam firma radice in fide fuerint solidati . . . infra affi-
 „ nitatis limen, idest usque ad septimam generationem conjungan-
 „ tur. Cum cognata quoque misceri prohibitum absolute pronun-
 „ tiat S. Pontifex, quia per conjunctionem priorem caro fratris
 „ facta est. Docet vero (b), tunc solum conjuges in admixtione
 „ sine culpa esse, cum non pro explenda libidine, sed pro suscipienda
 „ prole misceantur. Damnat quoque, in conjugatorum (c)
 „ corporibus invecetam consuetudinem, ut mulieres filios quos gignunt
 „ nutrire contemnunt, eosque aliis mulieribus ad nutriendum tradant.
 „ Quod videlicet ex sola causa incontinentiæ videtur inventum:
 „ quia dum se continere nolunt, despiciunt lactare quos gignunt.
 „ Illicitum etiam docet cum menstruata muliere commisceri, sub-
 „ dens: „ Hæ itaque, quæ filios suos . . . aliis ad nutriendum tra-
 „ dunt cum consuetis menstruis detinentur, viris suis non debent
 „ admisceri, ita ut morte lex sacra feriat, si quis vir ad men-
 „ struatam mulierem accedat.”

Quantum in honore habitus sint sancti viri, ostendit S. Pontifex
 scribens: „ Fideles (d) qui de nullo suo opere confidunt, ad san-
 „ ctorum Martyrum protectionem currunt, atque ad sacra eorum
 „ corpora stetibus insistant, promereri se veniam eis intercedenti-
 „ bus, deprecantur.” Et ipsemet Gregorius Dominicum Episco-
 „ pum Africanum rogat, ut apud S. Cyprianum pro se oret scribens:
 „ Me (e) pro vobis apud sacratissimum B. Petri Apostolorum
 „ Principis corpus, & vos pro me apud sanctum Cyprianum mar-
 „ tyrem orationibus decet incumbere.” Rusticianæ vero Patri-
 „ tiæ scribit: „ Ea quæ (f) ex purissimo sincerissimoque corde bea-
 „ to Petro Apostolorum Principi munera transmisistis, præsentem omni
 „ clero suscepta, atque illic suspensa sunt . . . Habet hæc ipsa
 „ vestra oblatio apud omnipotentem Deum vocem suam. In ejus
 „ enim pietate confido, quia cujus corpus vos cooperuistis in ter-
 „ ra, ejus vos intercessio ab omnibus peccatis protegat in celo:
 „ omnemque domum vestram sua provisione reget, & sua vigilan-
 „ tia custodiet.” In homilia habita in Ecclesia SS. Martyrum
 Pro-

S. GREG. M.

De cultu
Sanctorum
eorumque
miraculis.(a) *Ibid.* l. 14. ep. 17.(b) *Mor.* l. 32. n. 39. *Ed. M. T. 1. V. T. 3. p. 334.*(c) *Epist.* l. 11. ep. 64. *Ed. M. T. 2. V. T. 8. p. 302.*(d) *Mor.* l. 16. n. 64. *Ed. M. T. 1. V. T. 2. p. 165.*(e) *Epist.* l. 6. ep. 19. *Ed. M. T. 2. V. T. 7. p. 362.*(f) *Ibid.* l. 11. ep. 44. *Ed. M. T. 2. V. T. 8. p. 268.*

S. GREG. M.

Processi & Martiniani de ipsis sic prædicat: „Ad sanctorum martyrum corpora (a) constitimus . . . Numquid isti carnem suam in mortem darent, nisi eis certissime constitisset esse vitam pro qua mori debuissent? Et ecce quia ita crediderunt, miraculis corroborant, Ad extincta namque eorum corpora, viventes ægri veniunt & sanantur; perjuri veniunt & a dæmonio vexantur, dæmoniacy veniunt & liberantur “.

De Sanctorum Reliquiis.

Ex S. Gregorii epistolis apparet morem fuisse Romanæ, immo & totius Occidentalis Ecclesiæ Sanctorum corpora minime tangere, vel eorum aliquam partem auferre. Unde Constantinæ Augustinæ sic scribit: „Romanis (b) consuetudo non est, quando Sanctorum reliquias dant, ut quidquam tangere præsumant de corpore, sed tantummodo in pyxide brandeum mittitur (idest pannum vel velamen), atque ad sacratissima corpora Sanctorum ponitur. Quod levatum in Ecclesia, quæ est dedicanda, debita cum veneratione reconditur; & tantæ per hoc ibidem virtutes fiunt, ac si illuc specialiter eorum corpora deferantur. Unde contigit ut beatæ recordationis Leonis Papæ temporibus, sicut a maioribus traditur, dum quidam Græci de talibus reliquiis dubitarent, prædictus Pontifex hoc ipsum brandeum allatis forcibus incidit, rit, & ex ipsa incisione sanguis effluxerit “. Plura etiam in eadem epistola narrat portenta visa, dum corpora SS. Apostolorum Petri & Pauli volebant quidam aspicere, vel partem auferre. Ideo solebant Romani Pontifices de catenis, quas ipsi sancti Apostoli in collo & manibus gestarunt, partem transmittere, si tamen limando eam tollere poterant. „Quia (ut scribit in laudata epistola S. Gregorius) dum frequenter ex catenis eisdem multi venientes benedictionem petunt, ut parvum quid ex limatura accipiant, assistit Sacerdos cum lima; & aliquibus petentibus ita concite aliquid de catenis ipsis excutitur, ut mora nulla sit. Quibusdam vero petentibus, diu per catenas ipsas ducitur lima, & tamen ut aliquid exinde exeat, non obtinetur “.

De Purgatorio.

Purgatorii loci existentiam confitetur, & probat S. Pontifex scribens: „Qualis (c) hinc quisque egreditur, talis in iudicio præsentatur. Sed tamen de quibusdam levibus culpis esse ante iudicium purgatorius ignis credendus est, pro eo quod Veritas dicit, quia si quis in sancto Spiritu blasphemiam dixerit, neque in hoc sæculo remitteretur ei, neque in futuro. In qua sententia datur intelligi, quasdam culpas in hoc sæculo, quasdam vero in futuro posse laxari . . . Sed tamen . . . hoc de parvis minimisque peccatis fieri posse credendum est, sicut est assiduus otiosus sermo, immoderatus risus . . . in eo qui bonis hoc actibus in hac vita adhuc positus ut illie obtineat promeruerit “.

Hinc

(a) In Evang. l. 2. b. 32. n. 6. Ed. M. T. 1. V. T. 5. p. 303.

(b) Epist. l. 4. ep. 30. Ed. M. T. 2. V. T. 7. p. 257.

(c) Dial. l. 4. c. 32. Ed. M. T. 2. V. T. 6. p. 324.

Hinc infer: „ Hoc prodest (a) mortuis si in Ecclesia sepeliantur, quod eorum proximi quoties ad eadem sacra loca conveniunt, suorum, quorum sepulchra conspiciunt, recordantur, & pro eis Domino preces fundunt “. Missam quoque defunctis prodesse docet scribens „ de quodam Presbytero (b), qui hebdomada continua se pro defuncto lacrymis afflixit, salutarem hostiam quotidie obtulit, & reversus post ad balneum (ubi post mortem in pœnam deputatus fuerat) eum minime invenit. Qua ex re quantum prosit animabus immolatio sacræ oblationis ostenditur, quando hanc & ipsi mortuorum spiritus a viventibus petunt, & signa indicant quibus per eam absolvi videantur “.

„ Quod ante adventum (scribit S. Gregorius) Mediatoris Dei & hominis (c), omnis homo quamvis mundæ probatæque vitæ fuerit, ad Inferni claustra descenderit, dubium non est: quoniam homo, qui per se cecidit, per se ad paradisi requiem redire non potuit, nisi veniret ille, qui suæ incarnationis mysterio ejusdem nobis paradisi iter aperiret . . . Nec tamen iustorum animas ad Infernum dicimus descendisse, ut in locis pœnalibus tenerentur. Sed esse superiora Inferni loca, esse alia inferiora credenda sunt: ut & in superioribus iusti requiescerent, & in inferioribus iniusti cruciarentur. Unde & Psalmista propter prævenientem se Dei gratiam dicit: *Eripuisti animam meam ex inferno inferiori* (d). Et beatus Job ante Mediatoris adventum ad infernum se descendere sciens, conditoris sui illic protectionem postulat: ut a locis pœnalibus alienus existat “. Visione tamen beatifica caruisse docet, & prædicat scribens: „ Priores Sancti (e) & sustinere adversa poterant, & tamen e corporibus e ducti, adhuc ab Inferni locis liberari non poterant: quia necdum venerat, qui illuc sine culpa descenderet, ut eos, qui ibi tenebantur ex culpa, liberaret . . . Et quia in ipsis quoque Inferni locis iustorum animæ sine tormento tenebantur, ut & pro originali culpa adhuc illuc descenderent, & tamen ex propriis actibus supplicium non haberent, . . . Grave etenim electis tardum fuit, post solutionem carnis, adhuc speciem non videre Creatoris “. Reprobos vero æterno & corporali igne torqueri affirmat, dum scribit: „ Gehennæ ignis (f), cum sit corporeus, in se missos reprobos corporaliter exurit, nec studio humano succenditur, nec lignis nutritur: sed creatus semel durat inextinguibilis, & successionem non indiget, & ardore non caret . . . Ut ergo Sacra eloquia, ardere & exterius & interius reprobos

Tricalet. Tom. VII.

T

„ de-

- (a) Ibid. c. 50. (b) Ibid. c. 55.
 (c) Mor. l. 12. n. 13. Ed. M. T. 1. V. T. 2. p. 36.
 (d) Psal. 85. 12.
 (e) Mor. l. 13. n. 49. Ed. M. T. 1. V. T. 2. p. 73.
 (f) Ibid. l. 15. n. 35. Ed. M. T. 1. V. T. 2. p. 122.

S. GREG. M.

De pœna-
rum æterna-
tate.

„demonstrarent, eos & ab igne devorari, & sicut clibanum poni
„testantur, ut per ignem crucientur in corpore, & per dolorem
„ardeant in mente“.

Pœnarum æternitatem prædicat S. Gregorius scribens: „Constat
„(a) nimis, & incunctanter verum est, quia sicut finis non est
„gaudio bonorum, ita finis non erit tormento malorum“. Op-
„positum autem putantes, vel potius sibi fallō persuadere conantes in-
„victē refellit: „Si quandoque (b) finiēda sunt supplicia repro-
„borum, quandoque finiēda sunt ergo & gaudia beatorum. Per
„semetipsam namque Veritas dicit: *Ibunt hi in supplicium æter-
„num, iusti autem in vitam æternam* (c). Si igitur hoc verum
„non est quod minatus est, neque illud verum quod promisit. At
„inquiunt: Ideo æternam pœnam peccantibus minatus est, ut eos
„a peccatorum perpetratione compelleret, quia creaturæ suæ æter-
„na supplicia minari debuit, non inferre. Quibus citius responde-
„mus: Si falsa minatus est, ut ab iniustitia corrigeret, etiam fal-
„sa pollicitus est, ut ad iustitiam provocaret. Et quis hanc eor-
„um vesaniam toleret, qui dum promissionibus suis reproborum
„supplicia finire asserunt, assertionē suā etiam electorum præmia
„remuneratōesque confundunt? Quis hanc eorum vesaniam tole-
„ret, qui conantur adstruere verum non esse quod Veritas de æ-
„terno igne minata est, & dum fatagunt Deum perhibere miseri-
„cordem, non verentur prædicare fallacem? At inquiunt: Sine fine
„(d) puniri non debet culpa cum fine. Iustus nimirum est omni-
„potens Deus, & quod non æterno peccato commissum est, æter-
„no non debet puniri tormento. Quibus citius respondemus, quod
„recte dicerent, si iudex iustus dilictusque veniens, non corda
„hominum, sed facta pensaret. Iniqui enim ideo cum fine deli-
„querunt, quia cum fine vixerunt. Voluissent quippe sine fine vi-
„vere, ut sine fine potuissent in iniquitatibus permanere. Nam
„magis appetunt peccare, quam vivere: & ideo hic semper vive-
„re cupiunt, ut nunquam desinant peccare, quum vivunt. Ad di-
„stricti ergo iudicis iustitiam pertinet, ut nunquam careant sup-
„plicio, quorum mens in hac vita nunquam voluit carere pecca-
„to At inquiunt (e): Nullus iustus crudelitatibus pascitur,
„& delinquens servus a iusto Domino idcirco cædi præcipitur, ut
„a nequitia corrigatur Et quia certum est quod pius, atque
„omnipotens Deus non pascitur cruciatibus iniquorum, cur cru-
„ciantur miseri, si non expiantur? Quibus citius respondemus,
„quod omnipotens Deus quia pius est, miserorum cruciatu non
„pascitur: quia autem iustus est, ab iniquorum ultione in perpe-
„tuum non sedatur. Sed iniqui omnes æterno supplicio, & qui-
„„ dem

(a) *Dial. l. 4. c. 44. Ed. M. T. 2. V. T. 2. p. 331.*(b) *Moral. l. 34. n. 35. Ed. M. T. 1. V. T. 3. p. 399. & seq.*(c) *Mattb. 25. 46. (d) Ibid. n. 36.*(e) *Ibid. n. 37.*

dem sua iniquitate puniuntur; & tamen ad aliquid concremantur, scilicet ut iusti omnes & in Deo videant gaudia quæ percipiunt, & in illis respiciant supplicia quæ evaserunt: ut tanto in æternum magis divinæ gratiæ debitores se esse cognoscant, quanto in æternum mala puniri conspiciunt, quæ ejus adjutorio vitare potuerunt. At inquiunt (a): Et ubi est quod Sancti sunt, si pro inimicis suis, quos tunc ardere viderint, non orabunt, quibus utique dictum est: *Pro inimicis vestris orate* (b)? Sed citius respondemus: Orant pro inimicis suis eo tempore, quo possunt ad fructuosam pœnitentiam eorum corda convertere, atque ipsa conversione salvare Et quomodo pro illis tunc orabitur, quando jam nullatenus possunt ad justitiæ opera ab iniquitate commutari? Eadem itaque causa est cur non oretur tunc pro hominibus æterno igne damnatis, quæ nunc etiam causa est, ut non oretur pro diabolo & Angelis ejus æterno supplicio deputatis. Quæ nunc etiam causa est, ut non orent sancti homines pro hominibus infidelibus impiisque defunctis, qui de eis utique quos æterno deputatos supplicio jam noverunt, ante illum judicis iusti conspectum orationis suæ meritum cassari refugiunt (c).

Gratuitam prædestinationem prædicat D. Gregorius scribens: Nemo ut divina (c) illum gratia subsequatur, prius aliquid contulit Deo Nemo erga Deum meritis prævenit, ut teneat eum quasi debitorem possit: sed miro modo æquus omnibus conditor & quosdam prælegit, & quosdam in suis pravis moribus iuste derelinquit. Nec tamen (d) electis suis pietatem sine iustitia exhibet, quia hic eos duris afflictionibus premit: nec rursum reprobis iustitiam sine misericordia exercet, quia hic æquanimiter tolerat, quos quandoque in perpetuum damnat. Si ergo & electi prævenientem se gratiam sequuntur, & reprobi juxta quod merentur, accipiunt; & de misericordia inveniunt electi quod laudent, & de iustitia non habent reprobi quod accusent. Bene itaque dicitur: *Quis ante dedit mihi, ut reddam ei?* Ac si aperte diceretur: Ad parcendum reprobis nulla ratione compellor; quia eis debitor ex sua actione non teneor. Idcirco enim nequaquam celestis patriæ præmia percipiunt; quia ea nunc dum promereri poterant, ex libero arbitrio contempserunt. Quod videlicet liberum arbitrium in bono formatur electis, cum eorum mens a terrenis desideriis gratia aspirante suspenditur.

T 2

,, Bo-

(a) *Ibid.* n. 38. (b) *Matth.* 5. 44.

(c) Solus hic locus sufficit ad explodendam fabellam de Traiano ab Inferni pœnis Gregorii precibus liberato, quam referunt Paulus, & Joannes Diaconi in ejus vita, quam post duo sæcula scribere, & in qua & ipsi de veritate narrationis ambigere consueverunt.

(d) *Moral. lib.* 33. n. 38. *Ed. M. T. 1. Ven. T. 3. p. 367.*

(d) *Ibid.* n. 39.

S. GREG. M.

„ Bonum quippe (a) quod agimus & Dei est, & nostrum; Dei
 „ per prævenientem gratiam: nostrum per obsequentem liberam
 „ voluntatem. Si enim Dei non est, unde ei gratias in æternum
 „ agimus? Rursum si nostrum non est, unde nobis retribuere præmia
 „ speramus? Quia ergo non immerito gratias agimus, scimus quod
 „ ejus munere prævenimur: & rursum, quia non immerito retri-
 „ butionem quærimus, scimus quod obsequente libero arbitrio bo-
 „ na elegimus, quæ ageremus. Gratuitam vero electionem ad
 „ gloriam ostendit exemplo boni latronis, scribens: „ Hominis meri-
 „ tum (b) superna gratia non ut veniat, invenit: sed postquam
 „ venerit facit: atque & ad indignam mentem veniens Deus, di-
 „ gnæ sibi exhibet veniendo; & facit in ea meritum, quod re-
 „ muneret, qui hic solum invenerat, quod puniret. Libet (c) ...
 „ mentis oculos ad illum latronem reducere, qui de fauce diaboli
 „ ascendit crucem, de cruce paradisum Venit reus fraterno
 „ sanguine, venit cruentus, sed interna gratia est mutatus in cru-
 „ ce Ille qui talis ad crucem venit ex culpa, ecce qualis a
 „ cruce recedit ex gratia. Confitebatur Dominum, quem videbat
 „ secum humana infirmitate morientem, quando negabant Aposto-
 „ li eum, quem miracula viderant divina virtute facientem. „
 „ Fatetur tamen prædestinationem esse incomprehensibile mysterium,
 „ non curiose investigandum, sed fide credendum. Sic enim scribit:
 „ Incomprehensibilitatem (d) divini judicii humanæ mentis ocu-
 „ lus nullatenus penetrat. Scriptum quippe est: *Judicia tua aby-
 „ sus multa* (e). Nemo ergo perscrutari appetat, cur cum alius
 „ repellitur, alius eligatur: vel cur cum alius eligitur, alius re-
 „ pellatur: quia superficies abyssi constringitur, & attestante Pau-
 „ lo: *Inscrutabilia sunt judicia ejus, & investigabiles viæ ejus*
 „ (f). Rursum: „ Ordinem cæli (g) nosse, est supernarum
 „ dispositionum occultas prædestinationes videre Quod utique
 „ facere in hac vita positus nullus potest ... Nam quis intelligat,
 „ cur alius male inchoans, usque ad vitæ suæ terminum ad
 „ pejora protrahitur: alius bene incipiens per longitudinem tempo-
 „ rum proficit ad augmenta meritorum? At contra, alius male vi-
 „vens diu reservatur, ut se corrigat: alius vero bene quidem vi-
 „detur vivere, sed in hac vita eo usque durat, quoad in perversa
 „ prorumpit Alius celsitudinem bene vivendi appetere & vult,
 „ & valet: alius valet, & non vult. Quis ergo ista judiciorum
 „ cælestium secreta discutiat?

Sic libertatem cum gratia conciliat D. Gregorius scribens: „ Il-
 „ lum

De concor-
 dia gratiæ
 & liberi ar-
 bitrii.

(a) *Ibid.* n. 49.(b) *Ibid.* lib. 18. n. 63. Edit. M. T. 1. Ven. T. 2. p. 226.(c) *Ibid.* n. 64.(d) *Ibid.* lib. 29. n. 57. Edit. M. T. 1. V. T. 3. p. 214.(e) *Psal.* 35. 7.(f) *Rom.* 11. 33.(g) *Ibid.* n. 77. p. 223.

lum (a) in extremo examine iustitia æterni iudicis salvat, quem
 hic ejus pietas ab immundis operibus liberat Superna ergo
 pietas prius agit in nobis aliquid sine nobis, ut subsequente quo-
 que nostro libero arbitrio, bonum quod jam appetimus, agat no-
 bisque: quod tamen per impensam gratiam in extremo iudicio
 ita remunerat in nobis, ac si solis processisset ex nobis. Quia
 enim divina nos bonitas, ut innocentes faciat, prævenit, Paulus
 ait: *Gratia autem Dei sum id quod sum (b)*. Et quia eam-
 dem gratiam nostrum liberum arbitrium sequitur, adjungit: *Et*
gratia ejus in me vacua non fuit, sed abundantius illis omnibus
laboravi. Qui dum se de se nihil esse conspiceret, ait: *Non au-*
tem ego. Et tamen quia se esse aliquid cum gratia invenit, ad-
 junxit: *Sed gratia Dei mecum*. Non autem diceret, *mecum*, si
 cum præveniente gratia subsequens liberum arbitrium non habe-
 ret Munditia itaque manuum suarum innocens salvabitur:
 quia qui hic prævenitur dono ut innocens fiat, cum ad iudicium
 ducitur, ex merito remuneratur “.

Pluribus in locis, & præsertim in suis epistolis simoniam infe-
 ctatur, & quot modis fiat, explicat scribens: „ Præsciebat (c)
 enim nonnullos hoc ipsum donum accepti Spiritus in usum ne-
 gotiationis inflectere Sed sunt nonnulli, qui quidem num-
 morum præmia ex ordinatione non accipiunt, & tamen sacros
 ordines pro humana gratia largiuntur Unde bene cum ju-
 stum virum describeret Propheta, ait: *Qui excutit manus suas*
ab omni munere (d). Neque enim dicit: *Qui excutit manus*
suas a munere; sed adjunxit, *ab omni*: quia aliud est munus ab
 obsequio, aliud munus a manu, aliud munus a lingua. Munus
 quippe ab obsequio, est subjectio indebite impensa: munus a
 manu, pecunia est: munus a lingua, favor. Qui ergo sacros
 ordines tribuit, tunc ab omni munere manus excutit, quando in
 divinis rebus non solum nullam pecuniam, sed etiam humanam
 gratiam non requirit “.

S. GREG. M.

De Simonia.

(a) *Ibid. lib. 16. n. 30. Edit. M. T. 1. Ven. Tom. 1. p. 151.*(b) *1. Cor. 15. 10.*(c) *In Evang. lib. 1. bom. 4. n. 4. Ed. M. T. 1. Ven. T. 5. p. 156.*(d) *Isai. 33. 15.*

ARTICULUS QUARTUS.

Selectiora S. Gregorii M. Papæ Ascetica Vita documenta.

- I.** **O**MNIS filius, qui a Deo recipitur, flagellatur, quo malis præsentibus durius deprimor, eo de æternis certius præsumptione respiro. (*Epist. ad Leand. Episc. in Exposit. Lib. Job, cap. 5. Ed. Venet.*).
- II.** In nobismetipsis namque debemus transformare quod legimus, ut cum per auditum se animus excitat, ad operandum quod audierat, vita concurrat. (*Lib. 1. Mor. Exposit. in Job, cap. 24. pag. 28.*).
- III.** Pia mens cum se adversa ab hominibus perpeti conspicit, in divinæ gratiæ consolatione requiescit; cumque tentationum procelas increpescere extrinsecus viderit, secessum spei Dominicæ appetens intra conscientiæ portum fugit. (*Ibidem Lib. 2. cap. 4. p. 48.*).
- IV.** Cum in hac vita ea, quæ nolumus, patimur, necesse est, ut ad eum, qui injustum velle nihil potest, studia nostræ voluntatis inclinemus. Magna quippe est consolatio in eo, quod displicet, quod illo ordinante erga nos agitur, cui nonnisi iustum placet. Si igitur iusta Deo placere scimus: pati autem nulla, nisi quæ Domino placuerint, possumus, iusta sunt cuncta, quæ patimur, & valde injustum est, si de iusta passione murmuramus. (*Ibid. cap. 18. pag. 51.*).
- V.** *Maledictus homo, qui facit opus Dei negligenter.* Ad hoc vero ista proficiunt, ut ante terribilis iudicis subtile, atque incomprehensibile examen, non solum mala, quæ commisimus, sed ipsa etiam, si qua in nobis sunt bene gesta, timeamus: quia sæpe in iusto iudicio culpa esse deprehenditur, quod virtus ante iudicium putatur, & unde expectatur pia merces operis, inde supplicium iustæ sequitur ultionis. (*Lib. 3. cap. 13. pag. 83.*).
- VI.** At contra hi, qui ad alta virtutum surgere veraciter appetunt, cum alienas culpas audiunt, mox cor ad proprias reducunt; & tanto rectius illas dijudicant, quanto verius istas deplorant. (*Ibid. cap. 24. pag. 98.*).
- VII.** Plerumque autem jam mens quidem quod se perverse egisse meminit, deplorat; jam prave acta non solum deserit, sed amarissimis etiam lamentis punit: & tamen, dum eorum, quæ egit reminiscitur, graviter iudicii pavore terretur. Tam se perfecte convertit, sed adhuc se perfecte in securitatem non erigit: quia dum quanta sit districtio extremi examinis pensat, inter spem, formidinemque sollicita trepidat: quia iudex iustus veniens, quid de perpetratis reputet, quid relaxet, ignorat. Nam quam prava commiserit, meminit; sed an commissa digne flevit, nescit, ac ne cul-

pæ immanitas modum poenitentiae transeat, metuit. (*Lib. 4. cap. 36. pag. 137.*.)

VIII. *Et circumdedit eum tenebris Deus.* Tenebris namque homo circumdatur; quia quamvis caelesti desiderio ferveat, quid de seipso sit dispositum intrinsecus, ignorat; & valde metuit, ne quid sibi in iudicio obviet, quod se de se nunc in desiderio boni servoris latet. Tenebris homo circumdatur; quia ignorantiae suae caligine premitur. An tenebris circumdatus non est, qui plerumque praeteritorum non meminit, futura non invenit, praesentia vix cognoscit? Tenebris circumdatum se quidem sapiens videtur, cum dicebat: quæ in prospectu sunt, vix invenimus cum labore: & quæ in caelis sunt, quis investigabit? (*Lib. 5. cap. 7. p. 144.*.)

Tenebra
mentis
quantæ.

IX. *Quis novit potestatem ira tua?* Potestas quippe divinae iræ nostris non potest mente comprehendi, quia ejus dispensatio, obscuris super nos dispositionibus, sæpe unde æstimatur deserere, inde nos recipit; & unde nos recipere creditur, inde derelinquit: ut plerumque hoc fiat gratia, quod ira dicitur, & hoc aliquando ira sit, quæ gratia putatur. (*Ibidem cap. 10. pag. 145.*.)

Ira divina
potestas.

X. *Quasi venas susurri sui aperit,* cum nobis Deus latenter insinuat, quibus modis ad nostræ intelligentiæ aurem venit. Aliquando enim nos amore, aliquando terrore compungit; aliquando praesentia, quæ nulla sint ostendit; & ad æterna dirigenda desiderium erigit; aliquando prius æterna indicat, ut post temporalia vilescant; aliquando nostra nobis mala aperit, & ad hoc nos usque, ut alienis etiam malis condoleamus, extendit. (*Ibidem cap. 29. pag. 161.*.)

Internæ gra-
tiæ locutio-
nes.

XI. Sed cum per contemplationem rapti, superna conspiciunt, ab ipsa aliquo modo praesumptionis suæ securitate liquefunt; & tanto magis in divino conspectu trepidant, quanto nec bona sua digna ejus examine, quem conspiciunt, pensant. (*Ibid. cap. 32. pag. 165.*.)

Timor ju-
rorum.

XII. Quisquis de persecutione murmurat, quid aliud quam justitiam ferientis accusat? Puriorum ergo se vir factore suo exillimat, si contra flagellum querelam parat, eumque sibi procul dubio postponit, cujus iudicium de sua afflictione redarguit.... In consideratione namque divinae magnitudinis discitur, quam humiliter in sua animadversione timeatur; & qui superna degustat, inferiora æquanimiter tolerat; quia plene intus conspicit, quanti æstimeret, quod foris agit. Male enim se rectum putat, qui regulam summæ rectitudinis ignorat. (*Ibid. cap. 37. p. 170.*.)

Dei flagella
iusta.

XIII. *Ecce qui serviunt ei, non sunt stabiles, & in Angelis suis reperit pravitatem; quanto magis hi, qui habitant domos luteas, qui terrenum habent fundamentum, consumentur velut a tineæ?* Ac si aperte dicat: si praesentis vitæ viam illi sine contagione transire nequeunt, qui æterna cogitantes, se contra temporalia

Nihil plene
iustus.

accingunt, quæ detrimenta illi sustinent, qui esse in carnalis habitationis voluptatibus gaudent? *Qui enim serviunt ei, non sunt stribiles*, quia cum mens ad alta nititur, carnis suæ cogitatione distrahatur. (*Ibid. cap. 38. p. 171.*).

Tempus redimendum. XIV. *Redimentes tempus, quoniam dies mali sunt*. Tempus quippe redimimus, quando anteaestam vitam, quam lasciviendo perdimus, flendo reparamus. (*Ibid. cap. 39. p. 172.*).

Patientia necessaria. XV. Solerter animus ante actionis suæ primordia, cuncta debet adversa meditari: ut semper hæc cogitans, semper contra hæc thorace patientiæ munitus, & quidquid acciderit providus superet; & quidquid non accesserit lucrum putet. (*Ibidem cap. 48. pag. 177.*).

Modus servandæ mansuetudinis. XVI. Secundus servandæ mansuetudinis modus est, ut cum alienos excessus aspicimus, nostra quibus in aliis excessimus delicta cogitemus. Considerata quippe infirmitas propria, mala nobis excusant aliena. Patienter namque illatam injuriam tolerat, qui pie meminit quod fortasse adhuc habeat, in quo debeat ipse tolerari. (*Ibidem*).

Ira alia recta, alia prava. XVII. Alia est ira, quam impatientia excitat; alia, quam zelus iustitiæ format: illa ex vitio, hæc ex virtute generatur. Si enim nulla ira ex virtute surgeret, divinæ animadversionis impetum tum Phinees per gladium non placasset. Hanc iram, quia Heli non habuit, motum contra se implacabiliter supernæ ultionis excitavit. Nam quo contra subditorum vitia tepuit, eo contra illum districtio æterni rectoris exarsit. De hac ira per Psalmistam dicitur: *Irascimini, & nolite peccare*. Quod nimirum non recte intelligunt, qui irasci nos nobis tantummodo, non etiam proximis delinquentibus volunt. Si enim sic proximos ut nos amare precipimur, restat, ut sic eorum erratibus sicut nostris vitiis irascamur. (*Ibidem*).

Adversitates utiles. XVIII. *Et non erit, qui eripiat*. Illos quippe veritas ab æterna adversitate eripit, quos in temporalibus prosperis per disciplinam premit. Qui ergo nunc renuit premi, tunc non valet eripi; quia iniqui eum, quem per disciplinam negligunt habere patrem, afflictionis suæ tempore, per adiutorium non invenient creptorem. (*Ibid. Lib. 6. cap. 7. p. 185.*).

Item. XIX. In eo, quod caro flagellis afficitur, mens ad appetenda altiora sublevarur. (*Ibid. cap. 13. p. 187.*).

Fidei mira credenda, non scrutanda. XX. Mira, quæ ex fide credenda sunt, perscrutanda per rationem non sunt; quia si hæc nostris oculis ratio expanderet, mira non essent. Sed cum in his fortasse animus titubet, necesse est, ut ea, quæ per usum novit, nec tamen per rationem colligit, ad memoriam reducat; quatenus rei similis argumento fidem roboret, quam labefactari sua sagacitate deprehendit. (*Ibid. cap. 14. pag. 189.*).

Conformes divinæ voluntatis finis. XXI. Restat ergo, ut in cunctis, quæ agimus, vim supernæ voluntatis inquiramus; cui videlicet cognita, debet nostra actio devote

vote famulari, & quasi ducem sui itineris prosequi, ne ei etiam nolens serviat, si hanc superbiens declinat. Vitari enim vis superni consilii nequaquam potest, sed magna sibi virtute hanc temperat, qui se sub ejus nutibus refrenat, ejusque se pondere levigat, qui hanc subiecto cordis humero volens portat. (*Ibid. cap. 18. pag. 196.*).

S.GREG. M.

XXII. Torpens animus percussione tangitur, ut excitetur, quatenus qui statum suæ rectitudinis securus perdidit, affligitur consideret quo jacet. Hinc itaque ipsa asperitas correctionis, origo fit luminis. (*Ibid. cap. 23. pag. 199.*).

Correctio licet aspera utilis.

XXIII. Corda nostra male sana sunt, cum nullo Dei amore fauciantur, cum peregrinationis suæ ærumnam non sentiunt, cum erga infirmitatem proximi, nec quamlibet minimo affectu languescunt, sed vulnerantur, ut sanentur, quia amoris sui spiculis mentes Deus insensibiles percutit, moxque eas sensibiles per ardorem caritatis reddit. (*Ibid. cap. 25. pag. 200.*).

Cordis infirmitates.

XXIV. *Bis rinctus coccus* offerri præcipitur, ut videlicet ante interni judicis oculos, caritas nostra Dei, & proximi dilectione coloretur; quatenus conversa mens, nec sic pro amore Dei quietem diligat, ut curam proximi, utilitatemque postponat, nec sic pro amore proximi occupationi inserviat, ut quietem funditus deserens, ignem in se superni amoris extinguat. Quisquis ergo semetipsum Deo jam sacrificium obtulit, si perfecta desiderat, curet necesse est, ut non solum ad operationis se latitudinem, verum etiam ad culmina contemplationis extendat. (*Ibid. cap. 37. pag. 207.*).

Operatio cum contemplatione.

XXV. Sed sciendum est, quia valde inter se diversæ sunt conspersiones animorum. Nonnulli namque hominum ita otiosæ mentis sunt, ut si eos labor occupationis excipiat, in ipsa operis inchoatione succumbant; & nonnulli ita inquieti sunt, ut si vacationem laboris habuerint, gravius laborent; quia tanto deteriores cordis tumultus tolerant, quanto eis licentius ad cogitationes vacat. Unde necesse est, ut nec quieta mens ad exercitationem se immoderati operis dilatet, nec inquieta ad studium contemplationis angustet. Sæpe qui contemplari Deum quieti poterant, occupationibus pressi ceciderunt; & sæpe qui occupati bene humanis usibus viverent, gladio suæ quietis extincti sunt. (*Ibidem*).

Item.

XXVI. Sunt nonnulli, ut diximus, qui discrete intueri summa, & spiritalia nequaquam possunt, & tamen alta contemplationis assumunt, atque ideo in perfidiæ foveam intellectus pravi errore dilabuntur. Hos itaque contemplativa vita ultra vires assumpta, cogit a veritate cadere, quos in statu suæ rectitudinis humiliter poterat sola activa continere. . . . Cum ad contemplativam vitam idonea discretione non sufficis, solam securius activam tene. Cumque in hoc, quod pro magno eligis, deficis, eo contentus eslo, quod pro minimo attendis; & si per contemplativam vitam a veritatis

Contemplatio aliquibus noxia.

ritatis agnitione compelleris cadere; Regnum Cælorum per solam activam valeas saltem luscus intrare. (*Ibidem*).

Intentio in Deum dirigenda. XXVII. Si mens in Deum forti intentione dirigitur, quidquid sibi in hac vita amarum sit, dulce æstimat: omne quod affligit, requiem putat; transire, & per mortem appetit, ut obtinere plenius vitam possit: funditus extingui in infimis desiderat, quo verius ad summa conscendat. (*Ibid. Lib. 7. cap. 15. p. 219.*).

Flektorum timor. XXVIII. Electi cum perpetrasse se illicita noverunt, sed persecutantes inveniunt, quia nulla pro illis adversa perpeSSI sunt, in immensæ formidinis terrore tabescunt, pavore æstuant, sinistris agitati suspicionibus laborant: ne in æternum se gratia deseruerit, quos in præsentī vita mali sui retributio nulla castigat: timent ne ultio, quæ suspenditur, gravior in fine fervetur: feriri paterna correptione desiderant, & dolorem vulneris medicamina salutis putant. (*Ibidem cap. 19. pag. 220.*).

Non declinandum recta via. XXIX. Ecce enim reclusis domi vitulis, vaccæ quæ sub arca Domini plauistro religantur, gemunt, & pergunt, dant ab intimis mugitus, & tamen ab itinere non demutant gressus. Amorem quidem per compassionem sentiunt, sed colla posterius non desectunt. Sic necesse est, ut incedere debeant, qui sacræ legis jugo suppositi, jam per internam scientiam Dei arcem portant, quatenus per hoc, quod propinquorum necessitatibus condolent, a cæpto rectitudinis itinere non declinent. (*Ibid. cap. 30. pag. 232.*).

Parum est quod finem habet. XXX. Recte dicitur: *Expectate paulisper*; quia & immensum est, quod sine termino sequitur, & parum est, quidquid finitur. Longum quippe nobis videri non debet, quod cursu sui temporis tendit, ut non sit: quod dum per momenta ducitur, ipsa hoc momenta sua, quæ differunt, impellunt: atque unde teneri cernitur, inde agitur, ne teneatur. (*Ibidem pag. 233.*).

Vita hominis tentatio. XXXI. Quietus homo possidere carnem potuit: si bene ab auctore conditus, possidere voluisset, cumque se erigere contra conditorem studuit, in semetipso protinus carnis contumelias invenit: sed quia cum culpa simul ab origine etiam pœna propagatur, inserto infirmitatis vitio nascimur, & quasi nobiscum hollem deducimus, quem cum labore superamus. Ipsa ergo hominis vita tentatio est, cui ex semetipso nascitur, unde perimatur. Quæ etsi semper ex virtute succidit, quod ex infirmitate generat, semper tamen ex infirmitate generat, quod ex virtute succidat. Sic itaque humana vita tentatio est, ut etsi jam ab iniquitatis perpetratiōe compescitur, in ipsis tamen bonis operibus modo malorum memoria, modo seductionis caligine, modo intentionis suæ interruptione fuscetur. (*Ibid. Lib. 8. cap. 6. pag. 244.*).

Electi leves sunt pœnarum. XXXII. Electi quidem dum mundi hujus adversa patiuntur, cum inhonestates, contumelias, rerum damna, cruciatus corporis tolerant, esse gravia, quibus exercentur pensant; sed cum mentis oculum

culum ad æternæ patriæ considerationem tendunt, ex comparatione præmii, quam sit leve, quod patiuntur, inveniunt. Quod enim valde esse importabile ex dolore ostenditur, consideratione provida ex remuneratione levigatur. (*Ibid. cap. 8. pag. 248.*)

XXXIII. Nequaquam sic in eadem iustitia inconculso maneat; quia etsi jam a cordis habitaculo culpam rectitudo eliminat, ipsa tamen culpa, quæ repellitur, cogitationis nostræ foribus aëans, ut sibi aperiatur, pullat. (*Ibid. cap. 10. pag. 251.*)

XXXV. Intuentur potentiam illius magnitudinis, & pensant quanto reatu constricti sunt propriæ infirmitatis. Enumerant mala proprii operis, & contra hæc exaggerant bona gratiæ conditoris. Considerant prava quam districte judicet, bona opera quam subtiliter penset, & perituros se absque ambiguitate præsciunt, si remota pietate judicentur; quia hoc ipsum quoque quod iuste videmur vivere, culpa est, si vitam nostram cum judicat, hanc apud se divina misericordia non excusat. (*Ibid. cap. 15. pag. 256.*)

XXXV. Pavore divini iudicii afflicti, dum quædam male gesta plangimus, ipsa vi nostræ amaritudinis ad discutiendos nos vigilantius excitati, alia in nobis etiam quæ amplius desleamus, invenimus. Nam sæpe quod torpentes latuit, stentibus subtilius innotescit: afflicta mens certius invenit malum, quod fecerat & nesciebat, eique rixæ suæ verius aperit, quantum a veritatis pace deviauit; quia reatum suum, cuius securus non meminit, hunc in se commota deprehendit. Succrescens quippe amaritudo pœnitentiæ, verecundanti cordi importune ingerit illicita quæ commisit, districtum contra hæc iudicem ostendit, suppliciorum minas incutit, pavore animam ferit, pudore confundit, motus illicitos increpat, quietem noxiæ securitatis turbat: quæ ei conditor bona contulit, quæ ipse bonis illius mala respondit, enumerat, quod mire ab eo conditus, quod gratuito nutritus, quod rationis substantia in conditione ditatus est, quod conditoris gratia vocatus, quod sequi ipse, & vocatus noluit, quod vocantis misericordia, nec surdum hunc, venientemque despexit, quod illuminatus donis, quod sua sponte pravis actibus etiam post dona cæcatus est, quod a cæcitatibus suarum erroribus paternæ sollicitudinis flagellis expiatus, quod a flagellorum doloribus ad salutis gaudia misericordiæ medicamento redactus est, quod quibusdam culpis etsi non gravibus subditus, peccare tamen, & inter flagella non definit, quod peccatorem suum superna gratia nec contempta dereliquit. (*Ibid. cap. 22. p. 259.*)

XXXVI. Notandum, quod *Deus postquam diluculo visitat, subito hominem probat*, quia & accedendo corda nostra ad virtutes provehit, & recedendo concuti tentatione permittit. Si enim post virtutum munera, nulla tentatione concutitur, has se habere animus ex semetipso gloriatur. Ut ergo & firmitatis dona habeat, & infirmitatem suam humiliter agnoscat, per accessum gratiæ ad alta

S. GREG. M.

De iustitiæ
amissione ti-
mendum.Divinæ mi-
sericordiæ
necessitas.Timor iudi-
ciorum Dei
salutaris.Gratiæ acces-
sus & reces-
sus.

alta suffollitur, & per recessum quid ex semetipso sit probatur.
S. GREG. M. (Ibid. cap. 19. p. 265.)

Agritudo spiritalis nunquam deest.

XXXVII. Cumque inde molestias invenit, unde vitare molestias quæsit, male sauciata, ut ita dixerim, de ipso suo medicamine languescit. Remoris ergo febribus cessantibusque doloribus ipsa nostra salus agritudo est, cui curandi necessitas nunquam deest. Quot enim solatia ad vivendi usum quærimus, quasi tot nostræ agritudini medicamentis obviamus? Sed ipsum quoque medicamen in vulnus vertitur, quia exquisito remedio paulo diutius inhærentes, ex eo gravius deficiamus, quod provide ad refectiorem paramus. Sic nimirum debet præsumptio corripì, sic superbia sterni: quia enim elatum semel sumptuosum spiritum, ecce defluens quotidie portamus lutum. Ipsa quoque mens nostra a secreti interioris securo gaudio excusa, modo spe decipitur, modo pavore vexatur, modo dolore decipitur, modo falsa hilaritate relevatur, transitoria pertinaciter diligit, eorumque amissione incessanter atteritur, quia & incessanter cursu rapiente permuratur. Rebus autem mutabilibus subdita, & a semetipsa variatur. Nam quarens quod non habet, anxie percipit, cumque hoc habere cœperit, tædet hanc percepisse quod quæsit. Amat sæpe quod desperat, despicit, quod amabat. Cum labore, quæ æterna sunt, discit, sed horum repente obliviscitur, si laborare desierit. Diu quærit, ut parum quid de summis inveniat; sed ad consuetam citius relabens, nec parum in his, quæ invenerit, perseverat. Erudiri appetens, vix suam ignorantiam superat, sed eruditæ gravius contra scientiæ gloriam pugnat. Vix carnis suæ sibi tyrannidem subjicit; sed tamen adhuc intus culpæ suæ imaginem rolerat, cuius jam foris opera vincendo restrinxit. In auctoris sui inquisitione se erigit, sed reverberatam hanc corporearum rerum amica caligo confundit. (Ibid. cap. 32. p. 268.)

Contra hy-
pocritas.

XXXVIII. Ecce dies venient, & auferentur omnia quæ in domo tua sunt in Babylonem: non relinquetur quidquam, dicit Dominus: Sic nimirum hypocritæ postquam magnis virtutibus excrescunt, quia cavere malignorum spirituum insidias negligunt, & exlari in eisdem virtutibus volunt, bona sua ostendendo, ostium faciunt; & prodentes subito amittunt, quidquid ditius studentes operantur. . . Hostes namque ad rapinam provocat, qui suas eorum notitiæ divitias denudat. Quousque enim ab æternæ patriæ securitate disjungimur, per latronum insidiantium iter ambulamus. . . Intus ergo sunt servanda, quæ agimus, si ab interno arbitrio vicem recipere nostri operis expectamus. . . . Occultanda sunt ergo, quæ agimus, ne hæc in hujus vitæ itinere incaute portantes, latrocinantium spirituum incurfione perdamus. (Ibid. cap. 48. p. 282.)

Latus Dei, non
propria quæ-
renda in bo-
no opere.

XXXIX. Opus nostrum cum hominibus ostenditur, in cordis prius examinatione pensandum est, per ejusdem ostensionis studium quid quærat. Si enim dantis gloriam quærimus, etiam publica nostra opera, in conspectu illius occulta servamus. Si vero per hæc no-
stram

fram laudem concupiscimus, foras ab ejus conspectu jam fusa sunt etiam si a multis ignorentur: sed valde perfectorum est, sic ostento opere auctoris gloriam quærere, ut de illata laude privata, nesciant exultatione gaudere. Tunc solum namque innoxie hominibus laudabile opus ostenditur, cum per defectum mentis veraciter laus impensâ calcatur. Quam quia infirmi quique perfecte contemnendo non superant, restat, necesse est, ut bonum hoc, quod operantur, abscondant. Sepe enim ab ipso ostentationis exordio, propriam laudem quarunt, sæpe vero in ostensione operis, auctoris patefacere gloriam cupiunt, sed exceptis favoribus, in laudis propriæ cupiditatem rapiuntur; cumque semetipsos dijudicare interius negligunt, sparsi exterius ignorant, quod agunt, eorumque opus suæ elationi militat, atque hoc se impendere obsequio largitoris putant. (*Ibid. p. 283.*)

XL. Iusti nec oblata bona hic pro magno suscipiunt, nec illata mala valde pertimescunt, sed cum bonis presentibus utuntur, ventura mala metuunt, & cum de malis presentibus gemunt, bonorum sequentium amore consolantur; sicque temporali refoventur subsidio, sicut viator in stabulo utitur lecto, pausat, & recedere festinat; quiescit corpore, sed aliud tendit mente. Iuste itaque hic se contruere negligunt, ubi peregrinos se, & hospites noverunt: quia enim in propriis gaudere desiderant, esse in alieno felices recusant. Injusti autem quanto longius ab æternæ patriæ hereditate divisi sunt, tanto in terra altius fundamenta cogitationis figunt. (*Ibid. cap. 54. p. 283.*)

XLI. Divinæ fortitudinis facta tunc verius exprimimus, cum hæc nos exprimere non posse cognoscimus: tunc facundius loquimur, cum ab his oblitescendo reticemus. Ad narranda quippe Dei opera habet defectus noster, quam sufficienter exerat linguam suam, ut quæ comprehendere idonee non valet, hæc idonee mutus laudet. (*Lib. 9. cap. 12. p. 297.*)

XLII. Cum fatigant ista (*immunda*) nec superant, nequaquam per pollutionem trucidant, sed per humilitatem servant: ut infirmum se animus in tentatione deprehendens, totum se ad divinitatis adiutorium conferat, & sui fiduciam funditus amittat: sicque fit, & ut inde altius Deo inhæreat, unde se a Deo profundius cecidisse suspirabat. Accessus igitur, recessusque Dei a mente nostra minime cognoscitur, quousque rerum alternantium finis ignoratur; quia & de tentatione incertum est utrum probet, an trucidet: & de donis nequaquam deprehenditur, utrum hic desertos remunerent: an in via nutrant, ut ad patriam perducant. (*Ibid. cap. 13. p. 298.*)

XLIII. Quasi latrunculus est appetitus laudis humanæ, qui recto itinere gradientibus ex latere jungitur, ut ex occultis educto gladio gradientium vita trucidetur. Cumque propositæ utilitatis intentio ad studia privata deducitur, horrendo modo unum, idemque opus, culpa peragit, quod virtus inchoavit. Nam plerumque nonnulli terre-

S.GREG. M.

Iusti peregrini mundo.

Deus silendo laudatur melius quam loquendo.

Timor salutis.

Avaritiæ dolus.

S.GREG. M. terrena præmia appetunt, & iustitiam defendunt, seque innocentes æstimant, & esse defensores rectitudinis exultant. Quibus si spes nummi subtrahitur, a defensione protinus iustitiæ cessatur; & tamen defensores iustitiæ se cogitant, sibi se rectos asserunt, qui nequaquam rectitudinem, sed nummos quærunt. (*Ibid. cap. 25. p. 304.*)

Munera non querenda. XLIV. Tres sunt acceptiones munerum, ad quas ex fraude festinatur. Munus namque a corde est captata gratia a cogitatione. Munus ab ore est gloria per favorem. Munus ex manu est præmium per dationem: sed iustus quisque ab omni munere manus excutit: quia in eo, quod recte agit, nec ab humano corde inanem gloriam, nec ab ore laudem, nec a manu recipere donationem querit. Solus ergo in Dei opere fraudem non facit, qui cum ad studia bonæ actionis invigilat, nec ad corporalis rei præmia, nec ad laudis verba, nec ad humani iudicii gratiam anhelat. (*Ibid. cap. 34. p. 312.*)

Judicia Dei. XLV. Duobus modis in hac vita Deus hominem judicat: quia aut per mala præsentia irrogare jam tormenta sequentia incipit, aut tormenta sequentia flagellis præsentibus extinguit. (*Ibid. c. 45. p. 319.*)

Dei deferentis, & miserentis effectus. XLVI. Cum ab auctore relinquimur, nec ipsa ullatenus destitutionis nostræ damna sentimus. Quo enim longe nos conditor deserit, eo mens nostræ insensibilis obdurescit, nulla quæ Dei sunt diligit, nequaquam superna concupiscit; & quia amoris intimi calorem non habet, frigida deorsum jacet, ac miserando modo fit quotidie tanto securior, quanto peior; cumque unde sit lapsa non meminit, & supplicia secutura non metuit, quantum lugenda sit, nescit. At si assatu Sancti Spiritus tangitur, ad considerationem protinus suæ perditionis evigilat, in cælestium exquisitio se excutit: amoris summi ælibus inardescit, quæ se circumprimunt damna considerat, & plorat proficiens, quæ prius læta torpebat. (*Ibid. cap. 58. p. 328.*)

Custodia cordis necessaria. XLVII. Solerti semper custodia pensandum est, vel quid opere agimus, vel quid corde versamus; ne aut mentem præpediens, foris se terrena cura multiplicet, aut saltem de ejus moderamine intus se cogitatio exaltet, ut cum divina judicia temporali circumspectione meruimus, sempiterni supplicia horroris evadamus. (*Ibid. cap. 46. p. 336.*)

Lex Christi Caritas. XLVIII. Lex Christi quid congruentius intelligi, quam caritas potest? Quam tunc vere perficimus, cum fraterna onera ex amore toleramus. Sed hæc eadem lex *multiplex* dicitur: quia studiosa sollicitudine caritas ad cuncta virtutum facta dilatatur. Quæ a duobus quidem præceptis incipit; sed se ad innumera extendit, sed Dei dilectio per tria distinguitur; quia ex toto corde, & ex tota anima, & ex tota virtute diligi conditor jubetur. Qua in re notandum est, quod divinus sermo, cum Deum diligi præcipit, non solum narrat ex quo, sed etiam informat

ex quanto, cum subjungit ex toto; ut videlicet, qui perfecte Deo placere desiderat, sibi de se nihil relinquat. (*Lib. 10. cap. 6. pag. 340.*)

XLIX. Quisquis presentem gloriam quærit, profecto despectum meruit. Qui semper ad lucra inhiat, semper videlicet damna formidat; cujus enim perceptione reficitur, ejus rei procul dubio & amissione fauciatur; & quo obligatus mutabilibus, ac perituris inhæret, eo longe in infimis ab arce securitatis jacet. At contra quisquis in solo æternitatis desiderio figitur, nec prosperitate attollitur, nec adversitate quassatur, dum nil habet in mundo, quod appetat, nihil est, quod de mundo pertimescat. . . Bene itaque dicitur: *Requiescet, & non erit, qui exerceat*, quia tanto quisque a se plenius pavorem, qui ex mundo est abjicit, quanto in semetipso verius concupiscentiam mundi vincit. (*Ibid. cap. 21. p. 356.*)

Temporalia spernenda æterna desideranda.

L. Virtuti mortis dilectio comparatur, quia nimirum mentem, quam semel cœperit a delectatione mundi, funditus occidit; & tanto hanc valentius in autoritatem erigit, quanto & insensibilem contra terrenos reddit. (*Ibid. p. 357.*)

Caritas voluptatibus mortuos nos efficit.

LI. Ut caro mollibus, sic anima duris nutritur: illam blandam refovent, hanc aspera exercent: illa delectationibus pascitur, hæc amaritudinibus vegetatur; & sicut carnem dura fauciant, sic spiritum mollia necant: sicut illam laboriosa interimunt, ita hunc delectabilia extinguunt. *Spes itaque carnalium abominatio animæ dicitur*: quia inde in perpetuum spiritus interit; unde ad tempus caro suaviter vivit. (*Ibid. cap. 24. p. 358.*)

Carnis & spiritus alimenta.

LII. Hujus mundi sapientia est cor machinationibus regere, sensum verbis velare, quæ sunt vera ostendere, quæ vera sunt fallacia demonstrare. . . . At contra sapientia justorum est nil per ostensionem fingere, sensum verbis aperire, vera ut sunt diligere, falsa devitare, bona gratis exhibere, mala libentius tolerare, quam facere, nullam injuriæ ultionem quærere, pro veritate contumeliam lucrum putare. (*Ibidem cap. 29. pag. 360.*)

Sapientia Mundi fallax, Justorum vera.

LIII. Non est census in crimine, sed affectus. Cuncta enim, quæ Deus condidit, bona sunt, sed qui bonis male utitur, profecto agit, ut quasi per edacitatis ingluviem, eo quo vivere debuit pane moriatur. (*Ibid. cap. 30. p. 361.*)

Non census, sed affectus periculus.

LIV. Quia vero infirma ætas, etiam cum recte sapit, ad prædicandum non debet incaute proflire, subditur: *In antiquis est sapientia, & in multo tempore prudentia.* (*Lib. 11. cap. 6. p. 369.*)

Juvenes non prædicant.

LV. Sed inter hæc intueri, necesse est, quantæ peregrinationis nostræ pœna nos perculit, qui in eam cæcitatem venimus, ut nos ipsos ignoremus. Perpetramus mala, nec tamen celerius deprehendimus, vel perpetrata. Exclusa quippe mens a luce veritatis nihil in se, nisi tenebras invenit, & plerumque in peccati

Ignorantia perniciosa.

S. GREG. M. cati foveam pedem porrigit, & nescit. Quod nimirum de sola exilii sui cecitate patitur, quia ab illuminatione Domini repulsa, & semetipsum videre perdidit, quæ auctoris sui faciem non amavit. (*Ibid. cap. 42. p. 386.*)

**Hora mortis
cur incerta.** LVI. Ad hoc conditor noster latere nos voluit finem nostrum, ut dum incerti sumus, quando moriamur, semper ad mortem parati inveniamur, (*Lib. 12. cap. 38. p. 408.*)



CAPUT XXVIII.

S. JOANNES DAMASCENUS

Monachus, & Presbyter Hierosolymitanus.

ARTICULUS PRIMUS.

Vita S. Joannis Damasceni Breviarium.

S JOANNES ex Damasco, ubi ortum duxit, Damascenus dictus inter celebriores VIII. Sæculi Patres merito recensetur. Quo anno natus sit, quove obierit, obscurum prorsus est; quod vel conjectura assequi nullus possit. Certum tamen videtur, natum eum esse ante exitum sæculi VII. Nam si vitæ ejus Auctori fides, ante annum 730. ea ætate erat, ut publica Saracenorum Principis negotia administraret, & de fide adversus Hæreticos scriberet (a). Ejus Parens Christianæ Religionis amantissimus etiam inter Mahumedanæ Sæctæ miros in Syria progressus Quæstor Generalis Principis Saracenorum, eique familiarissimus fuit, & tantæ pietatis, „ut divitiis, quibus florebat plurimum, „non ad comellationes, perpotationesque, & vanas expensas abuteretur; sed quidquid in auro, aliisque bonis mobilibus facultatum haberet, id totum in Christianorum captivorum redemptionem, & pretium impenderet (b)“. Inter quos contigit illi a captivitate redimere captivum quemdam in mari captum Cosmam nomine, in cujus ore gravitas quædam elucebat, quæ interiorum hominis compositionem indicaret. Homo erat ex Italia oriundus, professione Monachus, dignitate Sacerdos, qui Sacræ Philosophiæ operam dederat. In eo nactus Damasceni nostri Parens virum sapienterem, & incomparabili doctrina præditum Filio suo præceptorem dedit, qui sub ejus disciplina tum in virtute, tum in scientia plurimum profecit.

Cosmas itaque, cum discipulum suum optime instituisset, illum patri suo restituit; & obtenta ab illo venia, ad Lauram S. Sabæ, quæ in solitudine sita est, perrexit (c). Illic ad mortem usque commoratus ad Deum migravit. Perinde Joannis quoque Parens e vivis excessit. Quocirca Saracenorum Princeps accersitum ad se

Tricalet. Tom. VII.

V

Joan-

S. JO. DAM.
Nativitas
& educatio
S. Jo. Damasceni.

Fuit apud
Saracenos
officia, & in-
fortunium.

(a) *In Vit. T. 1. Op. in not. 1. pag. 5.*(b) *Ibid. n. 6. pag. 4.*(c) *Ibid. n. 13. pag. 9.*

Joannem primi a Consilii dignitate ornavit, & in majore, quam
 s. Jo. DAM. ejus pater, munere constituit. Eo porro tempore Leo Isauricus
 imperium Romanum gubernabat, qui adversus venerandas Imagi-
 nes, & orthodoxum Ecclesiæ cœtum ut leo rapiens, rugienque
 debacchabatur. Hæc ubi primum ad Joannis aures pervenere, co-
 gnomini sui Baptiste libertatem in reprehendendo imitatus, ad
 rectæ fidei alumnos epistolicas orationes pro venerabilium Imagi-
 num tuendo honore misit, quibus illos adhortabatur in fide stare;
 & epistolas suas omnibus ostendere (a). Quæ ubi Leo Imperator
 agnovit, & ex ejus epistolis unam obtinuit, accitis Notariis qui-
 buldam, epistolæ exemplum illis ad imitandum proponit, ut tam
 epistolæ characterem, quam sententias, locutionesque repræsentaret.
 In ea sibi scriptum simulabat a Damasceno, ut ex improvviso stre-
 nua, & numerosa missa manu Damascum occuparet, ad hanc ex-
 peditionem operam suam collaturum spondens. Adornata hac
 epistola, illam ad Damasci Principem misit, qui, ea accepta,
 Joanni ad se accersito tradit, illumque objurgat; nec illum breve
 tempus ad se purgandum deposcentem exaudiens, e vestigio dexteram
 amputari præcepit. Ejus vitæ Auctor, qui creditur Joannes Pa-
 triarcha Hierosolymitanus, a Saracenis igne consumptus anno 969.
 narrat a Tyranno impetrasse sibi abscissam manum restitui; qua
 accepta in sacellum domesticum ingreditur, totoque corpore pronus
 ante divinam Dei Genitricis imaginem provolvitur, admotaque
 dextera abscissa ad pristinam ejus commissuram, Dei genitricem la-
 crymis impellat, ut manum suam sanet, qua possit fidei causam
 adversus Iconoclastas tueri. „ Hæc Joannes cum lacrymis recitans
 „ somno corripitur, & sacram Dei Genitricis imaginem videt oc-
 „ los in se convertere, atque assari: En tibi manus sanata est...
 „ fac eam calamum esse scribæ velociter scribentis“. Evigilans
 manum abscissam, restitutamque contemplatur; quod ubi rescivit
 Saracenorum Princeps, ejus innocentiam agnovit, & principem lo-
 cum inter Consiliarios retinere jussit (b).

In Monaste-
 rium secedit.

Verum Damascenus Mundo renuntiare cupiens, obtenta agre
 a Principe recedendi venia, distributis in consanguineos, & paupe-
 res bonis, servisque libertate donatis, Hierosolymam petit, &
 S. Sabæ Lauram assequitur, comitem & socium habens cum iti-
 neris, tum propositi Cosmam illum, quem ejusdem educationis,
 ac institutionis habuerat participem (c). Monasterium ingressus
 pedibus Pastoris advolvitur rogans, ut inter suas oves admitteretur.
 Gavissus est ea re sacri gregis Præfectus, & operæ pretium esse
 duxit, novitium tum vitæ splendore, tum eximia scientia illustrem
 uni e præcipuis senioribus committere: verum pluribus accitis una
 omnes voce deprecari a se cœperunt Joannis instituendi curam, do-
 nec

(a) *Ibid.* n. 14. pag. 10.

(b) *Ibid.* n. 18. 19. pag. 11. & seq.

(c) *Ibid.* n. 22. pag. 14.

nec ex senioribus unus moribus simplex, sed plurima scientia ornatus prompto animo Joannem excepit (a). In Monastica palæstra diu exercitatus tandem sibi relinquitur, qui proinde cæteris solutus curis, pluribus conscribendis Operibus vacavit. Interim ejus fama ad Patriarcham Hierosolymitanum delata, qui vel Joannes III. fuit, vel ejus successor Eusebius, illum ad se accersitum divino instinctu Presbyterum constituit (b). Sulcepto Presbyteratu ad Divini Sabæ Lauram regressus est, pœnitentiæ laboribus, & libris conscribendis vacaturus, ad quos elucubrandos hortatorem habuit Cosmam illum institutionis, & religiosæ exercitationis participem, qui etiam ab Hierosolymorum Patriarcha Majumæ Episcopus ordinatur non sponte, sed vi coactus, ut cederet (c). Porro Opera in defensionem Sanctarum Imaginum a Damasceno elucubrata mirum in modum fidelibus omnibus, sed præcipue Constantinopolitano populo profuerunt. Quare Constantinus Copronymus, qui tunc Imperio potiebatur, id ægerrime ferens, cum aliter de S. Doctore ulcisci non posset, quippe qui extra Imperii fines Saracenorum suberat imperio, ipsum excommunicatione feriendum a suæ communionis Episcopis curavit. Verum Damascenus & brutum fulmen aspernatus, & iram Principis non pertimescens, Lauram relinquens pro Dei legibus dimicando, Damasci primum, tum subinde Palæstinæ, & Constantinopoli eos, qui colendas imagines perfundabant, & contumeliose habebant, adoritur spe etiam illectus Martyrii coronam assequendi: verum Deo aliter disponente, ad Lauram reversus inibi in pace quievit.

S. JO. DAM.

Obitus annus certo designari, ut supra diximus, minime potest. Hoc unum statuere merito possumus, Pseudo-Constantinopolitanæ Synodo Constantinopoli jussu Imperatoris Constantini Copronymi anno 754 celebratæ superstitem fuisse; quippe qui illam Synodum, ejusque Præsides libris suis exagitavit. Laudes vero in VII. Generali Concilio illi merito tributæ ostendunt jam ad plures transisse. Hinc ejus obitum figendus inter annum 754 & 787.

Obitus post
ann. 754.

Inter Opera S. Joannis Damasceni eminet ejus Tractatus de Fide Orthodoxa: cæterorum vero librorum in sequenti articulo apparebit Catalogus. Opera ejus primo Basilæ typis vulgata sunt græco-latine anno 1556. At P. Lequienius O. P. novam, & locupletiore græco-latinam Editionem adornavit Parisiis anno 1711. qua nos utimur.

Ejus Opera,
& Editiones.

S. Joannis Damasceni Opera italico sermone edita hæc habentur. I. *Paracletica* sub hoc titulo: *Suppliche affettuose alla Beatissima Vergine Madre di Dio*, Opera di S. Giovanni Damasceno chiamata da Greci *Paracletica*; primum ex græco latine, postea etiam

V z iam

- (a) *Ibid.* n. 23. 24.
(b) *Ibid.* n. 34. pag. 20.
(c) *Ibidem.*

S. JO. DAM. iam italicè reddidit P. Ludovicus Marracci Lucensis Clericus Regularis Matris Dei. Romæ per Komark Boemum 1687. Et iterum Lucæ per Hyacinthum Pacci 1690. II. *Historia seu Vita SS. Barlaam & Josaphat.* Romæ apud Joannem Mariam Salvioni Typographum Vaticanum 1738. Ex Argelato & Paitono.

ARTICULUS SECUNDUS.

Operum S. Joannis Damasceni Analysis.

**Dialectica
Damasceni.**

PRIMO loco inter Opera S. Jo. Damasceni locantur *Dialectica*, *Tractatus de Hæresibus*, & *Liber de Fide Orthodoxa*, non quia hæc ante cætera fuerint elucidrata, sed quia hunc ordinem ipse statuit in nuncupatoria sua ad Cosmam Majumæ Præfulem epistola. Hæc sane omnium Damasceni Operum præstantissima sunt, & pluribus nominibus apud utriusque gentis Theologos summo semper in pretio fuere. Et ipsa nostri Auctoris *Dialectica* magni momenti esse videtur, quippe qui in ea expositionem collegit vocum omnium, quas Sancti Patres Græci sive disputando adversus hæreticos, sive apud Catholicos fidei doctrinam enucleando adhibuerunt, atque eas insuper, quibus hæretici Gentilium Philosophorum placitis imbuti in suam, simpliciorumque perniciem abutebantur. Porphyrium in quinque vocum, sive universalium, & Aristotelem in categoriarum enarratione secutus est; quorum tamen sententias peculiaries qualdam, mysteriis fidei tradendis parum idoneas, aut etiam eisdem contrarias ex Ecclesiasticis Auctoribus emendare fategit (a).

**Tractatus de
Hæresibus.**

Cum art. 75. *Tractatus de Hæresibus de Aerio* hæc legantur: *Hic etiamnum hodie tentatio est vitæ hominum*, indigitare videntur, Auctorem scripsisse IV. sæculo, quo Aerius Ecclesiam devastabat. Nihil tamen secius non esse hoc opus Damasceno nostro abjudicandum, quisque facile deprehendet, qui animadverterit, Damascenum Epitomen novam de Hæresibus non composuisse, sed integram Synopsim, seu anacephalæosim Epiphani, ut in libris ejus jacebat, transcripsisse, adjecta viginti, seu vigintiquatuor posteriorum Sectarum enarratione, quam ex Theodoret, Timothei Constantinopolitani Presbyteri, Sophronii, & Leontii Byzantini libris concinnavit. Quæ vero de Mohamedanis habentur, nulli alteri, præterquam Auctori nostro, tribuenda sunt. Qui nec Iconomachorum hæresim ex toto omittere debebat, quam ipse expugnaverat, & ipsius ætate Orientis, & Occidentis Ecclesiæ proscriperant (b).

De

(a) In *Pref. ad Dialecticam*.

(b) In *Pref. ad Tract. de Hæres.*

De Mohamedana secta articulus unus est ex præcipuis. Mohamedanos Damascenus modo Ismaelitas, modo Saracenos vocat. De illis dicit, „ quod usque ad Heraclii tempora palam est idola coluisse, & stellam matutinam, ac Venerem. At illis falsus exortus est Vates Mamed nomine, qui cum in libris veteris, novique Testamenti incidisset, habitis cum Ariano quodam Monacho colloquii, propriam sectam condidit, exaratis in libro suo lucubratiunculis quibusdam risu dignissimis (a) “. Recenset deinde plures articulos cultum Deo reddendum statuentes. Nam docet, „ unum esse Deum universi auctorem, qui nec genitus sit, nec genuerit: Christum autem Dei Verbum esse dicit, ejusque Spiritum, sed creatum, & servum ex Maria sorore Moysis, & Aaron sine semine natum. Verbum quippe Dei, inquit, cum in Mariam introisset, Jesum genuit, qui Propheta, & Dei servus fuit. Hunc cum Judæi per summum nefas in crucem agere voluissent . . . ipsius quidem umbram affixerunt cruci: Christus vero nec crucem, nec mortem subiit. Eum quippe Deus, quia sibi carissimus erat, transtulerat in cælum “. Dialogum deinde institutum a Mohamede inter Christum, & Deum refert, qui vanissimus, & ridiculus plane est. Et postea subdit: „ Alia insuper multa portentosa similia in hoc libro comminiscitur, ac plane ridicula (b) “. Cum vero Mohamedani adorationem Crucis, quam ipsi detestantur, Christianis exprobrarent, illis interrogando objicit Damascenus: „ Quis sit, ut lapidi, qui in Chabatha vestra est, vos adflicetis, eamque complexantes deosculamini “? Et respondendas, quas proferunt, rationes refellit; & Crucem Christi ideo a Christianis adorari dicit, „ quia per eam potestates Dæmonum, & Diaboli fraudes profligatæ sunt (c) “. Leviter tangit obscœna Mahumedis facta, ob quæ legem tulit & de uxore dimittenda, & de polygamia, ne, ut ipse scribit, omnia, ut ille, obscœna proferret.

S. JO. DAM.
Mohamedanorum Secta.

Iconoclastarum sectam postea refert, illorum videlicet, „ qui Christianos uni vivo, & vero Deo servientes criminantur, ac si venerandas Domini Jesu Christi, & Sanctæ Dei Genitricis, Sanctorumque Angelorum, nec non Beatorum imagines veluti Deos more Gentilium colant. Hinc ipsi Sacras Imágenes comminunt, ignique tradunt, & eas, quæ depictæ in muris sunt, abradunt, vel calce, & atramento obliniunt (d) “. De Iconoclastis.

Postremo loco hæresim collocat Apochistarum, seu Doxariorum. Hi „ nec legi Dei subjiçuntur, nec Sacerdotibus ejus . . . Quidam eorum sacrum Baptisma non admittunt, nec divinæ communionis participes fiunt. Alii neque figuram pretiosæ Crucis

V 3

„ recens

(a) Num. 101. pag. 110.

(b) Ibidem.

(c) Ibid. pag. 113.

(d) Ibid. n. 101. pag. 115. & 116.

„ recens expressam, aut venerabilem quamlibet imaginem salu-
 „ tant cum cunctis se putent antecellere, Sacerdotem ne qui-
 „ dem recipiunt (a) “. Horum nomine Paulinianos significasse vi-
 „ detur Damascenus. Hi enim ævo suo Manichæorum hæresim exci-
 „ tarunt, a Paulo quodam, & Joanne Syris hoc nomine donati.

Fidei Pro-
 fessio .

Tractatui de hæresibus coronidem imponit Damascenus, emissâ,
 „ ut fecerat & S. Epiphanius, professione fidei, in qua summatim
 „ dicit, „ se credere in Patrem, & Filium, & Spiritum Sanctum,
 „ unam in tribus hypostasis Deitatem Dei Filii in carne
 „ dispensationem ex Virgine inenarrabili modo sine semine factam,
 „ ut idem ipse sine confusione, & conversione Deus & Homo fue-
 „ rit. Sanctissimam Dei Genitricem Mariam tamquam Dei Ma-
 „ trem adora, & venerare (hæc enim duo vocabula seu synonyma
 „ usurpat Damascenus), & omnes Sanctos uti servos illius “. Illis verò,
 „ qui interrogant: *Quomodo in Deo Trinitas est?* respon-
 „ det: „ Trinitas pervehigabilis non est. Sin vero Deum studiosius
 „ scruteris, te ipsum mihi primo edisseras velim, & quæ circa te
 „ sunt. Quis animæ tuæ existendi modus? Quo pacto mens tua
 „ movetur? Qua ratione mortalis simul, & immortalis es? (b) “. Christianæ Dialecticæ regulis, recensitisque præscarum Hæresum

De Fide
 Orthodoxa .

erroribus succedit liber de *Fide Orthodoxa*, in quo non ex Scriptu-
 „ ra solum, verum etiam ex conglobatis SS. Patrum sententiis ea,
 „ qua par erat, tum perspicuitate, tum brevitate inexhaustum Tradi-
 „ tionis promptuarium protulit, & qui norma fuit subsequentiis Scho-
 „ lasticis. In eo nihil reperire est, quod vel Œcumenicis Synodis sanc-
 „ citum non fuerit, vel a probatis Ecclesiæ Magistris acceptum. In
 „ primis sequutus est Gregorium Nazianzenum, cujus libros ea lege-
 „ rat assidue, ut omnes fidei memoria complexus videatur. Non
 „ omittit testimonia etiam Basilii Magni, Gregorii Nysseni, Nemesii
 „ Emeseni in Syria Episcopi, Cyrilli Alexandrini, Leonis Magni,
 „ Leontii Byzantini, Maximi Martyris, Athanasii, Chrysostomi, E-
 „ piphani, & illius etiam Scriptoris, qui Dionysii Areopagitæ no-
 „ men assumpsit. Id enim sibi proposuerat Damascenus, ut sua nequa-
 „ quam, aut nova cuderet, sed veterum potius placita variis in vo-
 „ luminibus sparsa in unum opus theologicum congereret (c). Le-
 „ quienius Operum Damasceni Editor in margine fontes, ex quibus
 „ hausit doctrinas suas S. Monachus, indigitare non omisit. Inscrit-
 „ tur hoc Opus de *Fide Orthodoxa*. Hujus nedom in Oriente, ve-
 „ rum etiam in Occidente, & apud Latinos magna fuit apud Theo-
 „ logos auctoritas; quod præsertim Eugenio III. Summo Pontifice
 „ lætæ redditum est a Burgundione Cive Pisano. Hac translatione
 „ usi sunt Magister Sententiarum, S. Thomas, alique subinde Theo-
 „ logi.

(a) *Ibid.* pag. 116.

(b) *Ibid.* pag. 117. & seq.

(c) *Lequien in Pref.* pag. 119.

logi. Priore accuratio opera Combesii, & Lequienii prodiit
translatio (a).

S. JO. DAM.

Operis Ana-
lysis 1. & 2.
lib.

Liber primus quatuordecim constat Capitulis, in quibus de essen-
tia, & existentia Dei, de Divinæ Naturæ proprietatibus, de ejus-
dem unitate, & Personarum Trinitate differit. In secundo vero
libro quid Sæculi, & Creationis vocabulis significetur, exponit;
& quomodo omnia Deus creaverit. Deinde ea, quæ ad Angelo-
rum, & Dæmonum naturam spectant, explicat. Quid sint Cæ-
lum, quod videtur, lux, ignis, Sol, Astra, Planetæ, Signa Zo-
diaci, & Cometæ, declarat. De istis sic scribit: „Cometæ Re-
„ gum mortem portendentes non ex illis syderibus sunt, quæ in
„ primo rerum ortu procreatæ fuere, verum Dei jussu sub ipsum
„ tempus constantur, rursusque dissolvuntur. Quandoquidem ne sy-
„ dus quidem illud, quod tum cum Domini Nostri causa, cum
„ natus est, Magis apparuit, non ex illis Stellis erat, quæ Mun-
„ di initio conditæ fuerunt (b)“. Prosequitur disputare de Ter-
ra, Aere, Ventis, Aquis, Mare, & de iis, quæ in illo produ-
cuntur, de Paradiso terrestri, de homine, ejusque naturæ proprie-
tatibus, passionibus, facultatibus; de providentia, & præscientia
Dei, & de Prædestinatione. Duplicem in Deo distinguit volunta-
tem, nimirum „antecedentem, & beneplaciti, cujus ipse est
„ causa; secundam autem consequentem, & permissivam ex nostra
„ causa ortum habentem; eaque duplex est, altera dispensatione
„ quadam fit, & ad salutem erudit; altera a reprobatione profici-
„ scitur, ad absolutam omnino poenam pertinens (c)“. Addit:
„ Illud scire interest, Deum omnia quidem præscire, sed non o-
„ mnia præfinire. Præcit enim ea, quæ in nostra potestate sunt;
„ at ea non præfinit. Nec etiam malitiam patrari vult (d); nec
„ rursus virtuti vim affert (e)“.

V 4

In

(a) *Ibidem.*

(b) *Lib. 2. cap. 7. pag. 166.*

(c) *Ibid. cap. 29. pag. 198.*

(d) *Ibid. cap. 30. pag. 198.*

(e) Græci Patres cum caverent, ne divina futurorum cognitio hu-
manæ libertati nociva putaretur, juxta ac Gnostici, ac Manichæi asse-
bant, hoc frequenter inculcarunt, actiones hominum liberas non ideo
fieri, quia noverit Deus, sed esse a Deo cognitæ, quia futuræ erant:
Deum quippe malorum actionum causam non esse. Hoc præstituto prin-
cipio ipsorum de Prædestinatione sententia alia non erat ab ea, quam
Prosper sincere refert Epistola ad Augustinum. *Retrahitis*, inquit, *pri-*
orum Doctorum hac de re opinionibus, pene omnium par invenitur, una-
que sententia, qua propositum, & prædestinationem Dei secundum præ-
scientiam receperunt, & ab hoc Deus vasa bonoris, & vasa consumeliæ
fecerit, qui finem uniuscujusque præviderit, & sub ipso gratiæ adjutorio,
in qua facturus esset voluntate, & actione prævideret. Ita quidem veteres
illi pro libertate hominis vindicanda disputabant. Ex quo vero theologi-
cis hujusmodi placitis Pelagiani abusi sunt, ut concluderent, gratiam ob
merita

S. GREG. M. tu In tertio Libro modum explicat, quo Deus hominem ab inter-
 Liber ter- ne disputat; & ostendit: „ Verbum Dei in propria jam persona
 tius. „ subsistens in Sanctæ Virginis utero ex castis ipsius sanguinibus
 „ carnem anima rationali, & intelligente præditam humanæ con-
 „ spositionis primitias assumpsit, Verbum ipsum carnis factum hy-
 „ postasis absque confusione, aut mutatione, aut divisione
 „ unitum (a) sic videlicet, ut nec a sua simplicitate divina
 „ natura desciverit, nec rursus humana aut in Deitatis naturam
 „ conversa, aut in nihilum redacta, aut denique una ex duabus
 „ naturis composita natura effecta sit Verbum porro quia
 „ ipsius sunt, quæ sanctæ ejus carnis sunt, ea, quæ humanitati
 „ conveniunt, sibi vendicat, & vicissim carni, quæ sua sunt, im-
 „ pertit (unde oritur communicatio Idiomatum, ut Theologi lo-
 „ quuntur) Eo porro nomine Dominus ipse gloriæ crucifi-
 „ xus dicitur, quamvis alioqui divina ipsius natura minime passa
 „ sit: & rursus Filius hominis ante passionem in Cælo esse di-
 „ ctus est, veluti Dominus ipse asseruit (b) “. Ostendit deinde,
 „ nam ex Sanctæ Trinitate Personam Dei Verbum, quidquam
 „ eorum, quæ cum nos initio rerum fingeret, naturæ nostræ infe-
 „ ruit, non assumtum omisisse, sed omnia assumpsisse, puta cor-
 „ pus, & animam intelligentem, rationabilemque cum eorum pro-
 „ prietatibus (c) atque ita ipsa Verbi hypostasis, hyposta-
 „ sis etiam carnis facta fuerit, & Verbi persona, quæ ante sim-
 „ plex erat, composita evaserit; composita, inquam, ex duabus
 „ naturis perfectis, divinitate nimirum, & humanitate (d)
 „ Quapropter unus est Christus, Deus perfectus, & homo perfe-
 „ ctus,

merita etiam præcognita dari, Latini Doctores fatius duxerunt, bona o-
 pera divinæ prædefinitioni adscribere, mala vero præciri dumtaxat con-
 cedere. Sententiam hanc, dimissa priore, amplexus est Augustinus, hoc
 Apostoli testimonio victus: *quis te discernit?* „ Cum hac de re aliter
 „ saperem (inquit), quam mihi Deus in hac quæstione solvenda, cum
 „ ad Episcopum Simplicianum scriberem, revelavit “. Interim vetus o-
 pinio in Oriente perseveravit, cum nullas illic radices egisset Pelagianus
 error, cujus de divina gratia capita Græci non noverunt, tametsi ejus
 de peccato originali doctrinam Synodus Ephesina proscripserit. Præterea
 Græci Patres *Prædestinationis* voce non intellexerunt, quemadmodum Au-
 gustinus, *preparationem beneficiorum, quibus certissime liberantur, qui-
 cumque liberantur; sed voluntatem illam consequentem, seu decretum,*
 quo Deus præmia, vel supplicia singulis destinavit, prout quisque vel o-
 dio, vel amore dignus erit. Chrysostomus siquidem hom. 19. in Epistol.
 ad Rom., ubi quærit, cur, antequam Jacob, & Esau nati essent, *ille*
honore afficeretur, hic supplicio? respondet: *Ille, cui aperta sunt arcana*
cogitationum, perspicue novit, quinam coronatum digni sint, quive sup-
pliciorum.

(a) Lib. 3. cap. 2. pag. 203.

(b) Ibid. cap. 3. pag. 208.

(c) Ibid. cap. 6. pag. 212.

(d) Ibid. cap. 7. pag. 214.

„*Etus*, cui unam, eandemque adorationem cum Patre, & Spiritu, non exclusa immaculata ejus carne, adhibemus Ambas S. JO. DAM.
 „Christi naturas ob unitam carni divinitatem adoro. Non quar-
 „tam Trinitati personam infero; sed unam Dei Verbi, carnisque
 „ipsius personam confiteor. Trinitas quippe etiam post Verbi In-
 „carnationem Trinitas mansit (a)“. Hinc deducit, appendicem
 illam, quam Petrus Cnaphæus, seu Fullo (1) Trifagio adjecit:
Qui passus es pro nobis, impiam esse. Nam illud *Sanctus Deus* de
 Patre accipimus: illud *Sanctus Fortis* Filio tribuimus; ac denique
 illud *Sanctus Immortalis* Spiritui Sancto adscribimus. Hinc adden-
 do: *Qui crucifixus es pro nobis*, vel quarta adjicitur Persona, vel
 Trinitas Sancta passioni obnoxia enunciatur (b). Et hic occasio-
 nem nactus compendiose narrat, quæ in Ecclesia contigere & cir-
 ca præfatum Trifagion, ejusque additionem. Dein adversus Nesto-
 rium evincit, Virginem vere esse, & dici debere *Deiparam* (c).
 Et de duabus in Christo naturis disputans, de ejus proprietatibus
 tractat ostendens, „in Christo ut duas naturas, ita duplices dua-
 „rum naturarum proprietates inesse, idest duas naturales operatio-
 „nes, divinam & humanam; duas naturales liberi arbitrii liber-
 „tates, divinam & humanam; ac denique sapientiam, & scienti-
 „am duplicem, divinam & humanam (d)“. Explicat quoque,
 in quo sensu Dionysius dixerit unam *theandricam*, idest Dei simul
 & viri operationem; videlicet, „non ut naturales actiones tollat,
 „unam ex humana, & divina actionem constatam docet sed
 „ut novum illum, & arcanum modum, quo naturales Christi a-
 „ctiones se explicant, & alteræ illius communicationis, quæ ex
 „ineffabili unitione oritur, rationem indicaret (e)“. Postea de
 Christi naturalibus, & inculpatis passionibus sermonem instituens
 ostendit, „non alias ab eo assumptas, nisi naturales, & minime
 „reprehendendas: nam suscepit totum hominem, & quæcumque
 „hominis sunt, excepto peccato. Naturales porro (subdit), &
 „inculpatae passionis hæ sunt, quæ in arbitrio nostro sitæ non
 „sunt ut fames, sitis, defatigatio, labor, lacrymæ, interi-
 „tus, mortis fuga, metus, & agonia (f): quæ omnia ipsum
 „quidem Dei Verbum carne pertulit, divina interim, ac sola in-
 „passibili ipsius natura ab omni perpeffione immuni persistente (g):
 „& dum

(a) *Ibid.* cap. 8. pag. 216.

(1) Petrus Fullo Monachus ex Acœmetis primum revera Fullonis artem exercuit; postea Antiochenum Patriarchatum invasit. Concilium Chalcedonenſe reſpuebat; & Trifagio illa verba addiderat: *Qui crucifixus es pro nobis, miferere nobis.*

(b) *Ibid.* cap. 10. pag. 218.

(c) *Ibid.* cap. 12. pag. 223.

(d) *Ibid.* cap. 13. pag. 224.

(e) *Ibid.* cap. 19. pag. 243.

(f) *Ibid.* cap. 20. pag. 244.

(g) *Ibid.* cap. 26. pag. 249.

S. JO. DAM.

„ & dum Christus ut homo mortem obiit, sanctaque ipſius anima
 „ ab immaculato corpore diſtracta eſt, divinitas tamen a neutro,
 „ hoc eſt neque ab anima, neque a corpore quoquo modo ſejuncta
 „ eſt (a) “.

Liber quartus.

Docet, „ poſt reſurrectionem Chriſtum omnes quidem exuiſſe
 „ ægri tudines, puta famem, ſitim, ſomnum &c. Nam eſti poſt
 „ Reſurrectionem cibum guſtavit, non tamen id naturæ lege con
 „ tigit ſed certa diſpenſatione, ut fidem faceret, ſe vere ad
 „ vitam rediſſe (b). Similiter, dum ad dexteram Dei ſedere cor
 „ poraliter Chriſtum dicimus, nec proinde loci inſtar eſſe Patris
 „ dexteram affirmamus; ſed per paternæ dexteræ vocabulum ſigni
 „ ficamus divinitatis honorem, & gloriam, cum Dei Filius tam
 „ quam Deus, Patrique conſubſtantialis ante ſæcula eſſet, ad ex
 „ tremum caro factus corporeo quoque modo confidet, in eandem
 „ nimirum gloriam adſcita ejus carne (c) “. Adverſus eos vero,
 „ qui dicunt: ſi duæ naturæ Chriſtus eſt, aut creaturam colitis hu
 „ manitatem adorando; aut alteram naturam dicitis adorandam, al
 „ teram vero non adorandam; ſic reſellit: „ Dei Filium ſimul cum
 „ Patre, & Spiritu Sancto adoramus, corpore quidem, antequam
 „ humanitatem aſſumſiſſet, nunc autem eundem hominem factum,
 „ incarnatumque cum eo, quod Deus eſt. Ac proinde caro ſuapte
 „ natura, ſi ſubtili quadam conſideratione id, quod viſibile eſt, ab
 „ eo, quod ratione tantum intelligitur, diſtinxeris, nequaquam a
 „ doranda eſt, utpote creata, & cum Deo Verbo unita ſit, pro
 „ pter ipſum, & in ipſo adoratur (d) “. Sciſcitantibus vero, an
 „ Sancta Dei Genitrix duas naturas genuerit, reſpondet, „ gigni
 „ non ad naturam, ſed ad perſonam pertinere. Eam ob rem San
 „ cta Dei Genitrix perſonam genuit in duabus naturis agnitam, di
 „ vinitatis quidem ratione citra ullum temporis ſpatium ex Patre
 „ genitam, ad extremum autem in tempore ex ipſa incarnatam,
 „ & carne natam (e) “. Subdit vero: „ Ex ſancto, & imma
 „ culato latere ſuo veniæ fontem nobis Chriſtus emiſit; aquam ſci
 „ licet ad regenerationem, nec non peccati, & corruptelæ abſter
 „ ſionem; ſanguinem vero in potum, qui vitam æternam procura
 „ ret. Aqua in Baptiſmate abluimur, quod in Sanctam Trinita
 „ tem trina immerſione peragitur. Aliud etiam Baptiſma ſanguinis
 „ profuſione, ac martyrio perficitur; & ruruſum aliud, quod in
 „ poenitentia, & lacrymis verſatur, durum ſane eſt, grave, & mo
 „ leſtum (f) Venerabile lignum, in quo ſe Chriſtus pro
 „ nobis hoſtiam obtulit, uti ſanctiſſimi Corporis, & Sanguinis ta
 „ „ Etu

- (a) *Ibid.* cap. 27. pag. 251.
 (b) *Ibid.* cap. 1. pag. 253.
 (c) *Ibid.* cap. 2.
 (d) *Ibid.* cap. 3. pag. 254.
 (e) *Ibid.* cap. 7. pag. 258.
 (f) *Ibid.* cap. 9. p. 260. & ſeq.

„ *tu sanctificatum, jure debet adorari: Clavi item, & lancea, & indumenta, & sacrae ejus mansiones, praesepe, specus, salutaris Golgotha, vivificum sepulchrum, ac similia* Figuram quoque vivificae, ac pretiosae Crucis adoramus, non quod materiam colamus (hoc avertat Deus); sed figuram, velut quam Christus designatur Materia vero, ex qua constat figura Crucis, destructa sorte figura, nequaquam adoranda est. Cuncta igitur, quae Deo dicata, consecrataque sunt, ita adoramus, ut cultum illorum ad eum referamus (*a*). Non temere, nec sine causa olim Christiani ad Orientem conversi adorabant, quia Christi adventum expectabant ex Oriente ad judicandum venturi. Est autem Apollolorum haec traditio, in sacras Literas minime relata (*b*). In Eucharistia panis ipse, & vinum in Corpus, & sanguinem Dei transmutantur (*c*). Sanctis seu Christi amicis suis habendus est honor, qui conservis optimis habetur; propensior erga communem Dominum animi argumentum est (*d*). Sed reliquiarum, & imaginum Sanctorum honor exhibitus ad exemplar, transfertur (*e*). Integro capite de genere Domini, deque Sancta Dei Genitrice pertractat, quam ex Joachim, & Anna natam dicit (*f*).

S. JO. DAM.

Viginti duos scribit libros esse Veteris Testamenti; totidem nempe, quot Hebraicae Linguae elementa (*g*): quem Canonem ex Epiphanii libro de *Ponderibus, & Mensuris* desumpsit. Hinc de libro Judith nihil habet, cum nihil & in Epiphanio. Libros quoque Sapientiae, & Ecclesiastici licet in honore habeat, inter Canonicos tamen libros non enumerat. Novi vero Testamenti libros eosdem enumerat, quos & nos habemus: sed addit *canones Apostolorum per Clementem concinnatos*. Ad Incarnationem vero iterum sermonem convertens, pluribus Scripturae testimoniis evincit, Jesum Christum Deum simul & hominem esse. Varias recenset perfectiones, & nomina illi in Scripturis tributa: „ Aliqua enim naturae conjunctionem, & consubstantialitatem cum Patre declarant, ut: „ *Ego & Pater unum sumus*. Alia perfectionem, ut: *Filius Dei, & figura substantiae ejus*. Alia Personarum circumincessionem, ut: *Ego in Patre, & Pater in me est* “. Illa Christi verba: *Pater major me est*, de ipsa aeterna generatione dicit intelligenda, scribens: „ Ab ipso quippe habet tum quod est, tum ea omnia, quae habet; quod est, inquam, per generationem, non per creationem “. De duarum naturarum in Christo proprietatibus disserens

Eiusdem libri continuatio.

- (*a*) *Ibid.* cap. 11. p. 264. & 265.
 (*b*) *Ibid.* cap. 12. pag. 266.
 (*c*) *Ibid.* cap. 13. pag. 269.
 (*d*) *Ibid.* cap. 15. pag. 277.
 (*e*) *Ibid.* cap. 16. pag. 280.
 (*f*) *Ibid.* cap. 14. pag. 275.
 (*g*) *Ibid.* cap. 17. pag. 283.

rens observat cum S. Cyrillo, quod, „ licet in naturali qualitate „ non idem sit divinitas, & humanitas, unus tamen sit Filius, & „ Christus, & Dominus, & unus cum sit, una quoque sit ejus „ Persona (a) “. Adversus Gnosticos, & Manichæos ostendit, „ non esse admittenda duo principia, alterum bonum, alterum malum, cum mali nulla sit causa efficiens. „ Malum enim nihil aliud „ est quam privatio boni, atque ab eo, quod naturæ consentaneum „ est, in id, quod naturæ repugnat, deflexio. Hinc nulla res suapte natura mala est. Omnia quippe, quæ fecit Deus, quatenus „ extant, valde bona sunt (b) “. Observat, quod quando lex non erat, nec Scriptura divinitus inspirata, ne Sabbatum quidem Deo consecratum erat; sed, „ cum sciret Deus, Israeliticum populum „ pinguem esse, & carni addictum, inque res terrenas impense „ pronum, Sabbatum ordinavit, ut ipsi terrenis occupationibus ferriati ad Deum se colligerent: septimum nempe diem in psalmis, & hymnis, & canticis spiritualibus, Divinarumque Scripturarum lectione totum impenderent, & Dei meditationi vacarent (c) “. Matrimonium occasione peccati inductum arbitratur Damascenus; unde scribit: „ Postquam violato præcepto mors per transgressionem in Mundum introivit, tum demum *cognovit Adam uxorem suam, & concepit, genuitque*. Itaque ne mors humanum genus obtereret, & absumeret, Matrimonium inestum „ est At fortasse dicetur: quid igitur sibi vult *masculum, & feminam; & crescite, & multiplicamini*? Cui quæstioni respondimus, per hæc verba: *crescite, & multiplicamini*, non eam „ omnino propagationem significari, quæ per conjugalem complementum efficitur. Deus enim alio modo genus nostrum propagare „ poterat, si integrum ejus mandatum ad extremum servassent “. Honorifice tamen de Matrimonio loquitur; at longe excellentiorem, & ceu angelicam prædicat Virginitatem (d). Denique in altero capite de Antichristo pertractat, & de dolis, ac fraudibus, quæ homines seducere conabitur, ac de universali sequutura Resurrectione; & dicit: „ Mittentur autem Enoch, & Elias Thesbites ad „ pugnandum adversus Antichristum, ac trucidabuntur. At tum „ Deus veniet de Cælo cum gloria, & potestate; & hominem iniquitatis, filium perditionis interficiet spiritu oris sui (e) “. Vix Damascenus Leonem Isaurum Imagines evertendas constituisse novit, adversus illum classicum cecinit, „ epistolares tractatus „ (ut inquit ejus Vitæ Scriptor) ad rectæ fidei alumnos mittens, „ ut & illi quoque eisdem accurate descriptos spargerent in fidelibus “. Tres successive de hoc dogmate sermones concinnavit.

In

Sermones
Apologistici
ex de Imaginibus.

- (a) *Ibid.* cap. 18. p. 284. & seq.
(b) *Ibid.* cap. 20. pag. 291.
(c) *Ibid.* cap. 23. pag. 293.
(d) *Ibid.* cap. 24. p. 295. & seq.
(e) *Ibid.* cap. 26. p. 300.

In priori sermone sic humilitatem professioni Monasticæ convenientem ostendens exorditur: „ Nos quidem decebat indignitatis „ propriæ conscios æternum tacere, Deoque potius peccata nostra „ confiteri. Verum cum Ecclesiam, quam Deus ædificavit, abirruente improborum spirituum imperu valido misceri, jactarique „ videam tacendum non censui, & iram Dei pertimeicens veritati Imperatoris majestatem anteposui quin etiam ob id „ sum vehementius incitatus. Enimvero ad subditos pelliciendo „ multum valet Regis auctoritas; quippe cum pauci hætenus fuerint illi, qui, cum Reges terræ Regis Cælestis imperio subesse, „ Regesque legibus obnoxios esse noverint, iniqua ipsorum jussa „ contempsere (a) “. Deinde pro suæ argumentationis base, & fundamento constituit, „ erroris pravam notam esse, veterem Ecclesiæ disciplinam consuetudine roboratam convellere, majoresque „ nostros quocumque modo damnare, quorum conversationem in „ tuentes imitari fidem oportebat, & in Ecclesia tot prærogativis „ præfulgente tamquam Dei veri nescia prolapsionem ad Idolorum „ cultum subvereri (b) “. Dein sic in campum prodit.

„ Illum novi, qui citra mendacium dixit: *Dominum Deum tuum adorabis, & illi soli servias. Non facies tibi sculptile omnem similitudinem eorum, quæ in Cælo sunt sursum, & in terra deorsum* ideo Deum unum adoro Creaturæ non servio potius, quam Creatori, cui soli Patriæ cultum adhibeo. Verum ipsi Creatori, qui instar mei creatus factus est atque ad „ creaturam descendit, ut divinæ naturæ me confortem faceret, simul cum Rege, ac Deo corporis, ut ita loquar, purpuram adoro Quamobrem invisibilis Dei imaginem efformare „ non dubito, non qua invisibilis est, sed qua propter nos carni, „ & sanguini participando factus est visibilis (c). At inquirunt: „ Deus ait: *Non facies omnem similitudinem* Sed discite, quoniam sensu id Legislator interpretetur Et loquutus est Dominus ad nos de medio ignis. Vocem verborum vos audistis, & „ similitudinem non vidistis, sed vocem tantum; ne forte elevatis oculis ad Cælum, & Solem, & Lunam intuitus, & astra, „ omnemque Cæli ornatum, errore deceptus adores ea, & servias „ ipsis (d). Cernis hoc unum consilium esse, ne scilicet Creaturæ potius, quam Creatori serviamus, neve præter ipsum cuius „ quam servilem cultum offeramus (e) Judæis quidem, quoniam ad Idola colenda propensiores erant, hæc injuncta fuerunt. „ Nos autem, quibus datum est, ut, agnita veritate, cum Deo „ pure verseremur, & infantie ætate transacta, in virum perfectum „ eva-

C. JO. DAM.

Analysis
primi Ser-
monis.(a) *Ibid.* n. 1. pag. 307.(b) *Ibid.* n. 2. pag. 308.(c) *Ibid.* n. 4. & 5. pag. 309.(d) *Ibid.* n. 6. p. 309.(e) *Ibid.* n. 7. pag. 310.

S. JO. DAM.

evasisimus, non sumus amplius sub pædagogō; quippe qui discernendi facultatem, & habitum consequuti illud sciamus, quid imagine exprimi possit, quidve delineare non liceat Quomodo illius, quod formæ est expers, forma adumbrabitur? Quibusnam qui corporeus non est, coloribus describetur? At cum eum, qui incorporeus est, propter te hominem factum conspexeris, tum humanæ illius formæ similitudinem poteris exprimere ... Ortum ex Virgine, Baptismum in Jordane, Transfigurationem in Monte Thabor, cruciatus, & mortem ... Crucem illam salutarem, sepulturam, resurrectionem, in Cælos ascensum coloribus describe, nihil prorsus vereare (a) ". Dein ad explicandas progreditur voces *Imago*, & *Adoratio*, scribens: " Viva, naturalis, ac nulla re dissimilis imago Dei invisibilis est ipse Filius (b) Sunt item in Deo imagines, & exempla rerum ab ipso producendarum (c) Rursum imagines sunt visibilia illa, quæ res invisibiles, atque expertes figuræ corporeis formis exprimunt, quo subobscurè saltem percipiuntur. Nam Divina Scriptura Deum, & Angelos circumvestit figuris Videmus siquidem in creatis rebus imagines, quæ subobscurè nobis revelationes divinas indicant; ut cum dicimus, Trinitatem supremam per Solem, lucem, & radium, aut per rosæ plantam, florem, & odorem significari (d). Ad hæc imago dicitur futurorum, quæ ænigmatice, ea quæ futura sunt, adumbrat, ut Arca, Virga, Urna Beatam Virginem, ac Deiparam, ut serpens æneus Christum, ut denique mare, aqua, & nubes Baptismi spiritum designabant (e). Præterea rerum gestarum imago dicitur, quæ in rei alicujus stupendæ recordationem ad posterorum, qui id conspexerint, utilitatem. Atque ejusmodi imago duplex est: tum quæ per sermonem in libris exaratur, quomodo Deus legem tabulis insculpsit tum quæ per sensibilem considerationem præterita revocat, ut cum in perenne monumentum urnam, virgam quæ in Arca reponi jussit. Aut igitur omne genus imaginum tolle ... aut singulas juxta rationem, ac modum unicuique convenientem suscipe (f) ".

Explicata voce *Imaginis*, *Adorationis* quoque nomen exponit dicens: " *Adoratio* est obsequium, ac reverentiæ signum; atque hujus varios modos novimus. Prior ea est, quam per Latriam Deo soli suapte natura adorando exhibemus. Hanc sequitur altera, quam propter ipsummet Deum amicis ipsius, ac famulis præstamus, ut cum Jesus Nave filius, & Daniel Angelum ado-

,, rave-

- (a) *Ibid.* n. 8. pag. 310.
 (b) *Ibid.* n. 9. pag. 311.
 (c) *Ibid.* n. 10. pag. 311.
 (d) *Ibid.* n. 11. pag. 312.
 (e) *Ibid.* n. 12. pag. 312.
 (f) *Ibid.* n. 13. pag. 312.

„ raverunt; vel locis Dei præsentia sacris, vel Principibus ab ipso
 „ creatis, ut Jacob tum Esau fratrem suum primogenitum, tum S. JO. DAM.
 „ Pharaonem constitutum a Deo Principem adoravit; itemque Jo-
 „ sephum ipsiusmet fratres. Novi quoque honoris mutui gratia ado-
 „ rationem adhiberi, qualem Abraham filiis Emmor exhibuit.
 „ Aut ergo omnem auser adorationem, aut omnem admitte, cum
 „ debita tamen ratione, ac modo (a) “.

„ At vero mihi dicas velim: nonne Deus unus Deus est? Quid?
 „ Contraria sanxit? Nam extra creatarum rerum numerum non
 „ sunt Cherubim. Ergo ecur hominum manu fabrefactis Cheru-
 „ bim obumbrari Propitiatorium jubet? Quid Arcam? quid
 „ Urnam? quidve Propitiatorium fuisse ais? Annon hominum ma-
 „ nibus fabricata? Nonne ex vili, ut ipse loqui amas, materia
 „ constructa sunt? Quid vero totum Tabernaculum? nonne ima-
 „ go, nonne umbra, atque exemplum erat? Quocirca Divinus Ap-
 „ postolus ait: *qui exemplari, & umbrae deserviunt celestium*
 „ Quare si lex, quæ imagines prohibet fieri, imaginis figura est;
 „ quid jam dicemus? At si Tabernaculum umbra est, & figura
 „ figuræ; cur lex imagines non pingi jubeat? (b) An non-
 „ ne materia erat lignum Crucis fortunatissimum? Nonne ma-
 „ teria mons sanctus, ille Calvariae locus? Numquid materia
 „ non est sanctum Monumentum nostræ fons Resurrectionis? An
 „ non materia tum atramentum, tum Sanctissimus Evangeliorum
 „ liber? Nonne quoque materia mensa vivifica, aurum, &
 „ argentum, e quibus Cruces, Disci, Calicesque conficiuntur? ...
 „ Numquid materia non sunt Corpus, & Sanguis Christi? Ho-
 „ rum omnium cultum, adorationemque e medio tolle, aut Ec-
 „ clesiasticis institutis obtemperans, sine, imagines adorentur (c) “:
 „ Ex hoc loco apparet, plures res sensibiles, & materiales ab ipsis
 „ Iconoclastis venerationis loco habitas.

Prosequitur Damascenus: „ Si propter legem imaginibus interdi-
 „ cis, jam satage, ut Sabbatum, Circumcisioque servantur. Atq;
 „ illud scito, quod *si legem observetis, Christus nihil vobis pro-*
 „ *derit*. At inquirunt: Satis tibi fuerit Christi, vel Matris ejus
 „ Deiparæ imaginem conficere. O rem absurdam! Te ipse ergo
 „ Sanctorum inimicum profiteris. Nam si Christi quidem imaginem
 „ pingis, nequaquam vero Sanctorum, plane non imagines prorsus
 „ prohibes, sed Sanctis potius suum denegas honorem . . . Non
 „ adversus Imágenes, sed adversus Sanctos bellum moves . . . (d)
 „ Templi parietibus Salomon cælatos insculpsit Cherubim, & pal-
 „ mas intus, & foris, . . . boves præterea, leones, & malogra-
 „ nata. An non igitur multo honorificentius fuerit, Sanctorum
 „ figu-

(a) *Ibid.* n. 14. pag. 312.

(b) *Ibid.* n. 15. pag. 315.

(c) *Ibid.* n. 16. pag. 316.

(d) *Ibid.* n. 19. pag. 315.

S. JO. DAM.

figuris omnes domus Dei parietes ornare, quam animantium, & arborum (a)? . . . Quocirca Christum Regem, & Dominum oculis ita subjecimus, ut nec suo spoliemus ipsum exercitu. Nam exercitus Domini sunt Sancti. Exercitum suum prius dimittat Imperator terrenus, quam Regem, ac Dominum suum spoliare audeat . . . Nullum olim cuiusvis hominum nomine Templum erigebatur, neque mors iustorum ulla festivitate celebrabatur, quin plangebatur potius. Qui mortuum tetigisset, immundus habebatur; etsi vel ipsum Moysen. Nunc autem Sanctorum memorias festivis prosequitur honoribus . . . Aut igitur solemnes Sanctorum memorias præter veteris legis præscriptionem receptas tolle; aut illorum imagines, quas contra legis tenorem confectas asseris, haberi permitte. Verum fieri nequaquam potest, ut Sanctorum memoria celebritate sua careant; quippe quas Sanctus Apostolorum, divinorumque Patrum chorus agi præcipiat. Nam ex quo Deus Verbum factus est Caro . . . jam tum ipsa in Sanctos evasimus . . . adoptivi filii, hæredesque Dei vere facti sumus . . . Unde non luctu, quin potius gaudio Sanctorum exitum prosequimur (b) . . . Apostolorum umbra, sudaria quoque morbos pellebant, dæmones fugabant; ecurr umbræ, & imagini Sanctorum suis pariter honos non erit? Aut illud omne, quod materia constat, adorari prohibe; aut nihil obtrudas novi, neu terminos transferas, quos posuerunt Patres nostri (c). Et hic recitat Damascenus celebre Basilii testimonium (d), & illud Apostoli: *Itaque, fratres, state, & tenete traditiones, quas didicistis sive per sermonem, sive per epistolam nostram* (e).

Solvit deinde objectionem ex facto S. Epiphanii, qui velum dilaceravit, in quo imago picta erat, scribens: „Primum illud respondendum, libellum istum fictum, supposititiumque esse (in quo scilicet illud enarrabatur factum). Secundo: Quemadmodum B. Athanasium prohibuisse novimus, ne Sanctorum corpora capsis recondentur, quin potius humo tegi præcepisse, eo quod absconum morem Ægyptiorum, qui mortuos suos terra non humabant, sed in lectulis, & scimpodiis reclinabant, vellet abrogare: Epiphanius . . . ut tale quid corrigeret, imagines faciendas non esse censuerit. Quod enim Epiphanius hujus sententiæ non fuerit, ut illas penitus auferret, testis est ipsamet Epiphanii Ecclesia, quæ ad hanc nostram usque ætatem imaginibus, unde quaque decoratur (f).“

In

-
- (a) *Ibid.* n. 20. pag. 316.
 (b) *Ibid.* n. 21. pag. 316.
 (c) *Ibid.* n. 22. pag. 318.
 (d) *De Spir. Sanct.* 1. Cap. 27.
 (e) *Ad Thersat.* 2. 14.
 (f) *Ibid.* n. 26. pag. 319.

In calce sermonis plura recitat SS. Patrum testimonia pro cultu S. Jo. Dam.
 Sanctorum Imaginum; nimirum Dionysii vulgo Areopagitæ, Ba-
 filii, Gregorii Nysseni, qui de se scribit: Sacrificii Abrahamitici
imaginem depictam sæpius vidi, nec a lacrymis temperare unquam
potui, cum ars perspicue rem gestam oculis explicaret; S. Jo. Chry-
 sostomi, Leontii Neapolis in Cypro Episcopi, de quo, recitatis
 ejus testimoniis, subdit: „An non B. Epiphani dictorum fidelis
 „interpres fuit Leontius, qui sua quoque doctrina Cyprum unquam
 „iam exornavit“? Deinde sic concludit: „Cum itaque multi
 „antehac Sacerdotes, Regesque fuerint a Deo Christianis con-
 „cessi, qui sapientiæ, religionis, doctrinæ, sanctitatis laude cla-
 „ruerunt; plura item Concilia a Sanctis, divinoque Spiritu affla-
 „tis Patribus celebrata sint; quidnam causæ fuit, ut eorum ne-
 „mo tale quid agere ausus sit? . . . Non committemus, ut aliud
 „alias sentiendo pro temporum ratione mutemur; neque ut fi-
 „des nostra apud illos, qui ab ea alieni sunt, ludibrio fiat,
 „ac derisioni. Imperatoris edicto obtemperari non permitte-
 „mus, Patrum consuetudinem evertere conantis. Neque enim
 „religiosorum fuerit Imperatorum Ecclesiasticas convellere san-
 „ctiones. Hæc paternam pietatem non sapiunt. Nam quæ per
 „vim, & non libera suasionem patrantur, prædatoria sunt. Hoc
 „testatur celebrata secundo Ephesi Synodus, quæ ad hanc usque
 „diem *Latrocinii* nomen obtinet . . . His de rebus aliquid sta-
 „tuere non ad Imperatores spectat, sed ad Concilia . . . Ligan-
 „di, atque solvendi potestatem non Regibus tradidit Christus,
 „sed Apostolis, eorumque successoribus, & Pastoribus, atque Do-
 „ctoribus. *Licet vos* (inquit Paulus Apostolus), *aut Angelus evan-*
 „*gelizet præter id, quod accepistis*; quod sequitur modo tacebimus
 „(idest *anathema sit*) parcentes illis, quorum conversionem spe-
 „ramus. Sin autem, quod avertat Deus, in opinione perversa
 „obstinatos viderimus, tum reliqua pronuntiabimus (a)“. Hæc
 postrema verba indicare videntur, Damascenum hunc a se elucu-
 bratum sermonem statim vulgasse post edictum Leonis Imperatoris
 adversus Imagines, idest anno 730. priusquam de exilio S. Ger-
 mani Patriarchæ certior fieret; de qua re solum in secundo sermo-
 ne meminit.

Se scribere coactum dicit in initio secundi sermonis Damascenus, Sermone
secundi &
terti an-
alyis.
 „ne ceu inutilis servus sermonis talentum sibi a Domino commis-
 „sum in terram fodere videatur, sed apud mensarios deponat“. Cum vero sermonis talento designet potestatem prædicandi in Ec-
 „clesia, pronum est colligere, tunc eum Presbyterii honore fuisse in-
 „signitum. Subdit: „Quin ut alteram hanc pro Imaginibus dis-
 „sertationem scriberem, mihi suggererunt quidam Ecclesiæ filii,
 „& alumni, quia intelligentiam prioris multi satis assequuti non
 „Tricalet. Tom. VII. X „essent

S. JO. DAM.

„essent (a)“. Enumerat deinde varias Satanæ artes, & dolos, quæ elapsis temporibus homines dementavit, scilicet atheismum, idololatriam, hæreses. „Nunc vero (inquit) Diabolus veritatis inimicus . . . cum non Gentes modo, sed & ipsosmet Judæos sæpe decepsisset, ut corruptibilibus hominum, volucrum, belluarum, & serpentium conderent Imagines, quas tanquam Deos adorarent; Ecclesiam perturbare nititur excitando, qui dicerent, quæ pro nostra salute a Christo mirabiliter, & a Sanctis fortiter gesta sunt, imaginibus pingenda non esse, quæ contempleremur, veneremur, admiremur, & imitemur (b)“. A pronuntiando tamen anathemate adversus illos abstinendum modo esse dicit, quando emendationis expectandæ locus est (c). Deinde argumenta in primo sermone proposita rursum repetit: & verba Isgis omnem imaginem fieri prohibentis sic iterum explicat scribens: „Illud nosse oportet, in omni negotio id præsertim quæri, quid verum, quidve falsum sit, & quo quisque consilio aliquid facerit, an bono, an malo. Nam in Evangelio & Deus, & Angelus, & Homo, Cælum, Terra, Aqua, Ignis, & Aer, Sol, Luna, Astra, Satanas, Dæmones, & Serpentes . . . omnia bona, & mala descripta sunt. Verum quandoquidem omnia, quæ de illis feruntur, vera sunt . . . illa nos adoramus, complectimur, & osculamur, atque oculis, labiis, & corde salutamus . . . At turpem, & execrabilem . . . Manichæorum, Gentilium, aliorumque Hæreticorum Scripturam . . . reprobamus, ac rejicimus, quamlibet Dei nomen contineat. Ita pariter ubi de Imaginibus agitur, veritas quærenda est, sensusque illorum, qui illas faciunt. Atque siquidem verus, rectusque sit, & ad Dei gloriam, Sanctorumque ejus illæ conducant . . . venerari nos oportet, & osculari, & oculis, & labiis, & corde complecti (d)“.

Discrimen etiam urget, & limites signat Potestatis temporalis, & spiritualis scribens: „Attende, quid dicat Apostolus: *Et quosdam quidem posuit Deus in Ecclesia, primum Apostolos, secundo Prophetas, tertio Pastores, & Doctores*. Non adjecit: *Imperatores* . . . Verbum loquuti non sunt vobis Reges, sed Apostoli, & Prophetæ, Pastores, & Doctores . . . Ad Imperatores spectat recta rei administratio; Ecclesiæ regimen ad Pastores, & Doctores. Ejusmodi invasio latrocinium est. Cum Samuelis pallium scidisset Saul, quid ei contigit? Regnum ejus abscidit Deus. . . Eliam Jezabel infectara est, sanguinemque ipsius lixerunt canes, & sues . . . Joannem Herodes interfecit, & a

„ver-

(a) *Serm. 2. n. 1. pag. 330.*(b) *Ibid. n. 4. pag. 331.*(c) *Ibid. n. 6. pag. 331.*(d) *Ibid. n. 10. pag. 334.*

„vermibus consumtus periit. Nunc quoque B. Germanus
 „plagis affectus exulat cum aliis Episcopis, quorum nomina igno- S. JO. DAM.
 „ta nobis sunt; nonne hoc prædicatorium est? Ad Imperatorem
 vero sermonem convertens sic eum alloquitur: „Tibi parebimus,
 „o Imperator, in his, quæ ad hujus sæculi negotia pertinent,
 „in tributis solvendis, in vectigalibus Verum ad res Ec-
 „clesiæ statuendas Pastores habemus, qui nobis verbum loquun-
 „tur, atque Ecclesiastica instituta tradiderunt (a)“. Orientis
 Christiani licet in ditione Infidelium Principum positi Constantinopo-
 litanos Imperatores ut suos legitimos Principes habebant: Ro-
 manas leges, ut poterant, custodiebant, græcoque idiomate, in
 quo & Damascenus scripsit, utebantur. Sic deinde prosequitur:
 „Evangelium secundum Thomam scripserunt Manichæi; vos pe-
 „rinde secundum Leonem Evangelium scribitore. Imperatoribus
 „non assentior, qui Sacerdotium sibi Tyrannorum more vindi-
 „cant. Valentem Imperatorem novi, qui cum Christianus au-
 „dierit, orthodoxam fidem persequeretur; Zenonem quoque,
 „& Anastasium, Heraclium, & Constantinum illum, qui in Si-
 „cilia occubuit, Bardaniscumque, qui & Philippicus appellatus
 „est (b)“. In calce sermonis iterum Patrum testimonia in su-
 periori recitata describit, nonnulla alia addens SS. Joannis Chry-
 sostomi, Ambrosii, Maximi, & Joannis Antiocheni.

Tertius sermo pro cultu Imaginum fere nihil habet ultra, eo
 quod in prioribus continetur. Solum fusiore habet testimoniorum
 catalogum.

Ex Præfatione conjectare licet, opusculum istud a Joanne Da-
 masceno conscriptum fuisse, quando Damasci adhuc morabatur, &
 Sanctissimo Metropolita Petro (quem ideo Pastorum Principem
 appellat) suberat, antequam in Palæstinam monasticæ vitæ no-
 men daturus migrasset. Aliud non est, nisi professio fidei argu-
 mentis confirmatæ, in qua mentem suam, & Ecclesiæ doctrinam
 de Fidei Mysteriis, ac præsertim Trinitatis, & Incarnationis ex-
 ponit summa claritate, fusa, & exacte. Duas in Christo agnoscit
 voluntates, & operationes naturales (c). Additionem infanti Pe-
 tri Fullonis Trisagio factam rejicit, & execratur; quia (inquit)
 „aut Trinitati crucifixionis passionem affingit, aut quartam Tri-
 „nitati personam profane inserit (d)“. Detestatur quoque Ori-
 genis nugamenta, præexistentiam animarum, stultamque earum
 transmigrationem (e). Œcumenicas Synodos, quas enumerat, se
 recipere profitetur; & omnia, quæ ab eis definita sunt. Detella-
 tur, & anathematizat omnes, quos abjecerunt; itemque „hære-
 „sim

Libri de re-
 licta sententia
 analysi pag.
 190.

X 2

(a) *Ibid.* n. 12. p. 335. & seq.

(b) *Ibid.* n. 16. pag. 336.

(c) *Ibid.* n. 4. pag. 394.

(d) *Ibid.* n. 5.

(e) *Ibid.* n. 6.

„sim omnem a Simone Mago usque ad eas, quæ nunc excitatæ sunt adversus Sanctam Christi, Dei que nostri Ecclesiam“; & sancte jurat, „se non communicaturum cum altero, qui fidem hanc non confiteatur, ac præsertim cum Maronitis (1)“; ac tandem „observatorem futurum sacrorum Canonum Sanctorum Apostolorum, Sanctarumque Synodorum, & Sancti, rerum-que divinarum enuntiatoris Basilii“: iisque firmiter adhæsurum (a).

Analys
Tractatus
adversus Ja-
cobitas.

Libellum hunc conscripsit Auctor, cum Damasci adhuc ageret, antequam monasticæ se vitæ dedisset, jubente Petro Metropolitæ, qui illi hoc pensum injunxerat, ut Episcopum Jacobitam (2), cujus nomen latet, sed qui fortassis eidem Petro erat affinitate conjunctus, ab errore revocaret. Solidissimus est, & fortissimus iste Tractatus, in quo licet plurima argumenta ex Leone Bizantino in libro contra Monophysitas, illos videlicet, qui unicam in Christo post unionem naturam admittebant, sit mutuatus; alia tamen Damascenus, & quidem validiora de suo penu addidit. Quæstio itaque erat, num Christus esset ex duabus naturis, vel in duabus naturis; vel solum una facta esset post unionem in ipso natura, ut putabat Monophysitæ? Hinc S. Joannes Damascenus primo loco statuit: „Confessa res est apud omnes SS. Patres, ex humanitate, & divinitate factam esse unionem, Christumque esse in divinitate perfectum, & eundem perfectum in humanitate, quæ nulla sui parte deficit (b)“. Quam veritatem plurimis confirmat Patrum testimoniis in calce ab ipso recitatis. Deinde pluribus argumentis ex Metaphysica depromptis ostendit, ex duabus diversis naturis nunquam unam fieri: unio enim nec unam, nec aliam destruit. „Nam si, quæ (scribit) unita sunt, per omnia unum sunt, necessum est dicere, quod anima, & corpus per omnia unum sunt; adeoque quod incorporeum est, illud corpus erit, & corpus, incorporeum. Itemque quia divinitas, & humanitas unitæ sunt, idcirco unum erunt secundum substantialem differentiam, ut quod „divi-

(1) Maronitæ ideo a Damasceno Hæreticis adnumerantur, quia Trisagio additamentum Petri Fullonis apponebant. Et licet illud additamentum Catholico sensu accipi possit, a S. Ephremio Antiocheno Patriarcha approbato, nimirum si Trisagion ad solum Verbum incarnatum referatur: attamen Damasceni ætate hæreticus habebatur, qui ad solam Verbi personam hymnum hujusmodi Cantica, quibus Deus ter Sanctus celebraretur, ad Trinitatem referri Patres censuerunt; sed etiam quia, ut can. 81. Trullano declaratur, interpolationis hujus, ut superius notavimus, parens fuit Petrus Fullio Monophysita, qui passiones carnis in divinam Christi naturam refundebat.

(a) *Ibid.* n. 8. pag. 395.

(2) Jacobitæ erant Eutychiani, & Monothelitæ, quorum plures adhuc in Oriente superiunt.

(b) *Ibid.* n. 14. pag. 400.

„divinum est, creatum sit, & quod humanum, increatum (a)“. Sicut itaque anima, & corpus etiam post eorum unionem suas servant naturæ proprietates, idem est & de humanitate, & divinitate dicendum etiam post earum unionem. Immo Damascenus ulterius progreditur scribens: „In omni unione quæ uniuntur, quamvis confundantur, quamvis permisceantur, manent, ut a natura propria nihil desistant. Licet enim vinum admisceatur aquæ, duæ naturæ sunt in illa temperatione: cera quoque, & pix, licet confusæ sint, neutrum tamen a natura sua excidit, sed in mixtione naturæ duæ persistunt (b)“. Explicat autem, quo in sensu nonnulli Patres dixerint: *Unam naturam Dei Verbi incarnatam*, scilicet „per abusionem, non proprie. Naturæ nomine hypostasim significarunt, ut proinde sit illa locutio, ac si dixissent: *Unam hypostasim divini Verbi incarnatam*. Non enim natura divini Verbi incarnata est, sed hypostasis. Cujus etiam testis est Evangelista, hoc modo diserte clamans: *Verbum caro factum est*. Atqui Verbum non est natura, sed hypostasis (c)“. Tandem in illos invehitur, qui additionem Trisagio fecerunt; quam blasphemiam decernit, ceu qua Trinitati quarta Persona inferatur (d). Vide superiorem notam.

De Dialogo hoc nihil habet Auctor Gallus; sic nec de duobus libellis, qui sequuntur, fortassis quia minime genuinos Damasceni sceris habuit. Verum, ne nihil desit Lectori ad ejus eruditionem, & plenam Operum Damasceni notitiam, eos indicare saltem operæ pretium duximus. Revera Jacobus Billius in dubium vertit, num Dialogus adversus Manichæos genuinus sit Damasceni sceris? cui dubitationi & Combessius adhæsit. Uterque tamen fatetur, disputationem hanc dignam plane esse, quæ Damasceni nomen præferat. Quin adjicit Combessius, *vix ovum ovo similis Damasceni reliquis, ac indubitatis Operibus*. Suspicionis vero, & dubitationis illud in causa fuit, quamobrem Auctor cæteroquin Catholicus in ea fuerit sententia, ut ignem, quo torquentur Damones, & impii, verum corporeumque esse negaret, aut saltem metaphorico sensu intelligeret. Verum non est, cur miremur, Orientalem Theologum ea sentire, & dicere, quæ nonnulli etiam Occidentales Doctores, & Patres docere non formidarunt. Legantur S. Ambrosius in cap. 14. *Evang. secundum Lucam*, & Hieronymus in *calce Commentarii in Esaiam*. Immo nunc quoque Theologi non desunt, qui doceant, fidei caput non esse, igne vero, & corporali plectendos esse damnatos, ut videre est in Catechismo Episcopi Monspeliensis (e), qui & Estium citat (f). Dialogum hunc

Dialogus
adversus
Manichæos.

X 3

scri-

(a) *Ibid.* n. 17. pag. 401.

(b) *Ibid.* n. 44. pag. 406.

(c) *Ibid.* n. 52. pag. 408.

(d) *Ibid.* n. 85. pag. 418.

(e) *Part. 1. sect. 2. cap. 5. §. 21.*

(f) *In 4. sent. dist. 44. §. 12. & 13.*

scripsit Damascenus, quando in Syriæ partibus sub Paulicianorum nomine denuo pullulare, & invalescere cœpit Manichæorum secta. In eo eorum impia deliria, profanaque dogmata præcipue exponit; variis eos argumentis exagitat, innumeras ex principiis ipsorum conclusiones deducendo, quibus perferunt omnes, hæresim hanc talem esse, quæ non fidei solum, sed etiam probis moribus perniciosissima sit, & Rerumpublicarum statui, & regimini insidietur (a).

Disceptationes cum Sarraceno.

Disceptationes subsequuntur cum Sarraceno, de quibus quoque Gallus Auctor silet. Harum græcus textus nondum prodit, sed Lambecius latere dicit in Bibliotheca Cæsarea Cod. 257. Hinc Latina tantum habetur versio rudis, & recens. Græcum magna ex parte deprompsit Lequienius, ut ipse scribit, ex Dialogis Theodori Abucaræ, qui ex ore Joannis nostri exceperit. In primo autem Dialogo ostendit, quomodo probari possit Sarracenis, Christum esse Verbum Dei, & verum Deum; quomodo natus sit, passus, & crucifixus pro nobis. Deinde de causa mali disputat ostendens, omnium bonorum causam Deum, mali autem non, sed solum liberum hominis arbitrium a recto tramite declinans. In secundo vero Dialogo, qui brevissimus est, ostendit, quare Moyse, & Christo credendum sit, non vero Muhametho; quia scilicet illi missionem suam miraculis comprobarent a Deo esse; quod a Muhametho præstitum nequaquam fuit.

De Draconibus.

De Draconibus opusculum, ut animadvertit Lequienius, prolixioris lucubrationis fragmentum videtur. Damasceno tribuunt Codex XV. Bibliothecæ Seldeni, nec non alius Romanus S. Mariæ de Vallicella. Nihil est, quod illud Damasceno auferre cogat. In eo ostendit, Dracones incubos nullos esse: familiares enim erant apud Sarracenos de Draconibus incubis fabellæ. Dracones vero non Dæmones esse, sed animantia, & quidem sine veneno; nec a fulmine exagitari, atque in aera tolli, & occidi. Deinde ostendit, quam periculosa sit ignorantia divinarum Scripturarum. Nonnulla subduntur de Strygibus.

De Sancta Trinitate P. 474.

Tractatus de Trinitate, qui certe vel Damasceni est, vel ex genuinis ejus Operibus excerptus, in Dialogi formam est exaratus. In eo Trinitatis doctrinam accurate exponit, & nonnulla passim de Incarnatione interferit. In Christo duas distinctas, & inconsumas statuit naturas, divinam scilicet, & humanam. „In Dei „Verbi subsistentia unam naturam incarnatam dicit esse adorandam, una adoratione, quoniam ex duabus essentis congressis una „persona facta est, quæ adoratur“. In ipso duas essentias, duas operationes, duas voluntates consistendas docet (b).

Epistola ad Jordanem de Trifagio p. 480.

Cum Severus Orientalibus persuasisset, Trifagium totum Christo potius cani debere, quam Trinitati, Ephremius, qui paulo post

(a) In Pref. libri pag. 427. & seq.
(b) Ibid. n. 5. pag. 477.

post ipsum Antiochenam rexit Ecclesiam, etsi Catholicæ Fidei studiosissimus foret, ne turbis, seditionibusque occasionem præberet, satus duxit concedere, ut Trisagium ab Orientalibus secundum interpretamentum istud cum interpolatione caneretur; quod summo-
 pere placuit præcipue Monophysitis, qui nonnisi unam post unionem in Christo profitebantur naturam. Hinc factum est, ut cum Constantinus Imperator plures ex Syris hisce Monophysitis ex Germanicia, aliisque Syriæ urbibus a Musulmanis recuperatis Constantinopolim traduxisset, in ea urbe, & aliis Thraciæ, ubi debebant, canerent Trisagion cum ea additione: *Qui crucifixus es pro nobis*, ad Christum illud dirigentes. Interim Sergius Abbas sciens, Anastasium S. Euthymii in Palæstina Abbatem nonnulla Sanctorum Patrum loca protulisse, quibus ostenderet, Trisagion hymnum ad solum Filium referri; hac de re certior reddit Damascenum, addens, Anastasium hoc affirmare, ipsum quoque Damascenum huic sententiæ annuisse, & calculo suo comprobasse, quin & Beatissimum quoque Hierosolymorum Patriarcham Joannem ejusdem secum sententiæ fuisse. His delatis ad Damascenum literis per Abbatem Job, statim Jordani Abbati respondet, primo dicens, „ se valde mirari, si hæc ita sint; & rursus mirari, si „ ita non sint. Nam & rectam... Anastasii vitam perspectam „ habemus (scribit) . . . & rursus, quam a mendacio accusa- „ tor alienus sit, plane novimus (a)“. Deinde ad questionem procedens, demonstrare conatur, recitationem Trisagii cum additione illa cantare, & hymnum ad Filium solum referre, ad renovandam hæresim Petri Cnaphæi, seu Fullonis quam maxime conducere. Nam scribit: „ Definite pronuncio, Deum per „ Seraphim, ac per Trisagium hymnum unam in tribus hypostasi- „ bus divinitatem, ac dominationem tanquam per arithmeticam „ quamdam declarationem Isaiæ revelasse. Cur enim non bis; „ aut quater, aut sexcenties vocem hanc *Sanctus* cecinerunt? Quid „ item est, cur nec bis, aut quater, aut sexcenties hæc verba: „ *Dominus Deus Sabaoth* . . . pronunciarunt? Verum vocem *San- „ ctus* ter, vocabulum autem *Dominus* semel dumtaxat Seraphim „ exclamarunt. Annon ut ostenderent, tres quidem esse san- „ ctas hypostases, unam vero trium dominationem, unum impe- „ rium (b)? . . . Hinc Trisagius Hymnus, quandoquidem tres „ Personas indicat, uni dumtaxat Personæ nequaquam convenit (c) . . . Si quis a nobis sciscitetur, cur baptizando tripli- „ cem immersionem facimus, quidnam aliud respondebimus, nisi „ quod pro qualibet Persona semel immergamus, ac ter, quia tres „ Personæ sunt; non autem ter pro qualibet Persona? Nam alio-

X 4

„ quin

- (a) *Ibid.* n. 1. pag. 481.
 (b) *Ibid.* n. 2. pag. 482.
 (c) *Ibid.* n. 3. pag. 483.

S. JO. DAM.

„quin novem immersiones adhibendæ forent; quod omnino nefas
 „est (a) ... Similiter in sancta oblatione divinarum Mysteriorum,
 „postquam populus trifagium hymnum cecinit, Sacerdos velut hy-
 „mnum intreprensus subiungit: *Sanctus es Rex seculorum, atque*
 „*Sanctitatis omnis Dominus, ac largitor. Sanctus etiam Unigeni-
 „tus Filius tris . . . Sanctus item unus Spiritus Sanctissimus . . .*
 „At in elevatione sacre Eucharistiæ non dicimus ter *Sanctus*, aut
 „ter *Dominus*; sed: *Unus Sanctus, unus Dominus Iesus Christus*
 „*in gloria Dei Patris cum Sancto Spiritu* (b) “. Urget etiam
 „traditionem Ecclesiæ scribens: „Ritus, & traditiones Ecclesiæ
 „suum vigorem obrinere debent: *Ne transgrediaris terminos anti-*
 „*quos, inquit Scriptura, quos posuerunt Patres tui*. Atque, ut
 „Magnus monet Basiliius: *Quidquid antiquitate excellit, venera-*
 „*tionem meretur*. Igitur Ecclesiæ hic ritus antiquitus traditus
 „fuit, ut ad modum textus dicatur: *Gloria Patri, & Filio, &*
 „*Spiritui Sancto* (c) “. Expedit deinde testimonia SS. Atha-
 „nasil, Epiphani, Cyrilli, Procli Constantinopolitani, Basilii, &
 „Gregorii Nysseni ab Anastasio producta, ut evinceret, Trifagion
 „esse ad Filium referendum. Et evincit, nullum ex Patribus a Tri-
 „fagio exclusisse vel Patrem, vel Spiritum Sanctum, nec opinioni
 „Anastasil ullo modo favere. „Cum autem Filius nec a Patre,
 „nec a Spiritu Sancto separari queat, profecto nec hymnus etiam
 „dividi potest (d) “. Seraphim ter *Sanctus* clamantes, non Pa-
 „trem solum, non solum Filium, non Spiritum Sanctum solum in-
 „dicant, sed totam divinitatem in tribus Personis coexistentem. Si
 „enim Trifagium ad solum Filium referretur, Seraphim semel tan-
 „tum *Sanctum* dixissent, sicut semel *Dominum* pronuntiant. Denique
 „sic libellum claudit: „Hæc ut omnibus Patribus, fratribusque, &
 „universo Ecclesiæ cœtui recitentur, obsecramus; verbisque placi-
 „dis rogetur . . . Abbas Anastasius . . . ut huiusmodi conten-
 „tioni finem imponat (e) “. Recitat vero formulam Trifagii
 „usurpatam in Ecclesia Hierosolymitana, quæ huiusmodi est:
 „*Sanctus Deus & Pater, Sanctus fortis, Filius Dei incarnatus,*
 „*& pro nobis crucifixus carne, Sanctus immortalis Spiritus San-*
 „*ctus, unus Dominus Sabaoth miserere nobis* (f) “. Illam vero
 „ideo protulit (ut ipse scribit, „ne nos deinceps quis accuset, nec
 „beatum Patriarcham Joannem, quasi certum habeamus, de una
 „dumtaxat Persona divina Trifagium Hymnum dicendum esse . . .
 „Quis enim Beatissimi Patriarchæ Joannis mentem me melius
 „novit? . . . quippe qui nullam unquam spirituales doctrina-
 „nam

(a) *Ibid.* n. 5. pag. 485.(b) *Ibid.* n. 27. pag. 496.(c) *Ibid.* n. 6. pag. 486.(d) *Ibid.* n. 3. pag. 483.(e) *Ibid.* n. 16. pag. 495.(f) *Ibidem.*

„nam efflavit, quam mihi ceu discipulo suo non communicaverit (a)“.

S. JO. DAM.

Epistola de
Sandis Jeju-
niis p. 499.

Ante postremam Editionem Operum Damasceni hujus ad Comeram Monachum Epistolæ nonnisi fragmenta vulgata fuerant. At integram dedit Lequienius ex Codice Florentino Mediceo. Hujus porro parentem esse Damascenum suadet inscriptio, quam MM. SS. Codices varii præferunt. Suadet familiare nostro Auctori adagium illud: *Ne bonum quidem est bonum, nisi bene geratur*. Suadent etiam illa verba, quibus se ostendit Presbyterum Ecclesiæ Resurrectionis Christi, quæ Hierosolymis est. Respondet Comeræ Monacho, quem *spiritualem fratrem* appellat, iscitantem, num ipse Quadragesimæ jejunium ad octo hebdomadas prorogari posse alicubi concessisset? Nam hic hebdomadarum numerus jejunio Quadragesimali deputatus apud Hæreticos diutaxat, præsertim Severianos obtinebat. Porro Comeræ Monacho incredibile videbatur, Damascenum contra Ecclesiæ consuetudinem cum Hæreticis sentire. Sic itaque illi respondet Damascenus: „Cum dissensio-
nem de sanctis jejniis in aerem usque attolli cernerem, graviter lugebam, mœrebamque . . . Quocirca illis quidem, qui septem hebdomades sacris jejniis impendendas esse dicerent, consilium dabam ne litigarent, pulchrumque Christi corpus, Ecclesiam dico, discinderent, quinimmo morem potius gererent iis, quibus præfatus, verbique dispensatio credita essent . . . Illis vero, qui octo hebdomadas statuunt, suggerebam, nec bonum ipsum esse bonum, nisi bene geratur . . . In ejusmodi rebus neutiquam convenit sancire, aut cogere, aut commissum gem necessitate imposita adigere, sed suasionem magis, mansuetudine, & sermone sale condito (b)“. Hæc sunt, quæ se dixisse ingenue confitetur Damascenus. Dein subdit: „Si vero, quæ nostra sententia sit, palam facere oportet . . . Sic Ecclesiæ consuetudinem ex traditione non scripta novimus, ut hebdomadem jejniis præviam observaremus, in qua tantummodo a carnibus, & usque ad vesperam jejunando abstinere . . . tum sex deinde . . . etiam ab ovis, caseoque, & aliis ejusmodi, simul, quæ a carnibus abstinentia esset. Hebdomade vero Passionis xenophagia, seu ex siccis cibis constaret . . . Tum denique in sancta, tremendaque Parasceve omnimoda abstinentia esset usque ad Sabbati vesperam. Cæterum vespera Sabbati omnibus quidem eduliis velici liceret, præter quam carnibus: demum Dominica sancta Resurrectionis carnes comederent, quibus place-
ret (c)“. In calce Epistolæ nonnulla Patrum testimonia recitat, quæ Quadragesimale jejunium septem hebdomadibus constituunt; & alia nonnullorum Hæreticorum, qui jejunia sancta octo hebdomadibus constare asseriebant. At hæc fortasse missa dici possunt.

(a) *Ibidem*. (b) *Ibid.* n. 3. p. 500.

(c) *Ibid.* n. 5. pag. 502.

S. JO. DAM sunt a Cometa Monacho, ut Damascenus discrimen notaret inter Patrum doctrinam, & Hæreticorum errorem. Illud tamen advertendum, utrosque in eo convenire, quod juxta Apostolorum Canonem nec Sabbato, nec Dominica jejunabant. Hinc in singulis hebdomadibus nonnisi quinque essent jejunii dies, excepto Sabbato Majoris Hebdomadæ, in quo Sabbato Vigilia Paschæ jejunabant.

**Epistola de
otto vitiis
p. sos.**

Sequitur Epistola de octo Vitiis Capitalibus, cujus non meminit Auctor Gallus. In ea ad quemdam Monachum data vitiorum capitalium genera recenset, modosque insinuat ea tum vitandi, tum superandi, in compendium redigens, quæ de eodem argumento Cassianus, Nilus, alique præstantissimi asceticæ Vitæ Magistri fusius edisseruerunt. Capitalia vitia hæc enumerat: 1. *gula*; 2. *mala & turpis cupiditas*; 3. *avaritia*; 4. *tristitia*; 5. *ira*; 6. *accidia*; 7. *vanagloria*; 8. *superbia*. Contra turpem cupiditatem sic decertandum docet: „frangendo corpori, conterendæ animæ; cum assiduis precibus te ipsum exerce . . . modestiam co-„le . . . nullam prorsus cum mulieribus consuetudinem habe, ut nec earum vultum intuearis (a)“. Contra mundanum macerem insinuat; „cum Religiosis, Deumque timentibus Monachis conversari; lætitiæ cælestem animo concipere, nec non remunerationes iustorum“. Acediam subjugare sic docet: „Labore manuum tantisper defatigare, incumbere lectioni, & assiduæ orationi vaca cum certa bonorum obtinendorum spe. Qui vero a vana gloria, & laudibus hominum exagitur, operæ pretium est, ut nihil, quod hominibus ostentatur, agat; sed omne opus in abscondito faciat . . . neve pulchras vestes, neque primas partes, neque primum locum ambiat. A dæmoniaca vero superbiæ passione oppugnati neminem prorsus debent fannis appetere, aut judicare, aut spretum habere, quin potius se ipsum reputare tamquam omnium peripsēma, & purgamentum (b)“.

**Tractatus de
Virtutibus
& vitiis p.
sos.**

Epistolam superius recensitam subsequitur Tractatus de Virtutibus, & Vitiis a Gallo Auctore omissus. Superioris Epistolæ appendicem esse, non inepte conjectat Lequienius. Duo distinguit vitiorum, & virtutum genera juxta duplicem hominis partem, corpus, & animam. Animi virtutes has enumerat; „fortitudinem, prudentiam, temperantiam, justitiam, . . . fidem, spem, charitatem, orationem, humilitatem, placiditatem, tolerantiam, clementiam, bonitatem, lenitatem; Dei cognitionem, simplicitatem, tranquillitatem, sinceritatem, modestiam, incuriositatem, liberalitatem, sui demissionem, integritatem, pecuniarum contemptum; compassionem, misericordiam, severitatem, munificentiam, indolentiam, compunctionem, pudorem, reverentiam, pietatem, futurorum bonorum desiderium, regni Dei appetentiam

(a) Num. 4. pag. 506.

(b) Ibid. pag. 507.

„ tiam, & ut in filios adoptemur, concupiscentiam “. Virtutes vero corporis, seu potius instrumenta virtutum, hæc sunt: „ Con-
 „ tinentia, jejunium, famis, sitis, vigilia, . . . genuum spissa fle-
 „ xio, a balneis abstinencia, . . . aquæ potus, humi dormitio,
 „ paupertas, inopia, austeritas, . . . penuria, frugalitas, silen-
 „ tium “. Vitia vero, seu animi ægritudines has recenset: „ im-
 „ pietas, blasphemia, furor, iracundia, amaror, . . . obrecta-
 „ ctio, . . . contentio, æmulatio, invidentia, vanagloria, . . .
 „ simulatio, mendacium, avaritia, accidia, pusillanimitas, & alia
 „ plura “. Corporis vitia hæc esse dicit: „ gula, voracitas, lu-
 „ xus, ebrietas, fornicatio, adulterium, incontinentia, impuritas,
 „ incestus, puerorum stuprum, . . . desideria prava, . . . furtum,
 „ sacrilegium &c. “. Deinde vitiorum radices indigitat, & quo-
 modo evellendæ sint, vel mortificandæ, edocet. De triplici quo-
 que parte animæ facultatis, scilicet rationali, irascibili, & concu-
 piscibili disputat, & totam tractationem brevi epilogo complect.

De Institu-
 ne elemen-
 tari p. 322.

Disputaturus Damascenus triplici tractatu adversus Acephalos, Monothelitas, & Nestorianos, introductionem quamdam elementarem viva voce dictavit, quæ veluti præparatoria esset ad intelligenda quæcumque de Fidei dogmatibus docturus erat præfatis tribus sive orationibus, sive tractatibus. Nondum enim Dialecticum opus conscripserat, nec librum de Fide Orthodoxa, in quo postea præfiori, compendiarique magis ratione omnia contulit, quæ in tribus istis Dissertationibus sulsus, explicativusque digesserat. In hac itaque elementari institutione verba omnia explicat, quæ sunt ad rectam intelligentiam prænoscentia; nimirum voces substantiæ, naturæ, formæ, hypostasis, personæ, individui, differentię, qualitatis, prioritatis, generis, speciei, & similia.

Præter Dissertationem contra Jacobitas, de qua superius diximus, breviorē hanc alteram scripsit adversus Monophysitas (qui & Acephali audiebant), non agnoscentes nisi unam in Christo post unionem naturam. Ideo Tractatum hunc *de Natura composita* inscripsit Damascenus; quippe quia Acephali docebant, Christum ita ex duabus naturis compositum, ut tamen post unionem nonnisi una confurrexerit ex ambabus natura. Porro inter alia argumenta sic eos refellit: „ Si divinitatis Christi, & carnis ipsius una est „ natura, itemque natura una Patris, & Christi, omnino una erit „ etiam natura Patris, & carnis (a) “. Et iterum: „ Si Christus „ unius est compositæ naturæ, nequaquam consubstantialis est Pa- „ tri. Simplicis quippe naturæ est Pater; quod autem simplex „ est, quodve compositum est, ejusdem substantiæ non sunt (b) “. Urget rursum: „ Si unum, & idem sunt, ut vobis placet, natu- „ ra, & persona; sequitur, ut cum tres sint in Deitate personæ, „ totidem etiam naturæ sint; vel quia una natura est, una quoque „ sit

Dissertatio
 contra Ace-
 phalos pag.
 322.

(a) *Ibid.* n. 2. pag. 522.

(b) *Ibid.* n. 4. pag. 522.

S. JO. DAM. „sit persona (a)“. Obijicientibus vero Monophysitis, quod, sicut una est natura hominis, licet ex corpore, & anima constans; ita una quoque sit dicenda natura Christi; respondet: „Cum homo homini comparatur, ejusdem esse naturæ dicuntur; quippe qui sub una specie comprehenduntur, & quia omnes ex anima, & corpore concreti sunt. At quando hominis natura Physicorum more consideratur, duplex in eo natura conspicitur, puta corporis, & animæ in una hypostasi composita. Quis enim tam rudis fuerit, qui ubi anima cum corpore confertur, unam amborum esse naturam dicat? Porro Christi nulla est species: neque enim multi Christi sunt & Deitate, & humanitate constantes Quin potius unus Christus ex duabus, inque duabus naturis agnoscendus. Gregorius siquidem Theologus ait: *Dux quidem sunt naturæ, Deus, & homo; quemadmodum anima, & corpus: at non item duo Filii (b)*“.

**Tractatus
adversus Mono-
thelitas p.
527.**

Tamen si Monothelitarum error in VI. Synodo Generali proscriptus fuisset, non omnino tamen extinctus. Avo enim Damasceni non deerant, qui adhuc sectam illam servarent. Ideo adversus illos hanc conscripsit *de duabus in Christo voluntatibus* Dissertationem, in qua pluribus argumentis, ac præsertim Scripturæ, & Sanctorum Patrum testimoniis luculenter evincit: „In Domino Nostro Jesu Christo, quoniam duæ sunt naturæ, duæ quoque sunt naturales voluntates, ut sit tum perfectus Deus, tum perfectus homo; nec ei ulla divinitatis, ullave humanitatis proprietas desit (c). Sunt autem pro naturarum diversitate duæ voluntates, non contrariæ. Non enim humana naturalis voluntas divine adversatur, nec naturalis volendi facultas, nec quæ ei natura subiecta sunt, nec ejusmodi facultatis usus. Divina quippe voluntas naturalium omnium creatrix est: Quæ autem contra naturam sunt, ea voluntati divinæ repugnant, nempe criminalium voluptatum pro sui sententia animi appetitus, idest peccatum. Hoc Dominus non assumpsit: *Peccatum enim non fecit, nec dolus inventus est in ore ejus (d)*“.

**Tractatus
adversus Nesto-
rianos p.
555.**

Eadem ferme methodo & adversus Nestorianos dimicat, ut evincat, unam esse in Christo Personam, & quidem Verbi etiam post Incarnationem Patri consubstantialis. In hoc vero tractatu ea vi, arte, perspicuitate pugnat, ut vel unum hoc opusculum sufficere valeat tum ad obfirmandos fidelium animos contra grassantem Socinianorum luem, tum etiam ad illos ad Catholicam Fidem revocandos. Ad unicum monumentum, quo de primæva traditione constare potest, Auctor provocat; ad Nicænum videlicet Symbolum, quod Nestoriani ceu tesseram fidei amplecti non dubitabant.

De

- (a) *Ibid.* pag. 523.
(b) *Ibid.* n. 7. pag. 525.
(c) *Ibid.* n. 26. pag. 542.
(d) *Ibid.* n. 27. pag. 542.

De æterna Christi generatione loquens, dicit esse *ex Patre ante secula sine corpore*, & *causa* (a); sumens scilicet nomen *causæ*, tamquam quid distinctum a principio; ut solent Latini Patres, qui Patrem quidem principium Filii dicunt, at non *causam*, cum *causæ* notio penes ipsos dependentiam, & inferioritatem in effectu arguat: at non ita notio *principii*. Consentit, Virginem dici posse & *Christiparam*, quippe quæ Christum genuit. „At quia (subdit) iusto Dei iudicio immixtus, pestilentissimusque Nestorius ea „voce ad nominis *Deiparæ* extinctionem est abusus, non *Christiparam*, sed a meliori *Deiparam* eam nominamus (b)“.

In altero vero Tomo, cujus non meminit Auctor Gallus, vel ut compendiosius ageret, vel quia in eo contenta opera pleraque ægre Analysim admittunt, hæc continentur Opera, quæ quoquomodo recensenda sunt, ut uberius habeatur Operum Damasceni notitia. Primo itaque loco sunt Commentaria in Epistolas D. Pauli, ante Lequentii editionem nunquam edita. Sunt autem illa brevia quædam Scholia, ex Chrysostomi præsertim, & aliorum Auctorum expositionibus accepta. Hinc integræ quandoque Chrysostomi sententiæ; nonnihil mutatis vocibus, referuntur; quandoque voces dumtaxat aliquot, quandoque nihil præter S. Doctores sensum, quem identidem quibuscumque in locis Damascenus clarius reddit. Occurrunt etiam hinc inde multa, quæ Chrysostomus in homiliis non habet; in primis vero in Commentario in Epistolas ad Ephesios, ad Colossenses, ad Philippeneses, & ad Thessalonicenses, in quo nihil, quod ex S. Doctore acceptum sit, occurrit. Sæpe vero concordat cum Theodoretis, nec non cum Cyrilli Alexandrini expositionibus, quas Ecumenii catena exhibet.

Sunt parallela Damasceni veluti collectanea tum ex Scripturis, tum ex selectissimis quibusque, & elegantissimis eruditissimorum Theologorum sententiis contexta, atque in locos varios digesta; ex quibus uberem non modo pietatis, sed etiam doctrinæ fructum Lectores decerpere queunt. Sunt autem in viginti quatuor libros, quot sunt Alphabeti Græci literæ, digesta; omniaque in illis contenta ad tres classes revocari possunt: prima ea complectitur, quæ ad res divinas pertinent; secunda de rerum humanarum statu pertractat; tertia denique vitia, & peccata respicit.

Sequuntur nonnullæ Damasceni homiliæ, quarum prima est de Christi Transfiguratione, quam licet in aliquo Codice Joanni Antiocheno Presbytero nescio cui attribui referat Combefisius in Bibliotheca Concionatoria, stylus tamen, dictio, & perorandi modus Damasceno congruunt. In Palæstina habita est ipso Transfigurationis Dominicæ Festo in Ecclesia celebratissima, quæ in ejusdem Transfigurationis memoriam, & honorem in Monte Thabor extructa est. Nam vetustissima traditio erat, Dominum in montis hujus vertice

S. JO. DAM.

Commentaria in epistolas D. Pauli pag. 1.

Parallela p. 279.

Homiliæ S. Joannis Damasceni p. 791. Homil. de Transfiguratione.

(a) *Ibid.* n. 43. pag. 570.(b) *Ibidem*.

veritatem divinæ gloriæ suæ Discipulis suis tribus specimen exhibuisse (a). In hac Homilia de S. Petro sic habet: „Eum, qui primus vocatus, sequutusque est, erudit, quem prænotione sua dignum, Ecclesiæ prædestinaverat Antilitem (b)“. Querens autem, cur non omnes Apostoli ad Transfigurationis miraculum accersiti sint, hanc causam assignat: „Oportebat, ut gloriæ inspectores fierent, qui postmodum essent spectatores cruciatuum futuri. Tres autem numero, ut Trinitatis Mysterium subindicaret; quia item sub duobus, vel tribus testibus omne verbum stabit (c)“.

Homilia de
Resurrectione
Christi
pag. 804.

Homilia secunda est de Resurrectione Christi, habita in secunda sancta, & magna feria. In ea adversus Docetas, & Apollinaristas assumptam a Christo animam ostendit, quam pro amicis suis poneret.

Sermo in
Sancta Parasceve
p. 810.

Sermo tertius est de Parasceve, & Cruce Domini. In aliquibus Codicibus Chrysostomo perperam adscribitur. Passionem Domini describit, Christumque in Cruce pro omnibus orasse dicit, scribens: „Ecquibus tandem peccatorum remissionem postulavit Christus dicens: *Pater, dimitte illis peccatum?* Græcis, Judæis, peregrinis, barbaris denique omnibus (d)“.

Sermo in
Sabbatum
Sanctum
p. 815.

Sequitur quarto loco sermo in Sabbatum Sanctum. In eo totus est Damascenus in explicando duplici Trinitatis, & Incarnationis Mysterio. Duas contra Eutychem ostendit in Christo naturas (e); non unius ex duabus compositæ; proinde duplicem in eo admittendam voluntatem, & operationem contra Monothelitas (f). Querit autem, quomodo Christus, qui in Parasceve mortuus est, revixitque una Sabbatorum, eum tres dies egisse in corde terræ dicendum sit? Et responderet, noctis tenebras in Christi morte super universam terram opusculas pro nocte computandas (g).

Homilia de
Beata Virgine
p. 831.

Quatuor subsequuntur Homiliæ de Beata Virgine, quarum prima est in Annunciationem Dei Genitricis, quæ cum græce non reperitur, est ex Arabico Codice desumpta; sed magna ex parte manca videtur, & mutilata, nec integre reddita ab Interprete Arabico. Hinc est, quod Damasceni ingenium, venamque non satis ubique referat, quam tamen prima orationis pars non male repræsentat. Altera est in ejusdem Virginis natalitium diem, quæ plurimas complectitur Deiparæ laudes. Illud tamen notandum, quod Damascenus non futuram Incarnationem sensit, si peccatum defuisset. Sic enim scribit: „Ubi abundavit peccatum, superabundavit gratia. Nam si primam cum Deo societatem conservavissimus, præstantiorem, atque admirabiliorem nequaquam nacti esse-
mus

(a) Lequien. in Notis pag. 791.

(b) Ibid. n. 6. pag. 795.

(c) Ibid. n. 7. pag. 796.

(d) Ibid. n. 9. pag. 815.

(e) Ibid. n. 13. pag. 821.

(f) Ibid. n. 16. pag. ead.

(g) Ibid. n. 26. pag. 826.

„mus (a)“. Ejusdem est argumenti, quæ consequitur, homilia. Quarta vero, quinta, & sexta sunt in dormitionem gloriosissimæ, ac benedictæ Dei Genitricis, semperque Virginis Mariæ. De ea scribit: „Ad Filium suum emigrantem . . . stipabant Apostoli, atque afflatorum a Deo Patrum infinita multitudo, ab ipsis Orbis finibus divino Filii sui jussu . . . in sacram Hierosalem congregata (b)“; quod & repetit homilia secunda, in qua fusiùs dormitionem Virginis, ejusque in Cælum assumptionem juxta Hierosolymitanæ Ecclesiæ traditionem describit; juxta quam dicit, „Christum ad jamjam morituram Matrem advenisse, ut divinis suis, ac purissimis manibus intaminatam, & labis expertem ejus animam susciperet (c)“. Postquam vero spiritum suum in Filii manibus deposuit, audita sunt Angelorum cantica . . . quorum alii in Cælum scandentem animam stipabant, quousque regio Solio Reginam sitterent; alii divinum, & sacrum corpus cingebant, & hymnis Dei parentem celebrabant . . . Abluitur aqua pura, non quæ ipsum mundaret, sed quæ potius mundaretur . . . deinde puris linteis purum corpus involvitur, lectoque imponitur; mox lampades adhibita, & unguenta, hymnique funeri deducendo idonei (d) . . . Tum Arca Domini . . . venerandis Apostolorum humeris gestata . . . primum per mediam urbem ducitur . . . atque ita ad Sanctissimum Gethsemanes locum deferitur (e) . . . ubi sanctissimum corpus clarissimo, præstantissimoque tumulo imponitur; unde triduo post in Cælum attollitur . . . Nam sicut sanctum, incorruptumque illud corpus, quod Deus ex ea personæ suæ copulaverat, tertia die e monumento surrexit; sic etiam hanc e tumulo abripi, Matrem, que ad Filium migrare par erat (f)“. Quam traditionem confirmat ex quadam Euthymiaca Historia, quam integram recitat (g).

S. JO. DAM.

Sequitur Homilia in laudem S. Joannis Chrysostomi; & alia laudationem continens Sanctæ Martyris Christi Barbaræ; ac denique Tomum claudunt preces tres Damasceni ante divinæ Eucharistiæ sumptionem recitandæ.

Sunt vero & nonnulla Opera vel dubia, vel supposititia, quæ in Calce Voluminis primi rejecta sunt.

AR-

-
- (a) Homil. in Nativit. Mariæ Virginis n. 8. pag. 846.
 - (b) Homil. 1. n. 9. pag. 864.
 - (c) Homil. 2. n. 10. pag. 874.
 - (d) Ibid. n. 11. pag. 875.
 - (e) Ibid. n. 12. pag. ead.
 - (f) Ibid. n. 14. pag. 876.
 - (g) Ibid. n. 18.

ARTICULUS TERTIUS.

Præstantiora Damasceni testimonia, Dogmata, Mores, & Fidem spectantia.

De Sacra
Scriptura.

PER Spiritum Sanctum & lex, & Prophetæ, & Evangelistæ, & Apostoli, & Pastores, & Doctores loquuti sunt... Hoc asserunt Scripturæ Sanctæ, ut ad bonas actiones, & ad puram contemplationem nos componant. In eis namque tum cohortationem ad omnem virtutem, tum ab omni vitio dissuasionem invenire est (a)... Maxima damna patimur, ubi sacros libros legere, eosque secundum Dei sermonem scrutari negligimus. At miles quidem dicit: sum miles, nec opus mihi est lectione; Agricola vero agrorum præterdit culturam; & alii subinde idem effutunt: & omnes deficientes sumus (b)“. Damascenus sentit, „tantum viginti duos libros esse Veteris Testamenti, totidem quot Hebraicæ linguæ elementa sunt“; & licet honorifice sentiat de libro *Sapientiæ*, & *Ecclesiastici*, dicit tamen: „Hi libri, quamvis alioquin præclari, & elegantes sint, non tamen illis aliis annumerantur, neque in Arca positi errant (c)“. De libris vero Judith, Tobie, & Machabæorum nihil habet. Novi Testamenti communem Canonem amplectitur, solumque addit canones Sanctorum Apostolorum per Clementem, ut ipse arbitrabatur, concinnatos (d).

De Traditione.

„Non solum Ecclesiæ leges scriptis sanxerunt, verum etiam citra Scripturam certa quædam tradiderunt Apostoli. Unde Basiliius... ait: Ex illis dogmatibus, & prædicationibus, quæ in Ecclesia conservantur, alia ex scripta doctrina tenemus, alia ex Apostolica traditione secreto concessa accepimus; quæ quidem utraque vim parem habent ad pietatem... Nam si consuetudines illas, quæ scriptæ non sunt, tamquam magni non sint momenti, rejicere aggressi fuimus, imprudentes profecto iis, quæ in Evangelio potiora sunt, damnum inferemus... Sed enim undenam novimus Calvariæ locum? vitæ sepulcrum?... Unde habemus ut Baptismus terna meritatione fiat? Unde quod ad Orientem conversi precemur? Unde Sacramentorum institutio (e)? Est autem hæc traditio ex illis, quæ in Scripturis minime expressæ sunt, ut Crucem, & Imagines veneremur (f)“.

„San-

(a) De Fid. Ortod. cap. 17. pag. 282. Tom. 1.

(b) De Draconib. Tom. 1. pag. 472.

(c) De Fid. Ortod. lib. 4. cap. 17. (d) Ibidem.

(e) Orat. 1. de Imag. n. 23. pag. 318. Tom. 1.

(f) De Fid. lib. 4. cap. 10. pag. 281.

„ Sanctas sex Synodos recipio (scribit Damascenus)... & omnia,
 „ quæ ab eis definita sunt, amplector, lubensque suscipio omnes, S. JO. DAM-
 „ quos susceperunt; & detestor, & anathematizo omnes, quos ab- De Conci-
 „ jecerunt (a). Penes Imperatores non est, ut Ecclesiis leges
 „ sanciant... Attende, quid dicat Apostolus: *Et quosdam quidem*
 „ *posuit Deus in Ecclesia primum Apostolos, secundo Prophetas,*
 „ *tertio Pastores, & Doctores ad perfectionem Ecclesie.* Non adjecit
 „ Imperatores (b). His de rebus aliquid statuere non ad Impera-
 „ torem spectat, sed ad Concilia (c).
 „ Credo (scribit) in Patrem, & Filium, & Spiritum San- De Trinita-
 „ ctum; Trinitatem consubstantialiam, & unitatem in tribus hy- te & Incar-
 „ postasibus subsistentem, in nulla re discrimen habentibus, nisi natione.
 „ in eo, quod alia ingenta, alia genita, alia procedit (d).
 De Processione Spiritus Sancti non uno modo loquitur Damascenus. Modo enim dicit, „ procedere a Patre, & in Filio con-
 „ quiescere, ipsumque declarare, & exprimere (e); modo „ Fi-
 „ lii quoque spiritum dici non veluti ex ipso, sed per ipsum a Pa-
 „ tre procedens (f) (1). „ Unigenitus Filius infinita sua bo-
 Tricalet, Tom. VII, Y „ nitate

(a) De rect. sent. n. 7. pag. 394. T. 1.

(b) Orat. 2. de Imag. n. 12. pag. 336. T. 1.

(c) Orat. 1. pag. 329. T. 1.

(d) De rect. sent. n. 1. pag. 391. T. 1.

(e) De Fid. Orthod. lib. 1. cap. 7. pag. 130. T. 1.

(f) Ibid. cap. 12. pag. 149.

(1) Alicui tamen Damascenus asserere videtur, Spiritum Sanctum
 a Filio non procedere. Sic enim scribit: „ At vero illum (Spiritum
 „ Sanctum) ex Filio esse non dicimus. Filii tamen Spiritum vocita-
 „ mus (g). „ Et alibi repetit: „ Spiritus Filii, & non ex Filio (h).
 Et rursum: „ Spiritum Sanctum colimus tamquam Dei, & Patris Spi-
 „ ritum, ex ipso nempe procedentem, qui tamen etiam Filii dicitur, quod
 „ per ipsum manifestatum, rebusque conditis impertitum, non autem ex
 „ ipso habens, ut existat (i). „ Quibus permotus testimoniis, veritus
 non est D. Thomas, alioquin modestissimus in censura ferenda de Patrum
 dictis, Damascenum inter eos enumerare, qui Theodoretum errorem sequuti
 sunt (k). Sed mox subjungit: „ quamvis a quibusdam dicatur, Dama-
 „ scenum, sicut non confitetur, Spiritum Sanctum esse a Filio, ita et-
 „ iam non negare ex vi verborum illorum. „ Unde apparet, S. Docto-
 rem benigniori expositioni non se opponere. Explicare itaque possumus
 Damasceni verba, quibus Spiritus Sancti processionem potius per Filium,
 quam ex Filio appellandam censet, & soli Patri dicit esse tribuendam;
 non quia Filius Spiritum Sanctum non edat, sed quia nonnisi per virtu-
 tem a Patre acceptam eundem spirat, ac proinde solus Pater sit a se
 principium Spiritus Sancti. Doctores enim Græci negant quidem, Spi-
 ritum Sanctum ex Filio procedere, vel existere; ne speciali quadam actio-
 ne, quæ a Paterna distincta sit, putetur a Filio produci. Docent vero,
 per Filium progredi, ut illius actionis naturalis, qua Pater profundit Spi-
 ritum Sanctum, nequaquam exors sit Filius, quamvis Pater solus fons,
 principium, auctor Spiritus habeatur. Vide Lequien. hic p. 141.

(g) Ibid. cap. 10. pag. 141. (h) Ibid. cap. 12.

(i) Hom. de Sabb. Sancto T. 2. (k) 1. p. q. 30. a. 2.

S. JO. DAM.

„ nitate beneplacito Patris incarnatus est absque semine de Spiritu Sancto ex Maria Sancta, perpetuaque Virgine, & Deipara postremis temporibus . . . cum maneret id, quod erat. Deus perfectus, & consubstantialis Patri factus est, quod non erat, perfectus homo cum matre, tum nobis consubstantialis, carne animata anima rationis, & intelligentiæ particeps. Unumque adeo esse Christum, unum Dominum, unum Filium Dei, & Hominis, hypostasi una composita ex deitate, & humanitate (a). Ex duabus naturis perfectis, hoc est divina, & humana unio facta est non ad modum conspersionis, nec per confusionem, vel commixtionem . . . sed per compositionem, hoc est secundum hypostasim sine ulla conversione, nec confusione, nec mutatione, nec divisione, nec distantia (b). Pluribus in locis invicte probat Damascenus, in Christo „ sicut duas naturas, ita duas esse & voluntates, & operationes (c). Quamobrem in Domino Jesu Christo, quia duplex est natura, duplex quoque est actio, ut sit perfectus Deus, & perfectus homo . . . ut divino, atque humano modo velit; omnipotenti, ac sine passione ratione divinæ naturæ, imbecilliter, & patiendo ratione humanæ (d). . . . Nulla tamen contrariæ voluntatis sententia. Ejus enim humana voluntas subiecta erat divinæ ipsius, Patrisve voluntati, ut ea vellet, quæ divina ejus voluntas ipsum volebat velle (e). . . . Hinc Sanctam Virginem Dei propriæ, & vere Genitricem prædicamus . . . Non enim hominem purum Sancta Virgo genuit, sed Deum verum; non nudum, sed carne vestitum; nec ita, ut, corpore de Cælis allato, per eam velut per canalem transierit, sed ex ipsa carnem ejusdem, ac nos, substantiæ acceperit (f). . . . Sanctam Virginem neutiquam Christiparam nuncupamus, quia ad abolendum Deipara vocabulum Nestorius hoc nominis excogitavit (g). Tradit: „ Constituto tempore, novem expletis mensibus, & inchoato decimo, sua lex partui constitit, pariens autem sine ullo sensus dolore generationis legem superavit. Quam enim voluptas non antelavit, nec dolor sane ea parte subsequutus est . . . & ille, qui conceptus fuit, eam, quæ conceperat, Virginem servavit; sic nascendo virginitatem ejus incolumem custodivit (h). „ Circumcisio Abraham ante legem . . . data est tamquam signum, quod eum, liberosque ejus, ac posteros a Gentibus, quibuscum morabatur, distingueret . . . Ea porro Baptismi fignra

De Sacramentis.

(a) De rect. sent. n. 2. pag. 392. T. 1.

(b) De Fid. lib. 3. pag. 207. T. 1.

(c) De rect. sent. n. 4. pag. 394. T. 1.

(d) De divab. volunt. n. 35. pag. 348.

(e) Ibid. n. 39.

(f) De fid. lib. 3. cap. 12. pag. 222.

(g) Ibid. pag. 223.

(h) Ibid. lib. 4. cap. 14. pag. 276.

„gura erat. Sicut enim circumcisio superfluum excrementum ab-
 „scindit, ita per Sanctum Baptisma peccatum a nobis amputa-
 „tur (a) . . . Baptismus mortem Domini significat : per Baptis-
 „mum enim cum Domino sepelimur . . . Qui in Patrem, &
 „Filium semel baptizati Baptismum repetunt, ii Christum rursus
 „crucifigunt (b). At qui in Sanctam Trinitatem baptizati non
 „sunt, hi denuo baptizentur necesse est (c) . . . Baptismus, qui
 „trina immersione peragitur, tres dies significat, quibus Dominus
 „tumulo conditus jacuit. Quare in Christum baptizatum esse,
 „nihil aliud indicat, quam in illum credendo salutifera aqua tин-
 „gi. Fieri non potest, ut in Christum credamus, nisi Patris, &
 „Filii, & Spiritus Sancti confessione imbuti simus (d) “. Octo
 „enumerat Baptismi genera, inter quæ & Pœnitentiæ Baptismum
 „collocat, „quod in Pœnitentiâ (scribit), & lacrymis versatur,
 „est sane grave, & molestum “; & Baptismum, „qui sangui-
 „nis profusione & martyrio perficitur . . . estque illud perquam
 „augustum, & beatum quod nullis posthac sordibus inquinetur (e).
 „Christus ex sancto, & immaculato suo latere veniæ fontem e-
 „misit, aquam scilicet ad generationem . . . sanguinem vero in
 „potum, qui vitam æternam procuraret (f) . . . Si sermo Dei
 „vivus, & efficax, & omnia quæcumque voluit, Dominus fecit
 „. . . si ipse Deus Verbum ex sanctis, semperque purissimis
 „Virginis, intaminatisque sanguinibus ipse sibi nullo semine car-
 „nem compegit; cur demum panem Corpus, vinum item, & a-
 „quam Sanguinem suum efficiendi potens non sit? In principio
 „dixit : *Producit terra herbam virentem*; & ad hanc usque diem,
 „accedente imbre, divino præcepto impulsâ, & roborata sæctis
 „suos profert. Dixit perinde Deus : *Hoc est corpus meum*; & :
 „*Hic est Sanguis meus*; & : *Hoc facite in meam commemorationem*;
 „nem; idque omnipotenti ejus præcepto, donec veniat, efficitur
 „(ita quippe dictum est : *donec veniat*); per invocationem huic-
 „ce novæ segeti imbre superveniente; Spiritus Sancti nimirum
 „obumbrante virtute. Velut enim quidquid fecit Deus, id Spi-
 „ritus sancti fecit opera; ita nunc quoque Spiritus Sancti ope-
 „ratione facta sunt, quæ naturæ modum excedunt, quæque nisi
 „fide sola nec capi queunt, nec intelligi. *Quomodo mihi accidet*
 „*istud*, inquit Virgo Sancta, *quontam virum non cognosco?*
 „Cui Gabriel Angelus : *Spiritus Sanctus superveniet in te, &*
 „*virtus Altissimi obumbrabit tibi*. Tu quoque nunc quæris; quî
 „panis fiat corpus Christi, & vinum, & aqua Sanguis illius?
 „Ego vero tibi repono, Spiritum Sanctum supervenire, & ea fa-
 „cere, quæ sermonem, conceptumque omnem exsuperant. Panis

St. Jo. Dam.

Y z

„ por-

(a) *Ibid. cap. 25. pag. 298.*(b) *Ibid. cap. 9. pag. 289.*(c) *Ibid. pag. 260.* (d) *Ibidem.*(e) *Ibid. pag. 261.* (f) *Ibid. pag. 260.*

„ porro, vinumque adhibentur; quia, cum Deo explorata sit im-
 „ becillitas humana, quæ ut plurimum ea averfatur, quæ usu mi-
 „ nime trita sunt, hinc fit, ut pro solita sua erga nos indulgentia
 „ per ea, quæ naturæ familiaria sunt, res natura sublimiores effi-
 „ ciat. Et sicut in Baptismo quoniam in more hominum positum
 „ est, ut aqua laventur, & unganur oleo, Spiritus gratiam cum
 „ aqua, & oleo copulavit, ut lavacrum illud regenerationis face-
 „ ret: conlimili modo quia hominum consuetudo est, ut panem
 „ edant, vinumque, & aquam bibant; idcirco, conjuncta cum il-
 „ lis sua divinitate, hæc Corpus, & Sanguinem suum fecit, ut
 „ per usitata, & naturæ consentanea assurgamus ad ea, quæ supra
 „ naturam sunt. Corpus est divinitati vere unitum, quod ex Pan-
 „ cta Virgine ortum habuit, non ut illud, quod in Cælo rece-
 „ ptum est, corpus descendat; sed quia panis ipse, & vinum in
 „ Corpus, & Sanguinem Dei transmutantur. Si requiras, quo
 „ pacto istud fiat, sat tibi sit audire, hoc fieri per Spiritum San-
 „ ctum . . . nec amplius quidquam nobis perspectum est, & ex-
 „ ploratum, quam quod Dei sermo verax, efficaxque est, atque
 „ omnia potest: modus vero investigari prorsus nequit. Illud ve-
 „ ro dicere alienum non est, quemadmodum naturaliter panis per
 „ comestionem, vinumque, & aqua per potationem in corpus, &
 „ sanguinem comedentis, & bibentis transmutantur, ut nec corpus
 „ fiant aliud a corpore, quod antea existerat; sic panem, qui in
 „ prothesi preparatus fuit, vinum item, & aquam per Spiritum
 „ Sancti invocationem, & adventum modo, qui naturæ viribus,
 „ & conditione sublimior est, in Christi Corpus, & Sanguinem
 „ converti, ut nequaquam duo sint, sed unum, & idem. Quo-
 „ circa illis, qui cum fide digna suscipiunt, in remissionem pecca-
 „ torum, & vitam æternam cedit . . . Nec vero panis, & vinum
 „ Christi Corporis, & Sanguinis figura sunt (absit); sed ipsum
 „ Domini Corpus Deitate donatum, cum ipse Dominus dixerit:
 „ *Hoc est* non figura corporis, sed *Corpus meum*; neque figura
 „ sanguinis, sed *Sanguis meus* (a) . . . Quod si nonnulli panem,
 „ vinumque Corporis, & Sanguinis Domini *antitypa*, seu imagi-
 „ nes, figuræque vocarunt, velut divinus Basilii; non hoc post
 „ consecrationem dixerunt, sed antequam oblatio ipsa consecrare-
 „ tur, vocem hanc usurparunt (b).
 „ Angelus (scribit) est natura rationalis, intelligens, libera,
 „ mutabilis, cui liberum sit manere in bono, vel in malo infle-
 „ cti; incorporea, immortalis non quidem natura, sed Dei mune-
 „ re, & gratia (1) . . . Per Verbum omnes Angeli creati sunt,
 „ & San-

(a) *Ibid.* cap. 13. p. 268. & seq. (b) *Ibid.* p. 273.

(1) Solemne est Patribus sic asserere Deo immortalitatem, ut cætera ex natura sua subsint interitui, nisi Dei munere immortalitatis participes efficiantur. Id ut astruant, eo utuntur adagio; *ea, quæ initium habuerunt, finem habitura*. Eam igitur solam denegant immortalitatem, quæ essentialis sit, & a Deo non accepta.

„ & Sancto Spiritu sanctificante consummationem acceperunt . . .
 „ Hinc aliunde, quam a natura sua, sanctitatem habent; nimi- S. JO. DAM.
 „ rum a Spiritu Sancto, Dei illustrante gratia, futura prædi-
 „ cunt . . . aliquam etiam quisque terræ partem custodiunt . . .
 „ res nostras gubernant, ac nobis opem ferunt . . . Et quidem
 „ nonnulli eos ante alias res conditas factos esse dicunt, quemad-
 „ modum testatur Gregorius Theologus, in cujus sententiam mani-
 „ bus, & pedibus eo (a). Ex his Angelicis virtutibus Diabo-
 „ lus non natura malus conditus est, sed libera voluntate immuta-
 „ tus est, atque adversus opificem suum Deum se extulit, & ma-
 „ lus evasit . . . Nullam adversus quempiam potestatem habet,
 „ nisi ipsi a Deo concedatur. Demones prædicunt, interdum scilicet,
 „ quia ea, quæ procul geruntur, cernunt, interdum sola
 „ conjectatione; unde & sæpe mentiuntur . . . Quamvis homines
 „ pulsare suggestionibus ipsis permixta sit, nemini tamen vim in-
 „ ferre possunt: in nobis enim situm est suggestionem aut admitti-
 „ re, aut non admittere. Diabolo, & Angelis ejus inextinguibilis
 „ ignis paratus est, ac supplicium æternum (b) “.

„ Deus nobis boni operis potestatem dedit, liberique nos arbi- De Gratia,
& libero ar-
bitrio.
 „ trii fecit, ut tum ex ipso, tum ex nobis oriatur bonum. Deus
 „ quippe omni, qui bonum eligit, adiutor est in bonum; ut ser-
 „ vato, quod naturæ consensaneum est, consequamur illa, quæ na-
 „ turam superant, immortalitatem videlicet, divinitatisque partici-
 „ pationem per unionem cum Deo. Si iis vero naturæ facultati-
 „ bus contra quam ratio præscribit, utamur, comparemur jumen-
 „ tis insipientibus, iisque similes efficiamur (c). Deus ita omnis
 „ boni fons, & auctor est, ut citra ipsius opem, & auxilium bo-
 „ num velle, nec facere possimus; cæterum nobis liberum esse
 „ in virtute præstare, vel a virtute abscedere, hoc est vitio inhæ-
 „ rere (d) “.

Duplicem Damascenus in Deo distinguit voluntatem: „ prima De voluntate
Dei salvandi
omnes.
 „ antecedens dicitur, & beneplaciti, „ cuius ipse causa est, & hac
 „ vult omnes homines salvos esse, & regni sui compotes fieri.
 „ Non enim nos, ut puniret, condidit; sed quia bonus est ad hoc,
 „ ut bonitatis suæ participes essemus . . . Secunda consequens vo-
 „ luntas, & permissio ex nostra causa ortum habens; eaque du-
 „ plex: altera dispensatione quadam fit, & ad salutem erudit; al-
 „ tera a reprobatione proficiscitur, ad absolutam poenam per-
 „ tinens; atque hæc in illis, quæ in nostra potestate non
 „ sunt: eorum vero, quæ in nobis sita sunt, bona quidem prima-
 „ rio Deus vult, & secundum beneplacitum; mala autem neque
 „ primario, neque consequenter vult, sed libero arbitrio permit-
 „ tit

(a) Ibid. lib. 2. cap. 3. pag. 155.

(b) Ibid. cap. 4. pag. 158.

(c) De duab. volunt. n. 19. pag. 338.

(d) De Fid. cap. 30. pag. 199.

„tit (a)“. Quam duplicis in Deo voluntatis distinctionem ad-
struit etiam Chrysostomus (b).

De cultu
Sanctorum
Imaginis, &
Crucis.

„Sanctis ceu Christi amicis, ceu Dei Filiis, & hæredibus suis
habendus est honor; & quia totius generis humani patroni
sunt, Deoque pro nobis supplices preces adhibent . . . Hono-
randi certe, & quidem ita, ut in eorum nomine Deo Tempa
extruamus, dona offeramus, quin immo in psalmis, & hymnis,
& canticis spiritualibus celebremus. Statuas & visibiles Imagines
erigamus. Inter Sanctos vero præcipue honoremus Deiparam,
Baptistam Joannem, Apostolos, & Martyres, Prophetas, Pa-
triarchas (c). Dominus Sanctorum reliquias veluti salutare
fontes præbuit, ex quibus plurima ad nos beneficia manant, sua-
vissimumque unguentum profuit (d) . . . Pretiosum sane, ac
venerabile lignum, in quo se Christus pro nobis hostiam obtu-
lit, utpote sanctissimi Corporis, atque Sanguinis tactu sanctifi-
catum, jure debet adorari. Clavi item, & lancea, & indumenta
& sacra ejus mansiones, hoc est præsepe, specus, golgotha, se-
pulcrum (e). Figuram quoque Crucis adoramus, quamlibet ex
alia materia constructa sit, non quod materiam colamus (hoc
avertat Deus); sed figuram veluti, quæ Christum designat (f).
Quisnam est, qui invisibilis, incorporei, ac figura vacantis Dei
simulacrum effingere queat? Unde extremæ dementiæ, & impie-
tatis fuerit Deum figurare (g)“. Doctrinam suam de cultu
Imaginum Damascenus, pluribus Patrum adductis testimoniis, con-
firmat.

De duplici
poreitate spi-
rituali, &
temporali.

„Ad Imperatorem (scribit) spectat recta administratio: Ec-
clesiæ regimen ad Pastores, & Doctores. Tibi parebimus, o
Imperator, in his, quæ ad hujus sæculi negotia pertinent, in
tributis solvendis, ac vectigalibus . . . Verum ad res Ecclesiæ
statuendas Pastores habemus, qui nobis verbum loquuntur, atque
Ecclesiastica instituta tradiderunt“. Illud adprobat axioma,
quod Chrysostomo tribuit: „Præfectos, qui ab Imperatore crean-
tur, etsi improbi sint, metuere debemus, nec eos aspernari pro-
pter improbitatem, sed dignitatem revereri“.

A R-

(a) *Ibid.* lib. 2. cap. 29. pag. 198.

(b) *Tom.* 9. pag. 711.

(c) *De fid.* lib. 4. cap. 15. pag. 270.

(d) *Ibidem.* (e) *Ibid.* cap. 11. pag. 264.

(f) *Ibid.* pag. 265.

(g) *Ibid.* cap. 16. pag. 280.

ARTICULUS QUARTUS.

Selecta vite spiritualis documenta.

I. **C**ARITAS omnium virtutum apex, ac veluti arx. (*Orat. de Dom. Transfiguratione.*) Caritas virtutum apex.

II. Accedamus ad eum ardenti desiderio . . . Divinum carbonem fumamus, ut desiderii nostri ignis, accepto carbonis ardore, peccata nostra comburat, corda illuminet, divinique adeo ignis commercio inardescamus, & in Deos evadamus. (*De fide orthodox. lib. 4.*) Eucharistiam salutaris effectus.

III. Nec vero panis, & vinum Christi corporis & sanguinis figura sunt, (absit) sed ipsum Domini corpus deitate donatum; cum ipse Dominus dixerit: *Hoc est*, non figura corporis, sed corpus meum: neque figura sanguinis, sed sanguis meus. (*Ibidem.*) Præsentia realis J.C. in Eucharistia.

IV. Crucis signum adorandum nobis est: ubi enim signum fuerit, ibi quoque, & ipse erit. Cæterum materia, ex qua constat figura crucis, nequaquam adoranda est. (*Ibid. cap. 11.*) Crux adoranda.

V. Cum ille, qui in forma Dei existens, forma servi suscepta, ad quantitatem, qualitatemque sese contraxerit, ac corporis figuram induerit, tunc eum in tabellis exprime, & conspiciendum præbe, qui conspici voluit. Inexplicabilem ipsius demissionem exora, ortum ex Virgine, Baptismum in Jordane, Transfigurationem in monte Thabor, cruciatum, & mortem, crucem illam salutarem, sepulturam, resurrectionem, in Cælos ascensum, hæc omnia tum verbis, tum coloribus describe. (*Orat. 1. de imag.*) Imaginum cultus.

VI. Ad Imperatores spectat recta rei administratio; Ecclesiæ regimen ad Pastores, & Doctores. Tibi parebimus, o imperator in his, quæ ad hujus sæculi negotia pertinent, in tributis solvendis, ac vectigalibus, muneraque tua accipiendo, & in quibus rerum nostrarum administratio tibi credita est; verum ad res Ecclesiæ statuendas Pastores habemus, qui nobis verbum loquuntur, atque Ecclesiastica instituta tradiderunt. (*Orat. 2. de imag.*) Duplex potestas temporalis & spiritualis.

VII. Hæc est firma illa, & immota fides, super quam, tanquam petram, Ecclesia fundata est, cujus tu, Petre, merito cognomen tum geris. Adversus hanc inferorum portæ, Hæreticorum ora, Dæmonum organa, impetunt quidem inducent, sed non expugnabunt . . . Hanc suo quidem ipse Christus cruore comparavit: tibi autem, ut fidissimo famulo in fidem tradit. Hanc precibus tuis ita conserva, ut ab omni perturbatione, ac fluctibus immunis sit . . . Id ab eo pete, ut tempestas sedetur, tumultus comprimatur, paxque tranquilla ac fluctuum omnium experta, nobis concedatur. (*De Domin. Transfig. Orat.*) Ecclesia immobilis.

VIII. Mater orationis est solitudo: oratio autem divinæ gloriæ demonstratio. Nam cum oculis omnibus sensibus nobiscum ipsi, & cum Deo versamur, atque ab extrema hujus mundi jactatione velut Oratio solitaria.

S. JO. DAM. velut in libertatem vindicati intra nosipfos sumus, tum demum perspicue Dei regnum in nobis ipsis conspiciamus. Regnum enim Cælorum, hoc est Dei regnum, intra nos est, quemadmodum Christus pronuntiavit. (*Ibidem.*)

Virgo Dei-para. IX. Pignus promissionis, & genitale votum nascituri Dei . . . Oportebat eam (Virginem) in lucem edi, quæ rerum omnium conditarum primogenitum paritura erat. (*Orat. 1. de Nativ. Virg.*)

Laus Deipara. X. Beata Virgo omnium encomiorum legem excedit . . . Maria est civitas refugii omnibus confugientibus ad eam . . . devotum tibi esse, o beata Virgo, est arma quædam habere, quæ Deus iis dat, quos vult salvos fieri. (*Orat. de Assumpt.*)

Assumptio Deiparæ in Cælum. XI. Jam vero, o sacrorum omnium sepulcrorum, dumtaxat post Domini sepulcrum, quod vitæ initium dedit, ac resurrectionis fons fuit, sacerrimum (tecum enim tamquam cum anima prædito sermo erit) ubinam tandem illud minime adulterinum aurum est, quod Apostolorum manus in te condiderunt? Ubi inexhaustæ opes? Ubi pretiosus ille thesaurus, qui vitam suscepit? . . . Ubi denique desideratissimum illud, atque amabilissimum Dei genitricis corpus? Quidnam eam in sepulcro quæritis, quæ ad cælestia tabernacula elata est? quid custodiæ rationem a me exposcitis? Non ea meæ vires sunt, ut divinis jussis oblueter. Relicta sindone sanctum illud, ac sacrum corpus, postquam mihi sanctitatem impertivit, atque unguento, & suavissimo odore me complexit, divinumque delubrum effecit, abreptum hinc abiit, stipantibus Angelis, & Archangelis, atque omnibus cælestibus virtutibus. (*Ibidem.*)

FINIS TOMI SEPTIMI.





